





XV,33









**I**n diser nachuolgenden Tafel  
oder Register. werde begriffē. die  
Titel vnd vberschrift. der gesetze.  
der Newē Reformation der Stat  
Nureberg Nach crist gepurt Tau  
sent vierhundert Vnd in dē newn  
vnd sibentzigstē Jare furgenomē.

**W**er erst Tittel

**G**esetze von eingangē vñ ordnung gerichtlichs vñ recht  
lichs fürnemens. Vnd zu erst sunderlich von mangerley für  
poten der Burgere. Geste. diener vnd Inwoner. anheymisch  
vñ in Irē abwesen. Auch der. die sich verpergē. Vñ die für  
pot vallen zelassen. Vnd von rechtuertigung der burger vō  
den gesten in bestymbter sum. Vñ von vermeidung ewsserer  
gerichte fürnemens bey mercklicher peene.

**W**ie besundern gesetz In dē yetz  
begriffen Tittel gehozende.

**W**as erst gesetz

Von fürnemen der fürpot. wie. wen. vnd an welchen enden  
ein burger dem andern fürpieten sol vnd mag.

**W**as ander gesetz



Von fürpot eines gasts gegen einem burger.

**W**as dritt gesetz

Von fürheischung vnd ladung der burger in Irē abwesen.

**W**as vierd gesetz

Von den die sich inder Stat. oder Im püttelstab verpergē.



4  
oder nit zutreffen sein.

### **Das funft gesetz**

Vō mituolg der erste fürpot der geste vñ burgere auf einē gericht fürgenommen. vnd funft von dem vorgangk des erste fürpots

### **Das sechst gesetz**

Von fürpoten. weñ. wieofft. vñ mit was vnterschied ein clager die vallen lassen mag.

### **Das sibend gesetz**

Vō fürpotten vñ verkündungē. der diener. Böldner Eehalten vñ Inwoner. das es damit gen Ine gleich wie gen purz gern gehalten werden sol.

### **Das acht gesetz**

Von Rechtuertigung der burgere vō den geste. vmb schulde. xxxij. guldin landswerung nit obertreffend. mit hilf auf das erst oder ander gericht vnuerzōgenlich.

### **Das newnd gesetz**

Das alle purgere. Eehaltē. vnd andere weltliche personen. diser Stat oder irē vnttergerichte vntterworffen. vmb sachen darumb der werltlich richter richtē mag vñ zerichtē hat An dheyne aufwertigen gericht fürnemē. laden. beclagē. oder rechtuertigen. sonnder vor seinem ordenlichen Richter beleibē lassen sol. bey peenen der verlust der sache. vñ funftzig guldein. aufgenommen In ertlichen vellen.

### **Der Ander Tittel**

**G**esetze von allerley gewälten alhie vnd enderswo. Auch der gesipten.



5  
Wie besondern gesetz in den yetz/  
begriffen Tittel gehozende.

**Was erst gesetz**

Von gewelten alhie vor dem Richter oder gerichtschreis  
ber erkant vnd eingeschriben.

**Was ander gesetz**

Von gewälten anderswo außgepracht.

**Was dritt gesetz**

Von bestalt In gericht zu versichern. der Jhenen die sich  
vndersteen Ir gesipte freunde zuuertreten.

**Der dritt Tittel**

Wesetze vō fürnemē mangerley gerichtlicher verkundung  
vor angefangtē. oder In hangendē rechten. Auch verhinde  
rung auß eehafft. vñ von verpott offentlichen anschlahung.

Wie besondern gesetz in den yetz/  
begriffen Tittel gehozende.

**Was erst gesetz**

Von erstlicher verkundung außserhalb hangends rechten.  
Da mit gemesse der fürpott fürzenemen vnd zehalten.

**Was ander gesetz**

Von aufgelegter verkundung der partheyen. anderer pers  
sonē die sie fürsleht. vñ vō abschied der verkundtē auf ge  
wonliche vrfrag. Oder die sachen alsdan .auf Irer vñ der  
andern par theyen fürbringen entscheiden zelassen.

**Was dritt gesetz**

Vō verkundūgē in hangendē rechtē wie die beschehē sollē

## **Was vierd gesetz**

Von verkündungen. gerichtliche bekantnuß oder vollung.  
zeuernewen. Wie vnd wohin die beschehen sollen.

## **Was funft gesetz.**

Von ver hinderung zu erscheynen auf Gehaffter not.

## **Was sechst gesetz**

Von verpott aller offentlich anschlagung bey bestympter  
peen vnd erlaubung herprachter gewonlicher oberantwortung  
vnd eröffnung der hendele.

## **Der vierd Tittel**

Gesetze von mancherley gerichtlicher verpott d geste. mit  
vntterschied. Auch irer nachuolg vnd verkündung ober land  
auf dieselbē. vñ gen den Trünnigē vñ irer habe antastung.

Die besondern gesetz in den yetz/  
begriffen Tittel gehozende.

## **Was erst gesetz**

Von verpott der geste auf vrlaub des Rats oder Bürger  
meisters. vnd der geste verpflicht. vnd erledigung auf recht  
vnd Irer hanthabung zufronest auf ir ungehorsam.

## **Was ander gesetz**

Von nachuolg der verpot der zeithalb mit peen der erlesch  
ung derselben.

## **Was dritt gesetz**

Vñ verkündung ober land den geste auf verpott irer habe.

## **Was vierd gesetz**

Von verpott der geste gen andern gesten.

## **Was funft gesetz**

Von hanthabung der geste habe von ire wirt omb zerung.

## **Was sechst gesetz**

Von verpott gen den Trünnigen fürzenemen.

### Was sibend gesetz

Von den. die satzunghalb der schuld. od̄ sunst für trünig an gegeben werde. vñ von verpottung vnd antastung der habe deßhalb fürgenomē. vñ vō der peene Irres misprauchs. vñ gepürlicher weisung. aufzüge oder sunst mit vnterschied.

### Der funft Tittel

Gesetze von verrer gerichtlicher vbung des fürpringens der partheyen. mit einschreibung der Clage. vñ ordnung be derteil fürpringens. Auch vō erfuchung der Aduocaten. vnd wandel der vngheorsamen. vñ vō vnuerzogenlicher hilf ver fallener schulde. Auch von erleschung der gerichtshennel. vnd rechtlicher hilff gen den vngheorsamē verantwortern.

Die besonndern gesetz in dē yetz begriffen Tittel gehozende.

### Was erst gesetz

Von einschreibung oder vberantwurtung der Clage In das gericht zu welcher zeit das beschehen sol.

*no die Clage  
eingeführt*

### Was ander gesetz

Von des antwurtters antwort vber viertzehen tag Oder darnach vnuerkündet.

*no*

### Was dritt gesetz

Von ordnung rechtlichs fürpringens beder partheyen vnd Irer Anwälte vnd zwifachung der schrift vñ briefe vnuer ändert. vnd von peenen der verhandler.

### Was vierd gesetz

Von peene vnd puf der schmechwort. vñ eussern vndienstliche hēdel so durch die selbsacher. od̄ ir procuratores in irē fürpringē wid̄ ir wid̄sachē fürgenomē vñ geprauch̄t werde.

*no  
Dung.*

### **Das funft gesetz**

Von erfuchung des Clagers vñ verantwortters Ihrer Aduocaten. vnd irer zuge der zehē tag zu der einrede vñ nachrede der eroffern Aduocatenhalb. vñ der benügde Ir yedes eines Aduocaten. vñ freyer handlung der vbrigen.

### **Das sechst gesetz**

Von dem wandel der vngheorsamen. der bekantnuß Ihrer antwortthalb.

### **Das sibend gesetz**

Von vollung vñ hilff des rechten. auf vngheorsam der verantwurtter.

### **Das acht gesetz**

Von vnuerzogenlicher antwurt bekanter schulde one frist. vñ schreibung der vollung one zug der vierzehen tag. Oder auf span der sachen disen schub zehaben.

### **Das newnd gesetz**

Vō erleschung der gerichtshendel auf absterbē d̄ parthey en einer. vor bestetigte rechtliche krieg. vnfürgenomē eynich er hangender Appellacion. vō vntterredlicher vrtail vñ auftrag derselben sachen. vnd erlitner Cost vnd schedenhalb.

## **Der Sechst Tittel**

Gesetze vō mächerley rechtlicher vbung in der hauptsach Clage vñ antwortweise. Auch der gerichtsschedē. vnd von spēnung omb das so der dritt Jmhat. vñ vō vertretung der frawen von irē māne. Auch irer Clage vñ ir yettweders vertretung des andern in gemeiner schulde. vñ vō vorbehaltig aller aufzuge vñ notturfft. Auch vō fūrnemē der gelter vor dē zil. vñ widrechtē des gasts. Auch vō den pennigē vñ ächtern vnuerhindert der fery verscheynpottung zethun. vñ von den symnlosen vñ andern die sichselbs mit vertretē mögen. Auch vō ledigung des verantwortters vnbestetigt d̄ clage

des clagers vñ vō entlichē aydē. die nach beschließ d̄ weisig  
fürzenemē vñ vō heymwerffung derselbē. auch auf moltigē  
mund. vñ in ewssern geschichtē. vñ vō verpott des spilgelts.

## Die besondern gesetz in den yetz/ gesetzten Tittel gehorende.

### Das erst gesetz

Von yederer partheyen beger der Condemnacion der ges  
richts Cost vñ schedē. vñ rechtlichem entschied derselben in  
entlicher vrtail vñ irer messigūg auf fürpot one verkündūg.

### Das ander gesetz

Von spennē zweyer partheyen. gelts oder guts halbē so der  
dritt Innhat.

### Das dritt gesetz

Von vertretung des mañs seiner Eelichen frawen.

### Das vierd gesetz

Von clagen der frawē irer selbs besomnderer habehalbē.

### Das funft gesetz

Das die celeut vmb irer beß versammet schulde einand In  
rechtē clag vñ antwortweise vertreten vnd verwesen mögē.

### Das sechst gesetz

Von vorbehaltung aller rechtlichen aufzuge vnd antwort.

### Das sibend gesetz

Von fürnemē vñ beclagē der verantwurter wider die Cla  
ger in hangendem rechten des clagers.

### Das acht gesetz

Von fürnemē der gelter vor dē zil oder frist. mit erstreckūg  
soul zeit nach der rechten frist. Er erscheyne dann trünnig.  
Auch von entrichtung der gerichts Cost vñ scheden. den  
Ihenen die vmb mer dan die sum̄ trifft beclagt werden.

10

### Was newnd gesetz

Von wider rechten des gasts gen einem Burger.

### Was zehend gesetz

Von den die in dem panne oder acht sein. das die nicht cläger sein mögen.

### Was aylft gesetz

Von abstellung aller freyung vnd fery. dermaß. das vnuerhindert derselben. fürpott. verkundung. anpieten. vnd andre gerichtliche volziehung mögen fürgenommen werden.

### Was zwelft gesetz

Wie es mit den vnmündigē. vñ dē die in gewalt irer vormünde steen. vñ den synlosen. vñ den gestrafften in gefengnuß. mit clagen vnd antwurten sol gehalten werden.

### Was dreyzehend gesetz

Vō entledigūg der verantwurtter. die vō den clagerē Iren halb vnberweist. vñ wider verschēlich vermutūg beclagt werden mit vntterschied.

### Was vierzehend gesetz

Vō dē Ihenē die vñ bezalūg vñ aufrichtūg etlicher Kauf Sum. oder gelihen gelts. gar oder eins tails. als dauor vnēricht beclagt werden.

### Was funftzehend gesetz.

Vō ledigūg des verantwurtters. so der clager seinē spruch nit betworen. noch dem verantwurtter das zethun gestatten wil vnd von erlangung der clage auf einen zeugen.

### Was sechtzehend gesetz

Von den entlichen aiden der entschied der haubtsach. vor volfürung der partheyen beweifung. Inen die nit zuerteilē. sonder darnach auf gepruch volliger beweifung.

### Was sibentzehend gesetz

Von entlicher betwörung oder aide. so ein parthey der an

11  
dem haym würfft. außserhalb rechtlicher bekantnuß od vrs  
teil. wie es damit solle gehalten werden.

### **Was achtzehend gesetz**

Von dem aide auf moltmigem munde. vnd In ewssern vñ  
frömden sachen vnd handlungen.

### **Was newnzehend gesetz**

Von verpott aufstendigs spilgelts vnd affterwett. vñ von  
erfordrung verlorems spilgelts vñ dē gewynnern. durch die  
verlieser. oder ire erben. eltern. oder vormund. oder ir nehste  
freunde. oder aber den pfentter.

### **Der sibend Tittel**

Gesetze von ewssern vorderunge In ditz gericht nicht ge  
hörig. sond für die funf. für ernstlich recht. od i lehēgericht.

Wie besondern gesetz in dē yetz/  
begriffen Tittel gehozende.

### **Was erst gesetz**

Vñ sprüche die nit für ditz gericht Sonder für einē Rate  
oder die funf gehözend.

### **Was ander gesetz**

Von sprüchen ernstlichs recht vnd fraiß berürende.

### **Was dritt gesetz**

Von sprüchen. manlehen. vorsthube. zeidelgüter. waltrecht  
vnd andere ewssere gerichte berürende.

### **Der Acht Tittel**

Gesetze vñ mangerley weisung vñ irer zulassung. Per vñ  
Eude der genantē. Rechtuertigung der zeuge. irer verhörig  
vñ aide auf das Ja. auch irer öffnung. vñ ertlicher nit zulass

fung. auch auf aufstreglich artickel. gepruch d̄ personenhalb  
der kuntschafft. vnd vorerteylung zukünfftiger gedechtnis.  
auch vō erzewgung d̄ geschefte. keroffe. vñ anderer verträge  
von verhörung der geschwornen ärzte. vnd hantwerker. vñ  
von aufspringung der vidimus. vñ aufzügen wider die Mo  
tarij vnd Instrument.

## Die besondern geset3 in den yetz gesatzten Tittel gehozende.

### Was erst geset3

Von zulassung vñ verhörung aller rechtliche weere der par  
theyen als vrkunde. brieffe. der genanten. vntterkeroffel für  
keroffel Instrumēt. Eygen hantschriefft. zeugē. kuntschaf  
ter. vnd anders Ir yedes für seinen werd.

### Was ander geset3

Von gerichtlicher fürpringung gemeyner vrkunde. brieffe.  
bücher. Register vnd schrift. Doch der bücher vnd register  
halben die notturfft zu eröffnen. vnd andere vndienstliche  
gehaym zeuermachen.

### Was dritt geset3

Von besonnderer glaubwürdiger zeugschafft vnd sage der  
genanten in schriftten vnd worten gepetten vñ vngepetten.

### Was vierd geset3

Von erforderung der zeugen mit einem fürpott. vnd fürhal  
tung Irer zeugnus. vñ vnuerzogenlicher sage auf das nebst  
gericht vnuerhindert der eehafft.

### Was funft geset3

Vō verhörung personlicher vnuerlerometer. vñ vnuerworf  
fener zewgen vnd Irem aide.

### Was sechst geset3

Vō erteylung solcher beweifung. die auf das Ja beschehet



ner ding gesetzt sind. vnd nit auf ein vnbestendig nayn.

**Was sibend geset3**

Von eröffnung der sache. vñ meynung erbotener weisung. mit abstellung ewsserer vnd vnfürtreglicher weisung.

**Was acht geset3**

Von verhörung der zeugen In abwesen beider parthey. vñ eines yeden in sonderheit. vñ vnuerkert der meynung soliche sache aufzeschreibē vñ aufgepürliche vñ notturfftige frage In Recht fürtragende.

**Was newnd geset3**

Von öffnung der zeugen sage. vnd beweisung zwayer oder mer einhelliger zeugen. vnd darnach auf dieselben Artickel mit mer zeugen zugelassen.

**Was zehend geset3**

Vö stellung der zeugen auf aufstreglich Artickel. vñ vorbehaltung der widerparthey Irer aufzuge vñ irer person vnd sage die nach rechtlicher öffnung fürzepringen.

**Was aylft geset3**

Welche personen eynich rechtmessige zeugschafft od kuntschafft nit geben noch lausten mögen.

**Was zwelft geset3**

Vö fuerung redlicher kuntschafft der partheyē zeuerhöre. mit vorbehaltung der widerparthey gegenweere. nach gewonlichen dingen.

**Was dreizehend geset3**

Von außspringung der zeugschafft In recht zugelassen. vñ auch zu ewiger gedechnuß. mit erforderung der widerparthey vnd anderer notturfft dartzu gehörende.

**Was vierzehend geset3**

Vö erzeugung der geschefte. kerose. verträge vnd anderer

20

20

*Zugelassen vñ*

händel durch die genanten. mit verrer bestetigung nach her  
prachten dingen.

### **Was funftzehend gesetz**

Von verhöning der leibärtzte vnd wundärtzte vmbsetz  
ung des lons. vñ der geschwornē maister allerley hantwerck.  
vmb machlon vnd arbeit.

### **Was sechtzehend gesetz**

Vō rechtlicher außspringung der vidimus vñ Transsumpt.  
mit verscheinpottung der Ihenen die sie berüren vñ antref  
fen vor Iren ordenlichen Richtern. vnd von Ierer krafft.

### **Was sibentzehend gesetz**

Von zulassung der außzüge wider die Notarij. vñ beweis  
fung des. der sich Ierer Instrument geprauchet.

## **Der newnd Tittel**

**G**esetze von krafft vnd vnkrafft auch der vernewung ge  
richtlicher bekantnuß vnd vollung. veruolt oder vnueruolt.  
vnd Ierer bestendikeit.

**Die besunndern gesetz In den  
yetzbegriffen tittel gehozende.**

### **Das erst gesetz**

Von veruolkrürten bekantnußen vmb allerley Contract vñ  
hendele. vor einem geschwornē gerichtschreiber vnd zweyen  
genanten.

### **Das ander gesetz**

Vō veruolkrürter bekantnuß in des gerichtsbuch. vnscheds  
lich den andern die vormalis bekantnuß haben. vñ auch den  
Ihenē derhalb derselb in fürpott. Clage oder hangendem  
rechten steet.

**Das dritt gesetz**

Von bestendiger kraft verwillkürter bekantnuß. die vnuer-  
newet zubesteen. fürgenomen werden. vñ von verpflichtet der  
vernewung der andern mit verscheinpottung in Jar vñ tag.  
oder sust irer erleschung vñnd vnkraft.

**Das vierd gesetz**

Von vernewung bekanter vollung. oder sust der gleichen  
erlangter vollung. ausscrhalb vorgeender entlicher vrtel auß  
vngheorsam der. die nit gerichtlichen erscheine. die Järlich  
zuernewen. vñd sunst von Jrer vnkraft vñnd von bestendi-  
ger vollung So die auß widerweere beder partheye fürge-  
nomen wirdet. vñd desgleichen anderer bekantnuß der Con-  
tract die zu vrtet besteen sollen.

**Verzehend Tittel**

Gesetze von vrteln. vntterredlichen vñd entlichen ayden.  
vñd andern die appellacion berürend. sie sein zuleßsig oder  
freuel. vñd von hilff des rechtē auß vollung. vñ zu den ihenē  
die irer appellacion nit nachuolgen. Auch von fleiß der Ans-  
wälte vñd verrer hilff auß vntterredlich vrtel. vñ berechtigter  
sachen entlicher vrtel.

**Die besondern gesetz in dē yetz  
gesetzten Tittel gehozende.**

**Das erst gesetz**

Von vntterredlicher vrtel. das die durch den Richter mag  
widerrüft werden. vñd se die partheyen in zehen tagē dauō  
nit appellieren so gewinnet sie irenhalb die kraft emer bes-  
rechten sache.

## **Das ander gesetz**

Von laistund der aide der appellacion vō dē Anwälten mit gewalt. od sich sust des geuerds zebenemē mit dē selbē aide Oder das der sacher auf gepruch der appellierng seines anwalts. selbs appellieren mag doch vnbegebē dea wegs der appellacion durch versawmnuß. widerwertig tatvñ hendel.

## **Das dritt gesetz**

Vō den Jhenē die vngegründt freuel appellacion fürnemē sie mit irem aide vñ appellacion nicht zu zelassen. sonder der selben vrteil nach. verrer zu verhelffen.

## **Das vierd gesetz**

Das der richter die habe vnd gutter darumb die partheyen spennig sind. vnd von vrtailn zwischen Jne gesprochen appelliert wirt. zuseinen handen auf auftrag nemen mag mit vntterscheid.

## **Das funft gesetz**

Vō rechtlicher nachuolg d appellacion der vnttern gerichte In zehen wochen den nechste nach eröffenter vrteil oder gesfügtter beschwerung vor einem Räte. oder darnach auf ersuchung yetweder teils. In Jars frist. vnd von abstellung vntterredlicher vrteil oder beschwerde in dreyssig tagē nach Jrer verfügung.

## **Das sechst gesetz**

Von vnuerzogenlicher hilff des rechten auf bekant vullig in des gerichtspuch. vnd der rew vnd anstal in erteilter vullung vnd entlicher vrteil auf wider weere. oder vnghehorsam der partheyen zehen tag darnach die nechsten.

## **Das sibend gesetz**

Von verrer hilff des rechten zu den Jhenen die vō irer widerparthey beschuldigt werden. das sie irer appellacion In Jarsfrist nicht nachgeuolgt habē. aufferhalb notturffigs fleiß der Appellierten partheye.

## Was acht gesetz

Von fleiß der Anwalte In erkündung der sache irer handlung geuerlich zuge zeuermeiden. vnd in fürnemē derselbē. vñ auch der Appellacion in abwesen d̄ sacher. die verpflichtet In ir selbs sele zethun.

## Was newnd gesetz

Von verrer hilff des rechten nach einlegung einer Appellacion von vntterredlicher vrtail. bis auf oberantwurttüg der Inhibicion vō dem öbern richter. so die vrtailer vermerckē. das one vōllig beschwerung geappelliert were worden.

## Was zehend gesetz

Von entlicher vrtail das die vnappelliert der partheyen empfecht die krafft einer berechtigten sachen. vnd von betewrüg appellierender partheyen. vnd apostel zegeben.

## Der Aylft Tittel

Gesetze vō mangerley Execucion vñ volziehung des rechten. ditz oder der vnttern gerichte. vordrüg der pfand. auch der nacholg mit ettlichem aufnemē. Fürstandt der frawen. vñ vnuerzogenlicher hilff omb erschynē lidlon auch des hawfsherrē. vñ vō fronestüg vñ schwerung vō der Stat vñ nacholg berechtigter sachen. Auch auf ligende habe. vñ von behaltüg angepottener erbe. vñ gen̄ dē erbleutē vñ den irē.

Wie besondern gesetz in den yetz begriffen Tittel gehozende.

## Was erst gesetz

Vō gewalt d̄ ihenē die vōllüg erraicht habē. das die vō stū dē auf nebstuolgendē werckstage pfand vordern mögen mit erlaubnuß des gericht̄s zu dē nebstē gerichtstag darnach.



## Was ander gesetz

Von execucion vñ volziehung ditz gericht zu den personē vñ habe dartzu entlich erstandē ist In püttelstab. vnd an den one mittel dē parvregerecht vntterworffē. Auch vor den vnttern gerichtē. vnd ewßern gerichtē mit vntterschied.

## Was dritt gesetz

Von ordnung gerichtlicher nachuolg varēder vñ ligender habe gut vnd gerechtikeit. vñ auch sellicher habe die alßdann vñ vormaln gen yemant andern In krieg od ansprach einhangenden rechten steet. vñ von freyung ackerzeugs werckzeugs. Auch Francker menschen vnd kindpetterin.

## Was vierd gesetz

Von fürstandt der Eßfrawen die mit in verpflicht steen mit Iren mannen zubetzalen. auf eingang des gerichtß gem Ire māne in ire beywesen auf das gericht schierst darnach. oder sunst auff zumlichen zuge des rechten.

## Was funft gesetz

Vō vnuerzogenlicher hilff des rechtē vmb erschynē lidlon vnspennig vnd spennig mit vntterschied.

## Was sechst gesetz

Von fürstandt des hawßherren vmb seinen gegenwurtigē vnd nechst verfallen zinsē. In dem hawßrat vñ vñ vñ in seinem hawß begriffen. vor andern die auf den besitzer erholt vnd erlagt haben.

## Was sibend gesetz

Von verrer hilff des Rechten zu fromnesten. vnd schweren von der Statt oder Irem anwesen der. die mit zugeltē oder zubetzalen haben.

## Was acht gesetz

Von nachuolg einer berechtigten sache. es sey vrtail oder volzung mit vorderung der pfand vnd irer verfaillung vnd verlawffung auf entlich entrichtung des Clagers.

## Was newnd gesetz

Vō rechtlicher nachuolg auf ligende habe. mit entspenig. verfallung. verkauffung. vñ aufrichtung. des Clagers. vnd mit eruolgung der vbermaß dem verantwurtter.

## Was zehend gesetz

Von behaltung angepottener erb vō dē Ihenen. den sie ab erclagt sein in acht tagen nach der anpiettung. Oð aber die sunst zeuerfaissen. vñ zeuerkauffen. durch geschwozen vnter kewffel auf das höchst. vñ verrerer anpiettung Ire aigēherren. mit entrichtung des oberlawffs mit vntterschied.

## Was aylft gesetz

Vō hilff vñ vltziehūg des rechten zu der erbleut varender habe vñ auf gepruch derselbē zu dē erb mit spenung vñ anderm vñ auf desselbē mangel auch sein person zu vrlaubē vñ an zetastē. alles dē aigenherrē oð erbherrē vnschedlich.

## Was zwelft gesetz

Wenn vnd welchermas die glawbiger an Iren schulde vō Iren geltern ware vnnnd werschafft zenemen schuldig sein sollen.

## Wer zwelft Tittel

Gesetze von heyraten vnd beder Eelent verpflichtet vnd vermechtnuß vnd vō händeln sieselbs Auch die schuldiger vnnnd die purgen antreffend. Auch von heyraten der kinde hintter Iren eltern. vnd von niessung der Eelent Ir yedes habe. vnd von der eins hand. Auch Irer beder schulde. vnd von der wartt beder zuschetze. vnnnd von der gabe zwischen den Eelenten.

Wie besondern gesetz in den yetzgesetzten Tittel gehozende.

**Das erst gesetz**

Von verpflicht der selbgeter des prewtigams vñ prawt vñ  
Irer pürgen der heyrat schetzhalb.

**Das ander gesetz**

Von heyrat der Kinder. hinter Iren leiblichen eltern.

**Das dritt gesetz**

Von nyessung versammetter celewte Ir yedes habe. vñnd  
ir yedes erbschaft mit geschafft vñ on geschafft. mit vñ one  
erben. aufsteigend vñd auf die seitten.

**Das vierd gesetz**

Von heyraten mit vntterschied der eins hand.

**Das funft gesetz**

Vñ celewttē die Ir bede schulde miteinander zegeltē schul-  
dig sein.

**Das sechst gesetz**

Von verpindung vñnd wart beder zuschetze vñuerpunden  
anderer des manns habe.

**Das sibend gesetz**

Von besonderer vermechnuß der frauen des mañs vñge-  
ratenheit halben.

**Das acht gesetz**

Von vermechnuß beder zuschetze auf allem dem das der  
man hatt vñd lief.

**Das newnd gesetz**

Von gabe zwischen den Celewten.

**Der dreytzehend Tittel**

Gesetze vñ erbuelle d' eelet gen einand. vñ irer vermecht  
nuß. geschafft vñ erbschaft. vñ beisitz des beleibenden auch  
angreiffung versammetter habe. vñ irer bestynnüg. vñ auch  
der varnuß. vñ vñ freyē geprauch erlebter zuschetz. vñd der  
entrichtigüg vñ versammetter habe vñd enthaltung erblicher  
wart vnbegebē.



20

Die besondern geset3 In dē nehst  
begriffen Tittel gehozende.

**Was erst geset3**

Vō erbschafft d' Eleut gen einander. die mit vntterschied  
gehyrat haben.

**Was ander geset3**

Von beysitz vnd genyeh In der ee mit vntterschied der ga  
be vnd widergabe der zuschetze fürgenomen.

**Was dritt geset3**

Von angreiffung versampter habe auß rechter eehafft.

**Was vierd geset3**

Von bestymnung versampter habe. vnd von erbschafft  
derselben. Auch dē genyeh oder beysitz. vñ pñ auß eehafft.  
vnd von vntterschiedlicher betzalung der schulde.

**Was funft geset3**

Vō vntterschiedlicher bestymnüg allerley varēder habe. vñ  
sunderlich der visch in den weyern. verfallē gült vñ anders.

**Was sechst geset3**

Von freyem geprauch der erlebten zuschetze. Auch vnuer  
rückt des wittibstuls. vñ vnabgeschiden vō verlassener habe.

**Was sibend geset3**

Von entrichtüg der zuschetze vō versampter habe. so sunst  
gepruch erscheint.

**Was acht geset3**

Von geschafft des manns od weibs one kinde mit sein eins  
handt.

**Was newnd geset3**

Von wartt der erbschafft von den zuschetzen.

21

## **Was zehend gesetz**

Von velle beder zuschetze mit tode ir yedes auf das ander mit dem genyesh vnd vererbung der eigenschafft.

## **Was aylft gesetz**

Von erlebten velle versambter od besunderer habe. die vor annemung ires genyesh mit zubeggebē. noch eynich schuld dar auf zubekennen.

## **Der viertzehend Tittel**

Gesetze vō erbschafft In absteigender lymē on geschafft irer eltern. vñ vortail der sōne vñ tōchter. auch der geelichte kinde. vñ einwerffung der kinder. vnd der geweere. vnd von freyer wart künftiger erbelle dauor vntewssert. vnd den kinden so in gewalt irer eltern steen. vñ von erbschafft eelich er enicklein vñ vrenicklein vñ kinder verdingt vñ vnuerdingt Irer eltern. vnd mangerley kinder one geschafft.

Die besonndern gesetz in dē yetz begriffen Tittel gehozende.

## **Was erst gesetz**

Von einerley kinde vnd enicklein erbschafft one geschafft.

## **Was ander gesetz**

Vō vorauf od vortail der sōne vnd tōchter one geschafft.

## **Was dritt gesetz**

Vō erbschafft geelichter kind durch nachuolgende heyrat auch one geschafft.

## **Was vierd gesetz**

Vō den kindē irer verzigē vnd vnuerzigē eltern. was die in gemeine erbschafft einwerffe sollē irer anherrē vñ anfrawē.

22

### **Was funft gesetz**

Vō geprauch genyesse vñ geweere der erbē. der erbschafft mit od on geschest verwant. außserhalb ettlicher välle. vnd vō behending d abnutze in hangend Appellacion vñ rechtē.

### **Was sechst gesetz**

Von gerechtikeit künstiger erbuelle. die dauoz hinter iren eltern nit zubegebē. noch eynich schulde darauf zebekennē.

### **Was sibend gesetz**

Von kunden die in gewaltsam ired eltern oder vormüde sein eynich schulde hinter Inen nit zemachen.

### **Was acht gesetz**

Von erbschafft der enicklein vñ vrenicklein an stat Ires vater oder muter für ein person.

### **Was newnd gesetz**

Von erbschafft der kinder. Der vater vñ muter vnuerdingt ired beder habe vnd gut zu einander komen sein.

### **Was zehend gesetz**

Von erbschafft mangerley kinder one geschest ired eltern.

### **Der funftzehend Tittel**

Gesetze von vertzig vnd verwürckung der erbschafft der kinder gegē ired eltern. vnd herwiderumb. entricht vnd vn entricht in mangerley vellen.

Wie besondern gesetz in dē nechst begriffen Tittel gehorende.

### **Was erst gesetz**

Von entrichtung vnd vertzeihung künstiger wart vnd erb felle wie die beschehē mögen.

### Was ander gesetz

Wo vellen. damit die kinder Ir väterlich oder muterlich erbschaft oder ertheil verwürcken. Also das sie der. durch gescheft irer eltern mögen enterbt werden.

### Was dritt gesetz

Won velle dar Innē die kinder ire eltern auch enterbē mögē Irer wart vnd erbschaft so sie von Innen haben mögen.

### Der sechzehend Tittel

Gesetze vō dē panckhartē vñ natürlichen kinden vñ Irer erbschaft von irer muter. vñ irer selbs verlassen erbschaft.

Die besondern gesetz in dē yetz begriffen Tittel gehozende.

### Was erst gesetz

Von panckharten auß verdampfer gepurt. das die eynlicher erbschaft noch geschichs nicht. empfenglich sein.

### Was ander gesetz

Von erbschaft natürlicher kinder Irer leiplichē muter.

### Was dritt gesetz

Von erbschaft der panckhartē verlassener habe. wem die geuallen solle.

### Der sibentzehend Tittel

Gesetze von erbschaft one geschafft. der erbē in aufsteigender lyniē. vñ auf die seittē verwant mit mangerley vnterschied derselben irer sippshaft halben.

Die besondern geset3 in dē yetz/  
begriffen Tittel gehozende.

**Das erst geset3**

Von erbschaft one gescheft der leiplichen muter. vor dem  
vetterlichen anherren vnd anfrawen.

**Das ander geset3**

Vō erbschaft des abgestorbē vaters vñ muter versambten  
geschwistergittē one gescheft vñ neher erbē. gleich ir einem  
als vil als dem andern. vñ den versambtē vor den. vō einem  
eltern alleyn. vñ der vō einē eltern. des. so von dēselbē. vñ vō  
gemeiner habe gleich nach antzal der personen.

**Das dritt geset3**

Vō erbschaft leiplicher eltern on gescheft mit dē geschwis-  
stergitten vñ geschwistergitkindern. von vater vñ muter vnd  
der anherrē vnd anfrawen mit denselben.

**Das vierd geset3**

Von erbschaft vater vñ muter von iren kindē one geschefft  
so nicht geschwistergit von vater vñ muter vorhanden sein.

**Das funft geset3**

Vō erbschaft on gescheft geschwistergit vñ geschwistergit  
kind versamēlich vñ sondlich. mit gepürlicher vntterschied.

**Das sechst geset3**

Vō erbschaft on geschefft der geschwistergit vō dē vater  
alleyn. vñ von der muter alleyn. nach herkomen der habe.

**Das sibend geset3**

Vō erbschaft geschwistergitkinder one geschefft. so nicht  
geschwistergit vorhanden sein.

**Das acht geset3**

Vō erbshafft on geschefft vätterlicher vñ mütterlicher an-  
herrē vñ anfrawē. vor des abgegangē vaters oð muter brü-  
der oder schwester. die auf die seitten gefreundet sein.

## Das newnd gesetz

Vō erb schafft one geschafft d̄ geschwistergit von dē vater  
od muter vor des abgegangen vater vñ muter geschwisters  
gitten.

## Der achtzehend Tittel

Gesetze vō dē Inuētari. vñ mancherley vormundschaft d̄  
kinde vater od muterhalb mit od one geschafft. vñ behendūg  
der habe irē vormūdē. vñ außübūg irer vormūdenschaft. auch  
irē zwangk die anzenemē. vñ wie lang die weeret. vñ d̄ sym/  
losen vnd verschwentter. auch der beharrung der vormunds/  
schaft. vñ newe vormund zesetzē. vñ nichts zekauffen so in ir  
vormundschaft gehörte. vñ vermeldūg der schulde auf zeit  
ires antrettens.

Die besondern gesetz in den yetz/  
begriffen Tittel gehozende.

### Das erst gesetz

Von benēnung vnd verschreibung verlassener habe on ges/  
scheft wie in welcher zeit die beschehen solle.

### Das ander gesetz

Von vormundschaft des vaters seiner kinder vñ der muter.  
vnd ir yedes verpflichtet gen den kunden. vñ anderer zugewād/  
ten vormunde.

### Das dritt gesetz

Von behendung dē vormūden vñ volziehern der geschefte  
die verlassen habe darein rürend vor andern darzu verwād/  
ten. Einen Inuentarium zemachē. vnd der vnghehorsamkeit/  
halb außschaffung eins burgermaisters. vnd derhalb. vnar/  
gefochten die außzerichtē. vnd in spennigē dingē des rechtē  
die außzetragen.

**Das vierd gesetz**

Vō außübung der vormundschaft außserhalb rechtens vñ in recht.

**Das funft gesetz**

Von zwangk vormundschaft anzunemen. vnd der pene der vngheorzamen.

**Das sechst gesetz**

Wie lang vormundschaft bestet. vnd von dē abscheid derselbē. vnd darnach ander versorger zusetzen.

**Das sibend gesetz**

Von vormunden der synnlosen. vñ verschwenter Irer habe auch der taroben vnd stümen. vnd der legerhafftigen.

**Das acht gesetz**

Vō beharrung der vormüder od versorger ir obgeschriebē zeit. vnd von pene Ires misprauchs.

**Das newnd gesetz**

Von newē oder andern vormunden od versorgern zusetzen. von der erst gesatzte versammung oder misprauchs wegē.

**Das zehend gesetz**

Von vormundern der geschafft vnd vō außübung irer vormundschaft mit vntterschied.

**Das aylft gesetz**

Wie die muter iren kindē vormunder setzē od nit setzē mag.

**Das zwelft gesetz**

Von geschick der muter Iren kinden. vnd den darauf vormunde zusetzen mit vntterschied.

**Das dreyzehend gesetz**

Vondē vormundē. das die eynich habe in ir vormundschaft rürende. mit kauffen. noch derhalb mit inenselbs ichts zehā deln habē sollen.

**Das vierdzehend gesetz**

Von vermeldung der vormunder vnd versorger schulde. zu der zeit Ires antrettens.

## Der Newntzehend Tittel

Gesetze vō teylung. vnd vergleichung der erbschafft. vñ benomē erblicher wart. Auch einwerffung der zuschetze. vñ schuld der erbschafft anhangend.

Die besondern gesetz in den yetz/ begriffen Tittel gehozende.

### Was erst gesetz

Von teylung der kinder von iren geschwistergittē. die ober Ir zimlich notturfft. Kost geprauchten.

### Was ander gesetz

Von teylung das die auß irselbs eynich künfftig wart noch erbelle mit benympt noch absetlet.

### Was dritt gesetz

Von einwerffung der eingenomen zuschetze. zeuergleichung der verlassen erbschafft vnd teyllung on gescheffte.

### Was vierd gesetz

Von gleicher erbschafft der ersten vnd andern kinder. Das solichs In aigner habe oder erb verstanden wüdet.

### Was funft gesetz

Vō yederrer erbschafft schulde. die durch die selben aben außzerichten.

## Der zweintzigist Tittel

Gesetze vō mangerley geschefft. der personhalb. der erb/ felle. vnd andern. auch der betrangung od verhiderung der selben vñ irer erzeugung. vñ irer anfechtung in Jarsfrist. Auch der legitima vñ vbermaß. vñ dē abzug des entpfang



28  
en. vnd des so sie on worden haben. Auch der peene vnd vns  
gehorsam vnd von freyheit derhalbē auf die seittē verwant.

## Wie besondern gesetzz in den yetz- gesatzen Tittel gehozende.

### Was erst gesetzz

Welche personen geschafft thun mögen vnd welche mit. vñ  
zu welcher zeit. vnd mit was vntterschied. vnd von gabe die  
auf kunfftigen abgang beschibt.

### Was ander gesetzz

Von verwürckung vñ peenen der Ihenen die yemant zuge-  
schafftē bedrangtē. od sie an fürnemē derselbē verhindertē.

### Was dritt gesetzz

Von zeugen der geschafftē vñ verwandlung des letstē wil-  
len oder geschafftē.

### Was vierd gesetzz

Vöerscheinung der anfechtung der geschafft in Jarsfrist  
aussershalb der echaft vnd vnkrafft.

### Was funft gesetzz

Von geschafftē der eltern. Ire eeliche kinder vñ enicklein  
mit erbschafft der legitima auß einer not zu versehen. vnbes-  
schwert solicher antzal.

### Was sechst gesetzz

Vö der vbermaß vber die legitima. damit freylich zeschick-  
en vnghindert von den kinden vnd enicklein.

### Was sibend gesetzz

Vö zuschetzē kleydung vñ andern. dē kindern od enicklein  
an Irer erbschafft od legitima abzeziehē mit vntterschied.

### Was acht gesetzz

Von abzug der kinder vnd enicklein des. so sie in lebē Irer  
eltern on worden haben vnd gestanden sein.

**Was newnd gesetz**

Von verpeenung der geschafft. vñ vō vngheorsam der. den geschickt wirdet.

**Was zehend gesetz**

Von geschafften damit gen brüder. Schwestern noch andern auf die seitten gefreundet. gantz vnuerpundē mit fellen vnd widerfellen.

**Der einundzweinzigist Tittel**

Gesetze von geschick mangerley widerfelle. Auch der vnmündigen kindhalb. vñ der vnuernunfftigē. vnd verpindung der mündigen aussershalb der legitima.

Die besondern gesetz in dē yetz begriffen Tittel gehozende.

**Was erst gesetz**

Von widerfelle in geschafftē. der die da solliche erb schafft mit annemen wolten. dieselben auf andere erben zugefallē.

**Was ander gesetz**

Von geschickten widerfellen der vnuernunfftigē kinder oder enicklein in irer vnuernunfft vnd irer freyē erb schafft so sie zu vernunfft kumen.

**Was dritt gesetz**

Von geschickten widerfellen der vnmündigen kinder oder enicklein auf zugehörig oder frömde personen. vnd freyem geprauch der mündigen. one eynichen widerfal derselben.

**Was vierd gesetz**

Von freyem geschick vnd verpindung der kinder vñ enicklein mit widerfellen. doch vnbeschwert der legitima.

**Was funft gesetz**

Von freyem geschick gen vater. muter anherren. vnd an

frawen vnbeschwert irer legitima.

## **¶** Wer zwen und zweinzigist Tittel

¶ Gesetze von gelihem gelt vnd allerley schulde. vñ verpott das lehē dē kindern zethun. verpott des wuchers. vñ vñ von betriegern Iher schuldiger dieselben mit wasser vñ prot zuhalten vnd vnkrafft der gabe. zu geuerde den schuldigern beschehen.

**Die besonndern gesetz in dē yetz begriffen Tittel gehozende.**

### **¶** Was erst gesetz

Von gelihem gelt vnd des gleichen. vnd dasselb widerum zugelten vnd zubetzalen.

### **¶** Was ander gesetz

Von verpott des lehens vnbestatter kinder hinter irē eltern oder vormündern. Auch zu vngötlichē vñ vnzimlichem geprauch vnd sachen.

### **¶** Was dritt gesetz

Von verpot alles wuchers gesuchs. vñ aller vñ funde. briefe vnd schrift denselben berürende.

### **¶** Was vierd gesetz

Vō schuld so die Cristē dē iudē auf verschreibūg. bekätnuß vollung eingesatzte pfand. od̄ sunst. erst gelihen hauptguts od̄ gesuchs vñ wuchershalb dartzu geschlagē schuldig sind auf weisung des iudē desselbē hauptguts. od̄ vnberweist desselbē bereynigūg dē cristē söllichs hauptgutshalbē dasselb zubestetigē. aufzelegē. auch dē iudē vñ die vbermaß des gesuchs wo die erschyn zurechtuertigē alles mit vnterschied. vñ eynich d̄ gleichē bekätnuß i dz gerichtspuch mit zeschreibē.

vnd nachuolg der vollung. vber widerweere des cristen er/  
standen.

### **Was funft gesetz.**

Von volziehung. der iudē erlangter vollung oder bekānuß  
dauor den Cristē. mit personlicher verkündig eins fronpot  
ten zuerfordern. mit verhörung seiner gegēweere. oder auff  
des cristē abwesen od versaromnuß dē Judē. auf sein vorge/  
ende betörung vñ bestetigug des erst gelihē oder rechten  
hauptguts. vneingezogē eynich gesuchs verrer zueerhelffē.

### **Was sechst gesetz**

Vñ ansprach der Cristē gen dē Judē vmb versetzte pfand  
vñ weisung derselbē durch die cristē. vñ auf gepruch sollich  
er weisug. die iudē auf bereynigug ires aides dauō zeledigē

### **Was sibend gesetz**

Von den geltern. die ire glauber od schuldiger in fürnemen  
derselben betriegē. vñ nit bezalen. vñ nit vorhandē ist dauō  
sie des iren bekomen mögen. dieselben gelter zu fronuesten  
mit wasser vnd prot. durch die schuldiger zehalten.

### **Was acht gesetz**

Von vnkrafft der gabe vnd vbergab zu geuerde vñ schade  
der schuldiger fürgenomē. gen denselbē seinē schuldigern.

## **Wer dreyundzweintzigist Tittel**

Gesetze vō allerley verheffung. verpfendug vñ Irer ver/  
pflicht mit vnterscheid. gen dem hawsherrē. Auch der frau  
en ires zu schatzhalben. vñ entledigung d pfand vñ das ge  
lihen gelt. verlust der pfand. vnd cost darauf gelegt. Auch  
das einē hinder dē andern nicht zueerpfendē. das frömbd  
nicht zueerpfenden. vnd enthaltung der pfand auf gantze  
betzallung. vnd Irer entledigung durch dē selbgelter. auch  
von antastung derselben.

Die besonndern geset3 in dē yetz/  
begriffen Tittel gehozende.

**Was erst geset3**

Vō verheftung eins Inwoners habe in einem hauß vmb  
seinen verassen haußzins gen dem haußherren.

**Was ander geset3**

Vō verpfendūg des mañs habe vñ gut. vmb seiner eelichē  
wirtin zuschatz Im zugepracht. vor anderer personlicher  
schulde.

**Was dritt geset3**

Von ledigung vnd lösung verpfenter habe vmb das gelihē  
gelt darüber vnbeswert.

**Was vierd geset3**

Von ergerung oder verlust des pfands on schulde vñ schas  
den des Inhabers. vñ vō betzalung derselben schulde.

**Was funft geset3**

Von betzalung des. So notturffthalb des pfands darauff  
gelegt wirdet.

**Was sechst geset3**

Von einē pfande. Das mer personen hinder einander nicht  
zeuempfenden. vñ von vorgangē des erstē. auch vō pene der  
miftettigen.

**Was sibend geset3**

Von verpott eynich frömde habe zeuempfenden. vnd von  
eruordnung der schulde an den selbgetern. vnd straffe der  
mifhandler.

**Was acht geset3**

Von enthaltung der pfand bis auf betzalung aller schulde  
darumb sie verpfendet sein worden.

### **Was newnd gesetz**

Von ledigung der pfande durch den selbgeter. an welchen endē er die betritt. vmb die gelihē hauptsum. außserhalb gerichtlicher entfrömdung.

### **Was zehend gesetz**

Vō gerichtlicher angreiffung vñ verkauffung. eingesatzter verwillkürter beweglicher vñ unbeweglicher pfand. vñ Irreanpiettung gen dem selbgeter.

### **Wer vierundzweintzigist Tittel**

Gesetze von mangerley hinleihē zu zimlichem geprauch Accomodatū genant. vñ von widerlegung verschultes Schadens. Auch nach dem verlihen geprauch. vñ widerkerūg des so gelihen ist.

Die besondern gesetz in den yetz begriffen Tittel gehozende.

### **Was erst gesetz**

Von zimlichē geprauch entlehenter pferde. flaynat. pucher oder anders varends od ligends. vñ vō verwarung derselbē oder wo das mit geschehe söllichen schaden zu betzalen.

### **Was ander gesetz**

Von entlehenter habe. inen bedē in nutz vñ frummē. vñ der verpflichtet des schadēs derselbē allein. so d auß vornemlichē geuerde. vnd verschuldung beschicht. vnd sust nit.

### **Was dritt gesetz**

Von betzalung des schadēs entlehenter habe. so der nach dem verlihenen geprauch beschicht.

### **Was vierd gesetz**

Von vberantwurttūg. außrichtūg. vñ betzalūg entlehenter habe. von dem Ihenen dem das gelihen ist.

## Der funfundzweintzigst Tittel

**G**esetze von Bestentnuß. Kewnung. vñ vertretung der hewser. vñ verpfendung. des. so dar Innen ist. vmb haupzins vñ irer vertretung. auch vñ vrsachern des prands. vñ vñ hinlassung. acker. wisen. weyer. pfer. schaffe. auch vñ lernunge. vnd von beschedigung auß den hewsern gefügt.

**Die besondern gesetz in den yetz begriffen Tittel gehozende.**

### **Was erst gesetz**

Vñ bestentnuß der hewser vñ herberg vñ nemlich zins. vñ von notturfftiger pesserung derselben. vñ irem zimlichen geprauch. vnd von betzalung der hawpzinse.

### **Was ander gesetz**

Von Kewnung der hewser voraufgang der zeit sölicher bestentnuß durch ettlich besonder velle. vnd von abgangt des hawpzinß nach marckzal mit vntterscheid.

### **Was dritt gesetz**

Von besitzung der hewser vñ gemache durch die bester vñ ir erben. oder die andern zimliche personē zu verlassen. Mit verpflicht der bester der betzalung der hawpzinse.

### **Was vierd gesetz**

Vñ pfendung vmb hawpzinse auf erscheinung der zil. des. so die besitzer dar Innen gehabt od habe. vñ vñ verrern hinlasser der bester. vñ ir yedes verpflichtet d hawpzinshalb.

### **Was funft gesetz**

Von vertretung verlassner hewser durch den haupherren. In sein selbs sachen one entgeltnuß des Inwoners.

### **Was sechst gesetz**

Vñ vrsache d tettigē personē des prands. bestädener hewser vñ d selbē widlegung des schades. od straffe an irē leibē.

### Das sibend gesetz

Vō hinlassung. Ecker. wisen. weyer. vmb nemlich zinsē oder nütze. vnd von des myeters vntat seines aigen misprauchs oder verhandlung.

### Das acht gesetz

Von hinlassung vñ bestentnuß der pferde. vñ bederteil verpflcht verdingt vnd vnuerdingt desselbē geprauchs.

### Das newnd gesetz

Von hinlassung der schaff. hemel. oder lemmer. vnd der verpflcht desselben so das redlich ist.

### Das zehend gesetz

Von verdingen der lernungen zu hantwercken. oder andere lernung vnd von bederteil verpflcht geneinander.

### Das aylft gesetz

Von beschedigung des aufwerffens vñ aufgüsse an personen oder gut die zubekeren vñ zewandeln. oder gepürliche straffe derhalb zeleidē.

### Das zwelft gesetz

Von beschedigung der anhege vñ anderm vō dē herosern generlicher weise. vnd irer bekerung pene vund straffe.

### Das dreyzehend gesetz

Das ein yeder so in bestandē zynß hie wonet auf das lengst vor verscheynung des drittē tags nach gedingtem ziel seinē gemach rawm oder die irrung. So deshalb erschyne vor der selben zeit auß zetragen.

## Der sechszwenzigist Tittel

Gesetze vō eigenschaft vñ erbschaft vñ irer verpflcht in der stat vñ auf dē land. vñ vō gerechtikeit der aigeherrē vñ erbherrē. vñ iren anpietungē des erbs. vnd derselbē verschickung vñ obergab. auch teylung vnererbter aigen vnd aigen

no



vnd erb vngesündert zu enthaltē. von **K**ewmūg d' erb **G**leich  
cher gerechtikeit der aigenherrē auf widerkauf d' verpflcht  
pawrenerb. vñ heterorūg des aigenherrē seines aufstands.  
Auch vō vnkrast der entfrōndung vñ wechsels der erb. vñ  
vō erbpflcht vñ hantlon. auch gen seinē herrē. vñ geprauch  
der holtzmarck. vnd verpott der muntherren.

**D**ie besondern gesetz in den yetz/  
begriffen **L**ittel gehozende.

**Das erst gesetz**

Von verpflcht der erbe vñ erblewte gen iren aigēherrē al  
hie in der stat. mit betzalung irer zinse gült vñ weisat.

**Das ander gesetz**

Von anpietung des erbs seinē aigēherren so das verkaufte  
wirdet. vñ von der wale des aigenherrē das zu behaltē omb  
die selben kaufsum.

**Das dritt gesetz**

Von geprauch der erbe in geschefften. teilung. obergab. vñ  
der gleichen veränderung. vnd vorbehaltung der recht des  
aigenherren.

**Das vierd gesetz**

Von teylung gemeyner vnuererbter aigen. mit was maß vñ  
vntterscheid die beschehen. vnd das eynich erb vnuerwillet  
des aigenherrē nit geteilt noch zertrent werden solle.

**Das funft gesetz**

Von sunderung der aigen vñ erb vnuermengt. vñ dē zuual  
des erbs eins ewssern aigens des erbmans durch **I**ne dar/  
ein gezogen. vñ zwayerley vntterscheidē aigē die der massen  
zu enthalten.

**Das sechst gesetz**

Vō **K**ewmūg der erbe durch den erbma mit betzalung ver  
fessener zinse vñ vnderwindūg des aigenherrē solichs erbs.

**Was sibend geset3**

Vō gleicher gerechtikeit d̄ aigenherrē. irer aigenzinse. auff  
widerkauff der andern so lang bis der widkauff beschicht.

**Was acht geset3**

Von verpflcht der erblewte mit den pawrenerbē auf dem  
land gegen irē aigenherrē od̄ erbherrē. mit betzalūg irer gūlt  
vnd andern. vnd von gerpūlicher pfendung darumb.

**Was newnd geset3**

Vō betewrung des aigenherrē od̄ erbherrē. seiner ausstent  
digē zinse. gūlt. vñ weisat. vñ auch der iārlichen herprachten  
gūlt. zinse od̄ weisat. mit hernachuoigender vnderchied.

**Was zehend geset3**

Von kraftlosikeit aller entfrōmbdung. wechsels. od̄ verent  
derung grunds vñ podems in das erb gehōzende. hinter dē  
herren vnd von verwūrcfung solichs erbs damit.

**Was aylft geset3**

Vō erfordrūg vnd empfangknuß des pawrenerbs nach ab  
gangk des erbmas. vñ vō dē kauf vñ anpietūg. vñ auch dem  
hantlon.

**Was zwelft geset3**

Von verpfendung des pawrenerbs. zu voran seinem herrē  
vnd darnach andern. mit wesentlichen versorgnuß des erbs.

**Was dreytzehend geset3**

Von geprauch der holtzmarck in das erb gehōzende. vñ die  
zwen dritteil von dem verkaufftenholtz dē herrē zegebē. vñ  
einen dritteil dem erbman.

**Was viertzehend geset3**

Von verpott der mūtherrē oder versprecher der erblewte  
hinter iren aigenherrē. vñ auch der erb nicht wūst od̄ pawr  
los ligen zelassen bey der peene darinn begriffen.

**Was funftzehend geset3**

Von den pawren die auf der anstosser grunde raichē vnd  
iren fruchten.

## **Der sibēdunzweintzigist Tittel**

**G**esetze von verpflicht getreuer hand. irer oberantwortung vñ enthaltung. von abfellen der oberantwortung. vnuerpfendet yemant anders irer verwarung. **B**ekerung des Schadens. vnd besondern geding bederteil.

**W**ie besonndern gesetz in dē yetz begriffen Tittel gehozende.

### **Das erst gesetz**

**V**on vnuerzogenlicher oberantwortung aller habe. so yemant zu getreuer hand beuolhen. oder eingegebē wordē ist. vnd von der pene der vngehorzamen.

### **Das ander gesetz**

**V**ō inhaltig zu getreuer hand. soliche habe in ander meynung. aussershalb glaubwürdiger beweisung nicht on zwerdē

### **Das dritt gesetz**

**V**on velle. dar Innē man nit schuldig ist eingegebene habe zu oberantwortten.

### **Das vierd gesetz**

**V**on oberantwortung eingegebener oder beuolhener habe weñ der eingeber der begert. es were **I**n dann auch der gesnyes oder geprauch gelihen.

### **Das funft gesetz**

**V**ō erforderung. eins yedē seiner eingegebener od beuolhener habe vnuerpfendet des andern. noch eynicher des annern schulde.

### **Das sechst gesetz**

**V**on eingegebener habe. so die nicht gepürlicher weise verwart vnd also beschedigt oder verlozen wirdet die zegelten. **E**s wurde dann das sein damit verlorē. oder das durch vnfürsehen zufal das geschehe seinerhalb vnuerschuldet.

23

### **Was sibend gesetz**

Von vergeltung des schadens an eingegebener habe. nach gepürlicher erforderung des eingebers.

### **Was acht gesetz**

Von varender habe. die den hantwercklerotten. oder wercklerotten zu arbeitenn beuolhen. oder den iuden versetzt. oder eingeben. vñ bey inen verstorren verlorē od̄ schadbar werdē.

### **Was newnd gesetz**

Von gepürlicher enthaltung eingegebener habe. auf gerichtliche verpott dē eingeber berürende.

### **Was zehend gesetz**

Vō haltung besonder geding zwischē den. die eynich habe oder gut aneinander zebhalten geben.

## **Der achtundzweintzigst Tittel**

Gesetze von keroffen ligender vnd varender habe. vñ irer vertigung vnd weerschaft. vnd auch von purgschaft vñ irer ledigung vnd verpflucht. vnd irer rechtuertigung. vō vberantwortung der habe vertretung der ansprach. vñ dē vorgang des gekaufften. auch der purgschaft der frawenpilde. vnd den abnützen. Enthebung der pürgen. vnd mererer vnderschied die pürgen berürende.

**Die besondern gesetz in dē yetz begriffen Tittel gehozende.**

### **Was erst gesetz**

Von vertigung vnd weerschaft gekauffter habe vñnd gut. vnd von geprauch desselben als sein erkauft gut.

**Was ander gesetz**

Wo vertigung od weerung gekauffter habe. die einer schwarm. stimmung oder beweering bedurffen für Kaufmans gut.

**Was dritt gesetz**

Von weerung oder vertigung der schwein od anderer tier. die der schwarm bedurffen. vnd auch der pferde der gewonlichen wandelhalb.

**Was vierd gesetz**

Von weerschafft der erkauften ligenden habe oder gut. iar vnd tag nach statrecht. ausserthalb redlicher entschuldigung nach erkantnuß des rechten.

**Was funft gesetz**

Von ledigung der pürgen auf die erscheyne weerschafft. vñ vō verpflicht der selbē auf hangends recht. In der weerung zeit angefengt bis zu entlichem auftrag.

**Was sechst gesetz**

Wo verpflicht d pürge in d weerschafft zehaltē als der selb gelter. vñ vō erster rechtuertigung des selbgelters. vñ ledigung d pürge auf frist hintter im dem selbschuldē gegeben.

**Was sibend gesetz**

Von anlangung vñ rechtuertigung des selbgelters. od der pürgen vō der weerschafft wegē. vngeledigt der andern der halben verpflichtet.

**Was acht gesetz**

Von veruolgung gekaufts guts dem kauffer. außgenommen der vormunde die vō irer vormundschaft gut kauften. dasselb volget den. der vormunder sie sein. vñ des gleichen so eins in der ee von des andern gut icht kauft.

**Was newnd gesetz**

Wo verpflicht des verkaufers vñ ergerung od beschedigung seiner verkauffte habe vor irer bewerung. vñ sunst des kaufers nach dem karof. es würde dan anders gedingt.

### **Das zehend gesetz**

Von gerichtlicher verkündung des kauffers. gen seine ver-  
kauffer oder pürgē. vmb vertretung der ansprach die weer-  
schaft berürende. sunst beleibend sie derhalb vnuerpflicht.

### **Das aylft gesetz**

Von ledigung des verkauffers selbschuldē vñ pürgen. auf  
des kauffers hinttergangē in der gütikeit od zu recht. vmb  
verpflicht solicher ansprach der weerschaft.

### **Das zwelft gesetz**

Vō des verkauffers ledigug seiner verpflichtet d weerschaft  
darumb das derkauffer. vō der vteil wider Ine auf gangē  
mit appelliert hatt.

### **Das dreytzehend gesetz**

Von dē kauffer sein selbs schadē zetrage. so er sein verkauf  
te habe verliesse. od der abstunde in zeit d weerschaft. oder  
so er solichē schadē auf seiner verschuldung empfangē hat.  
oder im auferhalb rechtens mit gewaltsam gefügt were.

### **Das viertzehend gesetz**

Von vortgang des kauffers. dem vor dē andern kauffern so  
liche erkaufte habe in sein geweere vñd gewalt geantwurt  
wirdet. doch mit vor behaltung der andern vordrug gen dē  
verkauffer.

### **Das funftzehend gesetz**

Vō verpflichtet der pürgē ir lebtage zu haltē als die selbschul-  
den. Es würde dann die pürgschaft in sundheit anders ver-  
dingt.

### **Das sechstzehend gesetz**

Von der iunctfrawen vñd frawen pürschaft. die aigen gut  
haben vnueruormundt sein. vñ mit wissen der mann vñd In  
kraft irer angenomē vormundtschaft.

### **Das sibendzehend gesetz**

Vō Rechtuertigung der pürgē gen den die sie versetzt hat

ben fürzenemen wenn die pürgē wöllē so keyn zil od frist ge  
setzt ist. od sunst mit vnderschied oder auf zwangf des rech  
ten gen Ine fürgenomen.

**Was achtzehend gesetz**

Von aufrichtung der verkauffer od irer pürgen auf ir ver  
lorē recht in weerschaft des kauffers abnütz vñ schedē des  
halb erlitten.

**Was newntzehend gesetz**

Vō enthebūg d pürgē irer erlidē schedē vō irē selbschuldē.

**Was zwentzigist gesetz**

Von verpflicht der pürgen vnuerscheidenlich. vnd ettwenn  
nach marckzal. mit vnderscheid.

**Was einundzweintzigist gesetz**

Von verpflicht der selbschulden vnd pürgen welch man wil  
fürzenemen vugeledigt der andern.

**Was zweyundzweintzigist gesetz**

Von fürnemen eynes pürgē außserhalb der andern. vñ auf  
gepruch an dem versetzer gleiche pürde der betzalung vnd  
scheden zetragen.

**Was dreyundzweintzigist gesetz**

Von eruordnung des pürgen der obermaß ober sein antzal  
so er die mit zwangf des rechten hat betzalē müssen. etweñ  
von seinen mit pürgen. vnd sunst von dē der ine versetzt hat  
oder seinen erben.

**Der newnundzweintzigist Tittel**

Vesetze von geweeere vñ beses vō varender vñ entfrömb  
ter habe. auch der gestolen. Einsetzung des entweertē vnd  
weisung der geweeere vnd entweerung.

Die besonndern gesetz in dē yetz  
begriffen Tittel gehozende.

### Was erst gesetz

Wo geweere gekaufter varenden habe drey Monat gen dē kündigen. vñ sunst nach rechtlicher erkantnuß. doch mit außschliessung der geraubten vñ gestolen habe.

### Was ander gesetz

Von antastung geraubter oder gestolener habe. auch stellung der geweeren. vñ irer weisung. vñ das nyemant eynich geweere daran mit ersitzen mag.

### Was dritt gesetz

Von vorgangē der Clag des der vmb entweerung clagt vor dem andern. der vñ aigenschaft clagt. also das er vermeint das solichs sein sei.

### Was vierd gesetz

Wo beweisung d̄ geweere. vñ gewaltsamer od̄ vngespürlicher entweerung des. der vmb entweerung vñ einsetzung clagt.

### Der dreyssigist Tittel

Gesetze von gesellschaften. Irer vertrege. auch dem gewyn vñ verlust. freyung des schadens vñ verpflicht ir lebtag verpindung d̄ gesellschaft. auch ir schuld zebetzen der verhandlung irem abschied vñ entrichtung. vñ irer vernerung. Auch fleiß der handler vnd haltung der rechnung.

Wie besondern gesetz in den yetz begriffen Tittel gehozende.

### Was erst gesetz

Von haltung der vertrege vnd geding der gesellschaften. so die zimlich sein. den also nachzeken.

### Was ander gesetz

Von gewyn vnd verlust der gesellschaften. eines yede nach gleicher antzal seines eingelegten gelts.



**Was dritt gesetz**

Von verlegung vnd freyung des schadens. einem vmb sein muo vnd arbeit zethun. vñ von vnkrast des. das einer geroynung alleyn vnd der ander schaden alleyn tragen solte.

**Was vierd gesetz**

Von verpfficht der gesellschaffter ir lebtag vnd mit lenger doch mit betzalung irer schulde. durch die erbē nach antzal.

**Was funft gesetz**

Von verpindung gemeiner gesellschafft des. so durch gesellschaffter od ir diener in gewalt der gesellschafft fürgenomē vnd gehandelt wirdet.

**Was sechst gesetz**

Von verpfficht aller gesellschaffter vnuerschidenlich d gesellschafft schuld zu betzalen. doch vnabgestellt. die ir selbs halb nach ir yedes antzal geneinander zu vergleichen.

**Was sibend gesetz**

Vō Trome od schadē yemands verhandlūghalb beschehē das die vnschuldigen eynichen entgelt oder schadē mit habē noch tragen sollen.

**Was acht gesetz**

Von entrichtung der gesellschaffter. auf abscheid der gesellschafft nach abred d selben. oder sunst mit parschaft. pfenwertten vnd schulde nach antzal.

**Was newnd gesetz**

Von fleys der gesellschaffter handlung vnd irer verpfficht des schadens ires vnfleys halb beschehē vnd sust mit.

**Was zehend gesetz**

Vō haltūg der Rechnūg nach abred der gesellschafft. oder sunst Jerlich on redlich verhinderung.

## Der einunddreißigist Tittel

Gesetze von beschädigung getzempter vñ ungetzempter  
Tier. vnd geltung des schadens.

Die besondern gesetz in dē yetz/  
begriffen Tittel gehozende.

### Was erst gesetz

Vō dē schedē durch vermelte od vnuermelte i geheymische  
Tier gefügt. vñ etwe mit verschuldung alles mit vnterscheid.

### Was ander gesetz

Vō widerlegung der ungezempte wildē tier gefügter sche/  
den mit vnterschied.

### Was dritt gesetz

Von geltung des schadens an anderer lewt tieren gefügt  
nach zimlichem wert.

## Der zwenunddreißigist Tittel

Gesetze von gefunden schetzen vnd habe In besondern  
gründe oder auff der strassen vnd Irer verkündung.

Die besondern gesetz in den yetz/  
begriffen Tittel gehozende.

### Was erst gesetz

Vō erfindung verporgener schetze In seinē od in eins an/  
dern grund. od der herschaft one kunst. vnd durch einen ges/  
lücksval od mit kunst. wem der zustee alles mit vnterschied

### Was ander gesetz

Von gesundē gut auf der strassen od sunst. das offentlichē  
verkunden zelassen. vnd dem des es ist wider zugeben.

# **¶** Wer drey und dreyssig ist Tittel

Gesetze von verwillkürten hindergengē. Anlaf. entschied vñ nachuolg. vñ irer verpindung vñ entlösung. auch des obmans freyheit. Zeit des auftrags. vnd maß des entschieds. zwangk der zeugē darzu dienend vñ zu der voltziehung. auch der spruchlewt macht. dem geprauch gelaister ertzengug vñ von dem alter der spruchlewt.

## **Die besondern gesetz in dē yetz begriffen Tittel gehozende.**

### **¶ Was erst gesetz**

Von verwillkürten hindergengen zu gütliche oder rechtliche entschied. mit gelubten oder peene zu krefftigen mit gepürlicher vnt erschied.

### **¶ Was ander gesetz**

Von fürnemen der rechtlichen hindergeng. vnd irer nachuolg vnd voltziehung.

### **¶ Was dritt gesetz**

Von freyheit des obmans vñ ortmans hindgengē an sich zenemē vñ auf ir annemē die verpflucht dē nachzeuolgē.

### **¶ Was vierd gesetz**

Von hindergengen auf nemlich zeit gesetzt. die dar Innen auf zetragen. vñ vnbestympt der zeit. die in dreyen Jarē dar nach den nechsten zeenden.

### **¶ Was funft gesetz**

Von rechtlichem ausspruch. den an dem ende der abrede in schariften zethun. vnd niemant anders zubeuelhen.

### **¶ Was sechst gesetz**

Von zeugē oder kuntschafftern der hindergeng. die an irem geordneten gericht. vnd mit desselben gerichts zwangk. Ir zeugschaft oder kuntschaft zegeben. zezwingen.

46

### Was sibend gesetz

Vō der spruchleute entschied durch ein merers auß Inen. doch mit erfordrūg aller teil vñ spruchleute darzu gehōrē de vnuerhindert d̄ eehaft. vñ sust vō verpflichtet d̄ spruchleute

### Was acht gesetz

Von nachuolg der hindergeng nach der maß Irer abrede oder verschreibung vnd sunst nyemant in solichē zu dem wir derrechten zu verdingen.

### Was newnd gesetz

Vō verpindūg der hindergengigen personē vñ mit ire erben es wūde dan̄ nemlich also ab geredt eđ verschribē. vnd das durch abgangē d̄ spruchleute derselb hintergangē fürbas ser unpündig ist. es were dan̄ solichs in sondeheit abgeredt.

### Was zehend gesetz

Vō den partheyē des hindergangs die nach dē außspruch mit zwangē ordenlichs rechten zu gehorsamer vltziehung zebringen.

### Was aylft gesetz

Von macht der spruchleute vmb das allein zesprechē. das Inen in dem hindergangē nemlich beuolhen ist.

### Was zwelft gesetz

Von der zengē sage vor verwillürten Richtern gefürt. die vnentscheiden sollicher sachē doselbs. auch darnach vor ordenlichem gerichte zu geprauchen.

### Was Breytzehend gesetz

Von mañspilden ontzweintzig iaren. vñ eynichem frawē pild In was alter die ist mit spruchleut zesein.

### Was viertzehend gesetz

Vō entlösung d̄ hintergeng durch ir nachuolgend hinder genge derselbē sachenhalb. vñ das ein parthey vnuerwillet der andern eynichē hindergangē mit entgentzen mag.

**W**er vierunddreyssigist Tittel  
Gesetze von gefügter beschedigung. vnd vischerey aller  
lay wasser.

**W**ie besondern gesetz in dē yetz/  
gesetzten Tittel gehozende.

**W**as erst gesetz  
Von beschedigung. yemands von dem andern vnpillicher  
weise gefügt. darumb aufrichtung zethunde.

**W**as ander gesetz  
Von vischerey der fließenden güßwasser. so verr mit schiff  
lein vñ vischzeug mag frey geuicht werden. vñ vō gemeiner  
vischerey der Altwasser vnd fließenden wasser.

**W**er funfunddreyssigist Tittel

Gesetze vō allerley gepewen. pawleut zefürē. abstellung d  
vnpew. auch d aufladung. verpott der lādē. türe vnd anders.  
der kelerhalse. ziegeldachung. anpietung perolicher steynwerck  
vñ d keler tief bedes mit vntterschied. auch vō d tiefe. höhe  
vñ dicke. der stallung vñ anders. Gemeiner mawre dicke vnd  
höhe. versorgung d perw. vngleicher höhe d keler vñ anders.  
vō abrawm der gepewe. vñ hanthabung der gemeinē mawre  
Anhencung d schlöt vñ irer auführung. d weber gestüdeln  
Auch vō dē priuetē vñ Reihen. vñ verpott der priuet. vō be  
fridung der höhe zwelf statschuhe. vō trüpfen vnd liechtē.  
flaybung der nebenwende vñ zugehörungē der bewser.

**W**ie besondern gesetz in dē yetz/  
gesetzten Tittel gehozende.

**Was erst gesetz**

Wo unuerzogelicher fürng d geschwornen pawleute. vñ ab  
stellng d vnper bey einer neliche pene bis auf sein gehorfa.

**Was ander gesetz**

Von abstellung der gepew vberschusse vnd aufladung. ges  
gen vnd auf gemeiner strassen. unuerwilgt ems Rats. vnd  
vnbesichtigt der Stat pawmeisters bey der pene funf pfud  
newer haller.

**Was dritt gesetz**

Wo verpott d ladē Türe vñ anders gen d strassen mit anze  
henckē bey d pene des abrawms. vñ dar zu funf pfud newer  
haller.

**Was vierd gesetz**

Von verpott der Kellerhelse gegen der strassen verrer dann  
sein erb oder aigen ob der erden raichet bey einer pene funf  
pfund newer haller vñ darzu den paw wider abzethun.

**Was funft gesetz**

Von dachung newer hewser allenthalben in der Stat vnd  
In der vorstat mit ziegeln bey pene des abrawms. vnd funf  
pfund newer haller.

**Was sechst gesetz**

Wo anpietng durch die ihenen die mit steinwerck gegē den  
andern daran stossend pawē wolle. solichs denselben durch  
eine fronpotē zeuerscheinpotē. vñ rō dē leger solicher mawr  
auf irer bed od ir eins grund. mit vntterschied. vnd auch der  
kellertieff. die durch den ihenen fürzenemē der sie habē wil.

**Was sibend gesetz**

Wo d tieffe. hohe vñ dicke. d stallng hewkamern vñ hofmau  
ren rō rassung des holtzwercks in das steinwerck. vñ rō an  
piettng vñ verkündng dē abwesendē alles mit vntterschied.

**Was acht gesetz**

Von gemeiner Mauren dicke vñ höhe zwischen eines hof.  
vnd des andern Nebenhawf oder abseiten.

**¶ Was newnd gesetz**

Wo versorgknuß d̄ perwe d̄ nachpawrn. so einer niderer vnd der ander höher. Keller. gewelbe. oder andere gepew hat.

**¶ Was zehend gesetz**

Wo dē abrawm der gepew. wem der werdē vñ zusteen solle

**¶ Was aylft gesetz**

Wo gemeinē Herren. die nicht zu bedersit geneinander mit pogen. Feltern noch andern so schedlich zu erlöchern. ir ergerung vñ prunst zu fürkomen.

**¶ Was zwelft gesetz**

Von anhenckung des Schlots eins andern hawses an das höher hawß daneben. damit er nit einfalle.

**¶ Was Dreytzehend gesetz**

Wo auffürng des schlots vber das dach. der feroreß schmi desß od̄ packöffen. vñ mit vornen an die gemeinē gassen.

**¶ Was viertzehend gesetz**

Von der weber gestudeln. die einē halbē stat schüh zesetzē von seins nachpawrn hültzein wandt.

**¶ Was funftzehend gesetz**

Wo den priuettē. die in der eben̄ dreyer Stat schüh vō des nachpawrn hawß. vñ an einē höhern ende gen dē darvntter ettwas weiter nach erkantnuß der pawlewte.

**¶ Was sechtzehend gesetz**

Wo den Reyhē dreyer statschüch weit des. der hinter sich fert von liecht oder trüpf wegen.

**¶ Was sibentzehend gesetz**

Von verpott der priuett in den gräben von der neuen pads stubē hinter dē Judē herosern an die ledergassen bey einer pene teglich ein pfund haller.

**¶ Was achtzehend gesetz**

Wo befridung eins gen dē andern in d̄ Stat zu der rechten

50  
hand des eingangs. so hoch als sein erb od̄ aigē raicht. vnd  
vberzwerch versamēlich. vñ außserhalb d̄ Stat velds halbē

### **Das newntzehend gesetz**

Von der höhe zwelff Stat schuhe in höfen vñnd gärten in  
der Stat zubefriden.

### **Das 32. einzigist gesetz**

Von trüpfen vnd liechten auß vergunst oder gerechtikeit.  
mit besonderer vnderchied vñ von außgiessung.

### **Das einundzweintzigist gesetz**

Wie hoch ein yeder auß seinem grund vnd podē pawē mag  
von steinwerck vnd holtzwerck.

### **Das zweyundzweintzigist gesetz**

Von flaiße der nebenwende gegen den nachpawren.

### **Das dreyundzweintzigist gesetz**

Von zugehörung der heroser. als prunnkettē. Eymen. prunn-  
sail. leger vnd was nüt vnd nagel begreiffet.





52  
**W**isz ist die Reformation der Sta-  
tut vnd gesetzze. die ein erber Räte der Stat Nüremberg.  
vmb gemeins nutztes. notdurft. vnd vrsachen willen. In an-  
fang vñ eingang derselben. hiernach begriffen. fürgenomē  
hat. Vnd nach dem dann sölliche gesetz. nach rat vil hohges-  
letter doctor. vnd den gemeinen geschriben Rechten. souil sich  
das nach der Stat Nüremberg gelegenheyt herkommen vñ  
leroffte hat erleiden mügen. gemeh gemacht sind. Hierumb  
vnd auf das dann söllich werck meniglichen mit dem myn-  
sten kosten offembar vnd kündig werde. So ist In dem na-  
men des Allmechtigen. durch einen erbern Räte zu Nürem-  
berg verlassen. angeben vnd beuolhen. dieselben Reformati-  
on zedrucken. die dann söllichem beuelh nach. durch Antho-  
nien Eoberger mit fleiß gedruckt. vnd vollēdet worden ist. An  
dē heiligen pfingstabend. Nach der gepurt Cristi Tausent  
vierhundert vnd In dem vierundachtzigsten Jare.



**I**n erber Räte diser  
 stat nürnberg hat betrachtet vñ  
 zu hertze genomen die menig der  
 gerichtzhedel so bey inen mit teg  
 licher merung erwachsen. vnd was  
 Irrung. costte. scheden. verlicheit  
 vnd versawmnus darauff entsteen  
 vnd fürbasser ye lenger ye mer erw  
 wachsen möchtē. wo söllchem mit  
 fürsichtiger gegründter vnd rechtmessiger verfassung vnd  
 beuestigung gepürlicher vnd notturftiger gesetze mit beger  
 gent würd. Vnd nach dem auch in zimlicher vnd gleicher  
 auftailung der gerechtkait. mit allain geschützt. beschirmt  
 vnnnd gehanuthabt würdet fride eynigkait vnnnd czymliche  
 gehorsame der ganntzen Gemainde. Sunnder auch darzu  
 die gemüt allermeniglich mit gepürlichen vnd pillichen ges  
 setzen vnd ordnungē souil mer vnd stattlicher In außübüg  
 irer verpflicht vnd gehorsam mit liebe vnd günstigem willē  
 verfasst vnd bestetiget werden. Hierumb got zu lobe. vnd  
 zu hailamer vnd seliger merung gemaines nutzses diser er  
 bern stat. vnd auch der gantzen gemainde. hat ain erber Rat  
 In crafft gemaines Rechten. Auch auß gewalt kaiserlicher  
 vnd küniglicher freyhait. vnd deshalb Irer oberkait vnd  
 regiments. so man zu latein Iusmagistratus nennet. mit güt  
 tem vorrate wolbedechtlich. vnd auch mit Räte der hochges  
 lerten gemainer geschribner Recht. erkant. gesetzt vnd geor  
 dent. die hernach geschriben gesetze vnd ordnung zu gemain  
 nen Statrechten vnd andern gerichtten gemainer Stat vnd  
 den iren vnderworffen dienēde. In den allen vnd yeden ain  
 erber Räte nach erayschüg besunder välle vnd vnderscheid  
 der hendel im vorbehelt souil erclerüg vnd leütung zethün  
 als sich dann nach gestalt vnd gelegenhait derselben gepür  
 ret billich vnd recht ist. vnd desgleichē die oder der ainstails

auß vrsachen sy darzü bewegende zeendern vnd zebessern.  
 Auch newe vnd mer andre gesetze in sachen vnd hendeln so  
 yezüzeiten fürfallen mügen oder werden zethün vnd fürzel  
 nemen. wie das dann gemainer **Stat** nutz vnd notturfft ye/  
 züzeiten erfordern. Vnd die hernach begriffene gesetz sol  
 len nach irem lawt vnd sage in gemainer verstantnis des ge  
 wonlichen vñ leüfftigen teütschen gezüngs diser **Stat.** ver/  
 standen vnd aufgenommen werden. Also auch. ob yemandt sich  
 vnderstünde die gemeinlich od sunderlich. in ein andere oder  
 mißhellige meynung oder verstantnis aufzulegen oder zel  
 uersteen. der soll damit nit zügelassen werden. Vnd ob auch  
 in gewonlicher verstantnis derselben einich irrung entstün  
 de. so soll yezüzeiten ain **Rat** oder die personen von ainem  
 erbern **Rate** oder gerichte darzü geordnet. darumb erclerung  
 vnd entschid zegeben gantze macht vnd gewalt haben.

[Faint, illegible text, likely bleed-through from the reverse side of the page.]

55  
**D** hernach sind begriffē die tittel  
der geseze der newē reformation  
der stat **N**urnberg **T**ausent vier  
hundert vnd im newundsißzig  
sten Jar furgenomen.

### **D**er erst Tittel

**D** Geseze vō eingang vnd ordnūg  
gerichtlichs vnd rechtlichs furne  
mens. Vnd zu erst sunderlich von  
mägerlay furpottē der **B**urgere  
**G**este. **D**iener vnd **I**nnwoner. an  
heimisch vnd in irē abwesē. Auch  
der die sich verpergen. Vnd die fur  
pott vallen lassen. Vnd von recht  
uertigung der **B**urger von den ge  
sten in bestympter summ. Vnd vō  
vermeidūg exszerer gerichte fur  
nemens bey mercklicher peene.

## Das erst gesetz

Von furnemē der furpot. wie. mā  
vnd an welchen ende ein Burger  
dē andern furpieten soll vnd mag.

**E**In yeder Burger der gen einem andern Burger  
Rechtens notturfftig ist. soll im zwaymal fürpietē  
lassen. durch einen geschwornen fronpotten. so er  
alhie in der Stat anhaims ist. zu dem ersten. vnd zu dem an-  
dern als dem letzten Rechttag. den man nennet Perem-  
ptorium. mit söllicher bescheidenhait. das das erst fürpott  
personlich vnter augen beschehen soll. vnd das ander nach-  
uolgend furpott mag auch vnder augen. oder zu hawß vnd  
zu hof. da dan derselb wonhafft ist. beschehē. Vnd so aber  
der verätwurter auf das erst fürpot einer antwort bekēnet  
die vber vierzehen tag zethun. oder alsdan antwortet. so ist  
nit not das ander nachuolgend fürpott zethun.

Doch soll einicher fronpot nyemant fürpietten alle dieweil  
gericht weret oder gehalten wirdet. sunder nach ablewting  
des gerichtts.

Vnd die fronpotten mügen fürpietten an allerley emnden  
aufgenommen in den kirchen vnd auf den kirchhöfen.

## Das ander gesetz

### Von fürpot eins Gasts gen einem Burger.

**I**n Burger. der alhie in der stat ist. soll einem gast auf das erst fürpot das Im personlich vnder augen beschehen ist. einer antwort vber vierzehē tag bekennen. oder alsdann antworten.

## Das dritt gesetz

### Von fürheischung vnd ladung der Burger in Irem abwesen.

**W**ein Burger oder Gast gegen einem Burger. der nit anhaims. sunder auferhalb der Stat were. Rechts notturtig wurde. der soll Im erstlichen zu haws. zu hof oder seiner gewonlichen herberg vnd anwesen. durch einen geschwornen Fronbotten fürpieten lassen. oder wo er nit haws. hof oder künlich herberg oder anwesen het. so soll söllich fürpot mit bestymung eines endtliche Rechttags peremptorie an dem gemainen Rathaws angeschlagē. vñ im fürter söllichs an die ende. da der angezaigt wirdet. zewissen gethan vnd verkündet werden. Vnd wo er

aber an einem nemlichen ende mit angezeigt. oder ob der an dem angezeigten ende mit troffen würde. so soll Im alhdan fürter solliche verkündung vber die vier weld beschehen. **W**n wo er oder yemandt anders von seint wegen darauf in zeit In derselben verkündung begriffen in gericht mit erscheynt so soll verrer wider Ine als vngheorsamen procediert werde **W**o er aber oder yemädt vō seint wegē in der zeit erscheynt so soll auf bederteil fürpringē geschēhen was recht ist. **W**n so er also darauf in Recht mit erschyne. oder ob er in gericht erschyn. vnd doch der sachen bis zū entlicher vollziehūg. wie sich gepürt mit aufwartet. so soll doch nachuolgend der vollung. pfanduordrūg. anpietung. vñ ander gerichtlicher nachuolghalb eynich personlich verkündung außershalb seiner gewōnlichen behawfung vnd wonung Im pittelstab gelegen vnd außershalb des Rathawfs. wie vor steet. zethūn mit not noch schuldig sein.

### **Das vierdt gesetz**

**V**onden die sich in der **S**tatt oder Im pittelstab verpergen. oder nit zetreffen sein.

**S**ich ein Burger oder Inwoher in gerichtliche fürpotten. verkündungen. anfangs des Rechte. od. dēgleichē der vollūg. anpietūg. oder in ander ge



richtlicher handlung vnd volziehung **I**m pittelstab mit geuerde verpürge. oder verhielte. **A**lso. das er da mit wol zetrefen wer. so solt er an den enden seiner wonung oder herberg vñ darzü bey den nachpawren oder kundigē daselbs. durch denselben potten mit vleys gesucht werden. mit forsch vnd fürhaltung erstlich zefragen nach seiner person. wo die sey **V**nd so die dardurch mit möchte getroffen oder angezaigt werden. so soll alshdann der pot. denselben nachpawrn oder kundigen die sache seins fürpotts ladung. verkündung oder anpiettung **I**m von gericht wegen beuolhen. entdecken vñ sagen. mit bestymung desselben. vnd auch der zeit seiner erscheinung. vnd darzü die person von der wegen das fürpott verkündung oder anpiettung beschehen vnd ausgegangen ist. **E**s möchte auch der pott söllichen ladbrieff. verkündbrieff. oder anpietbrieff an das haws oder herberg anschlahen od antwurtē den **I**msessen desselben haws oder wonung. da mit im söllichs nach versehenlicher vermüttung mög zewissen werden. **V**nd so der pott auch darnach zu den heiligen beredt. das er souil vnd vorgelawt hat. gethan vnd volfür hab. so soll dem clager wider **I**ne als einen ungehorsamen verholffen werdē. **E**rschyne aber darnach der antwurter vñ brechte vber seins widertails gegeweere souil für. das sich seins vnwissēs darauf oder anch darzu auß benemüg seins geuerds auf sein verpflichtet so im in Recht aufgelegt zewermitē were. **N**emlich. dz er sich geuerlich nit verhaltē. vñ im dieselb verscheinpottung nit zū wissen were worden. so sollt alshdann sölliche vollung oder verrer process. wie sich dan in Recht gepürte. auf erkantnis vnd entschid des Rechten abgestellt. vnd zu seiner verhörung vnd fürbringung mitsampt dem widertail gelassen werden.

**V**nd wo aber die execucion vnd volziehung desselben rechte vor diser parthey erscheynung vnd fürpringen entlich wordē wer. so sollt es alshdann bey demselben aufgefürten vñ volzogen **R**echten beleiben.

### Was funft gesezt

Von mituolg der erste furpott der Beste vnd Burgere auf einem gericht furgenomē vnd sunst von de vorgang des ersten furpotts.

**W**elche partheyen.es seyen Burger oder geste nach ableitung vnd verendūg eins gerichts. Ir erst furpot zwischen dem nechstnachuolgenden gericht furnemen.so sollen dieselben Irer furpothalbē gleich angesehen vnd furgenomen werden. Also.das eynicher auf Ine von wegen seins ersten furbots in derselben zeit beschehen eynichen vorgang gegen dem andern mit haben soll.vnangesehen das der Burger mer furbot thun soll.dann der Gast. Vnd so aber die ordnūg der furpot furgenomen wirdt mit vnderscheid der gericht.so haben die den vorgāg der furbot halb.die dann auf das erst gericht Ire furbot furgenomen hetten. Aber der sachen vnd Rechtenshalben.soll nach der partheyen furbringen die ordnūg des Rechten mit dem vorgang.mituolg vnd nachgāg.wie sich dann sollchs darauf zethun vnd furzenemen gepürt gehalten werden. Inmassen vñ andere gesezt zeerkennen geben. Vnd sunderlich der verlasssen wittibenhalb mit iren heyratgütern. als das acht gesezt vnder dem zwelften Titel.vnd das ander gesezt vnder dem dreiundzwaintzigisten titel aufweisen.auch der schuldiger vnd Creditor.die vmb ir schuld verpfendung haben gen andern schuldigern Irer personlichen schuldhalben.als das zehend gesezt vnder dem dreiundzwaintzigisten titel anzaigt. vnd der entwerten habehalb die anfangs zerechtuertigen. als das dritt gesezt vnder dem newundzwaintzigisten titel imhelt.auch der aigenherren vnd hawsherren irer zyns vnd gerechtfaitthalben vnd ander mer auf meynung derselben gesezt.

61

## Das sechstgesetz

Von fürpottē. wenn. wie oft vnd mit was vnderscheid ein clager die vollen lassen mag.

**E**s mag ein clager sein fürpott vor entlicher antwort vnd vernaynung oder verichung des spruchs zu einem oder zwayen malen vallen lassen. doch mit verpflicht der gerichtskosten des widertails. Vnd alshdan nichts destmynder mag er zu dem drittē mal **I**ne aber nach gerichtszordnung mit Recht fürnemen. lest er aber dasselb dritt für genommen Recht auch vallen. so ist er damit demselben spruch. so er wider **I**ne in gericht eyngelagt oder schreiben lassen hat. abgestanden. also. das **I**n die widerparthey alshdann vnd fürbasser darumb nichts mer schuldig ist. Vñ also. das der Clager die gerichtszscheddenn so der antwurter desshalben erlitten hat. nach erkantnuß des Rechten bezahlen. Vnd darzu dem Richter das groß wādel. Nemlich zehen pfund newer haller außzerichtē verfallē sein soll. Vñ so aber der verantwurter **I**n vorgemelter maynung entliche antwort zu des Clagers spruch getan hat. Es sey zum erstē zum andern. oder zu dē dritten fürnemen beschehē. so steet alshdann vnd hinfür **I**n des Clagers gewalt nit mer denselben spruch oder Clag vnbegeben vallen zulassen. sunder es soll dem nachgeuolgt werden. als recht ist.

## Das sibend gesetz

Von fürpotten vnd verkundūgen  
der diener. Soldner vnd Inwo  
ner. das es damit gen Ine geleich  
wie gen Burgern gehalten wer  
den soll.

**S**oll es mit fürpotten. verkundungen vnd ander  
gerichts ordnung. mit den Gehalten and dienern.  
vnd auch mit söldnern vnd andern bestelten Inwo  
nern. gehalten werden. gleicherweys als mit fürpotten der  
Burger dagesweis vnd antwurts weise.

## Das acht gesetz

Von rechtuertigūg der Burgere  
von den gesten vmb schulde. xxxii.  
gulden landswerung nit vbertref  
fend. mit hilff auf dz erst oder an  
der gericht vnuerzogenlich.

**R**eynicher gast außershalb der Kaufflewot vmd le  
gerherren die dan dieselben zeit alhie Ir wouung

oder leger hetten. vñnd auch außhalb der Ehalten vñnd  
 diener der Burger oder inwooner. vñ darzü aller diener vñ  
 hinderessen gemainer Stat. vñnd den Burgern oder inwo  
 nern vñnderworffen. rechtlicher vordrung gen einem Bur  
 ger oder Burgerin diser Stat notturfsttig were. oder zesein  
 vermainte. vmb geltschuld die danne. xxxii. gulden landswe  
 rung nit vbertreffe. so mag der Gast seinen schuldiger oder  
 schuldigerin durch einen geschwornē Fronboten mit einem  
 eynigen fürbott. nach gewonlicher ordnung ditz gerichtes er  
 uordern. darauf der Antwurter auf das erst gericht. oder  
 auf das nechst gericht darnach vñnerhidert rechter eehaffe  
 durch sich oder seinen vollmechtigen anwalt erscheinen. vñnd  
 alsdann zü demselben Spruch endtlich antwort thun soll.  
 wie recht ist. Also. so dan der verantwurter der schuld bekēt  
 lich oder der vberweist wirdet. oder aber der verätwurter vñ  
 gehorsam erschynē. deshalb dann zü im vollung geschriben  
 würde. so soll dem clager darnach vñnerzögenlich nach ge  
 wonlicher gerichtes ordnung zü des verantwurters person.  
 vñnd auch zü seiner habe vñnd güt mit gepürlicher volziehung  
 des Rechten verholffen werdē nach aufweisung besunder  
 gesetzē in dē. xi. titel derhalb begriffen. Vñnd ob yemant an  
 ders vermainte vor dem Clager erster clager zesein. oder dē  
 vorgang vor im zehaben. oder aber eynich verpflicht oder ge  
 rechtigkait zü der angetastē habe. varēd oder ligēde. so solt  
 alsdan vñnd dasselb zwischen Ine auch beschehē was recht  
 ist. Vñ so sich begeben. das der verätwurter die schulde ver  
 naynte vñnd widerspreche. dermaß. das er der vñnzimlicher weis  
 verlaugēt vñnd die widersprochē hette. Vñ sich dē vngemes  
 die schuld als beweist darnach erfüde. so solle der verantwur  
 ter zü einē gerichtliche wādel dē werdt oder āzal. so dan der  
 vierdtail derselbē schuld treffe vñnd machte dē gericht verfal  
 lē sein mitsāpt cōdenaciō d widparthey. nit allei d gewöliche  
 gerichtschede. sūder auch der notturfsttigē zerüg deshalb

erliten. mit solvil messigñg. als **R**echt ist. vnd ob sich auch be-  
 gebe. das der verantwurter dem clager mit gelt oder gELTS-  
 wert auf **R**echtlichen entschid vnd volziehung von stundan  
 mit bezale noch vergnügen möchte oder wolte. so solt er als  
 dan zu fronuest gefürt vnd mit **I**m gehalten werden als ge-  
 richtz ordnüg vnd **R**echt ist. **V**nd ob sich auch erfunde. das  
 der gast den verätwurter vnnotturftiglich in **R**echt gezo-  
 gen het. **A**lso. das er sich mit seinem ayde des geuerds des-  
 halb mit benemen möchte. vnd seins spruchs verlüstig wür-  
 de. so solt er dem verantwurter gemesh. auch den werde oder  
 anczal. so dann der vierdttail derselben schuld seins spruchs  
 treffe vnd machte disem gericht verfallen sein zusamt ge-  
 wonlichen gerichtzscheden der widerparthey. **W**o sich aber  
 der **C**lager des geuerds in yetzbegriffner meynüg beneme.  
 vnd seiner clag verlüstig würde. so sollte es mit **I**m geleich  
 andern mit **C**ondemnacion der gerichtzcost vnd scheden ge-  
 halten werden.

61  
**Das newnot gesetz**

**D**as alle Burgere. Ehaltē. vnd an  
dere wertliche personē diser Stat  
oder ire vntergerichtē vnterworf  
fen vmb sachē. darüb der wertlich  
Richter richten mag. vnd zerichtē  
hat. an dhainem außwertigen ge  
richt furnemē. laden. beclagē oder  
rechtuertigen. sunder vor seinē or  
denlichen Richter beleibē lassen sol  
bey peenen der verlust der sachen  
vnd funftzig gulden. außgenomē  
in ettlichen vellen.

**N**ach dem in erschynnen zeitten manig personē einē  
erbern Rat vnd gemayner Stat. auch den iren vñ  
iren vntergerichten. vnterworffen. von Innern vñ  
eroffern personen an frömbde vnd außwertige gerichte ge  
zogen. geladen vnd gemüt. vnd dardurch zu costten vnd sche  
den bracht sind worden. anders dann sich gepürt vnd pillich  
ist. vñ söllichs hinfür zeuerhüttē. hat ein erber Rat bedecht  
lich geordnet vnd gesetzt. das fürbasser alle vnd yede eins  
Rats vnd gemeiner Stat Burger vnd Burgerin. vnd auch  
alle personen Inen oder den iren Auch iren vndergerichten  
vnderworffen. vnd darzu alle ire Ehalten. Knecht maid vñ  
diener. alle dieweil vñd sy in Irem dienste steen. oder die  
sach seiner vordnung sich in zeit seins diensts begeben het.

60

umb ir aller vnd ir yedes spruch. clag vnd vordrung. darumb  
dan der wertlich Richter oder gericht richtē vnd entscheidē  
mögen vnd zerichten haben. außserhalb der velle in nachuol-  
gende gesetzē aufgenomē. Nemlich. vō sprüchen an erwer-  
ende. vnd gericht. Nemlich für Rat. die fünf. für ernstlich  
Recht. oder in lehen gericht gehönde. die egerürten **Bur-**  
**ger** vnd **Burgerin.** vnd auch **Ire** diener vnd **Ehalten.** wel-  
che die weren. nyndert anderswo in gericht noch **Recht** für-  
nemen. laden. bedagen noch berechten sollen. dann yezūzeitē  
vor disem Statgericht. oder **Bawngericht.** oder andern vn-  
dtergerichtē. Inen oder den **Iren** vnderworffen. darein sie  
dann ordenlich gehören. Es wer dan. das sich yemandt auß-  
freyem willen mit nemlichen aufgedruckten worten begeben  
yemandt umb geltschuld oder andere vordrung. vnd sprüche  
an andern außwertigē gerichtē gerecht zewerden. vñ rechts-  
zesplegē. Oder ob yemandt außserhalb diser Stat umb par-  
gelt. oder war umb war. on einich frist kaufft. oder handelt.  
vnd derselb kauffer söllich bezalung alsdann mit vollstreckt.  
so möcht der verkauffer alsdan seine gelter zū frischer that  
an demselben end. da söllicher kauff vnd handlung beschē-  
wer. darumb wol rechtuertigen. vnd damit wider ditz gesetz  
nit gethan haben. Vnd wer das in vorgemelter meinung an  
ir einem oder mer vberfüre. So sollt der oder dieselben. so  
offt das zū schulden köme. sölliche seine vordrung mitsampt  
irer hauptsach gen seinem widertail darumb verwürckt vnd  
verlozn haben. mitsampt ablegung seins **Costens** vnd scha-  
den deshalben erlitten. vnd darzū demselben geordneten ge-  
richt dem derselb vnghehorsam vnterworffen ist. zū vnables-  
siger pene fünfzig gulden landswerüg verfallen sein. oder  
wa der vnghehorsam dise peene nit zegeben het. so mag in der  
selb sein geordneter **Richter** vnd gericht. dem er vnderworf-  
fen ist. darumb an seinem leib straffen. wie er zū rat würdet.  
**Ungeachtet** ob der oder dieselben allererst nach fürnemen  
derselben außern ladung dauon tretten vnd steen wolten.



Vñ ob aber die clagend parthey zweyfelig wer. ob die sach  
 irs spruchs für der widerparthey ordelich gericht. dar inne  
 sie fessen. gehörte. od mit. so sol dieselb Clagend parthey zu  
 verhütung sollicher peen. sich an seiner widerparthey georz  
 dentem Richter vnd vrtailern erstlich vnd zuuoran In recht  
 erkündē ob sy da hin gehörte. vñ alßdann ist die clagend par  
 they schuldig vnd pflichtig bey obgemelten peenen sein clag  
 vnd Recht daselbs fürzenemen. Vnd so er aber In Jetzge  
 mellter meynung rechtlich vnderweyset wurde das die sach  
 seiner Clag mit daran. sönder an ewssere gericht gehörte. so  
 mag er dasselb vnuerpeent ersuchen.

Auch ob sich begeben dz einich der obgemeltē personen ditz  
 gesetzts genugsams wissen nit hetten. Also. das sie sich sol  
 lichts vnwissens mit Iren ayden benemen möchten. so solten  
 dieselben auff vnderichtung ditz gesetzts dasselb Ir ewsser  
 fürgenommen Recht mit allem seinem begriff auff Ir selbs  
 cost vnuerzogenlich abstellen on der widerparthey cost vnd  
 schaden. vñ ob auch der widerteil ichts darauff gelegt hett.  
 dasselb soll im die clagend parthey auff rechtlich erkantnis  
 vnd messigung zuuoran aufrichtē. Vñ sich darnach des wi  
 derteils geordentē gerichtts geprauchē. auf verpeenung sol  
 lichts gesetzts. Vnd ob aber sich begeben das eyniche vnser  
 Burger oder Burgerin für ainen Richter kōmen. vñ in bey  
 wesen zweyer schöpffen Inen statlich vñ glerplichē fürbrig  
 en od melden würd. Das eynich sein schuldiger hie Burger  
 Inn oder außerhalb diser Stat mit tod vergangen wer. vñ  
 er nach getrewer vleyßiger nachfrag hie Im pittelstab mit  
 het erfahren mügen eynich desselben seins abgegangē schul  
 digers verlassne habe oder gütter. daruō er sich verhoffenn  
 möcht sein außstemndig schuld mit Recht zuerlangen. oder  
 zuerwynnden. noch auch eynichen erben. der sich desselben  
 seins abgāgen schuldigers habe oder gut annemē wolt mit  
 beger vnd ersuchung Im zuerlawben vnd zuuergōnnē des  
 gestorben seins schuldigers verlasen habe vñnd gut ligend

oder varend wo er die außershalb disz pitteftabs ankumen  
 vnd erfare möcht. mit verpotten. Arrest kümer. ladung. vnd  
 ander gerichtsvbung anzetaften fürzenemen. zurechuertig  
 en vnd wie sich gepürt nachzeuolgen. so soll im das yezuzeit  
 ten von dē Richter. bys auf sein oder eins erbern Rats künt  
 lichs widerrueffen. erlawbt vergönt oder gestattet werden  
**Doch** wo sich nachuolgend warlich erfunde. das der **Clas**  
**ger** In sollichē vorgemelten seinem fürpringen vnwarheit  
 gebraucht vnd damit betrieglich gehandelt het. **Oder** der  
**Clager** auf gepruch des widerteils weysunge seinen vleysß  
 In den dingen fürgegebē vnd geprauch mit seinem **Rech**  
 ten nit bestetten möcht. so soll er alsdann fürderlich sollich  
 sein fürnemen besüchung vnd gebrauchung der ewern ger  
 richt gar gentslich vnd ledigklich abstellen vnd abthün on  
 seins schuldigers vnd seiner erben **Costen** vnd schaden mit  
 bekerung vñ widerlegung aller erlittner hawbtschedē vnd  
 gerichtz **Cost** des abgegangen seins schuldigers nachuol  
 gendē erben oder sachern. **Vnd** darzu soll er gemeyner stat  
 darumb zu vnablessiger peene funftzig guldein lanndswe  
 rung verfallē sein. **Wo** er aber derselben peene zubezalē nit  
 vermöcht. oder sich sunst vast streflich vnd vngepürlich dar  
 Inne gehaltē het. so wolt In ein **Erber Rat** darzu straffen  
 an leib oder an gut wie er yezuzeitē nach gestallt seiner ver  
 handlung zu **Ratt** würde.

**Vnd** disz obgeschriben gesetz. soll vō den **Ihenen** die trün  
 nig sind. oder nach lawt des sechsten gesetzz vnder dē vier  
 dten tittel. von den trünnigen lautend. für trünnig gesagt.  
 nit verstanden werden.

**Der ander Tittel.**

Gesetze von allerlay gewelten al  
hie. vnd anderswo. Auch der gesip  
ten.

**Das erst gesetz.**

Von gewelten alhie vor dem Rich  
ter oder gerichtzschreiber erkant  
vnd eingeschriben.

**W**elcher Innerhalb des pittelstabs seinen gewalt  
vor dem Richter. oder einem geschwornen geri  
chtzschreiber. auf gibt das sol beschehe zum myn  
sten In beywesen eins geschwornen schöpfen. od sunst eins  
des klainern Rats. oder zwayer genaten des größern Rats  
Also. das sollicher gewalt mit bestymung der sachen. vñ per  
sonen In das gerichtsbuch eingeschriben werden soll.

*no*

## Was ander gesetz

Von gemellten anderswo außge  
pracht.

**W**elcher außhalb des pittelstabs von andern ein  
den. einen gewaltt fürbringt. Vnd als Anwalt ze  
lagen oder zeantwurten vermeint. der soll vnder  
eins fürsten. geistlichs oder weltlichs prelaten. Grauen. her  
ren. Stette. gepanter gerichte. oder ander zwoyer. oder mer  
erber lewt kundigen Insigeln. oder durch eins od mer glaub  
würdigen Notarien kundige Instrument. seinen gewalt mit  
bestymung der sachē vñ der partheyen. den sachē verwandt  
fürbringen.

71  
**Was dritt gesetz**

**Von bestallt In gericht zuuersich  
ern der Thenen die sich vntersten  
Ir gesippte freunde zuuertrettē.**

**M**eynant vō wegē einer zugehörigē person In  
gesippte des gepluets bis in den drittē Grad In  
Recht zeclagē. od̄ zeantworten. oder ichts anders  
Rechtlich zehandeln vermainte. Vnd des einichē sundern  
gewaltsbrief noch vrkund nit fürbrechte. der mag vō dessel  
ben wegen gewalt verpurgen. oder sunst nach notturfft vers  
sichern. sollichs. so er seinerhalb handelt. durch denselben  
stet vnd vest zuhaltē. vnd dem nach zekomen. als sich gepurt  
vnd Recht ist.

## Der dritt Tittel

**B**esetze vō furnemen manger lay gerichtlicher verkundung vor angefangtē oder Inn hangendē Rechten. Auch verhindrung auss Eehafft vnd vō verpott offentlich er anschlahung.

## Das erst gesetz

Von erstlicher verkundung außser halb hangends Rechtē. damit gemess der fürpott fürzenemē vnd zebehallten.

**O**ß sich In Recht erayschē vnd gepüre wurde eynich erstlich verkundung außserhalb hangends Rechten yemandt zuthun. vrsachenhalb. das In die sachen. derhalb ander partheyē geneinander In Recht stünden. auch berürte vnd antreffe. damit er In den Ruge nit verrechtet werde. so sol es mit sollicher verkundung od oberantwortung derselbē gehalten werdē als mit den fürpottē.

## Das ander gesetz

Von aufgelegter verkündung der partheyen anderer personē die sy fürschlecht vnd von abschied der verkündtē auf gewöliche vrfrag. Oder die sachen alsdann auf irer vnd der andern partheyē fürprüg en entscheiden zelassen.

**O**der clager vnd antwurtter geneinander In Recht langē Welche parthey dann auß redlicher vrsach fürschlecht. das die sach desselbē Rechten ander person eine oder mer berürte oder antrefte. dermass. das die vrteler erfunden notturfftig zesein sollich personen mit ainer verkündung darzu zuerfordern. so sol alsdann solliche verkündung derselbē parthey. die sy fürgeschlagē hat. aufgelegt werden. wolt dann der. dem vrkündt wer worden. souil vñ Ine die sache berurte dasselb recht seinerhalb Clag oder antwurtweis auf sollich verkündung vertrettē. zu dem selben gericht. oder auf zimlich zug des Rechten. so In er teilt wurde. das mag er thun. also. das zwischen allen teilen souil fürpracht vnd entschieden werde. als sich in Recht gespürte. Vnd so er aber fürprechte. er wer mit erstlichem fürpott nit erfordert. vnd wolt sein sache vnd vermainte gerechtigkeit. In mit ainer vrfrag vorbehaltē. auf maynung. das In sollichs Recht zwischen denselben partheyen fürgenomen. vnschedlich sein sollte. so möcht er damit abscheidē. vñ zwischen den partheyen beschehē was Recht were. Es wer dann das die partheyē. so alsdann gegēeinander In Recht stunden. In einicher gerechtigkeit Interesse od besonders

antreffens seinerhalb nit gestunden. so sollte er sollich sein vermainte gerechtigkeit eröffen. vnnnd so sich auß bederteil fürgab seinerhalb. solliche seine vermelte gerechtigkeit nit erfunde. so sollte seinerhalb vnuerhindert zwischen den partheyen beschehē was Recht wer. Het er aber der sachē als clager zuthun. das möcht er fürnemen als Recht ist. Het er aber derselben sachen zethun als verantwurter. so möcht **I**ne die parthey. die Rechtlichs auftrags gen **I**m notturtig wer. mit fürpott vnd clag erfordern. wie Recht wer. vnd wo aber die **I**henen. den verkündt wurde. vnuerhindert der **E**chafft durch sich oder yemandt anders vō iren wegen nit erscheinen. so sollte zwischen den partheyen damnoch beschehen was Recht were.

**Das dritt gesetz**

**Von verkundungē in hangendē Rechten. wie die beschehen sollen.**

**A**lle nachuolgende verkundung oder verscheinpot tung **I**n hangendē Rechtē. sollen dem sacher oder seinem anwalt. der alhie in der **S**tat entgegen ist. vnder augen beschehen. vñ wo sich aber der sacher vō hinc



nen thet. vñ keinen gewalt hynter Im lief. oder der anwalt dem Clager oder antwurter oder seinem anwalt mit kundig wer. so möchten die zu seiner gewöhnliche wohnung oder herberg beschehen. od wo sy nit gewisse herberg. wohnung oder anwesen hetten. sollt das an dem Rathaws angeschlagen werden.

### Das vierd gesetz

Von verkundungen gerichtliche bekantnus oder vollung zeuernewē. wie. vnd wohin die beschehen sollen.

**A**lle verkundung die gerichtliche bekantnus oder vollung zeuernewen fürgenommen werden. die sollē zu haws zu hofe oder herberg beschehen. Doch also. das es der Judenhalb gehalten werde. auf maynung der gesetz vnder dem xxij. titel Jrenhalb fürgenommen.

76  
**Das funft gesetz**

**Von verhinderung zuerscheinen  
aus Eehaffter nott.**

**O**yemandt. dem fürgebotten vnd verkündet wer  
wordē. zuerscheine verhiindert wurde auß Eehaff  
ter not. das sol er erscheinbotten auf die bestym  
pten vñ beschiden zeit. oder ob er an sollicher verscheinbot  
tung auch verhiindert wurde. das sol der erfordert. so schirst  
söllichs gesein mag fürbringē. Vnd nach gestallt der sache  
sol darnach auf erkantnus der vrtailer beschehen souil vñnd  
Recht ist. Erfunde sich dann das er auß Eehaffter not ver  
hindert wer worden. Vnd einen scheinpottē one gewalt der  
hauptsachen schicket. so sol Im widerumb verkündet wer  
den. Erschynne aber er in aigner person. oder durch seinen  
vollen gewalt zu der hauptsach. so sol darnach verrer proce  
diert werde. Vnd es sollen Ine auch die hemdel dauor für  
genommen nit verhefften noch verpinden. vnd so sich aber nit  
erfundē das er auß einer Eehafft verhiindert wer wordē. so  
sol der gerichtshandel. souer der alsdann geraicht het. bey  
krefften beleiben. vnd verrer geschehen das Recht ist.

77

## Das sechst gesetz

Von verpott aller offentlichen an-  
schlagung pey bestympter peene  
vnd vrlawbung herprachter ge-  
wonlicher vberantwortung vnd  
eroffnung der hendele.

**E**rleimüttung. Vnere. Vngelimpf vnd vnfreunt  
schafft zefürkomen. so sol hinfür nyemant vber dē  
andern eynich brief noch schrift offēlich anschla-  
hen an das Rathaws. die kirchtüren. Stöcke. hawstüren.  
noch anderswo In einich weis. Vnd wer das vberfüre der  
sollt zu vnablesiger peene Vier monat an ainen turn In  
ein versperte kamer gestrafft werde. Doch mag er den halb  
enteil derselben straffe mit dem gelt darauf gesetz. abbrin-  
gen. vnd ledigen. Aber den andern halbentail sol er mit sei-  
nē leib volbringē. Wo aber yemāt vermainte sein notturfft  
zesein besunder vrsachhalb wider yemāt etwas aussershalb  
gerichtlicher vbung angeschlahen das mag er dauor an einē  
Erbern Rat pringen. Vnd was dann deßhalb mit Im ges-  
schafft wirt. dem sol er gehorsam sein. Vnd nachkomen.  
bey vorgemellter peene. Aber allerlay Rechtlich oder ger-  
ichtlich vberantwortung. eröffnung. verkündung. verschein-  
pottung. oder annder notturfftig ersuchung. sollen nach  
desselben rechten oder gerichtts ordnung zimlicher weis für-  
genomē werde. mit souil bescheidenheit als darzu gehörte.

## Der vierdt Tittel

**G**esetze vō mancherley gerichtlicher verpot der Geste mit vnderchied. Auch Irer nachuolg vnd verkündung vber lannnd auf die selben vnd gen den trunnigen vnnnd Irer hab antastung.

### Das erste gesetzze

Vō verpott der Geste auf vrlaub des Ratts oder Burgermaisters. vnd der geste verpflichtet vnnnd erledigūg auf Recht. vnd Irer hannt habung zu fronuest auf Ir vngehorsam.

**G**este sollē durch Burger nit anders dann mit eins Ratts oder Burgermaisters vergunst vnd erlawbnuß verboten werden. Es wer dann das der Clager zu demselben. den er zeuerpiettē vermeint. dauor hie erstamndene vnd erlangte Recht het. vnd fürprecht. so mag er alhdann In crafft söllicher seiner erstamnden gerechtikait. außerhalb sunder erlawbnuß eins Ratts oder Burgermaisters. denselbē seinen widertail. oder sein habe vñ gut. durch einen geschwornen Fronpotten verhefften vnd verbietten. vnd omb verrer hilff vnd execucion wider Ine vnd sein gütt fürzenemē anruffen. So aber ein gast sunst durch vergünst

eins Ratts oder Bürgermeisters verhefft oder verpotten  
 wurd. vnd er auf sollich verpott gepurlich vnnnd genugsam  
 sicherheit vnd Burgschafft dē Clager tette Im alhie Rech  
 tens zufflegen. vnd dem gnuß zethun. wie dam Recht ist.  
 des solt sich der Clager vō Im benugē lassen. Doch also. dz  
 gen Im oder seinem Bürgen fürbasser dem Rechten nach  
 gegangen werde nach seiner ordnung als Recht ist. so solte  
 dem beschhē verpott vnd Clag zu der person oder der vers  
 potten habe nachgeuolgt werden. als gerichtts forme vnnnd  
 Recht ist.

So aber der gast eynnich sicherheit noch Burgschafft mit  
 thun wolt oder zethun vermöcht. Vnd doch die sachen ders  
 maß gestallt wer. das sy nach erkantnuß des Rechte alhie  
 solt aufgetragen werden. so soll der zu Fronuest gehandt  
 habt werden. so lanng vnd verr. bis der gerichtzhandel an  
 disem gericht seine auftrag het. vñ bis er gehorsam laistet.  
 Wie obgemelt vnd Recht ist.

## Was ander gesetz.

**V**o nachuolg der verpott der zeit  
halb mit peen der erleschung der  
selben.

**I**n Burger sol seinem verpott In vierzehē tagē  
darnach den nechsten mit verkundung vnn̄d Clag  
oder verrerm gerichtszwāg nachkomē als Recht  
ist. Vñ wo er aber sollichem seinē verpott dermaß mit nach  
komē. so soll alsdann dasselb verpott tod vnd ab sein.

## Was dritt gesetz

**V**on verkundung vber land dē ge  
sten auf verpott Irer habe.

**I**n habe oder gutt eins Gasts bey einem Burger  
verpotten wirdet In abwesen desselben gasts. so  
soll Ime darzu vber lannd verkundet. Vnd Im  
deshalb ein nēlicher tag nach gelegenheit seins Anwesens  
gesetzt. vnd fürter dē verpott nachgeuolgt werden. wie ob  
gemelt Vnd in dem nechst obbegriffen gesetz angezaigt  
ist.

87

## Was vierdt gesetz

**N**o verpott der Geste gen andern  
Gesten.

**E**in gast dem andern Gast sein habe alhie In  
dem pittelstab verpüte sachenhalb. die sich alhie  
aufzetragen gepürten. damit sol es gehalten wer  
den als vor vnderschieden ist In denselben gesetzen dauon  
begriffen.

## Was funft gesetz.

**V**on hannthabüig der Geste habe  
von Irem wirt vmb zerung.

**I**n yeder Wirt mag vmb sein zerung bey Im bes  
chehen. seins Gasts habe vnd gutt. der söllliche ze  
rung pey Im gethan hat. verrsperrren vnd hannde  
haben one Fronpotten. Vnd on vrlaub auf gürtlichen oder  
Rechtlichen außtrag als herkomen vnd gewonheit ist.

## Das Sechst gesetz.

**W**o verpott gen den trunnigen für  
zenemen.

**W**elche der oder die weren. die nu fürter von hyn  
nen zügen oder ziehen wolte. vñ Ire glaubiger mit  
vergnügt hetten. so dann derselben glaubiger ein  
er od mer. der Frist also verschinen vnd hie burger oder bur  
gerin wer. für einen Burgermaister komen. vnd melden wur  
de. das sein schuldiger oder schuldigerin. sy weren Im oder  
außerhalb der Stat auf trunnigem fuß. od Im od andern  
glaubigern zugeuerde vñ schaden Ir habe vnd gutt durch  
sichselbs od yemandt andern verstoffen verändern versch  
cken oder in ander wege abhenndig machen wolt. oder ges  
thon het. so sol alshdan ein Burgermaister gewalt habē der  
selben clagenden person auf ir begern. so er des verstendig  
ist. oder wo im allein das zuschwer wer. mit andern der Rät  
te erkennē. auf seins gelters person oder habe vnd gutt eins  
verpotts zeuergönnen vnd zegestatten. Doch also. das die  
selb clagend person schuldig vnd verpüden sein sol. auf das  
nechst darnach volgend gericht. zu söllichem seinem verpot  
ten schuldiger od seiner habe vnd gutt umb sein schuld. wie  
Recht ist zeclagen. Wo aber demselben gelter vormalis für  
pott geschehen wer. so möchtē alle nachuolgende verfürding  
oder verscheinpottig zu haus zu hofe. wonüg oder herberg  
beschehen an den ennden. da er erstlich mit dem fürpott be  
griffen wer worden. Wo er sich aber zu dem ersten fürpott  
geuerlich verhielt. so sol es damit gehalten werdenn als ob  
begriffen ist. Vnd wo in Recht auf fundig gemacht vnd er  
kannt wurde. das der Clager dem oder denselbenn der per  
son oder habe vnd gutt auf sein anpringen verpotten wordē



25  
wer vngüttlich gethan. vñ vnpillich in söllichen Ruff. Schme  
he vnd lewmut geworffen hette. so sollt vñ müst das derselb  
Clager wandeln dem Richter. mit dem grossen wandel. nem  
lich zehen pfund newer heller. vnd der verclagte person mit  
dem halbentail der Sum darumb er dieselbe person beclagt  
hett. Doch möchten söllich sachen so geuerlich gehandelt  
werde. ein Rat wolt den oder dieselbe darzu straffen an leib  
oder an gütte nach dem sy zu Rat würden.

Vñ wo sölliche yetzgemelte Gesez eynicher gast gen eini  
chem Burger oder Burgerin diser Stat fürnemen vnd ge  
brauchen wolte oder würde. vnd eine Burgermeister darüb  
ersuchte. dem oder denselbe soll ein Burgermeister söllichs  
zeuergönnen vnd zegestatten auch gewalt haben. Doch als  
so. wo einicher Burger. Burgerin. Inwoner oder gast vñ  
söllich verhaft Irer schuldiger leib. habe vnd güt zu einem  
Burgermeister komē würde. alsdann soll der oder dieselbe  
dem benante Burgermeister oder Richter der püß oder wä  
dels eine gnügsame bestalt thū. Wo auch ein Rat die sache  
so geuerlich erkennen würd. möchte er dannoch den oder die  
selben zu der obgeschriben püß vñ wandel an leib oder an  
güt nach gestalt der sachen vnd Irer erkantnüss. straffen.

## Das sibend gesetz

Vö den die satzüghalb der schuldo  
oder sunst fur trunnig angegeben  
werden. vnd von verpottung vnd  
antastüg der habe deszhalb furge  
nomen. vnd vö der peene ires misz  
prauchs vnd gepürlicher weysüg  
aufzuge oder süst mit vnder schid.

**D**hinfür yemädt für einen Burgermaister köme  
vnd Im fürpringen würde. das sein schuldiget od  
gelter satzung oder nachlassung der schuldo an ine  
oder andere sein glawbiger gesummē vnd begert hette. Also  
das sich darauff oder auff ander gelegēhait zeuermüte wer.  
das derselb gellter seinen schuldigern mit halthen oder gepür  
lich bezalung thun vñ leisten wollte. sunder dieselb dardurch  
zu nachlassen oder lengern fristen vber **I**ren güte willen ze  
dringen vermeinte vnd er als pald mit seinem aid betewren  
wollte dz er sollich sein verclagē vnd anpringē nit auff einich  
em neyd noch geuerde seinem gelter. sonder auff plosser sein  
er notturfft tete. vnd sich auch da bey erpütte das er sollich  
sein **C**lag. fürgab. vnd anpringē auff widersprechen vnd an  
fechtung desselbē seins gellters beweisen möcht vnd wolt.  
wie. als er getrawte. zu **R**echt gnüg wer. so soll als dan auff  
solliche getane betewrung vnd erpietten ein **B**urgermaister  
gewalt haben dem selben **C**lager auff sein begeren eins ver  
botts auff dieselben verclagten person oder **I**re habe vñ güte  
zugestatten vnd zuuergönnen damit zefaren **V**nd dem ver  
pott **R**echtlich nachzefolgen wie sich gepurt vñ **R**echt ist.

80  
Ob auch icht mer ander glawbiger vorhanden weren **I**r  
frist weren erschynnen oder nicht. vnd sollich begerung bes  
terung vnd erbietē. wie ob begriffen ist. vor einem Burger  
meister thun wurden dem oder denselben soll sollich verpott  
**I**n obgeschribner maß auch vergönnt vñ gestattet werden.

**V**n̄ was glawbiger dan **I**n dem ersten Monat nach sollich  
em erlawbtē gepott auf erstlichs anpringen sollich begerung  
betewrung vnd erpietten. wie ob gesetzt ist. tetten. vñ **I**rem  
**R**echten auf sollich verpott nachkōmē. wie **R**echt ist. diesel  
ben alle sollen in gleichem **R**echten sein vnd steen.

**W**o aber der verclagt nachuolgend furpringen vñ vermein  
en wurd. das er von dē **I**henen. deshalb auf **I**ne oder sein  
habe vnd gut gepott oder verpott vergunt vñ beschehen vñ  
billich vnd vnwarlich verclagt. **V**nd in **R**uff vnd vngelaubē  
geworffen vnd gepracht wer. so soll darauf der widerteil be  
gagent vnd seinem vorgethanen erbietten gemess. sein fur  
gab dem **B**urgermeister getan. auf zymlich zug vnd frist zu  
beweisen ermant werdē. vñ wo er dann solliche weysung.  
seinem erpietten gemess. alhie in der stat het vñ thun wolt.  
solte er da mit. wie **R**echt ist. zugelassen werden. **W**o er ab  
er solliche sein weisung nit in der **S**tatt. sunder auferhalb het  
vñ darauf schub begerte sollich sein weysung fürzepringē.  
**W**o er dann das. vñ das er sollichs schubs nit **I**n aufflucht  
oder zu geuerde. oder verlenigerung seiner widerparthey bes  
gere mit seinem **K**lide. als **R**echt ist. betewrē mag. so soll **I**m  
zufurpringung sollicher seiner fürgeschlagen weysung. wo  
er die auferhalb der **S**tatt. **V**nd doch in der nehe als **I**n  
nerhalb dē vier weld zesein meldet vnd betewret ein **M**os  
nat. od wo das auferlands vber die vier weld ist. zwē **M**os  
nat zug erkant vnd gegeben werden. **V**ñ wo er in yetz ge  
melter zeit oder in vorbegriffner meynung vnd vnderscheid  
sein obgemelte beschuldigung vnd fürgab gen seinem ver

clagten widerteil nit beweist. des zu recht gnug ist. so soll er  
 alhdann auf söllichen gepruch gegen dem Richter. vñ auch  
 dem verclagten. **Und** auch eins **Ratshalben** In peen. wans  
 del vnd straff gefallen sein. wie in dem nechstbegriffen ge  
 setze von den **Trünnigen** begriffen ist.

**Und** ob yemädt. Er wer **Burger** **Burgerin** **Innwoner** oð  
 gast. dem man schuldig ist. nit anheimisch were. vñ sein weib  
 kindere. frewnd. eehalten. anwalt oder yemandt anders von  
 semen wege auf seins schuldigers person oder habe vñ güt.  
 verpotts begeren würde. das alhdan dieselbē einem richter  
 fürstand thun. ob sy in lawt des vorbestymptē gesetzes peen  
 fellig würden. söllichs nach **Innhalt** desselben zewandeln.  
 vnd aufzerichten. **Und** auch der straff am leib oder an güt.  
 wie vorsteet. zewartten.

## Der funft Tittel

Gesetze vō verrer gerichtlicher  
vbüß des furprigēs der partheyē  
mit einschreibüß der clage. vnd or  
dnüß bedertail furpringēs. Auch  
von ersuchung der aduocatē. vnd  
wandel der vngheorsamen. Vnd  
von vnuerzogenlicher hilff verfal  
lener schulde. Auch von erleschüß  
der gerichtshēdel. vnd rechtlicher  
hilff gen den vngheorsamē verant  
wurtern.

### Das erst gesetz

Von einschreibung oder vberant  
wurtüß der Clage in das gericht  
zu wellicher zeit die beschehē soll.

Es soll ein yeder Clager auf das gericht vnd recht  
seins ersten fürpotts. sein Clag oder spruch in dz  
gericht beschriben gebē. oder in das gerichtsbuch  
schreiben lassen. damit der verantwurter des wissen gehabē  
müge. Vnd sich seiner antwurthhalb dargegen wisse zehaltē  
Wo er aber des nit tet. so soll alßdann der verantwurter auf  
sein gesymmen des fürpotts ledig erkannt werden. mit sampt  
Condemnacion erlittner gerichtscost.

## Das ander gesetz

**V**o des verantwurters antwurt  
 ober vierzehen tag. oder darnach  
 vnuerkundet.

**O**der verantwurter einer antwurt ober vierzehē  
 tag zethun bekennet. die sol er. oder sein volmechti  
 ger anwalt. thun. Vnuerkündt des Clagers auf  
 den vierzehenden tag. so alsdann ein gerichts tag ist. oder  
 deßgleichē auf den nechsten gerichts tag darnach. solanng  
 bis er vngewerlich fürkompt yezueitten des gerichtz zewar  
 ten. bis das abgeruffen oder abgelewt wirt.

89  
Das dritt gesetz

Von ordnung Rechtlichs furprin  
gēs beider partheyen vnd Irer an  
walte vnd zwifachüg der schrift  
vnd briefe vnuerēdert vnd vō pee  
nen der verhandler.

**E**n yeder clager sol fürbasser sich fleissen sein clag  
lautter vnd notturfftlichen fürzebringen. vñ des  
gleichen sol der verantwortter sein außzüg so die  
haubtsach mit abstellen. die man dilatorias nennet. Vnd er  
fürzebringen vermeynt. mit sampt vorbehehtnüs. ob Ine sol  
lich außzüg mit fürtragen sollten. verrer seiner verstendigen  
antwort. auch zu der Klage seiner exception vñ außzüg. die  
man nennt peremptorias. ob er der zegeprauchen vermaint.  
In derselben ersten schrift. vnd darauf der Clager sein wi  
derrede. vnd der verantwortter sein nachrede. vnd darzu ers  
bietung notturfftiger schriftlicher oder persönlicher weis  
sung. auf das kurtzst. als er verfügen mag. anziehen vnd ein  
bringen. Also. das yetweder tail sein notturfft In zweyen  
schriften fürbringen sol. Es were dann das im auß besun  
dern vrsachen mer fürbringens mit erkantnüs des Rechte  
zügegeben würde. Oder aber das die ordnung des Rechte  
ein vngerade schrift prechte. damit der verantwortter in sa  
chē seiner antwort. die nachrede od nachschrift behalt vñ ha  
be. vñ allweg mit d bescheidēheit. dz d verantwortter anfags  
nach gelegēheit d ding souil einzig. dardurch er in d letzte  
seiner schrift newerüg vermeid. souil im möglich vñ Rechte

90  
ist. **U**nd wellicher tail vber sein fürbringē dauor beschehen  
mit verrers einbrigē will. so soll der ander teil desshalb auch  
mit weitter gehört noch zūgelassen werdē. **D**och das damit  
der verantwurter in seiner nachrede bestee. **A**uch was yetwe  
dertail zū einem mal **I**n einer schrift einpringt. das soll er  
hinsfür in nachuolgeder schrift in sunderhait nit widerumb  
veranderwaiten. dann allain in gemainen worten. nach dem  
aller kurtzsten. **U**nd wer das vberfür der soll zu einer peen  
verfallen sein vnd gebē fünf pfund newer haller. **A**uch soll  
yettwedertail in vberantwortung der schrift in das gericht  
die schrift zwifachen. **I**n gleicher **I**nhalt. damit die ein  
schrift in dem gericht **I**nnligēd bleib. vnd die ander der wi  
derparthey behēdet werde. mit vnderschreibē des gerichtz/  
schreibers. **U**n̄ darzu soll auch einer yeden partheyen seiner  
widerparthey einbrachter vrlünd vnd brief gleich verlaw/  
tēd Copien oder abschrift mit des gerichtschreibers ver  
zeichnūs auf sein des begerenden cost gegeben werdē. **U**n̄  
wo yemāt dar **I**nnen geuerds verdacht v̄n beschuldigt wirt  
der od̄ sein procurator soll sich nach erkantnūs des gerichtz  
des geuerds mit seinem Rechte benemen. als **R**echt ist. **U**n̄  
so er söllichs **R**echt nit thete. so soll er damit nit zugelassen  
werden. **U**nd darzu desselben seinen geuerds zu einer peen  
dem **R**ichter ein pfund newer haller verfallen sein.



### Das vierd gesetz

Von peenen vnd pusz der schmech wort vnd ewseren vndienstlichen henndeln. so durch die selbsacher. oder Ir procuratores in irem fur bringen wider Ir widersachē fur genomen vnd geprauchet werden.

**E**inich procurator oder selbsacher In mündlichem oder schriftlichem fürbringen seiner sachen In gericht seinē widertail mit eynicherlay vnwilligen schmelichen oder freuenlichen Worten anzeuht vnnnd schmeht. derselb procurator oder selbsacher sol das gen dem gericht vnd auch gen dem widertail. Nemlich ir iedem von emem yedē vermeldtē artickel mit fünf pfund Loui püssen. Vñ wo die geschmeht person vermaint das die bemelt peene der Schmech vnd freuel ir zū gezogen zewngemes vñ zeyclayn wer. Vnd damit der geprauch der freuel. vor dē fünf herren des Rats aufzetragen nit gemindert werde. so mag dieselb geschmeht person. darzu dē freueler vor dē fünf herren. oder vor emem erbern Rat darumb fürnemen. die alsdann zu vermelter peen nach gestalt des freuels vñ der geschmehtē person gen dē freueler hādeln sollē als sich gepürt Vnd so dann die Recht wollen. das nit nach den Exempeln sunder nach gepürnus zewrtelen vnd Recht zespprechen sey Nach dem sich dann die partheyen. so yezuzeytten an disem gericht zehādeln gehabt. od ir procuratores vnderstāden habē. Ir rechtlichs fürbringē mit anziehūg ewsserer hēdel. vñ vil ander vnnotturfftiger vñ zu irer sachē vndiestlicher wort vñ meinūg zewermēgē. vñ also zewerlēgē. dz dan nicht allain

den partheyen nicht dienstlich noch fruchtbar. sunder darzu  
 den vrtailern zehören verdrieslich gewest ist. Darumb zu ab  
 stellung des. das dann hinfür einich parthey **P**rocurator  
 oder fürbringer gerichtlicher sachē in irem mündlichen od  
 schriftlichen fürpringen in disem gericht ewsser vnd vnuer  
 want hendel vnd sachen. vnd auch sunst vnmotturfftige vñ zu  
 den sachen vndienstliche wort vnd meynung nit anziehē soll  
**D**ann wer in seinem fürpringen sollich ewsser vnd vnuer  
 want hendel vnd vnmotturfftige vnd vndienstliche wort vnd  
 meynung vorberürter maff anzüge oder geprauchet. dieselb  
 person soll vñ einem yeden sollichen anzug vnd gebrauchung  
 dem Richter zu puß verfallen sein vñ vnablessig bezalen  
 zway pfund **M**oui.

## Das funft gesetz

Von erfuchung des Clagers vnd  
 verantwurters Irer aduocaten  
 vnd irer zuge der zehen tag zu der  
 einrede vnd nachrede der ewßern  
 Aduocatenhalb. vnd der benugde  
 Ir yedes eines Aduocaten. vnd  
 freyer handlung der vbrigen.

**I**n yeder Clager mag vor fürnemen seiner Clag  
 einen aduocaten erfuchen vnd nemen. vnd defglei  
 chen der verantwurter in seinem ersten schub der  
 vierzehen tag. Vnd darnach soll dem Clager zu seiner ein  
 red. so er anfangs einen aufwertigen Aduocaten genomen  
 hatt. wo er das auf notturfft begert. zehen tag vnd mit mer  
 gegeben werden. vnd dem gemess. dem verantwurter zu sei  
 ner nachrede. Vnd wo ein parthey In sölllichem von der an  
 dern diser zugehalb geuerds beschuldigt würde. so soll nach  
 erkantnuß des gerichts die ander parthey. oder Ir procura  
 tor sich söllichs geuerds benemen mit seinem Rechten als  
 Recht ist. Vnd sunst vnd on das soll sy denselben schub mit  
 haben. Vnd defgleich soll es mit den zügen der widerpar  
 they. sy hette Iren aduocaten alhie oder anderswo. dersel  
 ben zehen taghalb auch gehalten werde. Aber darnach söll  
 len bede parthey einich ander noch verrer züge ir Aduocate  
 zcersuchen nit haben. sunnder es soll in dem allem diser ge  
 Richts ordnung von gerichtten zü gerichtten Vnd sunst  
 wie sich dann gepürte vnmündterleslichen nachgegann  
 gen werden. Souil vnuerzogenlichen emtlichen auftrag

94  
zeerraichen. Vnd wo sich aber auf mainung des nechst be/  
griffen gesetzts begeben. das die partheyen mit mer schriftē  
vber die ersten vier schrift dauor einpracht zūgelassen wür  
den. vnd ir notturfft auß **E**chafft ir **A**duocaten zeerſuchen  
bestetigtē. so sollt es abermalen mit dem zug der zehen tag  
wie vor. zū beder seit fürgenomen werden. Vnd yede par/  
they soll sich eins **A**duocaten benügen lassen. damit die an/  
der parthey auch eins bekommen mög. vnd wo eynich parthey  
darüber mer dann einen **A**duocaten geleghait **I**rer sache  
berichtet. so mügen nichts destmynder dieselben andern ad/  
uocaten der widerparthey raten vñ handeln. souil vnd ir not/  
turfft erfordert.

## Das sechst gesetz

Von dem wandel der vngehorsamē der bekantnuss Irer antwort halb.

**O**der verätrourter auf dz erst fürpott eins gasts. oder auf das ander eins Burgers. der dann mit dem fürpott alhie in der stat begriffen wirt. durch sich oder seinen Anwalt oder scheinpotten eynich antwort auf die vierzehen tag zethun mit bekante. **Vñ** auch alshdan in antwort nit tritt. so soll er das herpracht gewonlich wandel geben vnd verfallen sein. **Nemlich** ein pfund newer halter. **Doch** mag er auf den vierzehenden tag. oder so der nit eins gerichts tag wer auf den nechste gerichts tag. darnach zu seiner antwort vnd weere. wie sunst wol greiffen vnd kommen. **Vnd** wo aber eynicher tail alshdann vngehorsam erschiene. **In** sollichem soll es gehalten werden auf maynung des nechstuolgenden gesetz.

# Das sibend gesetz

## Von vollung vnd hilff des Rechte auf vngheorsam der verantwurter.

**O**der verantwurter auf sein fürpott. das perem  
 ptorium oder endtlich ist. Vnd darzu auf die zeit  
 vnd den gerichtts tag seiner antwort. durch sich od  
 seinen Anwalt mit erschynne. sunder vngheorsam blibe. so sol  
 alsdan dem Clager nach Innhalt seins spruchs. oder dag  
 der hauptsach vnd der gerichttskosten vnd scheden. deshalb  
 erlitten. vollung erkant. Vnd auf ablewung desselben ge  
 richtts geschriben. vnd Im in krafft derselben vollung mit ver  
 rem gerichttszwang vñ execucion nach ordnung des gerichtts  
 verholffen werde. Doch ob vor gantzer volziehüng entlicher  
 Execucion vnd vollstreckung sollicher vollung vnd Rechtens  
 der verantwurter sein verhinderung auß eehaffter not. mit  
 gepürlicher verscheinpottung des clagers. vnd vber sein ges  
 genwer in Recht fürprecht vnd behielt. wie sich gepürt vnd  
 Recht ist. so solt er zu seiner Rechtliche were der hauptsach  
 zügelassen. vnd die mit Recht außgefürt werden. vnd Im  
 darauf die erlangt vollung mitsampt der gerichtlichen nach  
 uolg dauor beschehen. vnschedlich. auch vnuerpflichtet sein.  
 dem Clager seinen Cossen vnd schaden seins außbleibens  
 halb erlitten zebekeren. Vnd wo aber die execucion vnd vol  
 ziehüng desselben Rechten vor diser parthey erscheinung vñ  
 fürbringen entlich worden wer. so sollte es dan bey demsel  
 ben außgefürten vnd volzogen Rechten bleiben.  
 Vnd mit form vnd ordnung der execucion oder volziehung  
 des Rechten sol es gehalten werde. als die gesetze derhalb  
 begriffen außweisen. Nemlich vnder dem aylften Tittel  
 von mancherlay Execucion vnd volziehüng des Rechten. In  
 besundern gesetzen nach gelegenheit der sachen. habe vñnd  
 Rechtens mit vnderscheid begriffen.

97  
**Das acht gesetz**

Von vnuerzogenlicher antwurt  
bekäter schulde on frist. vnd schrei  
bung der vollüg on zug der vierze  
hen tag. Oder auf span der sachen  
difen schub zehaben.

**A**ein gast einem Burger oder Inmwoher gelt liz  
he. oder wein. Coste. getreide. pfenwert. oder der  
gleichen verkauffte. vmb pargelt. oder darumb mit  
nemlichen worten kein frist in sunderhait abgeredt oder be  
taydingt würde. Vnd der Burger oder Inmwoher der selbē  
kauffsum oder gelihen gelts auf das erst fürpot an gasts  
stat fürgenomen in gericht oder Recht. vnnnd auf frag eins  
oder mier der schöpfen oder vrteiler bekentlich wer. so sol als  
dann der verantwurter seinen zug oder schube die gewonli  
che vierzechen tag mit haben. sunder es sol dem Clager zu dē  
verantwurter alshdan auf söllich sein bekantnis verholffen  
werden. als ob auf Ine nach gericht. ordnung eruollt vnd  
erwundē wer. So aber der verantwurter wider die geschichte  
der warhait söllicher kauffsum oder gelihen gelts In abred  
stunde. oder als spennig fürneme. anders. dann sich darnach  
als pillich oder gepürlich erfünde. so soll der verantwurter  
dann zumal seinen schub haben auf das nechst nachuolged  
gerichte. Vnd so dann er sich der vermelden bekantnis söl  
licher schuld wider pillichkeit gesperrt vnd dem Clager das  
Recht verzogen hett. so solt er dem Clager mit allain die ge  
wonlichen gerichtscost vnd scheden. sunder auch sein person  
lich Cost vnd darzu die Cost der zugewandten personē vñ  
pferde dieselbē zeit erlitten. auf messigung des Rechten be  
keren vnd aufrichten.

98  
**Das newndgesetz**

Von erleschung der gerichtshen  
del auf absterben der partheyen  
einer vor bestetigtem rechtlichem  
krieg vn furgenomen einicher han  
gender appellacion von vnterred  
licher vrteil vnd ausztrag derselbē  
sachen vnd erlittner cost vnd sche  
denhalb.

**A** Clager oder antwurter. vor vnd eedann entlich  
zu dem spruch geantwurt. vnd der spruch verneynt  
oder veriarwort. vnd dardurch also lis contestiert  
wer worden. mit tod abgeet. so soll dasselb furgenome recht  
damit abgestellt vñ geuallē sein. Also. das söllichs mit newē  
fürpott vnd clag darnach sol vnd müß furgenomen werden  
mit abstellung beder partheyenhalb der ersten erlitten costt  
vnd scheden. also. das eynicher tail dē andern darumb nichtz  
schuldig sein sol. Es wer dann. das vor litis contestationem  
in dem handel eynich vnderredlich vrteil gesprochen von den  
geappelliert vñ darauf Cost ergangē weren. so solt alsdann  
der handel vnd sachen mit abgestellt noch gefallen sein. sun  
der die möchte an den enden. da sich das gepürt außgetra  
gen werden. Vnd wo aber der Rechtlich krieg angefangt.  
vñ in obbegriffner meynung lis bestetigt oder appelliert wer  
worden. vñ cost darauf gangen. wie obgemelt ist. so solt söl  
licher gerichtshandel oder instantz mit geuallē. sunder die er  
ben des abgegangen teils darinn verfast sein. Doch das zel  
fürdern processen des abgegangen erben. allweg verkündt  
werde.



99  
**D**er sechst Littel.

**G**esetze von mancherlay rechtlicher vbung in der hauptsach. Clage. vnd antwortweise. Auch der gerichtsscheden. vnd vō spennüg vmb das. so der dritt Innhat. vnd von vertretung der frawen von irem māne. Auch irer clage vnd ir yetweders vertretung des andern in gemeiner schulde. vnd von vorbehaltung aller auszüge vnd noturft. Auch vō furnemē der gelter vor dem zil. vnd vō dem widerrechtē des gasts. Auch vō pēnigē vnd achtern. vnd vnuerhidert der fery verscheinpottüg zethun. vnd vō den synnlosen. vnd andern die sichselbs nit vertrettē mogē. Auch vō ledigüg des verätwurters vnbestetigt der Clage des Clagers. vnd vō entlichē aiden die nach beschließ der weysüg furzenemen. Vnd vō heymwerffung derselbē. Auch auf moltigen mund vnd in ewssern geschichten. vnd von verpott des spilgelts.

# Was erst gesetz

Von yeder partheyē beger der cō  
demnacion der gerichtts Cost vnd  
schedē vnd Rechtlichem entschid  
derselbē in entlicher vrteil vnd irez  
messigung auf verkundung on ey  
nich furbot.

**I**n für sol yede parthey. Sie sey Clager oder ant  
wurter Burger Innwoner oder Gast. die dann ir  
gerichtts Cost vnd scheden In/Recht zeeerwinden  
vermeynte. In irem fürbringen der Condemnacion Ires  
widertails söllicher gerichtts cost vnd scheden auf beschlies  
Irer petitz. begeren. darauf die vrteiler In entlicher vrteil  
auch damit vmb dieselben gerichtts Cost vnd scheden Con  
demnieren oder Compensiern sölle. Also. das eins mit dē  
andern zugee. Wie sich dann söllich nach gestalt der sachē  
vnd des Rechten zethun gepürt. Doch mag der taxacion vñ  
messigung derselben on eynich fürpott. sunder allain durch  
nachuolgend vrkundung vnd souil fürpringens. als die not  
turfft erfordert. wie Recht ist. nachgeuolgt werde. Welche  
parthey aber der Eegemelten condemnacion vor entlichem  
Rechtsatz in Irem fürbringē mit begerte. die sollte darnach  
damit mit zugelassen werden.

Und die gewonlichen gerichtscheden. sein. der lon der gerichtschreiber vmb ir mü. lesen vñ einschreibē. Auch briefgelt der gerichtschreiber vnd Cantzelschreiber. vnd darzu gepürlich belonung der procuratorn. vnd auch zuuoran den Fronpotten. Richter vnd Richters knechten. vnd darzu die Costung erteilter vnd gestellter zeügen. Alles vnd yedes mit souil Taxacion vnd messigung als darzu gehört.

Und der Gesthalb sol es mit der Condemnacion der gerichtscheden mit beder partheyen verpflicht gehalten werden. als mit den Burgern.

102  
Was ander gesetz

Von spennen zwayer partheyen  
gelts oder guttshalbē so der dritt  
Inhat.

**S**owu partheyen oder mer spennig vnd Rechts  
gegeneinander notturfftig sein. gelts oder ander  
habehalbē. das der dritt Inhat. Es lege der drie  
dasselb In gericht. oder mit. so sollen die partheyen sollich ir  
Recht geneinander mit fürpot anfemngen. mit verkündung  
des dritten. Vnd das darauf auftragen. als Recht ist.

103  
**Was dritt gesez**

**Von vertretten des manns seiner  
Eelichen frawen.**

**E**in fraw die einen Eelichē man hat mit Rechte  
fürgenomē wirt. Vñ in aigner person. noch durch  
Iren Anwalt nit erscheynt. so mag sy derselb Ir  
Eelicher man in Recht verantwurten vnd vertretten. Doch  
also. das er darnach vor entlicher vrteil Irer verwilligung  
vnd befreffigung söllichs gerichtshandels fürpringen sol  
Wo er söllichs nit tette. so sol er zu peen verfallen sein dem  
gericht vier pfund newer haller. Vnd der widerparthey Ir  
Cost abzelegen. Vnd der man sol alsdann hinfür in derselb  
ben sach on sundern gnügsamen gewalt nit zugelassen. sun-  
der wider die frawen procediert werden. Aber die fraw. die  
mit irem man zegelten nit schuldig ist. mag iren man one be-  
sondern gewalt nit vertretten sie thet dann deshalb bestalt  
zu Recht.

## Das vierd gesetz

### Von Clage der frammen Irerselbs besonnderer habehalben.

**I**n yede fraw mag Irenhalb in sachen syselfs od  
Ir besonnder habe oder gut berured. personlich  
oder durch Iren gewalt clage in aller dermas als  
der man seinselbhalb thun mag. Vnd in disen sachen mag  
sy der man one Iren gewalt nit vertretten.

105  
**Was funft gesetz**

**Was die Eelwyt vmb Irer beder  
versament schulde einander Im  
Rechtē Clag vnd antwurtweise  
vertretten vnd verwesen mogen.**

**A**lle Burger vnd Burgerin die zu offem Kram od  
marckt steen. Vñ andere die miteinander alle irer  
beder schuld versamentlich zebezalē schuldig sein.

So sollen sy bede vnd iz yedes in sunderhait vmb alle Clag  
vnd spruch sollich schuld berürende zu antwurt steen. Vnd  
desgleichē mag iz yedes irer bedes versamelt schuld als vol  
mechtig Clagsweis mit Recht eruordern vnd einbringen.

Vnd was personen miteinander zebezalen schuldig sind.  
findet man hernach vnder dem zwelfften Tittel am fünfs  
ten gesetz. von sachen heyrat. vnd beder Eelwyt verpflichtet  
berürende.

106

## Das sechst gesetz

### Von vorbehaltung aller rechtliche aufzuge vnd antwort.

**E**inem yeden antwurter. er sey Gast oder Burger  
oder auf das erst. oder das ander nachuolgend für/  
bott antwort zethunde bekennet. sollen alsdan da  
mit seine aufzuge mit benomen. sunder vorbehalten sein. zu  
uoran wider den gewalt. Vnd auch sy werē dermass gestalt  
Also. das der verantwurter vermeint. das solliche sach der  
Clag in auftrag ditz gerichtis nit solte gehōrē. die man dan  
zu latein nennet declinatorias. oder die zu Rechtlicher vñ ge  
pürlicher erlengerung des Rechten dientē. die man zu latein  
nennet dilatorias. oder aber in die hauptsach rürtē. die man  
zu latein nennet peremptorias. Vnd in crafft der declinato  
rien möchten fürgenomen werden. Also. das die dannzumal  
sollen verhört. Vnd darnach entschieden werden.



107  
**Das sibend gesetz**

**Von furnemen vnd beclagen der  
verantwurter wider die Clager  
in hangendem rechtē des clagers.**

**E**in Burger. diener oder Inwooner einem an  
dem fürpeitt. vnd Ine darauf beclagt. V.loch dan  
vnd nichtz destmynder mag der verantwurter. den  
Clager vmb andere sein spruch vnd vordrüg auch fürnemē  
vnd beclagen. Also. das yedem Rechten vnd gerichtshan  
del nach seiner ordnung vnd sich dan gepürt. sol nachgegan  
gen werden.

## Das acht gesetz

108  
Von furnemen der gelter vor dem  
zil oder frist. mit erstreckung souil  
zeit nach der rechtē frist. er erschei  
ne dann trunnig. Auch vō entrich  
tigung der gerichtscost vnd sche  
de den Thenen die vmb mer dann  
die summ trift beclagt werden.

**N**yemant den andern mit fürbot vnd Clag für  
nympt vmb schuld. zyns oder anders. vor vñ eedan  
er im das zebezalen vnd außzerichten schuldig vñ  
pflichtig ist. so soll der Clager dem verantwurter nit allein  
sein erlitten gerichtscost vnd scheden auf erkantnüss vmd  
messigung des Rechten bezalen vnd außrichten. sunder er  
ist auch darzu verfallen vnd schuldig dem verantwurter so  
uil zeit der bezalung vnd außrichtung halb zugegeben. als er  
In vor der zeit oder zil wider die pillicheit vnd Recht fürge  
nomen hat. Es wer dann. das der verantwurter flüchtig od  
trunnig. oder mit söllicher verenderung vnd entpfömbdüg  
seiner habe vnd güte erschyne. dardurch er dem Clager sölli  
cher Clag vnd Rechten alsdann oder auf künftig zeit vr  
sach gegeben hette. wie dan söllichs in Recht außgedruckt  
würde. Vnd so aber yemant vmb ein grössere anzale. summ  
oder anders clagte. dann Im der antwurter schuldig ist. vnd  
sich söllichs dermass in Recht erfindet. so sol der Clager de  
antwurter sein erlitten gerichtscost vnd scheden. wie die ges

messigt werden. drinaltlich aufrichten. **U**nd wo aber ey-  
nicher zweifel oder Irrung in dem. darumb der clager clagte  
erschyn. **A**lso. das er deshalb eynich sicher vnuud entlich be-  
stymung vnd begere nit thun noch setzen möcht. so mag  
der clager dasselb bestymmen vnd des begeren mit gepür-  
licher messigung des **R**echten zuzeiten auf auftrag gepür-  
licher rechnung. wo das durch rechnung sol fürgenomē wer-  
den. **U**nd alsdann ist der **C**lager in sölliche peene des rech-  
ten. der merbittunghalben nit geuallē. **A**ber sunst sol es der  
gewonlichen gericht's **C**ost vnd **S**chedenhalb gehalten wer-  
den. als recht ist.

## Das newnd gesetz

### Von widerrechten des Gasts gegen einem Burger.

**A**ein Gast einem Burger fürpewt. so mag der Burger. der dann widerumb spruch zu dem Gast hett. oder zehaben vermeint. vnd die namhaftig machte. den Gast zu dem ersten gericht des fürpotts. oder auf das gericht seiner bekantnis vber vierzehen tag. andin gen. Im widerrechts zesein. das Im der clager auch pflegē soll. Also. dz ein Recht mit dem andern zugew. es schuff dan ein Rat abe. vnd so auch der Gast durch emē anwalt clagt so soll der anwalt auch gewalt haben vñ fürbringē söllichs widerrechten zepflegen. In aller dermass. als ob der sacher selb gegenwürtig wer. vñ so der anwalt mit völigem gewalt nit also geuertigt ist. so soll Im der verantwurter nit schuldig sein verrer zeantwurten. solang bis er des widerrechtēs halb gnügtsamen gewalt fürbringt. oder einen gnügtsamen bestand darumb thut. Doch so der Gast seiner personhalb od ettlicher sunder sachē vñ fallhalbē alhie zewerchten nit gepürende. vermeinte des nicht schuldig zesein. darumb sollte nach erkantnis des Rechten geschehen was Recht ist. Vñ so aber der Burger den Gast in eegemellter meynung omb söllich widerrecht mit angedingt hette. so sollt alsdann vnd darnach der Gast Im einichs widerrechten in der sachen zepflegen nit schuldig sein. sonder möcht Im an sein geordēt gericht nachfaren vnd Ine daselbst fürnemen. als Recht ist Unangesehen söllichs hangenden Rechten.

## Das zehend gesetz

Von den die in dē panne oder acht  
sein. das die nit cleger sein mogen.

**I**n yeder der in dem pamm. oder in der acht. vñ des  
bekentlich ist. oder in gepürlicher zeit. nemlich acht  
tagen beweist wirdet. der soll durch sich oder seine  
Anwalt in seiner clag nit gehört werden. alledieweil er in dē  
pamm oder in der Acht ist. Doch sol vnd mag er antwurtē. vñ  
sein gerechtkait antwurters weise fürbringē. Auch mag er  
als antwurter den Clager zu einichem widerrechten seiner  
vermaynten sprüchen nit andingen.

## Bas aylft gesetz

von abstellung aller freyung vnd  
fery dermass. das vnuerhindert  
derselben furbott. verkundüg. an  
pietten. vnd andere gerichtliche  
volziehung mogen furgenomen  
werden.

**E**solhinfür zu einicher zeit des iars der freyung  
Es sey umb sant Egidien tag. Auch zu des heilig  
tums weisung. dauor. oder darnach. Vnd des  
gleichen. so feyrtag oder fery. oder aber sunst. so nit gericht  
tag sind noch gehalten werden. nyemant auß den Burgern.  
Burgerin noch inwooner hie gefreyet sein für gerichtlich  
fürpott. verkündung. anpiettung. vnd der gleiche verscheins  
pottung.

## Das zwelfft gesetz

113  
wie es mit den vnmündigen vnd  
den die in gewalt irer vormunde  
steen. vnd den synnlosen. vnd den  
gestraften in gefengknus mit Cla  
gen vnd antwurten sol gehalten  
werden.

**D**ie vnmündigē. vnd die da steen in gewalt irer vor  
munder. Vnd die synnlosen. die dann völligen ge  
brauch irer vernunft nit haben. Vnd auch solliche  
personen die irer mishandlung vñ vnwesenshalb in gefeng  
knus vnd straf eins Rats begriffen sein. die mügen mit cla  
gen. noch antwurtē. verhynderußhalb auß rechter eehafte  
Doch mügen ire vormund vnd pfleger irenhalben clagen. vñ  
sollen antwurten. vnd alle ire notturt handeln vnd fürnemē  
wie sich gepürt vnd Recht ist. Vnd welche auß Inen nicht  
pfleger noch vormund hetten. den sollten von gemeinem für  
wesen. nemlich einem Räte pfleger oder vormund gegeben  
werden. die dann irenhalb handeln sollten vnd möchten wie  
obbegriffen vnd Recht ist.

## Was dreizehend gesetz

117  
Von entledigung der verantwurter die von den Clagern Inrenhalb unbeweist vnd wider versehenliche vermüttung beclagt werden mit vnderschiede.

**N**ach dem in erschynen zeitten vil vnd offft zu schuld den komen ist. das biderlewt mit Clag vnd Recht fürgenomē sind vmb vermeint geltschuld oder ander sachen. wider die geschicht der warhait. Unbeweist vñ auch on mercklich vrsach versehenlicher vermüttung. Vnd nichts destmynder die verantwurter zu entledigung derselben sprüche dem gemeinen Rechten vngemess mit eyden eytelich vnd vnnütze beladen sind worden. vnd dem zebegeggen ist gesetzt vnd geordnet. Wo yemant hinfür dermaß beclagt vnd fürgenomen würde. unbeweist des clagers Clage vnd on vrsach versehenlicher vermüttung. das alsdan der verantwurter auf vernaynung vnd widersprechung desselbē spruchs. so er dan der warhait gemess thun sel. da von on personlich Aide sol ledig erteilt vnd gesprochen werden mit abtrag vnd beferung der gerichtts Cost vñ scheden seinerhalb erlitten.

Vnd so aber die clagend parthey etwas scheins einer weyfung vnd doch vngnügssam fürprecht. od versehenliche vermüttung für sie wer. so sol der verantwurter auf bereinigüg des Aides nach erkantnüss der vrtailer von sollichem spruch ledig erteilt werden.



## Das vierzehend gesetz

Von den Thenen die vmb bezalung  
vnd außrichtung ettlicher kauf  
summ oder gelihēgelts gar oder  
einstails dauor vnētricht in recht  
beclagt werden.

**M**eynant den andern vmb eynich Kauffsum oder  
gelihen gelt mit clag vnd Recht fürneme als gar  
oder einsteils vnbezalt. Vñ der verantwurter des  
kaufs oder lehens als beschehen gestünde. oder der Clager  
das wie Recht ist beweiset. so ist alßdan vñ darauf der ver-  
antwurter dem clager söllliche Kauffsum oder gelihen gelt zu  
bezalen schuldig. es wer dan das der verantwurter weisen  
möchte. das er Ime sölllicher Kauffsum oder anlehen bezalt  
vnd entricht hett. Oder es wer das die vrtailsprecher auß vr-  
sachen oder vermüttung das Recht oder beweifung dem wi-  
derteil auß legten. das sy nach gelegenheit vñnd gestalt der  
sprüche vnd personen zethun macht haben sollen.

## Das funfzehend gesetz

1116  
Von ledigüg des verantwurters  
so der Clager seinen spruch nit be  
tewren. noch dem verantwurter  
das zethun gestattē wil. vnd von  
erlangung der clage auf einen zeu  
gen.

**B**eyemant den andern beclagt. Vnd der verant  
wurter vermeint im an söllicher Clag nichts schul  
dig zesein. Vnd der Clager seiner clag nit vöilige  
beweifung hat. so mag der verantwurter dem Clager die be  
tewrung seins züspruchs anpietten vnd heymwerffen. wolte  
dann der clager seinen dargelegten spruch mit seinem ayde  
vnd Rechten nit besteten. so sol der verantwurter desselben  
spruchs ledig erteilt vnd erkant werden. Vnnd wo aber der  
Clager der frümkeit vnd aller gelegēhait halben eines güt  
ten vnd grossen lewmunds ist. Vnd das er einen einigen vñ  
mercklichen glaubwürdigen zeugen hat. Auch die sach vnd  
person des verantwurters der gestalt ist. also. das die vriteiler  
sich vermüten der warhait des fürprachten spruchs. so müs  
gen sy darauf dem Clager den Ayde erteilen söllichen seine  
spruch damit zebestetigē. als Recht ist. vñ so aber der feins  
beschibt. vñnd der Clager seins spruchs nit Rechtliche be  
weisung hat. so sol der verantwurter nach erkantnüss des  
Rechten ledig erteilt werden.

## Das sechzehend gesetz

Von den entlichen Ayden der ent-  
schied der hauptfach . vor vollfu-  
rung der partheyen beweyfung  
Inen die nit zeerteilen. sonder dar-  
nach auf gepruch volliger bewei-  
fung.

117

**A**lle dieweil die partheyen arbeiten in beweyfung  
irer fürnemen vnd sachen. so g. pürt sich nit. vnd ist  
auch nit notturftig. vor sölichem fürbringen ent-  
lich aide. die dann entlichen entschid. verlust oder gewyn der  
hauptfachen auf Ine tragen zeerteilen. sölichen aide man  
dann zu latein nennet Juramentum decisorium. sonder so  
die partheyen ir beweyfung volfür vnd entlichen Rechtsatz  
gethā habē. allererst darnach gepürt sich söliche aide durch  
urteil vnd Recht fürzenemen vnd zuertailn In gepruch vól-  
liger beweyfung dem antwurter oder dem Clager nach aller  
gelegenheit der sachen vnd des Rechtsens.

## Das sibenzehend gesetz

118

Wō entlicher betwūg. oder aide  
so ein parthey der andern haym  
wurfft außzerhalb rechtlicher er  
kantnus oder vrtail. wie es damit  
solle gehalten werden.

**A**Ein parthey der andern in Recht den ayde an  
pewtet oder heymwürfft. vnerteilt der vrtail oder  
des Rechtens. so mag die parthey. der söllicher aid  
angepotten wirdt. den aufnehmen vnd volziehē. oder mit auf  
nemen. sonnder den aufzemenen verachten oder aber der an  
dern parthey denselben Ayde wideromb haymwerffen. vnd  
das wirt gehayssen ein entlicher rechtlicher vñ willkürlicher  
Ayde.

## Das achtzehend gesetz

Von dem Aide auf moltigē müde  
vnd in euffern vnd frembdē sachē  
vnd handlungen.

118

**A**yemant den andern beclagt vmb sachen auf ge-  
storben persone, oder moltigen munde. oder vmb  
frömbde vnd erössere sachen oder handlung. nit  
durch sein. sonnder durch ander personē fürgenomē. so mag  
nach herkomen vnd gewonheit diser Stat vnd gericht's ge-  
pruchshalben völliger vnd gnügsamer beweifung dem ver-  
antwurter ein ayde ertailt werden auf moltigen mund. Also.  
getörst er mit seinem Ayde betewren. das er von söllichen sa-  
chen. darumb er beclagt wer worden. kein gnügsam wissen  
het. so möcht er auf dē gestorbē oder moltigē müd derselbē  
sachen forsch oder frag haben iar vnd tag. Aber auf frömb-  
dē handlung möchten die vrteiler im schub geben. auf sein vn-  
wissen etlich zeit auf ir rechtlich erkantnis od keinen schub  
nach gestalt der sachen. Vnd so die zeit in iar vnd tag oder  
sunst erschynen ist. Vnd derselb durch vleissige forsch vnd  
nachfrage söllich wissen derselben sachē mit het erfarē noch  
erkündigen mügen. so sol man im den aid darauf also geben  
Das er gepürlichen vnd notturfstigen vleif söllich's zeerfa-  
ren gethan hab. Vnd das er nit glaub. vnd in seinem wissen  
nit stee. Das er im ichts söllicher beschuldigung oder vor-  
drungshalben schuldig oder pflichtig sey. vñ wo er aber vmb  
einen tail vnd anzal weste. vnd derselben anzal als glaubhaf-  
tig gestünde. so möchte er söllich anzal darlegen. vñ vmb die  
vbermaß schweren. als vorgeschriben steet.

## Das newnzehend gesetz

120  
Von verpott außstēdigis spilgelts  
vnd affterwet. vnd vō erfordrūg  
verlorens spilgelts vō den gewyn  
nern. durch den verlieser oder Ire  
erben. eltern oder vormund. oder  
ir nechste fremnde. oder aber den  
pfennoter.

*Spilgelt*  
**D**azymlich tat vnd handlung zefürkomen. Vñ die  
zu hailfamen wesen. Auch zu nutz vnd notturft ge  
meiner Stat fürsichtlichen zebringē. so sol kein  
Burger oder Inwoner dem andern vmb einich gelihē. ge  
porgt oder außstendig spilgelt noch affterwet. Vnd desglei  
chen so yemant dem andern wisentlich zu dem Spil leihet.  
feroffe oder amnder Contract machet. ichts schuldig noch  
pflichtig. sonnder sy sollen als unzymlich vnd verpotten ab  
gestellt sein. Es mag auch ein yeder. oder sein erbe. oder vor  
munder. ob er die het. sein verlorē spilgelt durch sichselbs od  
seinē machtpottē mit Recht erfordern in einem viertail iars  
dem nechsten nach künftlichem wissen söllichs spils. von den  
Thenen. die söllich spilgelt gewonnen habē. Vnd ob sy des  
In derselben zeit des viertail Jars nit tetten. so möchte die  
nechsten fremnde derselben. sie alle. oder Ir einer. oder mer.  
in dem andern nachuolgenden viertail Jars söllich spilgelt  
irselbs halben fordern vnd behalten. Doch welcher oder we  
liche auß Ine. erstlich mit fürpott. das fürnympt. die sollen  
vor andern nachuolgenden damit den vorgang haben. Vnd  
den andern zeantwortē nit schuldig sein. Vñ so an notturfti  
ger weisung gepruch erschyne. wo sich dann der verantwur  
ter mit seinem aide vnd Rechten derselben vordrung vmb

die Sum̄ alle. oder einsteils. mit benemen möchte oder wolte. so sol den Clagern sölliche Sum̄ auf ir eruordern züge / sprechen werden vnd verfallen sein. **Vñ** so aber söllich spil gelt in yetz begriffner vnderschied vnd der bestympten zeit Rechtlich mit geuordert wurde. so mag yezuzettē ein pfendter oder ein andere person Ratshalben darzu geordnet von gemeines fiscus oder seckels wegen. durch sich oder iren anwalt nach erscheynung der vorbestymptē halben Jars frist dasselb spilgelt mit gericht vnd Recht eruordern vñ einbringen. **In** allem dem Rechten. als die obgemeltē personen teten oder thun möchte. zu einer straf derselben vngepürliche vnd verpotten Spil. Alles mit söllicher bescheidenheit. so söllich spilgelt eynest eruordert vñ einpracht würdet. so sol der verantwurter von den andern deshalb geledigt sein. **Vñ** nichtsdestmynder mag ein Rate auferhalb diser eruordrūg yezuzettē Ir gesetzte vnd gewonliche peene auf gewonliche Rūg oder fürbringen auferhalb Rechtens eruordern vnd einbringen.

**Vñ** hierinnen sölle Ritterspil. auch schiessen vñ wetlauf. nit für affterwet verstanden werden. **Vñ** desgleichen sölle Ritterspil Schachzabel vnd geringe erlawbte spil auf maynung eins Rats gesetzte zugegebē. hierinn auch nit verpotten sein.

## Der sibend Tittel

Gesetze von ewern vordrungē  
in ditz gericht nit gehorig. sunder  
fur die funf. fur ernstlich Recht.  
oder in lehengericht.

### Was erst gesetz

Von spruchen die nit fur ditz ge  
richt. sonnder fur einen Räte oder  
die funf gehoren.

**A**Ussprich vnd vordrung. die dann eins Rats ges  
pott. verbott. Gesetz. Statut. Verlewmdung. vn  
fug. Scheltwort. verwundung. werffen. Rauffen.  
Schlahen. Lemen. Freuel. gewaltsam. Vnd alle andere vers  
handlung antreffen. sollen vor den Burgermeistern vnd den  
geschworen des Rats. die yezueitten zu Ine gesetzt werde  
die man nennt die funf. bey einer nemlichen peene. mit hers  
prachter vnd gewonlicher verscheinpottung vnd furgab der  
selben irer geschwornen diener angefengt. furgenomen. ge  
handelt. vñ aufzgetragen werden. vñ nit vor dem Statgericht.  
Vñ was vñ wie vō denselbē Burgermeistern vñ geschwor  
nen des Rats die yezueitten bey den sitzen. oder dem me  
ren tail nach irer erkantnis vmb söllich vbertretung des  
Rats gepot. verbot. gesetz. statut. verlewmdung. vñ fug. schelt  
wort. verwundung. werffen. rauffen. schlahen. lemen. freuel. vñ  
alle andere verhadlung. nichtz aufgenomē. nach söllichē alte  
herkomē gestraft vñ erkant wirdet in wellicher weis. form  
vñ peene sy dz furnemē thun vñ hädeln. dabey sol es beleibē  
vñ volzogē werde. Ma aber dz vber söllich peene nit gescheh  
nichts destmynder sol sich dasselb Statgericht der ewern.  
auf vorgemeltē auftrag. dar Inn auch nach grössse des fre  
uels söllich peene mag erhöhert vnd gemert werden.



## Was ander gesetz

Von spruchē ernstlichs recht vnd  
fraiſz berurende.

123  
**E**ſſollen all spruch vnd vordrung ernstlichs Recht  
vnd dergleichen verhandlung vnd vbeltat. oder vn  
tat berurende. nit vor diſem Statgericht. sonnder  
durch einen Rat oder ernstlichs Recht. nach erayschüg der  
tat aufgetragen. gestrafft vnd gerechtuertigt werden. nach  
erkantnuß des Rats.

## Was drit gesetz

Von spruchen. manlehen. vorsthu  
be. zeidelgutter. waltrecht vnd an  
dere ewssere gerichte berurende.

**W**as spruch oder vordrung freye manlehe. vorsthu  
be. zeidelgütter. waltrecht. vnd dieselben pfand. od  
anders berüren vnd antreffen. derhalben dan die  
fürgenome personē bey Iren Aiden. gelübden oder der glei  
chen mercklichen verpflichten oder peenen die anderswo be  
rechten sölten vñ müſten. die alle sölten an denselben enden  
vñ gerichtten dahin sy ordenlichen gehören. fürgenommen. vñ  
von diſem gericht an sölliche ende geweiſt werden.

## Der acht Tittel

124  
**G**esetze vō mancherley weisüg  
vnd irer zulassüg der vrkunde der  
genanten. Rechtuertigüg der zeu  
gen. Irer verhorüg vnd Myde auf  
das Ja. Auch irer eroffnung. vnd  
ettlicher nit zulassung. Auch auf  
ausztreglich Artickel. gepzuch der  
personenhalb der kuntschaft vnd  
vorteylüg zu kunftiger gedecht  
nuss. Auch vō erzewgung der ge  
scheffte. keuffe. vnd anderer ver  
trege. vō verhorüg der geschwor  
nen artzte. vnd hantwercker. vnd  
von auszpringung der vidimus.  
vnd auszügen wider die Rotari  
vnd Instrument.

## Das erst gesetz

125  
Von zulassung vnd verhorung al  
ler Rechtliche were der partheyē  
als vrkunde. brieffe. der genanten.  
Vnderkeuffel. furkeuffel. Instru  
ment. eygen handschrift. zeugen  
kütschafter vnd anders. Ir yedes  
fur seinen werd.

**S**o yemant den andern In gericht vnd Recht bes  
clagt. vnd der Clager oder verantwurtter eynicher  
beweyfung notturfstig sein. als Vrkindbrieff.  
zerogtschaft. vñ sag der genantē. Geschworner vnderkeuffel.  
oder vnderkeufflin. Auch geschworner furkeuffel od furkeuff  
lin. Instrument. eins yeden aygen handschrift. zeugen. kunt  
schafter. Salpücher. Rechenpücher. oder ander bringung  
zu Recht dienende. das sol fur seinen werde. so es in Recht  
auf im tregt. mit vorbehaltung des andern tails gegenwere  
vnd notturfst. zugelassen vnd verhört werden. Doch also. das  
es damit gehalten werd. als darnach in besondern gesetzē  
begriffen vñ vnderchieden ist. Vnd sunderlich sollen hey  
ratzlerot. Kauflerot. vnd teydingslerot. vñ der Stat geschwor  
ne Amptlerot derselben ware vnd hantirung verpflichtet. in  
Recht zugelassen vnd gehört werden. wie Recht ist.

## Das ander gesetz

125  
Von gerichtlicher furbringung gemeiner urkunde. briefe. Bucher. Register vnd schrift. Doch der Bucher vnd registerhalb die notturst zeeeroffne. vnd ander vndiēstliche gehaym zeuermachen.

**E**in parthey in Recht anzeuht bey seiner wider parthey. Urkund. Briefe. Bucher. Register oder schrift zesein. Vnd begert die in gericht zepingē vnd zueerhören. Wo dann solliche urkund. Briefe. Bucher. Register oder schrift ir beder gemein sein. Also. das die irer bederhalb als gemein mit irem herkomen Inhalt oder cost dar komen weren. so ist die widerparthey pflichtig die in gericht zepingen vnd verhören zelassen. Doch mit der bescheidenheit. so das gesellschaftbücher. Salbücher oder der gleichen weytleufig scharften weren. die auch ewssere vnd gehayme ding Innhielten. so sol mit zimlichem beschließ des ewssern. oder der gehayme. souil so dan zu Recht diene. bey der widerparthey durch ein gleichlauttende Coppien in gericht bracht vnd gehört werden. Oder aber. wo das not teth die rechten original auf erkantnis des Rechten.

## Was dritt gesetz

127  
So besonnderer glaubwürdig  
zeugschafft vnd sage der genan  
ten in schriftten vnd wortē gepet  
ten vnd vngepetten.

**S** die genannten des grössern Ratts von einem  
erbern Ratte darzu geordnet von beden teilen ge  
petten sage sollen auf nottel vor Jne erzeugt oder  
auf ir zeugschafft vnuernottelt oder vngeschribē. oder aber  
vmb sachen vor Jne beschehen oder gehandelt. auferhalb  
der partheyen. so sollen sy nach herprachter gewonheit In  
Recht zugelassen vñ verhört werde. Doch vnabgestellt der  
andern parthey schirm vñ behelf. so sy darwider hat. Vnd  
In vngebetten von bedentailen. vnd vnuernotteltē oder vn  
aufgeschriben sachen Irer zeugēnus sol es mit Jne gemesh  
andern zeugē In Irer verhörung gehalten werde auf may  
nung des nechst nachuolgenden gesetzts.

## Das vierd gesetz

129  
Von erforderung der zeugen mit  
einē fürpott vnd fürhaltüg Irer  
zewgnus vnd vnuerzogenlicher  
sage auf das nechst gericht vnuer  
hindert der Echafft.

**A**u yemādt persönlich weifung zufüren In Rechte  
zugelassen wirdet. so soll yezueitten der oder die  
selben solliche kuntschaffter oder zeugē mit einem  
einnigen fürpott durch einen geschwornen Fronpotten auf  
das nechst nachuolgend gericht erfordern mit bestymung  
beder partheyen vñ fürhaltung. das sy Ir persönliche kunt  
schafft oder gezeucknus zesagen erfordert werden. vnd dar  
auf sollē dieselbē kuntschaffter oder zeugen die alhie in der  
Stat entgegē od disem gericht vnderwoffen sind. auf das  
selb erst fürpott. Wo sy anders des Rechter Echaffthalb.  
mit verhidert werdē. vor gericht persönlich erscheynē. vñ des  
halb auf dasselb gericht Ir Aide. wo sy d mit willē der wid  
parthey nit erlassen werdē. laistē. Vñ so sy Ires wissenhalb  
sich zubedēcken eins zugs nit notturfftig vō stundan bereit  
sein zusagē. vnuerhindert der Echafft. Vñ wo sie aber sol  
lichs zugs sich zubedēcken notturfftig werē. so sollen sy den  
auf betewrung das sy solliche zug der widparthey zu keinē  
geuerde. verzug oder verlēgerung. sonder Rechter notturfft  
halbē thuen habē. auf das nechst nachuolgend gericht. vnd

mit leiniger. Vñ welcher zeug oder kuntschaffter vnuerhin  
dert der Eehaft in sollicher laystung seiner zeugschafft od  
kuntschafft vngehorsam erschync. der sollte zu vnablesiger  
peene zegeben verfallē sein den vierden teil des werds des  
anclagers spruche. der partheyen. die In zuzeugen fürgez  
schlagen vnd erfordern hett lassen. zuwerden. Vnd dartzu  
dem Richter funff pfund newer haller. Vnd damit sol er  
nicht geledigt. sonnder nichts destmynder verpunden sein.  
kuntschafft vñ zeugtnus zulaistē. In mach ditz gesetz Inn  
helt. Abermalen bey derselben yetzbestympten peene. Es  
möchte sich auch dar Inn ymant so geuerlich oder freuelich  
hallten. Ein Ratte wolte den oder dieselbē dartzu straffen  
an leib oder an gut nach gestalt der verhandlung. wie er zu  
Rat wurde.

## Das funfft gesezte

130  
Von verhorung personlicher vn  
uerleumeter vnnd vnuerworffe  
ner zeugen vnd Irem Ayde.

**W**ann nu In geschriben Rechten. das sich auch er  
grundet auf natürlichs vnd göttlichs Recht. lebē  
de gezeugnus als andere vrfund billich auf zene  
mē ist. so sollē fürbas vnuerleumete vñ vnuerworffē zeugē  
auf erpiettung vnnd begerung der partheyen In Rechten  
billich zugelassen werde. Vnd nemlich die der parthey auß  
treglich sind. man aufnemen vnd verhören solle. von welche  
tail die fürgeworffen oder dar gepotten werde. Doch also.  
das ein yeglicher zeug In lawt des nechstbegriffen gesezts  
erstlich durch ein fürpott fürgeuordert. Vnnd vorhin In  
gegenwertikeit der wider parthey oder In Irem vngelohr  
samen abwesen schwere. das er In der sache. dar Inm er ge  
fuert vñ derhalben er ge fragt wirdt. aingätze lauttere war  
heitt sagen wölle. Alsuil In dann kund vñ wissent ist. vnd  
das nit zenerhaltē. weder vō frewntschafft. lieb. oder neids.  
vorcht. gab. od myet. noch keinerlay ander bewegung willē.  
sunder getrewlich vnd vngewerlich zesagen. souil In dann  
kund vñ wissent ist. Vnd disen Ayde sol der Richter on vcr  
willen der parthey nit begeben noch nachlassen.

Vnd die vriteiler gerichtschreiber vñ Fronpottē In sache  
Ire Ampt berürend. auch genanten vō beden teilen gepette  
sollen vngeschworn auf Ir vor gelaißt verpflicht zugelassen  
werde. Aber sunst wirt es mit Ine gemesh den andern gehal  
ten. Vnd den partheyen ist vorbehalten nach gerichtlicher  
eröffnung der zeugen sage wider Ir person vñ sag souil für  
zebringen. als Ir notturfft vnd das Recht eruordert.



## Was sechst gesetz

131  
Von erteylung sollicher bewey-  
nung die auf das Ja beschehener  
ding gesetzt sind. vnnnd nit auf ein  
vnbestendig Nayn.

**A**ls sich oft Im Rechten begibt. das ein parthey  
Ihr fürpringen auf Ja. oder beschehne ding. vnd  
die ander auf nayn od nit auf beschehne ding setz  
en. vñ doch yegliche parthey vermaynt das Ihr zebeweyfen.  
Vnd das aber dann fürbasser dar Im mit Irrung besche-  
he. so soll man der parthey die Ihr fürpringen auf Ja vnd be-  
schehne ding setzt. weysung erteilen vnd nit der andern par-  
they. die sich mit dem Nlayn od laugnen behelffen will. Es  
wâr dann sach das sollichs Nlayn oder laugnē besomndern  
beystand oder umbstennde het. dar auß man Ja od bescheh-  
ne ding wol versteen möcht. das zu der vrtailer erkantnus  
steen sol.

## Das sibend gesezte

132  
Vñ eroffnüg der sache vnd meynung erpottener weysung mit abstellung ewserer vnd vnfürtreglicher weysung.

**M** yemant sich ichts zubeweysen vndersteet so sol er die sach vnd maynung seiner weysung durch nēlichewort od̄ artickel vñschidlich vñ lautter fürschlahen dar auß verstannden müge werde. Was er sich zebeweysen vnderstet. Vñ so dann sollichs ewssere vñdienstliche vnd vnfürtregliche weysung sein. vñ sich dermafs nach bederteil verhözung durch erkantnus der vteiler erfindē. so sol derselb darmit nit zugelassē noch sein widerteil damit beschwert werden.

## Was acht geseze

Von verhorung der zeugen In  
abwesen beider parthey vnd. eins  
yeden in sunderheit vnnnd vnuer  
kert der maynung sollche sache  
aufzschreiben vnnnd auf gepur  
liche vnnnd notturftige frage In  
Recht furtragende.

**M**an die zeugen verhöret. das sol man nit offens  
lich In beywesen der parthey. sunder in abwesen  
derselben. vor einē geschwornen gerichtschreiber  
Vnd vor dem oder den die von den vrtailern dartzu beschis  
den werden. thun vnd fürnemen. Also. das yeder zeug in  
sunderheit sag. vñ was dann der vnd andere zeugen sagen  
das sol der gerichtschreiber aygenntlich aufschriben. vnd  
das. die andern Im von gericht wegen zugeordnet. auch  
hören lassen. Auch sol man die zeugen. vnd Ir yeden In  
sunderheit fragen. an welchem tag. vnd an welcher statt  
die sache sol beschehen sein. da von er sagt. vnnnd die vrsach  
seins wissens. vnd wer sunst dabey gewesen sey. vnd was  
sunst ander frage nach gestalt derselben sachen notturftig  
wern. darauf man vrsach des zeugen wissens verstee. vnd  
zuerleuttrung vnd verstentnuß desselben Rechte dienende.  
die sollen vnd mügen die verhöret nach Irer vernunft vnd  
bescheidenheit wol fürnemen. ob auch einiche Interrogas  
toria oder fragstück von der parthey nit gegeben wern. Vñ

134  
ob einich parthey die zugeben sich vnderstünd. so sollen sy  
allein notturstig vnd zu Recht dienstliche Interrogatoria  
geben dar Innen auch den vrtailern vorbehalten ist die vber  
flüssigen abzuschneiden.

### **Das newnd gesetzze**

Von offnung der zeugē sage vnd  
beweyfung zweyer oder mer ein  
belliger zeugen vnd darnach auf  
dieselben artickel nit mer zeugen  
zuzelassen.

**W**ann die zeugen gesagt haben so sol mā Ir sag of  
fenlich vor gericht verlesen. vnd nach dem die vrt  
ailsprecher erkennen. wievil. vnd In welcher mass  
Ir sag einem yeglichē. der sy fūrgeworffen vñ gestellt hatt.  
In seiner sach zu statten oder zu pessern Rechten bekome.  
oder austreglich sey. darauf sollen sy die vrtail grunden vnd  
setze. wie dan das Rechtlich erkant wirt. Also das der zeu

gen. der sag sich auf das wesenlich stuck gleichē. zum myn-  
sten zwē oder drey. die unuervorffen sind. sein sollen. wolte  
auch ein parthey die gezeugen Irer widerparthey Rechtlich  
verschlahen oder wider Ir sag anders fürbringen. dar In-  
nen sollen sy auch gehört. vnd des durch die vteiler erclert.  
od̄ entschidē werde. wie sich das dann Rechtlich erheischt.  
Vnd was zeugschaft die partheyen auf dieselben artickel.  
oder auf widerwertige mainung solcher artickel nottnrftig  
sein. die sollē sy führen vor eroffnung vorgestelter zeugē sag.  
vnd so aber die gefürt zeugschaft In gericht vnd Recht ge-  
öffnet wirt. so sollē darnach bedeteil od̄ partheyē zu eynich-  
er verrer zeugschafft auf dieselben artickel mit zugelassen  
werden. Vnd so aber die parthey einen zeugē allein hett. so  
soll es damit gehalten werden nach **Innhalt** des funften  
gesetzes vnder dem sechsten tittel.

135



## Was zehend gesetzte

138  
Von stellung der zeugen auf auß-  
treglich Artickel vnd vorbehall-  
tung der widerparthey Irer auß-  
züge vnd irer person vnd sage. die  
nach Rechtlicher offnung furze  
bringen.

**M**eynant zeugen oder kuntschaffter zstellen vñ  
zuuerhören vñ sich damit zuzelassen begert vñ die  
artickel vnd sachen darauf. sie gefürt sollten wer-  
den. dermaß gestaltt sein. so sol die widerparthey fürpringē.  
das sy Ir vorbehalte. Ir außzüg vñ notturfft wider die pers-  
son der vermeinten zeugen. vnd auch wider Ir sag. vñnd  
darauf mag dieselb parthey nach Rechtlicher offnung der  
zeugen sag. ob sy will. dieselben Ir außzüg vñnd notturfft  
fürpringen. die dann mit sampt des andern teils gegenwere  
sollen gehört werden.

## Was aylft gesezte

welche person einiche rechtmessige zeugschaft oder kuntschafft nit geben noch laysten mügen.

137

**E**mügen die hernachuermelten personen einich rechtmessig gezeugtnus noch kuntschafft nit laiste. mitnamen personen die vnder .xviij. Jaren alt sind Auch die thom. mönschen. vnd vnshynnygen. vnd darzu die pennischen. vñ die. die in der Acht sind. so sollicher pamm od Acht In achttagen darnach den nehsten nach erkanntnus des Rechten beweist wurd. vnd auch die erlosen. als mayn/ aydig. vnd ander der gleichen offenbarlich verlewmut personen. Doch also. das die frawen In sachen der geschefft nit zeugen sein mügen. Auch sol ein vater od muter für oder wider Ir leiplich kind zu gezeugtnus nit zugelassen werde. vnd desgleichen die kinder für oder wider Ir leiplich vater od muter. Es wurde dann vō dē widerteil mit willē nachgesgebē. od aber das außerhalb der an gezeugē od kuntschafft er gepruch erschyne. Also. das mā ander nit gehabē möchte.

## Das zwelft gesetzze

138  
Vñ fuerung redlicher kuntschaft  
der partheyen zuuerhoꝛē mit vor  
behaltung der widerparthey ge  
genwēre nach gewölichē dingē.

**S**ich gepurt Redliche landskuntschaft oder an  
der Rechtlich kuntschaft zefueren oder die sachē  
durch kuntschaft zu erforschen vnd zuerleuttern.  
so sol es damit mit vorbehaltung der notturfft der andern  
parthey gehalten werden. nach herbrachten vñ gewonlich  
en dingē. Doch also. das sy Ir geschworn ayd laisten vnd  
sagen sollen wie Recht ist.



## Das dreyzehend gesetzze

Wō außbringung der zeugschaft  
In Recht zugelassen vnn̄d auch  
zu ewiger gedechtnus mit erfor  
drung der widerparthey vnd an  
derer notturft darzu gehozende.

159

**S**ollen In Recht zeugen oder kuntschaffter mit  
zugelassen noch aufgenommen werden. vor vnn̄d ee  
dann der partheyen die der notturftig ist. die In  
Recht zefüren vñ zstellen erkant werden. Es wer dann das  
yemant die füren wolt zu ewiger gedechtnus. Alsdam so  
dieselb parthey In sorgen vnd geuerlichkeit stünd. das söl  
liche personen. so gar verr außerlandts ziehen wollten. oder  
mit söllicher Franckheit od̄ aller beladen wāren. das dieselb  
parthey. der. vor Irer stellung vnd führung möchte berawbt  
oder benomē werden. vnd söllich personen sölle vor des ant  
wurters ordenliche Richter oder vor seinem cōmissari. oder  
aber vor einem eusern Richter durch beuelch vñ bebriefe  
die man zu latein nennet *Litteras compassus*. fürgenomen  
vnd gefuert werden. mit gerichtlicher oder Rechtlicher er  
uordnung der widerparthey. die das berürt vnd antrifft. die  
dann Ir protestation oder bezeugung thun. vnd Ir Inter  
rogatoria geben mag. ob sy will. wie sich dann gebürt vnd  
Recht ist. vnd so sollich zeugschaft vnd sag geschicht. sol die  
also verschlossen vñ vngeöffnet bey demselbē Richter bleib  
en. bys zu Rechtlichem gebrauch. vñ wo aber dieselb zeug  
schaft In einē Jar darnach dem nechste mit gebraucht wur  
de. so ist die alsdan fürbaber erlosche vnpüdig vñ kraftlos.

## Was vierzehend gsetze

140  
Von erzewung der geschefte.  
kewffe. vertrage vnd anderer hē  
del durch die genantē mit verrer  
bestetigung nach herbrachten  
dingen.

**I**n erzewung alhie der geschafft. keuff. vertrege  
vnd ander hemdel. so dann die fürbaber In der  
schreibstuben. oder in gericht aufgeschriben. vnd  
befefftigt werden. sollē die geschworn genantē diser Stat.  
als von beidenteilen darzu gepetten vñ geuordert nach her  
brachter gewonheit diser Stat gepraucht werden. vnd wo  
aber yemant auß besonder notturfft od Eehaft and zeugē  
oder sunst außhalb der eehaft gelawbwirdige vnkund od  
brife außprecht vnd fürzüge damit soles nach gestalt der  
sachen vnd erkantniss des Rechte gehalten werden. als  
sich dann gepürt vnd Recht ist.

## Das funfzehend gesetz

147  
Vñ verhorung der leibartzte vnd  
wundartzte vmb schetzung des  
lons vnd der geschwornē meister  
allerlay hantwerck vmb machlö  
vnd arbeit.

**S** die partheyen vmb belonung der leibartzney  
spennig sein. so sollen die leibartzte vmb schetzung  
desselben lons gehört werden. **T**reff es aber an  
wundartzney. so sollen die geschworn wundartze darumb ver  
hört werden. vnd darauf beschehen souil als Recht ist. vnd  
so aber Irrung füruielen mancherlay machlon vnd arbeit  
halben allerlay hanntwercke berürende vnd antreffende. so  
sollen allweg die geschworn meister ains yeden hantwercks.  
vñ auf gebrauch derselbē ander maister desselbē hantwercks.  
vmb das. so **I**r hantwerck berürt vñ antrifft. gehört werde.  
vnd darnach nach allem fürbringen von bedenteilen sol dar  
umb geschehen was Recht ist.

## Das sechzehend gesetz

**V**ō Rechtlicher außbringung der vidimus vnd transsumpt mit verscheinpottung der Jhenen die sie beruren vnd antreffen von Jren ordenlichen Richtern vnd vō Jrer krafft.

**D**ürbasser glaubwürdige vidimus oder transsumpt außzubringen fürgenomen werden. so sollē die Jhenen. die sie außbringen. den andern. die dann solliche vidimus oder transsumpt berurē oder antrefsen vor Jren ordenlichen Richtern oder gerichtē zu außbringung derselbē vidimus oder transsumpt mit einē scheinpotten oder briefe persönlich vnder augen oder zu haws vñ zu hof oder Jrer herberg oder wonung. oder aber. wo der Feins mit fūg möcht sein. mit anschlahung an das Rathaws oder pfarkirchen derselben Stat. dan Innen sy weren. oder sunst sollichts den nachparorn oder kundigen sagen. oð kund thun. mit bestymung einer nemlichen zeit vnd tag nach gelegenheit der nehe vñ verre des abwesendē. damit das nach versehenlicher vermüttung den eruordertē zewissen werdē. vnd so das also beschibt vnd er beweist das er solliche verkundung In vorgemelter maß gethan hab. Es komē dann die euorderten oder nit. so mügē solliche vidimus oder transsumpt mit erkantnis desselben Rechten als glaubwürdig vnd befrefftigt erlanngt vnd außbracht werdē die auch dar nach souil glaubens haben sollen als die Rechten original vnd hawptbrief.

## Was sibendzehend gsetze

Wö zulossüg der außzuge wider  
die Notari. vnnö beweifung des  
der sich ire Instrumēt gebraucht

143  
**W**emant ein offen Instrumēt In Recht anfech  
ten wurde. auf maynung. das der Notari mit ein  
gelawbwürdiger gelerometer oder legalis Notari  
us wer. od das er Im dermass nit kundig wer. souerr er dan  
dem gericht. der mass. das er glawbwürdig vnd legalis sey.  
nit kundig ist. so sol vnd müß der ander. der sich des Instru  
ments zugeprauchē vermeint. das beweisen. was auch sunst  
die widerparthey behelff were vnnö außzüg hat. dieselb  
en sachen berürend. die sollen auch nach messigung des ges  
richts zugelassen vnd verhört werden. Vñ nach allem für  
pringen beschehen was Recht ist.

## Der Newnd Tittel

Gesetze von kraft vnd vnkraft  
vnd auch vō vernemung gericht  
licher bekantnuß vnd vollüg ver  
willt vnd vnuerwillt vnd Irer be  
stendikeit.

## Das erst gesetzze

Von verwillkurten bekantnußen  
vmb allerley Contract vnd hende  
le vor einē geschwornen gericht  
schreiber vnd zweyer genantē.

**W**as bekantnuß hinfür In des gerichtsbuch am  
Statgericht od pawrgericht vmb keuffe. schuld.  
Habe. Quittüg. bestentnuß oder ander contract  
vnd hemdel auß willkür der personen fürgenomen werden.  
die sollen geschehen vor einem geschwornen gerichtschrei  
ber In beywesen zweyer genantē. Also. das sölliche bekant  
nuß mit bestymnüg des beywesens derselben gemess dem  
ansagen söllicher bekantnuß. In das gerichtsbuch sollen  
eingeschryben. vñ also in Ir aller gegenwurtigkeitt gelesē.  
verhözt vnd gemess der ansage gerechtuertigt werden. vnd  
damit sind nit benomen noch abgestelt ander glawbwirdig  
bekantnuß söllicher Contract vnd hendel außhalb des  
gerichtsbuchs fürgenomen.

## Was ander gesezte

147  
Von verwillkurtē bekantnussen  
In des gerichtspuch vnschedlich  
den andern. die vormalen bekant  
nuss habē. vnd auch den Ihenen.  
derhalb derselb in fürpott. Clage.  
oder hengendem Rechten steet.

**A**llynich verwillkurt bekantnuss In das gerichtz  
büch auf maynung des nehsten gesezts nach vorz  
fürgenomner gerichtlicher bekantnus od In eyns  
ichem vorfürgenomē fürpott. verkündng. Clag oder hangz  
endem Rechten einer oder mer ander personen. die sollichs  
berürt vnd antrifft. beschibt. so sol solliche verwillkurtē bes  
kannntnuss denselben andern personē oder partheyē an Irer  
gerechtheit auf fürpringē beder partheyē vnschedlich sein.  
darumb souil zuentscheiden vnd zubeschehen als Recht ist.  
vnd so aber solliche bekantnuss außershalb der vermeltē ge  
richtlichē fürpott. verkündng. Clag oder hangendes Rech  
ten fürgenomen wirt. vernewet oder vnuernewet. so sol es  
darmit besteen nach Inhalt des selben gesezts dauon bes  
griffen schirst hernachvolgend.

## Was dritt gesetzte

144  
Vō bestēdiger kraft verwillkürter bekantnuß die vnuernemet zubesetzen furgenomē werde. vnd vō verpflichtet der vernemung der andern mit verscheinpottüg i Jar vnd tag oder sunst Irer erleschüg vnd vnkräft.

**O**verwillkürt bekantnuß In das gerichtspuch vō vemāt. dermassen das sy vnuernemet bey Irē krefft en bleiben sollen. beschehē. so thut mit nott die dar nach zuuernemen. Vnd wo sy aber in sollicher maß mit für genommen werden. so sollen die Ihenen. die sich sollicher bekantnuß zegebrauchen vermaynen. alle Jar Jerlich vor erscheynung Jar vnd tag mit verkündung der widerparthey nach gerichtz ordnüg In lawt des vierden gesetzts vnder dē drittē tittel begriffen solliche bekantnuß widerumb vernemē lassen. vnd In welche Jar solliche vernemung mit beschihrt. so ist dieselb bekantnuß alsdann vnd fürbaßer erloschen vnd unpundig.



## Das vierd gesetzze

117  
Wô vernemung bekanter vollüg  
oder sunst der gleichen erlangter  
vollüg außzerhalb vorgeeder ent  
licher vrteil außz vngheorsam. der  
die nit gerichtlichen erscheynen.  
die Herlich zuuernerwē. vnd sunst  
von Irer vnkraft vnd von besten  
diger vollüg so die auf widerwee  
re beder partheyē furgenomē wiz  
det. vnd desz gleichen anderer be  
kannuss der Contract die zu vr  
teet besteen sollen.

**A** yemant dē andern In das Gerichtzbuch mit  
nemlicher bestymung ein vollung bekemnt. oder  
das zu yemant auf sein nit erscheinen vñ vnghez  
sam vor gericht ein vollung gebracht vñ geschriben wirdet.  
so sollē solliche vollung gemess vorbegriffner gerichtlicher  
bekanntnuss von Jarn zu Jarn vernerwt werde. Wan sunst  
vnd on das erleschen sy. vnd sind von vntrefften. so die vber  
Jar vñ tag vnuernerwt besteen. Aber die vollüg. so auf ers  
scheynung beder partheyen vber Ir fürpringen verhözung  
vñ gegenwere mit vrteil vnd Recht erkant werde. die bleib  
en bey Iren kresten vnuernerwt vnd desz gleichē bekantnus  
In das gerichtzbuch der keuff vnd der gleich Contract vñ

148

hemdel die zuwert besten sollen. Auch behab entlich vrs  
teil vnd erstandne Recht. so auß widerweere der partheyen  
erwachsen. besten auch vnernewet bey Irer kraft. vnnnd  
welcher teil. der. vnd auch der außgeübten gerichtzhemdel  
gerichtlich vrkund begert. dem oder denselbē sollē die. nach  
gewonlicher gerichtzform ertailt vnd gegeben werden.

Faint, illegible text, likely bleed-through from the reverse side of the page.

Faint, illegible text, likely bleed-through from the reverse side of the page.

## Der zehend Tittel

148  
Gesetze vō vrteilen vnderredlich  
vnd entlich Hydē. vnd anderm die  
Appellacion berurēd. sy sein zules  
sig oder freuel. vnnō von hilff des  
Rechten auf vollung. vnnō zu den  
Ihenen die Irer Appellacion nit  
nachfolgen. Auch vō fleisz der An  
wallte. vnd auf verrer hilf auf vn  
derredlich vrteil vnnō berechter  
sachen entlicher vrteil.

## Das erste gesetzze

Vō vnderredlicher vrteil das die  
durch dē Richter mag widerruft  
werden. vnd so die partheyen In  
zehentagē dauō nit Appellieren.  
so gemynnet sie Irēhalb die kraft  
einer berechtigten sach.

**E**In vnderredliche vrteil gemynnet des Richters  
oder der vrteilerhalb nit die Crafft einer berechtere  
sachen. sonnder sy mügen die widerwerffen vñ ein  
andre sprechen alle dieweil die sach vor Ine vnentschaiden

150  
hanget. vnd so die partheyen dauon mit appellieren In zehē  
tagē darnach den nehstē. so gewynnet sie Irēhalb die kraft  
einer berechten sache.

### **¶ Was ander gesetzze**

Von laistung der Fryde der Appel  
lacion von den Anwalten mit ge  
walt. oder sich sunst des geuerds  
zubenemen mit dem selben Fryde.  
oder das der sacher auf gebrauch  
der Appellierūg seines Anwalts.  
selbs Appellieren mag. doch vnbe  
geben des wegs der Appellacion  
durch versammnuss widerwer  
tig tatt vnd henndel.

*Nur auf der gericht  
fürgenommen appellacion  
ins dem Ord. h. 10.*

**¶** O yemant seinen Anwalt alhie vor gericht vnd  
Recht stellet oder geprauchet. Vnd wo dann der  
Anwalt seinen Fryd vnd verpflichtet fürfallēder be  
schwerde vnd appellacionhalb In sein selbs seele zethun mit

157  
vermaynt. so mag er sich anfangs mit souil gewalts versehē  
damit er denselbē **Ayde** **In** die seele des. der **In** gesetzt hat.  
laysten möge. vnd wo aber dermass mit versorget wirt. vnd  
**In** doch das Recht erlarbt vō wege seiner Anwaltshafft  
zuappellieren. so sol er derselben seiner Appellierendē hant  
dlughalb sich nichtz destmynder des generds mit gewölich  
em **Ayde** behemen. vnd so der Anwalt sollichen **Ayde** mit lay  
stet. vnd der sacher mit anheym wer. vnd sich doch mit ges  
uallner vtheil **In** seiner gewissen beschwert befunde. so mag  
er darauf **In** zehen tagen den nechsten nach der zeit vñ **In**  
sollichs zewysen worden wer. Appellieren. Were es aber  
das sein anwalt **I**chts gehandelt. dar durch er dem sacher  
den weg vñ die freyheit zuappellieren begeben hett. **Alsdann**  
vnd darnach stett **In** des sachers gewalt nymmer deshalb  
zu cynicher appellacion zugreifen.

## Was drit gesetzte

152  
Von den Thenen die vngegründt  
freuel Appellacion furnemen. sie  
mit Irem ayde vnd Appellacion  
nicht zuzelassen. sonnder derselbē  
vrteil nach. verrer zeuerhelffen.

**Z**u hanthabung des glaubēs gemeiner hantierung  
vnd das geuerd. maynaid. vnd freuel appellacion.  
Souerr vnd möglich ist zufürkomē wo dann einich  
parthey durch Iren widerteil mit Irselbs bekantnus oder  
genugsamer weysung od dermas. das mit zweifells dar Inn  
bestet. überwunden wirt. darauf dann Rechtlich entschid  
oder vrteil sich ergrunden vnd außgeen. Also das eynich  
völlige beschwerung dar Inn mit erscheint noch vermerckt  
oder verstanden mag werden. sonnder vermütet wirt.  
das dieselb verrecht parthey zu verlengung Rechtlichs auß  
trags. vnd gepurlicher außrichtigung vñ volziehung. des. dar  
Inne sie condemnirt ist. sich zuappellieren. vnd den Ayde  
deshalb zulaisten vnder steet. Vnd so dan die vrteiler. oder  
aber ain Ratte sollich dermas gestalt vñ gelegen zesein er  
finden. so sein sie hinfür nit schuldig dieselben freueln Ap  
pellierenden parthey mit Irem turstigen vnd verlichen ayde  
zuzelassen. sonnder sie sollen der widerparthey nichts dest  
mynder verrer verhelffen zu Iren personen oder güttern. so  
uil vñ Recht ist. Auch solle nyemant zu eynicher appellacion  
noch zu eynichē Ayde derhalb zugelassen werden. In sachē

Rechtlicher execution vñ volziehung. Es wurde dan schein-  
perlich fürpracht. das die maß vnd ordnung der execution nit  
gehalten. sonnder mercklich vberfarn wer worden. Vnd in  
153  
söllichem habē auch die vriteiler macht dieselben vnordnung  
vnd vnmaß abzustellen. vnd die parthey zurestituieren. söl-  
lich appellacion zuuerhütten. Vnd es mochte sich auch die  
erpiettend parthey zu appellieren. In söllichem so geuerlich  
vnd vngewerlich hallten. das ein Ratt sie an leib oder an  
gutt straffen wurde nach gestalt der verhandlung als ein  
Ratt zu Ratt wurde.

## Das vierd gesetzze

154  
Das der Richter die habe vnd gut  
ter darumb die partheyē spennig  
sind. vnd von vrteilen zwischē Ine  
derhalb gesprochē appellirt wirt  
zu seinen handen auf aufstrag ne  
men mag mit vnderschaio.

**A**ch dem in vergangen tagē vnd bis her vō vrteilen  
vnd hendeln. an vnd in den gerichtē diser Stat.  
vnd Inen vñ den Iren vnderworffen. oft vñ dick  
beruffen vnd appellirt ist. vñ doch. als stattlich an einē Rat  
gelāgt hat. etliche. sollicher appellacion on gegrūdte vsach  
en vnd beschwerden zu verlengerung der sachen vnd hellig  
ung vnd scheden der widerparthey fūrgenomē vnd besche  
hen. Also auch. das yezuzzeiten der appellierendē widerpar  
they mit Irem gut. das die Appellierer. wie wol vnphillich.  
Ingehabt haben. bekriegt. vmbgetriben vnd In vnrat vñ  
schaden gefūrt vnd bracht wordē sein. sollicher geuerde vñ  
arglistikeit zebegegūē ist ein erber Ratt diser Stat berattē  
lich vnd wolbedechtenlich daran kōmen. setzend vñ ordnēd.  
wo hinfūro cynicher Irer Burger Burgerin oð vndtertān  
von einicher vrteil oder beschwerde In hablichen vordrūgē  
oder zuspruchen wider Ine. vor Inen oder an Irem Statt  
gericht. Pawrgericht. oder andern gerichtē Inen vñ den  
Iren vnderworffen appelliern wurde. vnd dieselb Appellies  
rēd parthey die habe vñ gut darumb dselb Rechtlich krieg  
spann vñ handel were In gewalt. nutz oder gebrauch hette.  
so sol alhdann auf ersuchen vnd ansynnen der widerparthey  
sollich hab vñ gut. es sey ligend oder farēd zu des Richters



115  
vnd gericht. vnder des gerichtszwang. das gewesen oder  
wesend ist. handen. vnd gewaltt gelegt vnd genomē werde.  
vnd mitsampt aller nutzng dauo gefallende. ob das anders  
solliche nutzng. die one abnemen vnd schaden enthalten.  
oder wo die one schaden nit enthalten werden mögen. so sol  
ten die von gerichtswegen verkauft werden. vnd der werd  
darauf gelöst. Inhaft vnd arrest beleiben. bis zu volligem  
end vñ auftrag sollicher fürgenomner Appellacion od guts  
licher bericht der sachen. oder auf verwilligung der wider  
parthey. wid die solliche Appellacion fürgenomē ist. Hette  
aber sollich habe vnd gütter. derhalben die partheyen spens  
nig vnd in Recht gewachsen weren. die parthey. wider die  
appelliert were. Innen. Vnd die appellierend parthey bes  
geret dieselbē habe obgemeltermas in Arrest vnd haft zes  
nemen. Wo dann solliche person. die habe innhabend. dem  
gerichte so arckwenig ist. das sie solliche habe der widerpar  
they zuschaden veremndern oder verthun möge. oder das sol  
licher arckwon sein widparthey ettlicher mas zu im pringē.  
vnd dieselb innhabend person für dieselben mit Recht vers  
fasten habe notturrfftigē bestallt vnd fürstand. Auf Recht  
lichen oder guttlichen auftrag der sachen nit thun mag. so  
sollen solliche gutter vnd hab gleicher weis. wie obbegrif  
fen ist. zu des Richters vnd gerichtz gewalt. vnd handen  
genomen. vnd auf Rechtlichen oder guttlichen auftrag  
gehalten werden.

## Was funft gesetzte

154  
Von Rechtlicher nachuolg der ap-  
pellacion der vntern gerichte In  
zehen wochen den nehsten nach  
eroffeter vrteil. oder gefugter be-  
schwerung vor einē Räte. oder dar-  
nach auf ersuchung yettweders  
tails In Jars frist vnd von abstel-  
lūg vnderredlicher vrteil oder be-  
schwerden in dreissig tagen nach  
Irer verfuugung.

**D**yemant vō cynichē vntern gerichte einē Räte  
zu Nürnberg vnterworffen für Ine appelliert. so  
sol ein yede appellierende parthey zu anpringung  
sollicher Appellacion ein zeit habē mit namē zehen wochen  
die nehsten nach eröffnung der vrteil. od vō der zeitt der bes-  
chwerung da von appelliert ist. sollicher Appellacion In yetz  
bestympter zeitt mit ladung vñ eruordnung seiner widerpar-  
they vor einē Räte. od welche ain Räte darzu beschaidet  
nachzeuolgen. er wurde dann des. auß Rechter Echafft ver-  
hymndert. Vnd wo aber die appellierend parthey In yetzbe-  
stympter zeitt weise vnd vnderscheid Irer Appellacion nit  
nachuolgte. so mag der widerteil. wider den appelliert ist.  
nach erscheynung derselben zeitt. die appellierendē parthey.  
vor sollichē obern gerichte zu auftrag derselbē appellacion  
vñ Rechtens erfordern. darauf sollicher rechtfertigung nach  
zuuolgen. wie sich dann gepurt vnd Recht ist. Vnd ob aber  
keyn tayl sollicher Appellacion zu Irer Rechtfertigung  
oder anfechtung Inn der Jars frist. nach eröffnung der

urteil oder fürgenommer beschwerung In vorbegriffner mey  
nig nit nachkome. so ist alsdan dieselb appellacio dardurch  
geuallen vnd abgestellt. also. das an de vndern gerichte vmb  
dieselben ding verer beschehen mag was Recht ist. doch so  
Appellation von vnderredlichen urteilen oder der gleiche be  
schwerunge. auferhalb entlicher urteil fürgenome würde. vñ  
so dan der vnderrichter oð die parthey darwider appelliert  
ist worden. solliche vnderredliche urteil oder beschwerunge  
davon Appelliert ist. abstelllet. oð nachgebe In dreissig tagē  
den nechste nach eröffenter urteil oder gefuegter beschwer  
ung. Alsdann sol auch damit dieselb appellacion geuallē vñ  
abgestellt sein. doch also. ob die appellierend parthey dersel  
ben vnderredlichen urteyl oder beschwerunghalb icht Cost  
gelitten vnd sein widerparthey die appellacion oð beschwer  
ung abgestellt hette. so sol solliche gerichtzcost nach erkant  
nuss des Rechten der appellierenden parthey von Jrem wi  
derteil erstattet. vnd widerlegt werden.

## Das sechst gesetz

150  
Von vnuerzogenlicher hilff des  
Rechten auf bekant vollung In  
des gerichtsbuch. vnd der r<sup>w</sup>  
vnd anstalin erteilter vollung vnd  
entlicher vrtail auff widerweere  
oder vngheorsam der partheyen  
zehen tag darnach die nehsten.

**A**uf yemāt durch gerichtlich sein verwillfirt be  
kants vollung In das gerichtspuch als erstand  
en eingeschribē wirdet. so sol gen dēselbē vñ sein  
er habe vñ gut oder dēsgleichen zu seinen erben auf Recht  
lich verkundung nach verscheynung. xvij. tag. oder auf lengz  
er zeit. In dem puch bestympt auf gerichtlich begerē. dēss.  
der erlanngt hat. In mit Rechtlicher execucion vñ volzieh  
ung verholffen werden. Es were dann das sölliche bekant  
nuss vnuernewet erloschē vñ abgestelt wer. oð aber das die  
widerparthey dargegen fürprecht das zu Recht gnüg sey.  
das söllicher bekantnuss gnüg beschehen. oder durch an  
ders dauon komen were.

Vnd so aber zu yemant In widerwertigem der partheyen  
Rechten vñ weere. das man dann zu latein In iudicio con  
tradictorio nennet. oder auf sein vngheorsamen vnd contus  
maciam mit vollung oder entlicher vrtail erstandē. wirt so sol  
die sach Rechtlicher execucion vñ volziehung Ir r<sup>w</sup> vnd an

158  
stal haben zehē tag alsdann die nechsten darnach volgend.  
vñ auf verscheinūg derselbē wo der antwurter freuelich. od  
nit geappelliert hette. sol mit volstreckung des Rechte soul  
ergeen vnd beschehen als Recht ist.

### **Das sibend gesetz**

**W**o verrer hilff des Rechten zu dē  
Ihenē die vō Irer widerparthey  
beschuldigt werden. das sie Irer  
Appellacion inn Jars frist nicht  
nachgeuolgt haben außserhalb  
notturftigs fleisz der appellieren  
den parthey.

**A**yemant von eynicher vnderredlichen oder entz  
lichen vrtail. oder eynicher ander beschwerde. ap  
pellierte. vñ sich deshalb des geuerds benomen  
hat. vnd das sich ditz gericht verrer zuprocediern nit vnder  
stett. sonnder rret. vnd so dann die appellierend parthey der  
selben Irer appellacion In Jars frist nach Irer einlegung  
mit tagsatzung des obern Richters nit nachkompt. vñ des

*Appellat  
vnd s. Recht*

halb von seinem widerteil vor disem gericht angezogē wirt.  
mit beger verrer hilff des Rechten. vñ die appellierend par  
they dargegen eynichen glawobwirdigē schein nit fürpringt  
noch beweist. darauf dann verstanden möchte werdē. das  
die sach derselbē appellacion vor dem öbern gerichte In sol  
licher erschynen Jars frist anhenngig were worden. so sol  
hinfüro die widerparthey zu verrer hilff des Rechten zuge  
lassen. vnd Ir darauf souil verholffen werden. als sich dan  
nach gestalt desselben handels zethun gepürt. vnuerhins  
dert der appellierendē parthey ploßer aufzug. Es were dan  
das die appellierend parthey so mercklich vsach Irs vleiß  
fürbrechte. Also. das die vrteiler darauf Iren gepurlichen  
vnd notturfftigen vleiß vnd ernst. vñ Ire verbinderung auf  
Gehaft verstünden. mit souil grunds vnd notturft als das  
Recht eruordert. deshalb sie dann beder partheyenhalb  
In rwe bestünden.

## Das acht gesetzze

161  
Von fleisz der anwalte In erkun-  
digung der sachen Irer handlung  
geuerlich zuge zu vermeiden. vnd  
in furnemung derselben. vnd auch  
der appellacion In abwesen der  
sacher. die verpflichtet i Ir selbs see  
le zethun.

**E**s sollen yezueitten der partheyen Anwalte ge-  
trewen fleisz ankeren. sich der geschicht vnd sache  
Irer handlung zuerkunden. vnd hinfür ir keine  
eynlicher zug auf erfahrung Irer parthey mit gegeben werde.  
Es wer dann. das er sich des geuerds auf verpflichtet seines  
Aydes de gericht gelaistet. beneme als Recht ist. oder aber  
wo der Anwalt zu dem gericht mit geschworn wer. mit seine  
personlichen Ayde alsdann geschworn. Auch sollen die An-  
walt nach bestettigtem krieg. das ist. post litem contestatam.  
mit verrer zuge haben die vnderredliche vrtel an Ir parthey  
zebringen. dann zwischen dem nehsten nachuolgenden ges-  
richt. Aber in entlichen vrteln. sol es mit furnemen der Ap-  
pellacion vnd Rechtlicher nachuolg oder execucion gehalten  
werden. auf meynung der nehst hievor begriffen zwayer ge-  
setze. vnd darzu sollen fürbaser die Anwalt mit furnemen  
noch gewalt habe außerhalb gewölicher züge ditz gerichtes  
Iren widerteilen verrer schub mit wilfür zugegeben verlen-  
grung Rechtlichs auftrags zu vermeiden bey einer peene ein.

162  
pfund newer haller. Es wurde dan sollich schube In Recht  
erkannt. oder von beden Rechten sachern veruolt vn̄ aufges  
nomē. vn̄ sollich vorgemelt verpflichtet vnd Ayde der Anwalt  
sich des generds In fürnemen der zuge od Appellacion zu  
benemen. sollen sie In ir selbs seele fürnemen vn̄ schweren.  
Es wer dan Ir parthey entgegen In meynng sollichs Recht  
selbs zuuolziehen.



## Das newndt gesetzze

163  
Von verrer hilff des Rechtē nach  
einlegung einer Appellacion von  
vnderredlicher vrtel. bys auf ob  
erantwurtung der Inhibicion  
vō dem obern Richter. so die vrtel  
ler vermercken. das one vellig be  
schwerūg geappelliert wer wor  
den.

**W**Je wol ein parthey appelliert von einer vnderred/  
lichen vrtel. ye doch mag das gericht alhie In der  
selben sachen. wo das gericht dieselben Appella/  
cion nit nachgeben vnd deferirt hat. weiter faren. vnd pro  
cediern. solang vnd verr. bis verpottbrief vñ Inhibicion. vō  
dem obern Richter oder gerichte disem gerichte geätwurt  
werdē. vnd sonnderlich alsdann so die vrteler ditz gericht  
vermercken oder betrachten das die selben parthey. on vōls  
lig beschwerung freuenlich appelliert. vñ solliche verrer pro  
cess oder heindel. sein eygentlich nit atemptata od̄ erneuer  
ung. oder vngepürlich verändrung.

*appell*

## Was zehend gesetzte

Von entlicher vrtail das die vnap-  
pelliert der partheyē entpfeht die  
kraft einer berechten sachen. vnd  
von betwürg appellierēder par-  
theyen. vnd apostel zugeben.

*164*  
*apostel*  
**A**zwischen partheyen entliche vrtail außgeen. vñ  
dauon mit appelliert vurt. In zehen tagen nach ge-  
richtlicher Irer offnung den nechsten. so entpfecht  
sye vnd hatt die kraft einer berechten sachen. vñ so aber der  
parthey eine dauon appelliert auß redlichen vnd merckliche  
vsachen sie darzu bewegende. die zu seinen zeitten für zu-  
bringē. vñ mit irem Ayde behielt. das sie sollicher beschwer-  
unghalb vnd mit zugeuerlichem verzug der sach. die für ges-  
nomen hab. vnd sodann dieselb parthey In bestympter zeit  
des Rechtens. das ist In dreissig tagē. nach einlegung der  
Appellacion dieselben appellacion Insinuiert vñ verkündt.  
oder aber mundtlich vorgericht appelliert hette. so mag ditz  
gericht ein zeit benēnē. In der. der Appellierend teil die vol-  
führung seiner Appellacion ansahe. vnd die selben zeit kurtz  
en od lengen nach gestalt vñ gelegenheit einer yede sachē.

## **Der Hylfft Tittel**

165  
Gesetze von manigerlay Execu-  
cion vnd volziehung des Rechten  
ditz oder der vntern gerichte. vor-  
drung der pfand. Auch der nach-  
uolg mit ettlichem ausznemē. fur-  
stand der framen. auch des herrē.  
vnd von vnuerzogenlicher hilf er-  
schynnens lidons. vnd von Fron-  
uestung vnd schwerung von der  
Stat vnd nachuolg berechtigter  
sachē. Auch auf ligende habe. vnd  
von behaltüg angepottner erbe.  
vnd gen den erblexten vnd den  
Iren.

## **Was erst gesezte**

110  
Von gewalt der Ihenen die vol-  
lung erraicht haben. das die von  
stüdan auf nehstuolgendē merck-  
tage pfand fordern mogē mit er-  
laubnuß des gerichtts zu dē nehst-  
en gerichtstag darnach.

166  
**W**emant. er sey Burger od̄ gast. vullig erraicht.  
So mag er pfand fordern lassen an dē nehstē oder  
einem andern nachuolgendē tag. der doch mit feyr  
tag sey. vngachtet. ob wol derselb tag mit ein gerichtstag  
ist. vnd er mag **I**m darauf den nehstē gerichtstag darnach  
das gericht erlaben lassen. vnd seinē Rechten verrer nach  
geen. wie sich dann sollich nach ordnung des gerichtes ge  
pürt. gewonheit. vnd Recht ist.

## Was ander geseze

Von execucion vnd volziehūg ditz  
gerichts zu den personē vnd habe  
darzu entlich erstanden ist. Im pit-  
telstab. vnd an enden one mittel  
dē pawrgericht vnterworffen.  
Auch vor dē vntern gerichtē vnd  
ewssern gerichtē mit vnderschied

**A**uzemāt vor disem gericht entlich erlangt vnd  
erstanden wirt. so sol nach Inhalt der geseze da  
von begriffen. der volziehung desselben Rechten  
nachgegangen werden. zuoran der person vnd habe halb  
In disem pittelstab begriffē. vñ auch an andern enden diser  
Stat pawrgericht on mittel vnderworffen. vñ wo aber die  
selben person zu den erlangt wer worden. oder Ir habe vnd  
gut ligend vnd farend In eynichem vntern gerichtē. disem  
gerichtē oder Räte vnterworffen betretten wurde. oder ges-  
legē od begriffē wer. so mag ditz gericht an dasselb vnter  
gerichtē auf anrueffen der partheyē. die erlangt hat. Ir ge-  
bott od haisbrief erkennē vñ gebē. darauf durch das vnd-  
gericht mit antastūg der personē od verrer hilff des Rechte  
zu d habe verholffē werdē. solanng vñ verr bis entlich vol-  
ziehung beschilt. vñ so aber die person. zu dē erlangt ist. In

168  
einichem ewssern gerichtē diser Stat. Rat. oder gericht nit  
vnterworffen. betrettē wurde. oder derselben personen habe  
vnd gut beweglich oder vn beweglich. so sol dasselb ewsser  
gericht durch Litteras Compassus vnd Bettbrief. vō disē  
gericht auzgāgē. auf anrueffen der widerparthey ersucht  
werden. darmit vnd darauf an denselben enden vñ gerichtē  
söllicher Execucion vnd volziehung. souil verholffen werde.  
als Recht ist.

## Das dritt gesetzze

Von ordnung gerichtlicher nach  
uolgfarender vnd ligender habe.  
gut vnnnd gerechtigkeit. vndauch  
sollicher habe die alsdann vnd vor  
malen gen yemant annderm In  
krieg oder ansprach eines hangg  
enden Rechten steet. vnd von frey  
ung Ackerzeugs. werckzeugs.  
Auch krancker menschen vnnnd  
kindpetterin.

**A**Uvolziehung vñ nachuolg des Rechten sol dise  
ordnung gehalten werden. das mit dem ersten sol  
varende oder bewegliche habe angetastt werden.  
souil sich dann der werd etwas darüber oder darbey vnges  
uerlich trifft. doch also wo yemant hette pferd. oxsen oder  
andre thier zum pflug gehörig. od andern ackerzeug. werck  
zeug. vnd dergleichen gezeuge. oder gerette. darmit er sich  
seiner notturfthalb zenerē pflege. der solte zu erst In wo ge  
stellt werde sollichs vorgangshalben. vñ es sol auch dauor  
ligende habe vñ gut. ob gepruch an ander varnus erschyne.  
vñ darnach desselben auf den erlanngt ist. aufstendige rich  
tige vnd gewisse schuld Recht vnnnd gerechtigkeit. waran er  
die hette an getastt werden. vñ auf das Jungst vñ letzt aller  
erst die egerürt zugehörung des pflugs vnnnd ackerzeugs.  
vnnnd auch des werckzeugs. alles solanng vnnnd verr. bis  
dem erstanden Recht gnug beschihet. vnnnd wo die habe.

168

gut oder Recht. die also mit volziehung des Rechten ange-  
tast wurde. alßdann oð vormaln mit hangendem Rechte  
als spennig verheft oder begriffen wer. so sol dauor die ge-  
rüsam habe oder Recht. die nit spennig were. fürgenomen  
werden. vnd so aber allein spennige habe vorhamden were.  
oder die notturft des Rechten erayschte. auch die spennige  
habe anzetastten. so sollen die vteiller darauf. gegen dem.  
der sie anspricht oder beclagt. vnd gegen dē. der sie mit ver-  
ern gerichtszwang antastet. auf das kurtzst vnd süglichst  
nach irer beder fürgab. darumb erkennen. vnd zwischen In  
entscheiden. als sich nach gelegenheit der sachen zethun ges-  
püret vnd Recht ist. vnd was dann gerechtikeit bestet. des.  
darzu erlangt ist worden. darzu sol dem anlager auf sein be-  
habts Recht. solann bis dem ein genüige beschicht verhol-  
fen werden.

So aber In eingang des gericht. kindpetterin. oð francke  
legerhafftige mensche betretten werden. was dann vorhan-  
den ist. das denselben personen zu Irem leger vnd pflege.  
auf Irer notturfft vngewerlich zusteet. dar Inn söllē sy auf  
die zeit des kindbetts vñ Irer franckheit vnd legers gefrey-  
et sein. dasselb alßdann mit außzetragen.



## Was vierdt geseze

Von furstanno der eefrawen die  
nit In verpflichtet mit Iren mannē  
zubezalen steen. auf eingang des  
gerichts gē irem manne In irem  
beywesen auf das gericht schirst  
darnach. oder sunst auf zimlichen  
zuge des Rechten.

**M**einem mann mit dem gericht eingangen wirt.  
vnd damit oder mit ander gerichtlicher nachuolg  
seiner Eefrawen. die dann mit Im zubezalen nit  
schuldig noch pflichtig ist. habe. gut oder gerechtigkeit für  
genommen vnd angetasst wirdt. derhalb sy dann fürsteet. so  
mag dieselb fraw durch sich od Ire Anwalt auf Ir kütlich  
wisse dieselbē Ir fürgenomē vñ angetassete habe. gut. vñ ge  
rechtigkeit auf das nechst nachuolgend gericht. vnuerhindert  
der Eheft. so sy entgegē ist. auf verkünding derselben par  
theyē. In gericht vñ Recht vertrettē mit rwe vnd anstal sol  
licher angetasseter habe. gut od gerechtigkeit. auf dise nach  
uolgenden rechtlichen entschied. In söllichē. bede teil vñ  
partheyē nach irer notturfte söllē gehört. vñ der frawen für  
standshalbē daruñ entschiedē werdē. mit souil erkantnus.

als nach Recht dartzu gehört. Und so aber die **F**raw auf  
die zeit des gerichtlichen eingangs mit entgegen. sonnder  
außerhalb der **S**tat an andern enden were. vnd ir auch dar  
zu gerichtlich nit verkundet wer worden. so sol **I**r derselb  
eingang an dem **I**ren vnschedlich sein. vnd sy mag auch auf  
**I**r kuntlich wissen darnach mit verscheinpottung der wider  
parthey durch sie oder iren **A**nwalt dieselben ire angetastete  
habe gut oder gerechtigkeit **I**n gericht vertreten. darumb  
sol vil zebesehen als vor berürt vnd **R**echt ist.

*[Faint, illegible text, likely bleed-through from the reverse side of the page.]*

## Das funft gesetzze

Von vnuerzogenlicher hilff des  
Rechten vmb verschynnen lidlon  
vns pennig vnd spennig mit vnder  
schid.

**E**inem yeden gebrotten Gehaltē. diener od diener  
riu. sol vmb seinen verdienten lidlon auf erschein  
ung der zeit seines dienstz vñ sein anruffug durch  
den Richter mit verhörung seines herren oder frawen. so  
sollicher lidlon nit spennig erscheint. von stundan zu auß  
richtung vnd bezalung desselben verholffen werden. vnuer  
hindert eynichs behellffs seiner herrschaft. vñ es sol vñ mag  
auch der Richter darumb pfendē vñ souil volziehung fürne  
mē. damit dē Gehaltten od diener sein bezalung nit verzogē  
werde. sonnder emtlich beschehe. Vnd wo aber mercklich  
spenne oder Irrung deßhalb zwischen Inen erschine. so sol  
te dem oder den selben zu seiner herrschaft auf sein erstliche  
gerichtliche verkundung. mit Rechtlichem entschid darumb  
verholffen werdē. vnd was dann der Gehalt oder diener der  
massen in Recht erlanngt. darumb sol auch yezueitten der  
Richter verrer verhellffen. als vorbegriffen ist. vnd der Ge  
halt sol auch mit sollicher entrichtug seines lidlons den vor  
gang haben vor aller ander personlicher schulde. so sein herr  
schaft sunst schuldig were. doch vnschedlich den Inenē. die  
dauor zu seiner herrschafft mit Recht erlangt vñ erstanden.  
oder elltere einsetzung oder verpfennung hetten.

## Das sechst gesetz

Von furstanno des hauszherren  
vmb seinen gegenwurtigen vnd  
nehstueruallē zynse. In dē hawpsz  
rat vnd varnuss in seinem hawpsz  
begriffen. vor andern die auf dē  
besitzer eruolt vnd erclagt habē.

**B**es aber fürbaber zu schulden komet das auf  
einen Burger entlich erclagt oder eruolt. vnd dem  
selben mit gericht eingegangen. vnd sein hausrat  
oder andre varnuss dar Inn Im zustemdig von gericht  
wegen geantwutt also das solchs nach herbrachter gewon  
licher gerichtszordnung verspert. oder das aufzetragen an  
getast wirt. vnd der hawzherr oder sein gewalt sollicher bez  
stentnusshalb desselben hawsz vmb sein verfallen hawsz  
zynse des nehstueruallen vnd desselben gegenwurtigen  
iars Im gepurende. fürstunde. auf maynung. Im darumb  
aufrichtung zethun vor vnd eedann sollicher hausrat vnd  
varnuss auf dem selbē hawsz getragen. oder gefürt wurde.  
so sol im dauō souil Innen bleibē. als solliche verfallē zynsz  
treffen. Oder aber das im derselb aufstand zuuoran bezalt  
vnd aufgericht werde.

Vnd mit der Klawmung des hawsz. sol es gehalten werdē.  
nach larot des andern gesetzts vnder dem. xxv. Tittel. dauō  
begriffen.

## Das sibend gesetz

Von verrer hilf des rechtē zu fron  
uesten. vnd schweren von der stat  
oder irem anwesen. der. die nit ze  
gelten oder zebezalen haben.

**A**dem anclager zu varender vñ ligender habe. vñ  
auch zu ander gerechtikait seins widertails in vor  
gemelter meynung vnd vnterschied verholffen wir  
det. vnd darnach vnd darüber des anclagers fronpott in ge  
richt erscheint. vnd auf seinē aide zu dē gerichte geschworn.  
sagt. das er allenthalben nach notturft gesucht. vnd nicht fü  
den. noch im der gelter auf sein des fronpotten frag vnd er  
süchē anzaigt habe. da von der anclager bezalt müg werde  
on geuerde. vñ darauf begert im von wegen des anclagers.  
seinen widertail zeverlauben. So wirt im zu **Im** vergönnt so  
uil vnd Recht ist. Nemlich. das alsdann vnd darnach der  
selb gelter von gericht wegen angenommen vnd zu fronuest  
gefürt werden sol. vnd doselbst sol er **Inne** ligē drey tag vñ  
drey nacht. vnd het er dann den anclager nit vergnügt oder  
vnclaghaft gemacht. so sol man **Ine** darnach wider fürē für  
gericht. vnd so dann der glaubiger begert **Im** denselben sei  
nen gelter in den schuldthurn zelegē. so sol im das gestattet.  
der schuldiger darein gefürt. vñd omb schuld. die hundert  
guldein Reimsch nit vbertreffen fünf Jar lang. vñ omb die  
schuld die hundert guldein vbertreffen zehen Jar lang. wo  
sich anders derselb schuldiger mit seinem glaubiger in mit  
tler zeit omb söllich schuld. derhalb er einpracht wer. nit ver  
treget. **In** söllichem schuldthurn enthalten werde in form vñ  
weiß. wie das sibend gesetz des zwey vnd zweintzigisten tit  
tels von den geltern. die ir glaubiger oder schuldiger in für

nemen desselben betriegen. Innhelt vñ außweist. wolte aber  
der glaubiger seinē gelter in yetzgemelter maß in den schuld  
thurn mit legen lassen. so sol darauf der richter die schöpfen  
fragen. was nwo darumb Recht sey. so sollen alsdan die schö  
pfen. den vrteilen solang von der stat zesein. bis er den anda  
ger entrichtet. bezalt. od vnclaghast macht. also. dz er schwe  
ren sol zu got vñnd zu den heiligen. das er fünf meil von der  
Stat sol sein. solang als vorgeschriben steet. vñnd das er auch  
eynliche ligende noch varēde habe noch güt nicht hab. dauō  
er gelten müge. aufgenommen die E leider die er an hat onges  
uerde. vñnd ob er zu pesserm glücke. das ist. das er zu narung  
vñnd güt kōm. das er denselben glaubiger vñnd schuldiger sol  
licher seiner erstanden schuld vñnd gerechtikeit entrichten vñ  
vergnügen wolle. Wer er aber ein gast. so soll er auch darzu  
schweren. vō seinem heymat oder anwesen. do er gefessen ist  
In allem dem rechten vñnd so verne. als er hie von der Stat  
geschworn hat. vñ in söllichem mag noch sol auch den gelter  
mit fürtragen oder schirmen. eynich ferij pantag noch feyer  
tag. als vō alter herkomen ist.

Wo aber der gelter. nach dem er zu Fronuestē angetastet. ge  
fürdt oder pracht würde. sagte vñ anzaigte eynich habe ligēd  
oder farend. oder wie die namen hette. so Im alhie oder an  
derswo zūsteen sollte. so sol er auf sein fürhalten nichtsdest  
mynder gehanthabt werden. solang vñnd verr. bis er dem. der  
zu im erstanden hat. mit vermüglichen dingen aufrichtung  
oder genügde thut. mit souil versorgnūss. als sich gepürt vñ  
Recht ist.

## **Was acht gesetz**

**W**o nachuolg einer berechtē sach  
es sey vrteil oder vollung mit vor  
derung der pfand vnd irer verfail  
fung vnd verkaufffüg auf entlich  
entrichtung des clagers.

**E**sol einer entlichen vrtail. die sich helt In krafft  
einer berechtigten sache. vnd dergleichen einer vollung  
oder einer bekantnüss In das gerichtspuch. die  
sich heldet in krafft einer vollung. also nachgegangen werde  
das der sacher oder sein anwalt oder scheinpot. nach dem vñ  
söllich vrtail. vollung oder bekantnüss gerichtlich vnappel  
liert in ir krafft gangen ist. durch einen fronbotten an seiner  
widerparthey pfand vordern mag. vnd so im varēde oder be  
wegliche pfand angepotten vnd gegeben werden. so sol  
len sollliche pfand. auf das nechst. oder andre nachuolgende  
gericht aufgepotten. vnd durch einen geschworn fürkeuffel  
oder fürkeufflin bey Irer verpflicht geschetzt. verfailt. vnd  
darnach verkauft werden. vñ auf denselben kauf. sollē auch  
der parthey. darauf erlangt ist. sollliche pfand vmb die anzahl  
oder werd. darumb sy dan also geschätzt oder verkauft sein.  
angepotten werden durch einen geschwornen fronpottē vñ  
der augen. oder wo er nit vorhanden were. zu haws zu hof.  
gerwonlicher herberg oder an das Rathaws. Vñ so dieselb  
parthey sollliche pfand darumb behalten vnd lösen wil. das  
mag sy thun in achttagen darnach den nechsten. vnd so aber  
söllichs essede pfand werē. so solt souil kurtzer zug od schub  
zu der nachuolg nach erkantnüss des Rechten erkant vñ ge  
setzt werden. Vñ so sy aber sollichs zethun in der zeit nit ver  
meinte. od behielte. so sol es damit gehalten werde nach mey  
nung vñ Inhalt des. x. gesetz vnder dem. xxiiij. Tittel.

## Was newnd gesetz

Von Rechtlicher nachuolg auf li  
gēde hab. mit entspenung. verfail  
fung. verkauffung vnnnd auszrich  
tung des Clagers. vnd mit erfol  
gung der vbermass dem verant  
wurter.


*507*  
**I**ggender habe vnd güt soll mit der execucion also  
nachgeuolget werde. das der geschworn fronpot  
einen span In fürnemen söllicher pfandung schney  
den vnd nemen mag. vnd den darnach vor gericht aufspietten  
vnd in der stat soll der steen vierzehen tag. vnd auf dem land  
vier wochen. Vnd so der antwurter dar zwischen den Cla  
ger seiner behapten oder erstandē befaunüß. vollung oder  
vrtail nit aufrichtet. vergnügt oder vndlaghaftt machet. so  
mag der Clager darnach dieselben erbstück. so die alhie im  
pütellstab gelegen sein Burger oder Burgerin. oder wo die  
darauf gelegen weren. auch andern verkauffen. vñ dem ver  
antwurter söllichen kauf vmb dieselben sum oder behabnüs  
mit einem schöpffen oder fronpotten anpietten vnder augen.  
oder wo der nit vorhanden wer. zu haws. hofe. herberg. wos  
nung oder an das Rathaws. ob er söllichs erbstück oder li  
gende habe lösen wöll. das er das thue in achttagē darnach  
den nechste. vñ wo sölliche losung oder vergnügung in der zeit  
nit beschih. vñ der verantwurter durch sich od seinē anwalt  
od yemat anders rō seinē wegē auch nit fürzüge das pesse  
rüg od vbermass an der gespente vñ angepottē habe erschy  
ne od were. so solt dem clager söllicher kauf bestetigt werden.

*178*



mit werschafft. als ein yeder den andern erclagter habe werē  
sol. vnd wo aber der verantwurter mercklich anzüge vñ für  
prechte das vber die behapten Recht besserung vnd vber  
mass an der angepotten habe oder güt sein. oder erscheinen  
solte. vnd doch nit vermöchte das sein zuentledigē. so solt sol  
liche ligende habe durch den geschworn vnderkeuffel erbs  
vnd aigens mit sampt dem verantwurter in acht tagen den  
nehesten mit dem pesten fūg auf das höchst verfaulst vnd ver  
kaufft werden. wie in disem vnd dem nehest nachuolgenden ge  
setz begriffen vnd erclert wirt. vnd was dann vbermass an  
der verkaufften habe vber die erstanden Sum̄ oder behab  
nūs. vnd auch vber die gericht Cost vnd scheden deshalb  
erlittē wer. od vber belib. das solt dem des die habe ist volgē.  
wo anders nit nachuolgēd ander partheyen die auch erlangt  
vnd erstanden hetten vorhanden weren. doch also das zūuor  
an der anclager sol außgericht werdē. Vñ wo solliche stück  
oder erbe. eygenherren oder erbherren hetten. so sol derselb  
kauf nach außgang der zeit der anpiettung dem verantwur  
ter beschē. dem aygenherrē oder erbherren. auch mit einē  
schöpfen oder fronpotten. omb die rechtē kauffsumma ange  
potten werden. der hat dann darnach die wale vierzehē tag  
sollichen kauf dem. von des wegen der angepotten ist wor  
den zuzesagen. oder selbs zebehalten. vnd darnach des vnd  
anders gerichtshandels brief vnd vrfūnde erzeugen vnd er  
tailen lassen. Vnd so dann der glaubiger darnach mit solli  
chen gerichtsbrieffen. für gericht kumen. vnd begeren würd  
demselben seinem gelter von gerichtswegē zegebietten. sein  
erclagt vnd eruolgt güt zerawmē. so sol auf anregen des cla  
gers demselben gelter. durch einen geschworen fronpotten.  
dasselb erb in den vierzehē tagen den nehesten zerawomen  
gebotten werden. vnd so dann der verantwurter also dem ge  
richt vngheorsam erschyn. vnd in der gemelten zeit nit raw  
met. So sol er drey tag nacheinander eins yeden tags omb

ein pfund noui gepfendet werden. Vnd so aber der gelter  
sölliche pfendung der dreyer tag verachtet. vñ mit gerawnt  
hett. so sol er vñ söllicher seiner ungehorsam wegen. zu Fron/  
uest gefürt. vñnd omb sein verhandlung. vñnd ungehorsam  
nach erkantnis der vrteiler. vñd nach gestalt der sachen. ge/  
strafft. vñd der glaubiger soll darauf durch den Richter vñ  
gerichts wegen. eingesetzt werden. als Recht ist.



## Was zehend gesetz

Von behaltung angepottner Erb  
von den Thenen den sy aberclagt  
sein In achttagen nach der anpiet  
tung. oder aber die sunst zeuerfail  
sen vnnnd zeuerkauffen durch ge  
schworn vnterkeuffel auf das  
hohst. vnd verrer anpiettung irer  
aygenherren. mit entrichtüg des  
vberlaufs mit vnterschied.

**A**uch das anpietten entspenter. verfailster vnd  
verkaufter Erbe bisher vngleich gehalten wordē  
ist. so dann yemant auf erstandes recht eynich erb  
entspeent. verfailst vnd verkauft. vnd sollicher Kauf dem od  
den. den es in Recht aberclagt ist angepotten. vnd durch sy  
in achttagen den nehesten nach sollichem anpietten vmb sol  
lich erclagt Sum̄ behalten wirt. so bleibt es dabey. wo aber  
die erblewt. das in sollicher zeit nit tetten. alsdann sol sollich  
Erb offentlich an dem gericht vmb solliche erclagte sum̄ ver  
failst vnd verkündt werden. ob yemant mer darumb geben  
wölle. das dem geschwornen vnderkeuffel Erbs vnd aygens  
in achttagen den nehesten nach sollicher verfailung vñ ver  
kündung zewissen zethun. vnnnd so dann die zeit der achttag  
erscheint. man hette die erclagte sum̄ auf das benant erb er  
höhet oder nit. welcher erhöherung auch die benanten ge  
schworn vnterkeuffel gütten vleiß gebrauchen sollen. so soll  
derselb Kauf vmb dieselben Sum̄ dem aygenherrē angepot  
ten werden. der dann in vierzehen tagen den nehesten nach

Sölllichem anpietten In krafft seiner Dygenschafft den Kauf  
selbs behalten mag. wo er aber den selbs nit behalten wolt  
so soll dē Jhenen der durch den geschworn vnterkeuffel. der  
erhöerten maysten sumhalb angezaigt wirdet. der Kauf als  
Recht ist. geuertigt werden. vnd was an der Kaufsum vber /  
lief vber des clagers erstandene Sum. vnd auch vber die ge  
richts Cost vnd scheden defhalben erlitten. dasselb solt dē  
oder den. der söllichs erb gewest ist. volgen vnd bleiben. Es  
wer dann das mer partheyen söllichs erbshalben alsdan in  
Recht stunden. vñ darauf omb mer schuld. oder sum erclagt  
hetten. oder das der erbman für trünmig gehalten würde. als  
dann sollt die vbermaß der Kaufsum hynter das gericht ge  
legt. vnd denselben nachuolgern mit verrer volziehung souil  
verholffen werden als Recht ist.

EA

*[Faint, illegible text, likely bleed-through from the reverse side of the page]*

## Was ailfft gesetz

Von hilf vnd volziehūg des Rech-  
ten zu der erblecht farender habe  
vnd auf gepzuch derselbē zu dem  
Erb mit spenung vnd anderm. vnd  
auf desselbē māgel. Auch sein per-  
son zeurlawben vnd anzetasten.  
alles dem **A**lygenherren oder erb-  
herren vnschedlich.

**A**uf einē pawr der mit burger zu **V**luremberg  
ist. erfolt vnd sein erbherr seinerhalb vō der wider-  
parthey angesucht vnd ermant wirt. pfannnds von  
Im zeuerhelffen. vnd so der pawr außerhalb **A**ckerpferde.  
ochsen vnd anders **A**ckerzews bewegliche pfand oder var-  
nūss hat. die man treiben vnn̄ tragen mag. vber seins Erbs-  
herren verfallen zyns vnd gūlt. so soll im der herr derselben  
vbermass vergōnnen. **S**ouil vnd verr dann sein schuld trifft  
oder macht die seiner widerparthey zeüberantwurten. vnn̄  
damit zefaren vnn̄ zehandeln als sōlicher pfannnd vnn̄  
gerichts ordnung vnn̄ Recht ist. vnn̄ alle dieweil sōliche  
pfand vorhandē sind. so solle seinē widerteil kein span an dē  
Erb vergōnt noch der pawr geurlawbt werdē. vnd wo aber  
der vermellten varnūss des pawr mit souil vorhanden were  
als die erclagt sūm vber seines herrē verfallen gūlt vñ zyns  
treffe od̄ machte. so sol sein erb gespeent. vñ der selbē spenūg  
nach gewōlicher gerichtzordnūg nachgeuolgt werden. **I**n  
massē mit farēder vñ ligēder habe vñ gut mit den **B**urgern

fürgenommen wirt. doch alweg seinem erbherren vnshedlich.  
wer aber mit souil varender oder ligender habe vorhanden.  
dauon sein widerparthey möcht außgericht werden mit bes  
setzung des pawrn wie recht ist. so mag man alsdann acker  
pferd. ochsen vnd pawrgeschier angreifen. Vnd ob das zu  
gnügssamer bezalung vnd entrichtung nit raichte. so soll der  
pawr geurlawbt vnd zu Fronuesten geführt. vnd fürbasser  
gegen **I**m fürgenommen werden. als von den Burgern ge  
setzt ist.

*[Faint mirrored text bleed-through from the reverse side of the page]*

*[Faint mirrored text bleed-through from the reverse side of the page]*

11

189

## Das zwelft gesetzze

wenn vnd welchermaß die glau-  
biger an Iren schulden von Iren  
gelteren ware vnd wer schafft zene-  
men schuldig sollen sein.

**S**eylicher gelter hinfür vermeinte seinē glau-  
ber an vnlaugēbarer geltschuld war oder andere wer-  
schaft zegeben. vnd damit bezalung zethun. so ist  
derselb glauber sollichs anzenemen mit schuldig. es sey dann  
das der gelter an zeitlicher narüg nichts anders habe dan  
erbstück oder andere ligēde güter. darzu er zu zeitē der be-  
zalung keinen kauffer haben oder vberkomen müg. so sol als  
dann der gelter auß den allē die wal habē zenemen welche  
er wil. In dem werde. wie die geschworn vnderkeuffel nach  
gelegenheit vnd gestalt der sach vnd zeit setzen. vnd der gel-  
ter umb die angesagten oder geschätzten Sum. bis zu völli-  
ger entrichtung seins ausstands auf ein fürstand der wer-  
schaft von dem gelter zenemē. vnd ob ongeuarlich der wer-  
de der geschätzten hab oder güter die geltschuld vberläuff. so  
soll derselb glauber denselben vberlauf nach erkantnis des  
Rechten dem gelter hinauß gebē. ob aber der gelter varnüß-  
hette oder ligende güter. darzu er dann einen kauffer haben  
möcht. so soll der glauber mit schuldig sein dieselbē an seiner  
geltschuld zenemen. sonnder Im sol auf dieselben hab nach  
sag der andern Statuten verholffen werden.

## Der zwelfft Tittel

**G**esetze vō heyraten vnd beider  
Eelemt verpflichtet vnd vermecht  
nus. vnd vō hendeln sy selbs. auch  
die schuldiger vnd die purgen an  
treffend. Auch von heyraten der  
kinder hinter iren Eltern. vnd von  
niessung der Eelemt irer yedes ha  
be. vnd von der einzhanno. auch  
irer beider schulde. vnd von wart  
beder zuschetze. vnd von der gabe  
zwischen den Eelemten.

### Was erst gesetz

Won verpflichtet der selb gelter des  
Brewtigams vnd Brawt vnn  
irer purgen der heyratschetzhalt.

**E**st herkommen. gewonheit vnd Recht diser Stat  
das Brawt vnd Brewtigam nach irem vermügen  
vnd wilfür. oder irer Eltern freunde oder vormüd  
irenhalb zuschetze oder heyratgüt geneinander verspreche.  
verschreiben. vnn verpürgen. vnn die zeit der bezalunge  
söllicher zuschetz ist funf vierteil iars mit söllicher beschei  
denhait. das dieselb gelter noch die pürgen in iarsfrist nach



Welcher beyschaffung nit schuldig sein bezalung darumb  
zethun. sonder von stundan nach erscheynung des iars. vnd  
nach aufgang der Jars frist. sein mit allein die selbschuldē,  
sonder auch die pürgen des Brewtigams vnnnd auch der  
Brawt darzu ein gantz viertel Jars zebezalen verpunden.  
Also. das yetweder teil selbschulden oder pürgen darumb an  
gefordert vnd gerechtuertigt werden mügen. vnnnd ob sie in  
söllichem viertel Jars derselben Irer pürgschaffthalb vor  
entrichtung der Brawt oder des Brewtigams versprochē  
oder verschribē zuschätz oder heyratgut on vndercheid. ob  
sie bede alßdann lebten. oder Ir eins dauor von tods wegen  
abgammgen wer. durch Rechtlich fürpott. von den. gen. den  
sie dann verpflichtet sein. cruordert werden. vnnnd alßdann blei  
ben sie verpflichtet. bis zu auftrag des Rechten vnnnd entrich  
tung derselben zuschetz oder heyratgut. würdē aber die pür  
gen In söllichem fünf viertel Jars. mit Recht darumb mit  
fürgenommen. so sollen sie alßdann vnnnd fürpasser von dersel  
ben pürgschafft geledigt sein. Wurden sie aber mit Recht  
darumb fürgenommen. vñ darnach vor oder nach bestettigug  
des Kriegs mit tode abgingen. nichts destmynder sollen Ir  
erben söllicher pürgschafft vnnnd Kriegshalben verhafft vnnnd  
verpunden sein. vnuerhindert ander gesetzter Statut. Aber  
die selbschulden sein vnnnd bleiben verpflichtet vñ dem anfang  
Welcher beyschaffung bis auf die zeit der bezalung vnnnd  
quittierung. Vnnnd alle dieweil In der vorbestymptē zeit des  
letzern viertel Jars der Brewtigam In leben ist. so mag  
er als der. der die pürdē der Ee tregt bede zuschetz oder hey  
ratgut In der gütte vnnnd Im Rechten erfordern. einbrin  
gen vnnnd einnemen. Vnnnd desgleichen mag auch der brew  
tigam sölliche bede zuschetz In der zeit des ersten Jars  
auff willen vnnnd gabe der. die darumb verschriben sind.  
die enntpfahen vnnnd einnemen. vnnnd auch darumb quit  
tieren. Also. das Im deshalb cynichs besondern gewalts

von seinem weib zehaben nit not ist. Vnd ob das wer oder  
geschch das eynicher heyratpürg In vorbestympter zeit. der  
fünf viertel iars oder auf angefangtes Recht einiches zu  
schatzshalb dar Inm fürgenommen mit tod abgieng vor auß  
richtung vnd bezalung des versprochen oder verschriben zu  
schatzs oder heyratgüts. so sollen desselbē abgegangen pür  
gen verlassen erben söllichs zuschatzshalb verpflichtet vñ ver  
punden sein. In aller dermass als derselb abgegange pürg  
verpflicht vnd verpunden gewest ist. Doch wo es in dem vñ  
anderem in abrede der heyrat anders beteydingt od verschri  
ben wer. dem solte züuoran nachgegangen werden.

## Das ander gesetz

### Vō heyrat der kinder hinter iren leiplichen Eltern.

**M**öchtere. die in verfehung vnd gewaltsam Irer leiplichē Eltern vater oder muter. vnbestattet irer elternhalb. wern. sich selbs hynter Ine verheyraten vor vnd eedann sie zu fünf und zwaintzig Jarn kōmen. so sollen dieselben ire eltern vater od̄ muter in irem lebē nit schuldig sein Ine eynichen zuschatz oder heyratgut zegeben. vnd desgleichen iren sūnen vnder dreyszig Jarn alt. die sich selb hynter Inen verheyraten. vnd so es aber zu fellen kōme. vñ ire eltern on geschest abgiengen. so sollē nichts destmynder die andern Ire geschwistergit vnd miterben ir eingenomen zuschetz zuuergleichung der verlassē erbschaft einwerffē. Auch mügen Ire eltern sie deshalben in Iren geschestten nit enterben. sonnder sie sein pflichtig nichts destmynder sie erblich zeuersehen. zum mynsten in der legitima oder natürlichen erbschaft. Es wer dan̄ das sie die sunst mit ander verhandlung verwürckt hettē auf maynūg des andern gesetzts vnder dem. xv. Tittel.

## Das drit gesetz

Von niessung versameter Eelw  
te ir yedes habe. vnd ir yedes erb  
schafft mit geschafft vnd on ge  
schefft. mit vnd one erben. aufstey  
gend vnd auf die seyten.

**M**an vnd weib sich Eelich versamen mit iren lei  
ben. on alles besonnder verding vñ verpflcht ir ye  
des habe vnd güt. vnd on alles aufnemē der eins  
händ. so sollen sie ir beder habe vnd gut zu irer hawshaltung  
vnd notturfft. vnd auch irer leiplichen vnd Eelichen kinder.  
so sie die gemeinlich oder sunderlich hetten. oder gewonnen  
als versamet Eelw. gütlich oder frewntlich miteinander  
niessen vnd geprauchten. vñ der vällhalbē sollen yedes kin  
de. vnd auch die enick lein dasselb auf seinen abgang erben  
on geschafft vnd mit geschafft. wie dan sunst in besonndern  
gesetzen außgedruckt ist. Vnd so aber ir eins in der Ee vor  
dem andern mit tod abgienge. on geschafft. vnd on leiplich  
Eelich erben In absteygender lynien. Vnd leiplich Eelich  
vater oder muter. oder dergleichen Anherren oder anfrawē  
oder aber leipliche vnd eeliche geschwisttergit von vater vñ  
muter versamentlich. oder ir einem in sunderhait. oder derge  
leichē geschwisttergit kinde. vnd dasselb im der Ee verwant  
hynder im verlies. so solte dem oder denselben. vnd nemlich  
dem nehsten auß Ine erblich werden vnd geuallen der halb  
teil des eigenthumbs von des abgegangen verlassen habe.  
so dann ober bezalung der schulde vorhanden ist. doch mit  
souwil messigung vnd vnderscheid derselben aufsteigendē. vñ  
auf die seyten als die gesetze vnder dem sibenzehenden titz  
tel von Inen in sunderheit außweisen. vnd also. das das bes

leibend der **Ee** den beysitz vnd genieß sein leptom auf daran hab. vnd der ander haltheil soll volgen vñ beleiben dem vermeltē seinem **Eelichen** verlassen genossen. vnd welches aber auf **Inen** beden in disem valle mit besonnder seiner habe sein geschest hynder **Im** verlest. das dann nach seiner ordnung aufgeet. dabey sol es zuuoran beleiben.

Vnd so aber das abgegangen on geschest solllicher vorbestympter erben auf die zeit seines abgangs hynter **Im** nit verlies. sonnder andere erben **Im** verrer verwant. so sollen dem bleibenden der **Ee** zwen drittail derselben besonndern verlassen habe von seinem mitgenossen der **Ee** werden. vnd der vbrig drittail soll volgen vnd werden seinen nehsten erben so es hynter **Im** verlest nach den eegestympten erben. doch also. das es alsdann den beysitz vnd genieß sein leptom auf daran haben sol.

Wer es aber das das bleibend der **Ee** seinen abgegangen **Eelichen** genossen vnder **Irem** gepürlichem alter. Nemlich der sun vnder dreissig **Jaren**. vnd die tochter vnder fünffundzwaintzig **Jaren**. on willen vnd wissen seiner leiplichen vnd **Eelichen** vater vñ muter. oder. ob die nit weren seiner anherren vnd auftragen. oder aber seiner vormund. In der pflege es gestanden were. durch ein winckel **Ee** erworben hette. so solt demselben. das dannoch lepte In dem **Eegeschriben** vall von dem vermeltē seinem abgestorben **Eegenossen** nichts erblich werdē noch gefallen. Es wer dann das dem beleibendē. durch besonnder geschick seins letzten willens durch das gestorben geschickt oder beschidē worden wer. mit souil notturfft als darzu gehört.

Auch mag das. so dann also erworben were. das eigenthumb des güts vnd habe. so es hat. dem ihenen. der es dermass er

worben hat In seinē leben durch gabe zwischē den lebendigen mit begeben. vnd wo es aber darüber geschehe. so solt dz weder kraft noch macht haben.

So aber man vnd weib miteinander heyraten mit disem geding. nemlich. leib an leib. vnd gut an gut. so soll es mit Irer beder hauphaltung vnd niessung irer habe vnd gut gehalten werden als ditz gesetz anfangs Innhelt. vnd desgleichen mit den erbellen In absteygender vnd aufsteygender linien. Aber außserhalb derselben. soll ir einem von dem andern auf seinen todsfall werden. nach lawt Irer beder gedings. vnd der versammunghalb Irer beder habe. wirt es gehalten nach aufweisung des vierden gesetz vnder dem dreyzehenden Tittel.

## Was vierd gesetz

### Von heyratē mit vnderscheid der einshand.

**E**man vñ weib mit vnderscheid vñ der einshand  
Iredes besonnder habe vnd gute vnd gabe vnd  
widergabe der zuschetz oder heyratgut zueinander  
heyratten. **N**och dann sollen sie beder Iredes habe vñ gut  
so sie vber beder zuschetze haben oder gewynnen. mitsampt  
den zuschetzen als versameter **E**lewt zu irer vnd der Iren  
gemeiner haushaltig notturft gehörende. miteinander niess  
sen vnd gebrauchen. doch vnbegeben Iredes aygenschaft  
daran. des. so in irer einshand steet. vñ auch vnbegeben der  
verdingten wart beder zuschetz nach abgeredter heyrat. vñ  
also auch. das von ersparung **I**erlicher abnütze vnd genieß  
Iredes von dem. so im in sein einshand gepürte. söllicher  
genieß nach marckzale. vnd dem man die niessung beder zu  
schetz sein leptag zusteen sol mit der bescheidenhait. das Ir  
einem in der **E**e der genieß von besonnder seiner habe vñnd  
güt für des andern besondere schuld kein pfannd sein sol.  
**A**ußerhalb der **I**henen. die zu offem marckt sitzen. vñ nach  
**I**nnhalt des nechsten nachuolgenden gesetzts miteinander  
Iredes vnd ir beder schuld zebezalen schuldig sein.

## Das funft gesetz

Von Meleuten die Ir beider schul  
de miteinander zegelten schuldig  
sein.

**G**Wandschneider vnd Kremer die zu Krome. gewelbe  
oder laden sitzen. vnd gemeins Kauffens oder vers  
Kauffens warten. Auch wechslar vnd offen gastge  
ben. die dann gemeinlich pflegen frömbde gest. die yezzeit  
ten auß vnd ein reitten vnd ziehen zehalten. vnd auch die zu  
offem marckt sitzen oder pflegen zehandeln. vnd da man vñ  
weib Ire keuff vnd hantierung zu gemeinem vnd Ir beider  
gewerbe vnd narung fürnemen. In sölllichem vñ dergleichē  
vällen. auf erkantnüss des Rechten. so spenn dar Innen ent  
stünden. söllen man vnd weib bederseit zebezalen verpfliche  
sein. Doch also. das die fraw an sölllicher gemeiner hantirung  
mit Irem man gleichen gewoy neme vnd entpfahē.



## Das sechst gesetz

Von verpindung vnd wart beder  
zuschetze vnuerpundē ander des  
mans habe.

**O** man vnd weib mit vnderscheid vnd aufnemen  
der einshand heyratten vnd bederseit zuschetz od  
heyratgüt geneinander versprechen. vnd wie wol  
der man durch sein gewerb vnd Kaufmanshandel. vil od we  
nig narung zuwegen pringt. oder sunst erspart. yedoch ist er  
hinder dasselb sein weib mit verrer verpunden. dann mit be  
den heyratgüten. auf vnderschied der välle. nach abred der  
selben heyrat.

## Was sibend gesetz

Von besonderer vermechnus  
der frawen des manns vngerat  
tenhalthalben.

**S**oder man seiner Elichen hawpsfrawen bed zu  
schetz oder heyrat vermachtet vnd verscribe auf  
allem dem. das er lest. vñ sich darnach begeben. das  
er sein habe vñ gut vnzymlich verschwendet. oder aber künf-  
tiglichen In einen vnfürschen abgang seiner narung viel.  
bederseit so mercklich. das die fraw sich versehe. das sie irer  
wart benomen möcht werden. oder abgang daran gewynnē.  
vnd sie den man diser vällehalb eins. oder ir beder. In recht  
beclagt. vnd sollichs gnügsamlich nach erkantnüs des rech-  
ten fürprecht. so sollt alsdann der man dem weib nemliche  
anzaigung vnd vermechnus thun beder zuschetz. doch vn-  
begeben Irer beder genieß vnd wart daran auf künftigen  
vale. vnd auch den schuldigern an bezalung Irer schuld. von  
der vbermaß. so dan vber bede heyratgütter vorhandē wer.  
vnshedlich.

## Das acht gesetzze

**W**ö vermechnus beder zuschetze  
auf allem dem das der man hett  
vnnnd liefsz.

**O**der man seiner Gelichen hawßfrawen bede zu  
schetze oder heyratgüt vermacht. oder verschreibt  
auf allem dē das er hat vnd leff. so hat er nit macht  
sein ligende habe vnd gut vnd zynnse. dan̄ allein freye man  
lehe. on sonnder vermechnūs der selbē hindan gesetzt zeuer  
kauffen. zeuerendern. noch zeentpfrömden. one der selbē sei  
ner wirtin vergunst vñ willen. ob sich aber icht redlich vrsach  
begeben würden. derhalben sein nutz vnd notturfft ereyscht  
die zeuerkauffen oder zeuerendern. vnd sy das nit verhengem  
noch verwillen wolte. so möcht das Recht nach ir beder für  
gabe. sie darumb entscheiden. Aber der man soll mit seiner  
parschafft. die nach seinem nutz vnnnd notturfft zehandeln.  
frey vnnnd söllichs geprauchts damit vnuerpunden sein. doch  
vnbegeben der frawen vermechnūs auf dem vnd andern.  
Vnd in disem valle mag die fraw in leben Ir mans gen an  
dern schuldigern wol fürtretten. wo das Ir notturfft eray  
schet. Wer es aber das er Ir auf besonnder seiner habe vñ  
gut Ir beder zuschetz oder heyratgut ein vermechnūs tett.  
daran sy nach Rate etlicher irer frewnde ein genüge hette.  
so sollt er alßdan̄ vnd darnach mit ander seiner habe vñ gut  
frey vnnnd vnuerpunden sein. wellche person aber zu offem  
marckt sitzen. vnd miteinander zebezalē schuldig sein. damit  
sol es nach ordnung des fünften gesetzts diss Tittels fürge  
nomen vnd gehalten werden.

## Das newnd gesetz

### Von gabe zwischen den Eelewte.

**O**Beins in der Ee dem anndern icht bescheidenlich  
auf freyer wilkür vnbezwingelich gebe. alsdann  
ist die gabe krefftig. doch vnuergriffen dem gesetz  
von den personen die winckel Ee miteinander machen. Vnd  
wo aber das. das da gibt. mercklich vñ vnbescheidenlich ges  
be. so ist söllliche gabe in Irselfs krefftlösch vnd vnpündig.

Vnd welche gabe für bescheiden oder vnbescheiden zeachs  
ten oder gehalten sey sol nach gestalt vnd vermügen des hür  
gebers. In erkantnis des gerichths steen.

## **Der dreyzehend Tittel**

**B**esetze vō erbellen der eelecht  
geneinander. vnd Irer vermecht  
nuss. gescheft vnd erbschaft. vnd  
beytitz des beleibenden. Auch an  
greiffung versameter habe. vnd  
Irer bestymüg vnd auch der var  
nuss. Vnd von freyem gebrauch  
erlepter zuschetze. vnd der entrich  
tüg von versameter habe. vnd ent  
haltüg erblicher wart vnbegebē.

### **Das erst gesetzze**

**V**on erbschaft der Eelecht genein  
ander. die mit vnderschied gehey  
rathaben.

**M**an vnd weib mit vnderscheid Irer beder zu  
schetze oder heyratgüt auf velle. vnd mit aufnemē  
der einshande heyraten. vnd Ir eins vor dem an  
dern mit tode abgieng one geschefft. vnd on erbē In abstey  
gender vnd aufsteygender lynien. so soll des abgegangē tail  
vnd verlasne hab erblich gefallen auf das ander. das dan  
noch In leben ist. Lief aber das abgegangē eynich erben  
In absteygender oder in aufsteygender lynien. damit soll es  
gehalten werden auf meynung derselben gesetz derhalben  
begriffen.

## Was ander gesetz

Von beysitz vnnnd genieß In der  
Ee mit vnderschied der gabe vnd  
widergabe der zuschetze furge  
nomen.

**M**an vnd weib mit gabe vnd widergabe der zu  
schetze. oder heyratgut. vñ aufnemē der einshand  
zueinander heyraten. vnd das weib mit tode on ge  
schefft abgeet. vñ Feliche Kinder lest. so mag ir eelicher man  
der dannoch lepte. In aller verlafner habe des weibs sein  
leptag gantz aufsitzen vnd den genieß mit erziehung vnnnd  
hinpringung derselbē kinde daran habē. er verruck sein witt  
tibstul. oder mit. doch also. das die dygenschafft derselbē ver  
lassen mäterlichen habe den künden vnuerruckt bleib. vnd so  
aber der man stirbt vor der frawen. wil dann die fraw vnuer  
ruckt Irs wittibstuls vnd vnentricht Irer zuschetz. bey dē  
künden als Ir vormunderin sitzen. so mag sy mit Inen die vä  
terlichen habe niessen. mit als ein erb. sonnder als ein vormū  
derin. doch also. das Ir durch die gemeinen vormūd der witt  
tiben vnd waysen. vñ Rats wege darzu geordnet. zwen vormū  
munder von den freunden der künden vaterhalb. vnnnd einer  
mäterhalb. zugegeben werden. auf beger vnd anbringen der  
frawē. der kind od irer freund. Wo sy aber söllicher freund  
nit hetten. oder ob sy die hetten. vnd sy sich söllicher vormūds  
schafft nit annemen wolten. so sollen Ir sölliche vormunder  
von andern ewssern personen zugegeben werde. vnd mit der  
selben Räte. soll sie die handlung der kinde väterlicher habe  
so die anders mercklich sein. fürnemen. Vnd sy soll inen ier  
lich ein Rechnung thun. darauf sie auch ire künden nach irer

selbs vnd Irer vormunder Rate. so sie erwachsen vñ zu iren  
volkūmen tagen kōmen bestatten solle geistlich oder wertlich  
Vnd so sie aber Iren wittibstul verruckt. od̄ sunst mit lenger  
bey den kīnden sitzen vnd bleiben wolt. so sol man sie der zu  
schetz vnd anders nach vndercheidlicher **I**nhalt derselben  
heyratbrief oder nach abrede der heyrat aufrichten.

Vnd wo aber das bleibend **I**n der **E**e der kīnde einstails.  
oder sie alle der erbschafft des gestorbē in seinem leben ent  
richten wolt. so sol sōllichs mit derselben kīnder vormund als  
**T**utores oder **C**uratores. die man versorger nēnet. rate. wis  
sen vnd wilkür fūrgenomen vnd beschlossen werden. **I**n so  
uil zeit vnd Jaren. als sie dann sōllicher vormundschaft vnd  
versorgnūss notturtig sein. Vnd so sie aber vber achtzehē  
Jare kōmen. so mūgen dieselben kīnder sōllichs durch sich  
selbs handeln. fūrnemen vnd beschliessen.

## Das dritt gesetz

### Von angreiffung versampter habe auß rechter Eehaft.

**D**er vater vnd müter Ir eins. nach des andern tode In leben bleibt. das dann in gesampter habe vnd güter der kinder sitzt. vnd sein leibs not auß rechter Eehaft zepüssen vermeint. dasselb solle die kinde. so sie mündig vnd vnueruormundt sein. oder sunst Ire vormund. mit Recht darzu erfordern. vnd darauf sollich nach beder teil verhörung mit vrteil vnd Recht fürgenomen vnd entschieden werden.



## Was vierd gesetz

Von bestymung versameter habe vnnnd von erbschaft derselben. Auch dem genieß oder beysitz vnnnd pusz außz Eheafft. vnnnd von vnderschiedlicher bezalunng der schulde.

**F**ür gesamente habe sol gehalten vñ verstanden werden. alle die habe vnd gut. so dann bede Eklewte die leib an leib vnd gut an gut geheyrat haben auf die zeit Irs Gelichen beyschlaffens zueinander pringen. Vnnnd alles das. so sie in Ir beder Gelicher versamung samptlich vberkomen vnd gewynnen. auch alles das. so Eklewte. die in ander meynung vnuerdingt oder mit geding der gabe vnnnd widergabe der zuschetze oder heyratgut. vnd aufnemen der einshand in Irer beder leben. in Irer beder gesampte hand erkauffen oder schreiben lassen. vnd der gleichen. vnnnd das söllichs. wo es mit verbriefft würde. durch völlig persönlich weysung mag heybracht werden. vnd nach dem Ir yedes in der Ee an söllicher Ir beder versameter habe vnnnd gut den halbentail hat. so erben ir yedes leiplich erben In absteygē der lynien den gantzen versamenten des abgeganngen tail. oder wo die nit vorhanden weren. so erben ander erben nach lawt des dritten gesetz vnder dem. xij. Tittel. Doch also. das das bleibend der Ee. so lang vnd es seins wittibstüls vn uerruckt bleibt. seinen genieß dauon. mit erziehung. hinpringung vnd aufstevorung geistlich oð wertlich des abgegagē

verlassen Eynde. ob es die alsdann lieh. vñ auch mit angreif-  
fung desselben auf die Eheft habē sol. wo es aber den wit-  
tibstul verruckte. vñ leiplich erben in absteygēder lynien ver-  
lieh. so soll es denselben erben söllichs Irs anerstorben erb-  
tails abtretten vñnd volgen lassen. Aber gegen allen andern  
erben in aufsteigender lynien oder auf die seitten verwant.  
soll es in vorgemelter meynung seinen beysitz daran haben.  
wil aber dasselb bleibend der Ee sich von den Eynden tailen.  
des soll es zethun macht haben. vñnd darauf nicht schuldig  
sein. dieselben seine Eynder verrer mit Cost vñnd ander not-  
turfft zeuersehen. doch das es den Eynden. so sie vnmündig.  
oder vnder Iren vogtparen iaren weren vmb vormund inen  
zugeben hey einem Rat anruffen soll. vñnd darzu mit der be-  
scheidēhait. wo des abgegangē auf die zeit seins abgangs  
icht schuld schuldig were. die es vor söllicher versammung ge-  
macht hette. so sollt dieselb verlassen schuld von besonnder  
seiner verlassen habe. oder ob daran gebruch erschyne von  
seinē halbteil der versammung bezalt werdē. was aber schuld  
nach söllicher versammung der gemeinen habe gemacht wirt.  
die sol von gemeiner habe vñnd gut von der versammung her-  
rurende außgericht werden. vñnd so sich begebe. das das blei-  
bend der Ee zu der andern Ee griffe. vñnd mer leiplicher vñnd  
Eelicher erben in absteygender lynien gewünne. oder derglei-  
chen absteygender erben vor der beschehen heyrat hette. die  
dann den val erlepten. so sölle die all in den halben tail der  
verlassen versammung gleich erbē als sunst vō der erbschaft  
der absteygenden lynien vñnder dem vierzehenden Mittel ge-  
ordēt ist. wo anders der val on geschest beschih. wo aber dz  
bleibend in der andern Ee zu der zeit seins abgangs mit dē  
selben seinem Eelichen genossen mit erben in absteygender  
lynien hinder Im verliehe. so soll seinem Eelichen beleibens-  
den genossen zuuoran volgen vñnd bleibē. das gut so es dem

gestorben zubracht hat. oder Im sunst erblicher oder in an-  
der weyß zugestanden ist. Vnd darzu soll derselb beleibend  
gemahel mit allen des absteigenden erben. In alle verlassne  
habe vnd gut. so demselben abgegangē zu der zeit seins ab-  
gangs zugepürt hat. gleich erben. als manig müd als manig  
pfund. doch die Enicklein an stat Irs abgangen vaters od  
mutter für ein person zerechen. Vnd mit den geschefften sol  
es fürgenommen vnd gehalten werden. wie in besondern ge-  
setzen dauon geordnet ist.

## Was funft gesetz

Von vnderſchiedlicher beſtymüg  
allerlay vareder habe. vnd ſunder  
lich der viſch In den weyern. ver  
fallen gult vnd anders.

**Z**u verſtentnißs was varende hab ſey. ſoll das ge  
traide vñ andere frucht des ertreichs. alle dieweil  
vnd ſie dem ertreich vngeledigt anhangen. vnd als  
les obs. die weil es auf den parwen. vnd die weintrauben.  
alle dieweil ſy an den ſtöcken ſteen. mit für varende hab ge  
halten werden. ſo es aber da von kompt vnd entledigt iſt. ſo  
wirt es für varende hab gehalten.

Auch ſind die viſch in den weyern vnd verſchloſſen waſſern  
varende hab. vnd ſo dan weyer od andere verſchloſne viſch  
waſſer verkauft. verſchickt. vbergebē. oder yemant durch ein  
Rechtlich aufomen behendet werden. ſo werden damit die  
viſch dar Innen mit verſtanden. noch begeben. on beſumnder  
beſtymung derſelben. ſonnder ſie bedürffen einer beſtymüg  
mit beſondern worten.

Mer werden gult. renndt. zynſe. weyſat. frucht vnd abnütze  
ſo die auf erſchynen zeit vñnd zil verfallen ſein. für varende  
habe aufgenommen vnd verſtanden.

Vnd deſgleichen ſo man yemant eynich geltſchuld oder an  
dre varnißs ſchuldig bleibt. ſo werden die auch nach Jrem  
weſen für varende hab gehalten. vnd ſo aber yemant dē an  
dern ligende habe. frendienſt oder andere gerechtikeit auf  
ligenden gūten. od von ligender gūter wege ſchuldig bleibt.  
die wirt auch für ligende habe verſtanden.

Mer werden für varende hab gehalten vnd verstanden alle  
parschaft. hawfrat. cleinat. cleider. gepēde. harnasch. waf-  
fen. were. werckzewg. auch alles rihe. Tyer vñ gefügel. vñ  
gmeinlich alles ander. das getribē vñ getragē mag werde.

### **Was sechst gesetzte**

Von freyē geprauch der erlebten  
zuschetze. Auch vnuerruckt des  
wittibstuls. vnd vnabgeschidē vō  
verlassner habe.

**A**ein frau In verlassner habe Ires abganngen  
Gelichē mans Ir leptag sitzen beleibt vnuerruckt  
Ires wittibstuls vnd vnentricht Irer zuschetze. so  
mag sy dannoch solliche zuschetz verschicken. doch also ob  
sie leipliche kinder oder Enicklein liez. die vnuerschult nit zu  
enterben. sonnder es damit zehalten als das. x. gesetz dis  
tittels dauō Imhellit. Es werē dann solliche zuschetz durch  
verding oder geschafft eemaln anders verhasft.

## Das sibend gesetzze

**W**o entrichtung der zuschetze vō  
ver sampter habe so sūst gepruch  
erscheint.

**W**er der man stirpt. vnd die fraw Irer zuschetz von  
seiner verlassen habe. die In sein einshand gestan  
den ist. nit mag entricht werde. gar oder einsteils.  
So mag die fraw mit entrichtung sollicher zuschetze in Irer  
beder versampte habe greiffen. damit sie derselbe Irer auß/  
stendigen vbermaß vergnügt vnd bezallt werde. ob aber sol  
liche versampte habe Irer beder nit vorhanden were. sonnd  
versampte habe des mans. vnd einer andern seiner Elichen  
wirtin. die dauor mit tod abgegangē were. so möchte sie da  
mit In seinen teil derselben habe greiffen zuerstattung sol  
licher zuschetze.

## Was acht geseze

**W**o gescheft des mās oder weibs  
one kynde mit sein einshanno.

**M**an vñ weib mit aufnemē der einshand des.  
so Ir yedes vber bede zuschetz hat oder gewinne.  
heyratten. so mag Ir yedes seinselbs besondere  
habe vnd gut außerhalb beder zuschetz oder heyratgut ver-  
schicken. vnuerhindert des amndern. vnd wie es aber Ir yed-  
des kinder oder erbenhalb geschefftweish od̄ sunst besteen  
sol. das wirt hiernach auch gesezt.

## Was newnd geseze

**V**on wart der erbschafft von den  
zuschetzen.

**M**ir eins In der Ee. man od̄ frau. bede zuschetz  
vnd heyratgut erlept hat. vnd leipliche kinder lest.  
so sollen solliche zuschetz dermas̄ mit gefreyet sein  
das die kinder mit erbschafft daran haben sollen. sonnder es  
sol der erbschaffthalb mit dem vnd anderm gehalten werde  
nach lawt etlicher gesezt vnder dem. xiiii. tittel begriffen.

## Was zehend gesetzte

**W**ö valle beder zuschetze mit tode  
Ir yedes auf das ander. mit dem  
genyess vnd vererbung der aygē  
schafft.

**S**ein man oder weib. wellchs auf Inen. vor dem  
andern mit tode abgienge. so ist des abgegangen  
suprachter zuschetz od heyratgut Irer beder kind  
der vnd erben. Ir sey eins oder mer erblich verfallen. doch  
also. das das ander. das dannoch lepte den genies oder ges  
brauch. sein leptag daran hat. vnd auch also das das bes  
leibend seins leibs not auf Gehaft damit püssen mag mit er  
ziehung vnd hnbringung der kinder. vnd ob der man. oder  
die fraw. nach der ersten Ee. widerumb zu einer andern Ee  
griffe. so offt sich das begebe. so sol allweg desselben vers  
prechnus künsttlicher zuschetz od heyratgut seinen vorigen  
leiplichen Eelichen erben In absteygender lynien an Irer le  
gitima od naturliche erbshaft künsttlicher wart. vnshedlich  
sein. Also. so dasselb mit tod abgeet. das alsdann die vorbe  
schehen versprechnus der gabe des zuschatts oder heyrats  
guts. Ine. die. mit vermyndern noch abstellen sol. vnd souerr  
solliche gabe derselben zuschetz darüber vnd darwider fürs  
genommen weren worden. souerr sol dieselb gabe vō vnwerdt  
vnd vntrefften sein.



## Was aylfft geseze

Von erlepten vellen versampter  
oder besonnderer habe. die vor an-  
nemüig Jres geniess nit zubegeb-  
en. noch eynich schuld darauf zu  
bekennen.

**E**s sollē noch mugē fürbaser die kind vor abgang  
oder rewung des beleibendē vaters oder muter  
sollich Ir gerechtigkeit desselbē erlebten erb als  
zuverkauffen oder zubegebē. noch eynich schuld darauf zu  
bekennen. nicht macht haben. solanng vñ verr bis auch der  
genieß nach abgang der beleibendē. In ir hand vñ gewalt  
kompt. vnd Inen heimfellt. vnd desgleichen an der erlepten  
väterlichen vnd mutterlichen habe vnd gut. dar Inn dann  
nochmaln der beleibēd vater oder muter sesse sein lepptag.  
auch bis es sollichen geniess vnd val erlebt hat. Es geschehe  
dan̄ auß redlichē vrsachē. mit willē Jrer elltern od̄ vormüde.

211

## Der vierzehend Tittel

Gesetz vō erbschaft In abstey-  
gender lyniē on geschafft Irer Ell-  
tern. vnd von vorteil der sone vnd  
tochter. Auch der geelichtē kind.  
vnd von einwerffung der kinder  
vnd der gemeere. vnd von freyer  
wart kunftiger erbelle dauor vn-  
entwert. vnd von den kinden.  
so In gewalt Irer elltern steen.  
vnd von erbschaft eelicher enick-  
lein vnd vrenicklein vnd kinder  
verdingt vnd vnuerdingt Irer elt-  
tern. vnd von mangerley kinder  
one geschafft.

### Das erst gesetz

Von einerley kinde vnd Enicklein  
erbschaft one geschafft.

**A** Vater vñ muter leipliche Eliche kinder sone od  
töchter on geschafft hinder Ine verlassen. So erb-  
en dieselben kinder alle väterliche vnd mütterliche  
habe vnd gut varend vñ ligend. vnd wie die namē hat gleich  
miteinander. doch also das die sone die freyen manlehen zu  
uoran nemen. vnd darnach gleich teyle mit den töchtern.

Aber die zinslehen vällē In gemeinen tail der sōne vñ tōch  
ter. Es wer dann. das sōllich zynslehen mit besonder ges  
wonheit oder geding von alter annders herkomē werē. Ob  
aber In lehen eynich besonder vällē oder Irrung sich bege  
ben wurden. die dann In auftrag der lehenrecht gehörten.  
die sollen daselbst entschieden werden. vnd ob ein vater ab  
gieng vnd tōchter lieh. vnd souil aigner habe mit vorhanden  
were. dauō die tochter nach Irer antzal zymlich möhtē auf  
gestewrt werden. Wo dann die sūn manlehen ererbt. vnd  
des mercklichen vorteil. vnd zethun statt hetten. so sollen sie  
sōllichē tōchtern Iren schwestern von irē teil der aigenhabe  
oder von den abnutzen der lehen schuldig sein. Iren tail der  
aigen habe. dē tōchtern angefallē zupeffern. damit sie nach  
zymlichen dingen eelich möchten bestatt werden. vñ wo sie  
sich des vnter Inen selbs guttlich mit vergleichen möchten.  
so sol das steen zu entschied eins Ratts. Wo aber sūn oder  
tōchter. Kinder. enicklein. vrenicklein oder ander In rechter  
absteygēder lynien sein. dieselbē sollē an statt irer abgangē  
Eltern mit des abgegangē Kindern. Im stammē erbē. In  
māhen ire elltern. so die in leben weren. geerbt hetten. Vnd  
wo aber Anherr od anfraw mit leipliche eeliche kindere. son  
der in der Rechten absteygenden lynien ander erben. in ge  
leichen graden verliessen. die sollen alle gleich miteinander  
erben. als manig mund als manig pfund.

## Was ander gesezē

### Von vorauß oder vorteil der sone vnd tochter one geschafft.

**A**uch ist vnder schid der sön vnd töchter In an-  
nung der erbschaft. Also. das die sön zuuor auß al-  
len harnasch vñ waffen zu der were gehörende. vñ  
Ire väterliche claider nemen. vnd die töchter Ire muterliche  
Kleyder vnd gebende. so die erbschaft auf Ir selbs ruet. on  
besonder geschafft oder verding.

Des gleichen sol es mit des gestorben Suns oder tochter  
Kinde den enicklein. an statt Ires vatters oder muter gehal-  
ten werden.

## Was dritt gesezze

Von erbschafft geelichter kinder  
durch nachuolgede heyrat auch  
one geschefft.

**S**o man vnd weib vor Irer Gelicher versammlung  
naturliche oder leipliche kinder. miteinander hette  
vnd sich darnach Gelich versamen. so erbē dieselb  
en kinder gleich mit andern nachuolgenden erben. so die erb  
schafft auf Ir selbs rret. on geschefft oder ander verding.  
doch hindan gesetzt freye manlehē. der Recht sich gepürt  
durch lehenrecht außzetragen. vnd deßgleichen sol es auch  
Itenhalb mit dē vorauß der sūne vnd tōchter auf meynung  
des nechsten gesezts gehalten werden.

## Das vierd gesetzze

Vō den kinden Irer verzigen vnd vnuerzigen elltern. was die In gemeine erbschaft einwerffen sollē Irer Anherren vnd anfrawen.

**A**leipliche vnd Eliche kinder oder emiclein sich für ir selbs person. vnd nicht für ir erben. Irer erblichen wart von denselbē Iren elltern verzigē hetten. mit souil forms vnd umbstend als darzu gehōrt vnd die verzigen vnd hindan gerichtē person solliche vāll mit erleptē sonnder ir nachuolgende kinder oder leiplich erben. In der lynien. die sich dann der erbschaft gegē Iren Anherrē oder anfrawen zehalten vermeinten. so sollen dieselbē dermasz zu gelassen werden. das sie einwerffen. oder Inen an sollicher erbschaft abgee. souil. als Ir vater oder muter zu heyratgut. vnd auch souil vnd die entewsertē vnd verzigen. für solliche erbeil eingenomen haben. Wo aber yemant für sich vñ sein erben gnugsamen verzig getan hett. dabey sol es bleibē. vñ desgleichen sol es auch mit den kinden vnd leiplichen erben der vntewserten vñ vnuerzigen Elltern gehaltē werden. die empfangen heyratgüter widerumb einzerwerffen.

## Das funft gesetz

Von geprauch. genieße vnnd ge-  
weere der erbe. der erbschaft mit  
oder one geschafft verwannt. auf  
serhalb ertlicher valle. vnd von be-  
hendung der abnutze In hangen  
der Appellacion vnd Rechten.

**A**u eynich person zu einer erbschaft on geschafft  
gleich verwant sein. so sollē dieselbē personen alle  
vñ yede zu beses. geweere vñ genieß dselbē. In  
tails oder antzale In zustendig. gelassen werden. vngleich-  
tet. ob sie sunst der sunnderheithalb der habe vñ gnt darein  
rūrende. In oder aussere Rechten spennig oder zwitrechtig  
wern. damit die erffern durch den mangel In teils. habe.  
abnutze vnd genieß Rechtlich. auftrags vñ notturfftiger  
Cost darzu gehörende. mitsamt In zugewandtem teil  
wider pillichait vnd Recht mit entsetzt werde. Vnd sollich  
mag ein Ratte auf verhözung der partheyen In oder auß  
erhalb Recht vngewaygert zebeschehen schaffen. Es wer  
dan. das derselbē erbschaft ein gnugsamer verzig oder das  
er durch nachuolgend valle verwurckt hette. durch den In-  
haber der Erbschaft In achttagē dē nechste nach sollicher  
seiner fūrgab einem Burgermeister glawplich fürpracht  
wurde. vnd wo er das dermah mit fürprecht. so sollt sein wis-  
derteil zu beses vñnd geweere seins tails gelassen werden  
doch vnbenomen dem andern tail. der sollich erbschaft  
In gehabt hett. gerechtihkeit vñnd einrede. ob er die der

erbschaft hal in Recht vermeint zuuerfechten. vñ die sach  
en der verwurcung mit der tat. zu latein ipso iure. sein ketzes  
rey. das laster der belaydigung keyserlicher mayestat. Vnd  
wo yemat den mord od todschlag an seinē vater oder muter  
ungepurlicher weys begangē durch zimlich weg des Rechts  
ten mit richet oder anficht. desgleichen sol es mit dē genieß  
vō pfennwerten vnd parschafft rürende auch gehaltē wer  
den mit einem volligen Inuentario vnd aufschreiben des vñ  
anders darzu gehörende.

### Das sechst gesetz

Wō gerechtikeit kunftiger erbfel  
le. die dauoz hintter Iren Elltern  
nit zubegē. noch eynliche schul  
de darauf zubekennen.

**A**ls mercklichen vsachen ist gesatz vnd geordēt  
das kinder vnd leiplich erbē Ire kunftige wart vñ  
erbfelle Irer vater oder muter. vnd elltern. vor vñ  
Edam sie die erleptē hintter Iren zubegē. oder eynich  
schulde darauf zubekennen nicht macht haben sollen. Vnd  
wo es aber darüber geschehe. das solt weder krafft noch  
macht haben.



## Das sibend gesetzze

Von Kinden. die In gewaltsam.  
Irer Eltern oder vormunde sein.  
einich schuld hinder Inen nit zu-  
machen.

**A**uch mögē die Kinder. sōne od Tōchter die noch  
maln In gepurlicher gewaltsam vnnnd verfehung  
Irer leiplichen vater. muter. oder Irer vormūd vn  
bestat steen. vnd nit hindan gericht sein. einich schuld hinder  
denselben Iren Eltern oder vormunden nit machen. vnd ob  
das auch darüber geschehe. so solten sie Ir eltern. noch vorz  
munde. denselben personen oder schuldigern darumb nichts  
verpflicht noch schuldig sein. Wo aber sollich gelihen gelt  
noch bey den Kinden. den das gelihen. oder Iren elltern. vorz  
handen. oder an Iren künftlichen nutz kōmen vnd gewendet  
wer. so sol das auf entschied des Rechten bezalt werde. So  
aber die Kinder mit wissen vnd gedult Irer elltern oder vorz  
mund Kaufmans weiß handeln. vō den sol ditz gesetz nit ver  
standen werden.

## Was acht gesetzze

Von erbschafft der enicklein vnd  
vrenicklein an stat Irer vaters  
oder muter für ein person.

*110 Erbschafft*

**E**ipliche eeliche kinder des vaters oder der muter.  
vnd dergleichen Enicklein. doch das dieselbē enick  
lein für ein person verstanden werde. sollē miteins  
ander erben. so der val on geschafft beschihet. In aller ders  
maß. als ir vater oder muter. so das In lebē were. erbē solte  
oder möchte. vnd dergleichen erben auch die vrenicklein. so  
die erbschafft auf plossem val rwet. on geschafft.

## Was newnd gesetzze

Von erbschafft der Kinder der vat  
ter vnd muter vnuerdingt Irer  
beder habe vnd gut zueinander  
komen sein.

**S**o man vnd weib zusamen heyratten vnuerdingt  
Irer bed habe vñ gut. vñ one zuschetze od heyrat  
gut. zueinander geheyrat habē. vñ ir eins vor dem  
andern on geschafft mit tod abgeet. vñ Eeliche kind eins od  
mer lest. so soles mit der erbschafft gehalten werden. als  
In dem vierden gesetz vnder dem. xiiij. tittel. hievor begriffē  
geschribē vnd gesatzt ist. dann allein das eins dem andern  
einichen zuschatz oder heyratgut nit schuldig ist.

*221*

## Was zehend gesetzte

Wō erbschaft manigerley kinder  
one gescheft Irer Eltern.

**W**o mancherlay Kinder vater od muterhalb vorhan  
den sein. so sollen alweg alle Kinder des vaters. sein  
verlassen habe vnd der muter Kinder Ir verlassen  
habe erben. Vnd so aber versampte Kinder. versampter El  
tern. als vater vñ muter vorhanden sein. dieselben Kinder erb  
en derselben Irer versampten elltern versampte habe vñnd  
gut. als hievor begriffen ist. Alles so der val on geschefft be  
schihet. doch soles mit dem beysitz vnd genieß gehalten wer  
den als hievor. In dem vierdten gesetz des. xij. titels. be  
griffen ist.

## Der funfzehend Tittel.

Gesetze vō verzig vnd vermurckung der erbschaft entricht vnd vnentricht derselben in mancher ley fellen der kinder gegen Iren Elltern. vnd herwiderumb.

### Das erst gesetzze

Von entrichtung vnd verzeyhūg kunftiger wart vnd erbelle wie die beschehen mogen.

**S**oyemant entricht vnd vergnūgt wirt seiner gerechtikeit kunftiger wart vnd erbelle. so sol die verzeyhung mit nemlicher bestynnūg des verzigs sollicher wart vnd erbelle beschehen. vnd es sollen auch die selben verzeyhung nit von krefftē sein. sie werdē dan durch personlich Ayde. der. die sich verzeyhen fürbaser dawider nit zehunde. fürgenomen. alles In vōlligem allter. als. so die Knaben vierzehē Jar vñ die maydlein zwelf Jar alt sein. vnd erfüllt haben. vngeachtet. ob dieselbē alsdann In eynlicher verpflicht Irer Curator oder versorger stunden.

## Das ander gesetz

Von vellen damit die kinder ir vaterlich oder muterlich erbschafft oder erbtail vermurckē. Also das sie der durch geschest Irer eltern mogen enterbt werden.

**D**urch dise nachuolgende velle mügen die Eeliche vnd leiplichen kinde Irer väterlichen vnd müterlichen wart vnd erb felle benomē. entsetzt oder enterbt werden. durch Testament vnd geschest. Also. das söllliche enterbung derselben personen mit sampt seiner vrsach in dem Testament oder geschest nemlich gesetzt vñ bestympt werde. vñ das auch nach abgang der eltern söllliche bestympte vrsachen. durch des abgegangen erben zu denselben enterben. ob sie der in abred stunden. beweist werden. Vñ sein ditz die vrsachen.

Zu dem ersten. so die kinder mit freueler gewaltsam Ire Eltern schlagen vnd antasten.

Zu dem andern. So die kinder schwäre vñ vnersame vnrecht oder freuel an Ire Eltern legen. oder gen Ine fürnemen.

Zu dem dritten. So die kinder ire eltern vor gericht beschuldigen vnd ansprechen vmb fraiss oder peinlich sachen. oder vmb sachen leib vnd leben anrühend. das dann zu latein crimen capitale genennt wirt. Es wer dann das dieselbē vntat ein schwäre verhandlung wider den Römischen Kayser oder König. oder wider den gemeinen stand vñ wesen der Stat Nürnberg fürgenomē wer worden. oder die da Ketzerrey antreffe.

Zu dē vierden. So die Kinder mit gift oder in ander weise sich vnderstünden das leben irer Eltern abzustellen.

Zu dem funften. So die Kinder sich vnderstanden hetten zueermischen oder zubeschlaffen ir Stiefmüter. irs leiplichen vaters Eeliche haupfrawen.

Zu dem sechste. So die sūne sich nit wöllen verpflichtē noch pürg werden. für ir Eltern. so die in vnzymliche gesencknüssen begriffen sein. vnd diser val berürt nit die töchter. nach dem vnd die töchter nit sollen pürg werden.

Zu dem sibenden. So die Kinder verpietten iren eltern gepürliche testament oder geschest zethun. vnd so die Eltern dar über ire testament oder geschest thun. so mügen sie dieselbē Kinder diser vrsachhalb in söllichem irem geschest enterben. Vnd so aber die eltern söllichs verpotshalb einich geschest nit thun möchten. sonnder on geschest abgiengen. so sollen nichts destmynder dieselben Kinder enterbt. vnd derselb tail so Inen worden sein solt. andern des abgegangen nehesten erben verfallen sein vnd werden.

Zu dem achten. So der sun ein Katzenritter were. oder des gleichen sich vnderstanden het mit andern Tieren zepessen vnd zesechten. Es wer dann das der vater auch dergleichen sachen gepflegen hette.

Zu dem newnden. So die töchter sich nit wolten bestatten lassen zu der Ee. so der vater sie nach seinem vermögen. vor vnd eedann sie fünfundzweintzig Jar alt wordē weren. het bestatten wollen. sonnder darüber ein vnkeusch leben vñ wesen außervelt hett. Vnd so aber der vater an söllicher Irer bestattung serwrig were. vnd sie in eegestympter zeit vnd

maynung mit verheyrat hett .so sollte sie darumb nit enterbt  
sein.

**Zu dem zehenden.** So die Kinder versawmen dem vater na-  
rung zugeben.vnd notturftige ertzney mitzeteilē. so der va-  
ter synnlos vñ vnuerntig ist.vñ alshdan so durch frewnde  
oder andere frömbde person dieselben Kinde Rechtlichen er-  
sucht worden weren.vmb solliche narung.ertzney vnd pfleg  
Irem vater mitzetailē .vnd so sie das darüber veracht het-  
ten.sonder die frewnt od ander personē sich des vnderstims  
de.so sollen dieselben personen an stat derselben vngetrewē  
Kinder.erben.Vnd Inen solliche erbschafft volgen.

**Zu dem aylften.** So der vater ein Crist ist.vnd die Kinder  
Ketzer sein.

## Was dritt gesetz

Von vellen dar Innen die Kinder  
Ire eltern auch enterben mogen  
Irer wart vnd erbschaft so sie vō  
Inen haben mogen.

**I**n disen nachgeschriben vellen. mögen die Kinder  
Ire eltern enterben.

Zu dem ersten. So der vater sein kind in Recht beschuldigt  
grosser vntat. die leib vnd leben berürt vnd antrifft die man  
dann zn latein crimen Capitale nemet. Aufgenomē in dem  
laster belaidigter mayestat. oder ketzerey. In welchen sy be-  
derseit aneinander beschuldigen sollen.

Zu dem andern. So der vater mit zaubernüs oder giffte be-  
schädigt. oder sich zebeschädigen vnderstandē het. seine kind-  
er. Sie damit von dem leben zu dem tod zebringen.

Zu dem dritten. So der vater sich wissentlich vermischet. vnd  
leiplich zuschicken hat. mit seines suns Eweib.

Zu dem vierden. So der vater verperwt vnd verhindert den  
sun geschafft zethun mit söllicher habe die er zuuerschicken  
macht hat.

Zu dem fünften. So der vater sich vnderstannden hett nach  
dem leben seiner hawßfrawen seins suns muter zustellen. vñ  
desgleichen so die muter sich vnderstanden het. zestellē nach  
dem leben Irs mans des suns vater.



**Zu dem sechsten.** So der vater versawpmt mit ertzney. pflēge vnd andern. seinen sun. der synnlos vnd vnuernüfftig ist. zeuersorgen. Inmassen vnd vormalh von den kinden gen dē vater gesetzt ist.

**Zu dem sibenden.** So der vater versewmlich ist. seinen sun von ungepürlicher seiner väcknis zeledigen. als oben vō den kinden gesetzt ist.

**Zu dem achten.** So der sun ein Crist. vñ der vater ein ketzer ist.

## Der sechzehend Tittel

Gesetze von den panckharten vnd naturlichen kinden. vnd Irer erbschaft vñ Irer muter vnd Ir- selbs verlassenen erbschaft.

### Was erst gesetz

Wō panckhartē außz verdampfer gepurt. das die einicher erbschaft noch geschicks nit entpfenglich sein.

**A**lle panckhartten. die von verdampfer gepurt ge-  
porm werden. als von vater oder muter. die alsdā  
kein Ee miteinander besitzē oder machen möchtē.  
die sollen noch mūgē zu eynicher erbschaft irs vaters noch  
Irer muter in eynich weyse mit kōmen noch langē. wol mū-  
gen die erzogen werden. Aber so die eltern sunst natürliche  
kinder. außhalb verdampfer gepurt hetten. die möchtē sie  
durch Ir geschefft. oder sunst mit zymlicher messigung ver-  
sehen. doch vnschedlich den Eelichen kinden. an dem. so inen  
durch gepürlich vñ notturstig erbschaft zuisset.

## Was ander gesetz

### Von erbschafft naturlicher kin- der Irer leiplichen muter

**N**atürliche Kinder. die doch von verdampfer gepurt  
mit sein. mügen Ire leipliche muter erben. sie weren  
zu sollicher erbschafft geElicht oder nit. Es wer  
dann das die muter von besonnderm Adel vñ höher gepurt  
were. die man zu latein Illustres nennet.

## Das dritt gesetz

Von erbschafft der panckharten  
verlassner habe wem die gefallen  
sollen.

**D**ie panckhartten eeliche kinder hettē oder gewün-  
nen. so mügen dieselben Ire kinder sie erben In  
massen vnd vormalij von Eelichen kinden gesetzt  
ist. Vnd welche panck harten Ire eltern vater oder müter  
nit erben. da sollen auch hierwiderumb dieselben eltern Ire  
vneliche kinder auch nit erben. auß gleicher vrsach. Von  
welchen eltern aber die panck harten erbschafft haben. die  
selben eltern mögen auch sie widerumb erben. Vnd so aber  
der erb fal des panck harts. nit auß dē vater. sonnder auß die  
müter zaigte. vnd dieselb nit in leben were. vñ sunst neher er-  
ben nit vorhanden werē. so gefellt alhdan solliche erbschafft  
auß sein nechst gesipt erben der müterhalb. vnd so aber der  
panckhart kein müter. sonnder leipliche geschwistergit hett  
oder hynder Im verlies. eins od mer vō einer müter. auß die  
zeit seines abgangs. so erben dieselbē geschwistergit vor an-  
dern freunden der müterhalb. doch alles. so der vall on ge-  
schefft beschihet.

## **Der sibentzehend Tittel**

**G**esetze von erbschaft one geschafft der erben In aufsteygen der lynien. vnd auf die seyten verwant. mit māgarlay vnderschied derselben Irer sippeschafthalben.

### **Was erst gesetz**

**V**on erbschaft one geschafft der leiplichen muter. vor dē vaterlichen anherren vnd anfrawen.

**N**ymant stirbt on geschafft. vnd lest sein leipliche muter. vnd darzu seinen vaterlichen Anherren vnd anfrawen. alsdann erbt die muter vor dem anherren vnd anfrawen.

## Was ander gesetz

Von erbschafft des abgestorbēs  
vaters vnd muter versampten ge-  
schwistergittē one geschafft. vnd  
on neher erben. gleich Ir einē als  
vil als dem andern. vnd vō den ver-  
samptē vor den. von einem eltern  
allain. vnd der von einē eltern. des.  
so vō demselbē kompt. vnd vō ge-  
meyner habe gleich nach anzale  
der person.

**S**o yemant mit tode on geschafft. vmd on leiplich  
Eelich erben In absteygender vnd aufsteygender  
lyniē abgeet. vnd nyemant nehers leyt dann seins  
leiplichen Eelichen vaters leiplichen brüder oder Schwester  
von vater vnd muter versamentlich. vmd desgleichen seiner  
muter brüder oder Schwester auch von vater vnd muter ver-  
samentlich. so erben dieselben geschwistergit des vaters vñ  
der muter des abgestorben verlasne habe. gleich nach anzal  
derselben personen. ye Ir eins souil als das ander. vngleich-  
tet von welchem eltern derselben personen nach der zal mer  
oder mynder wern. vnd so aber das gestorben verlasset seins  
vaters brüder oder Schwester Im versamentlich verwant. vñ  
seiner muter geschwistergit von dem vater. oder von der mu-  
ter allein. so erben dieselben des vaters versamente geschwi-  
stergit vor der muter geschwistergitten von einem eltern al-  
lein. vnd desgleichen sol es des gestorbēs muter versamentē

geschwistergithalb gegen des vaters geschwistergitten von  
einem eltern allein. auch gehalten werden. **U**nd ob das we  
re. das das abgestorben hinter Ihm verließ seines vaters ge  
schwistergit **I**hm von dem vater allein gesippt. vñ seiner mut  
ter geschwistergit. demselben von der muter allein verwant.  
**S**o erben die von dem vater. das. so dann von dem vater her  
komen ist. vñ dem gemey die vñ der muter. was von der mu  
ter darkomē ist. **A**ber gemeine oder versampte habe. die dan  
nit von des abgegannigen vater oder muter besonnder habe  
herkomen were. oder dafür beweist werden möcht. erbē sie  
gleich miteinander nach anzal der personen. **U**nd wo aber  
das gestorben. von dem die erbschaft herrürte. seinē eelichē  
genossen auf die zeit seins abgangs ließ. so soll es alsdann  
mit dem bleibenden **G**egenossen gehalten werden. auf may  
nung des dritten gesetzs des zwelften **T**ittels.

## Was dritt gesetz

Von erbschaft leiplicher eltern on  
geschefft mit den geschwistergit  
ten. vnd geschwistergit kinder vō  
vater vnd muter. vnd der anherrē  
vnd anfrawen mit denselben.

*2*  
*100*  
**S**un od̄ tochter on leiplich erben vñ on geschefft  
mit tode abgeet. vnd leipl. ch vater vnd muter. vnd  
auch darzu leipliche Eeli. e geschwistergit. vō vas  
ter vnd muter. oder derselben geschwistergit kinder. lest. So  
erben dieselbē vater. muter. geschwistergit. vnd geschwister  
git kinder. an stat Irs vaters. oder muter versamentlich. für  
ein person zerechē. sein verlasne hab gleich miteinander. als  
manig mund als manig pfunde.

Vnd desgleichē. so es allein den vater. oder allein die muter  
vnd leipliche geschwistergit. von vater vñ muter. oder dersel  
ben geschwistergit kinde laßt.

In söllicher massen erben auch Anherren vñnd Anfrawen  
so vater vnd muter nit in leben wern. Vnd so es aber söllich  
Anherren vnd anfrawen ließ vnd nit geschwistergit von vas  
ter vnd muter versamentlich. noch derselben geschwistergitt  
kinder sonnder geschwistergit von dem vater allein. od̄ allein

235



von der mütter. oder derselben Kinder. So erben Anherren  
vonn Anfrawen vor sollichen seinen geschwistergitten. vnd  
geschwistergitt Kindern. von dem vater oder von der muter al  
lein. Vnd wo aber das abgegangen einen Gelichē genossen  
nach volzogner heyrat. auf die zeit seins abgans hinder Im  
verlies. damit soll es gehalten werden. nach Inhalt des drit  
ten gesetz vnder dem zwelften Tittel.

## Das vierd gesetz

Von erbschafft vater vnd muter  
von iren kinden one geschafft. so  
nit geschwistergit von vater vnd  
muter vorhanden sein.

**S**un oder tochter stirbt on geschafft. vnd leiplich  
Eelich vater vnd muter lebt. vñ mit geschwistergit  
von vater vñnd muter versamentlich. sonnder von  
dem vater allein. oder von der muter allein. oder ander weit/  
gesippter Erben. so erben vater vnd muter vor söllichen seine  
geschwistergitten vnd andern vorgemelten weitgesipptern.

## Das funft gesetz

Von erbschafft on geschafft geschwistergit vnd geschwistergit kinder versamentlich vnd sunderlich mit gepurlicher vnderschied.

**S**eins mit tod abgeet on geschafft. vñ lest nit leiplich erben. In absteygender oder aufsteygender lyen. sonnder leipliche Eeliche geschwistergit von vater vnd muter versamētlichen. vnd desgleichen versamentliche geschwistergit kinder. so erben die alle gleich miteinander. Doch also. das eins yeden geschwistergit kinder für ein person vnd erben. an stat irs vaters oder muter verstanden vnd aufgenommen werde. vnd sölliche versamente geschwistergit vñ geschwistergit kinder erbē auch vor den geschwistergiten von dem vater allein. oder von der muter allein. Vnd so aber sölliche Eegemelte geschwistergit von vater vnd muter vnd desgleichen geschwistergit kinder nit vorhandē sein. so erben die leipliche Eeliche geschwistergit von dem vater allein. oder von der muter allein. vnd desgleichen die geschwistergit kinder von dem vater allein. oder von der muter allein an stat irs vaters oder muter für ein person vor andern darnach gesippten freunden. vñ darnach erben die freund auf die seyttē. ye die nehsten gesipptē. vor dē. die weiter gesippt sein. alles so sölliche välle on geschafft beschehen. Vnd wo aber das abgegangē einen eelichen genossen nach volzogner heyrat auf die zeit seins abgans hinter im verließ damit sol es gehalten werden. nach lawt des dritten gesetz des zwelften Tittels.

## Das sechst gesetz

Von erbschafft on geschafft der geschwistergit von dem vater allein vnd von der muter allein nach herkomen der habe.

**E**iner mit tod on geschafft abgeet. vñ leyt mit erben in absteygēder noch aufsteygēder lymen. somt der geschwistergit von dem vater allein. vnd auch geschwistergit von der muter allein. so erbē die geschwistergit von dem vater sölliche habe vnd gūt die dann von demselbē irem vater in besomnder herkomē ist. Vnd die geschwistergit von der muter sölliche hab vñd gut so von der muter sonnderlich herkomen ist. Was aber versampter oder gemeiner habe von vater vnd muter herkomen were. die erben sie gleich mitemander. als manig mund als manig pfund. vñd desgleichē sölliche geschwistergitkinder an stat ires vaters oder muter für ein person.

## Das sibend geseze

**W**o erbshaft geschwistergit kinder on geschafft. so nit geschwistergit vorhanden sein.

**A** Eins stirbt on geschafft. vnd nit geschwistergit. sonnder zwayerlay oder mer geschwistergit kinder lebt. Also. das des einē geschwistergits kind. mer. vnd des andern mynder. an der zal weren. so sollen doch die selbē geschwistergit kinder alle vnd yede gleich miteinander erben. als manig mund als manig pfund. es weren solliche. brüder oder schwester kinder. sün od töchter. doch also. das die vnderscheid. In obgesetzten statuten von erbshaft der geschwistergit kinder lautend. begriffen. ob Ire vätterre vō vater vnd muter. oder allein von dem vater. oder allein von der muter geschwistergit seyen. hie bey den geschwistergits kindern auch gehalten werden.

## Was acht geseze

Von erbschaft on geschafft vaterlicher vnd mütterlicher Anherren vnd anfrawen vor des abgegangē vaters oder muter. Bruders oder schwester die auff die seitten gefremndt sein.

**I**n vorhanden ist yemant auß auffsteygender lye  
nien. als vätterlich oder mütterlich Anherren oder  
anfrawen. vñ des abgegangē on geschafft vaters  
od der muter brüder od schwestern. so erbē die anherrē vñ  
anfrawen vor den yetz gemellten fremnden auß die seitten

## Was newnd gesetzte

Von erbschafft one geschafft der  
geschwistergit von dē vater oder  
muter vor des abgegangen vater  
vnd muter geschwistergitten.

**E**ins on geschafft verlest seinen leibliche Bru-  
der oder Schwester von dem vater allein. oder von  
der muter allein. vnnnd dartzu seines vaters oder  
seiner muter leipliche geschwistergit vō vater vnd muter. so  
erbē die leipliche geschwistergit. von dem vater vnd muter  
vor andern yetz gemelten Iren freunden.

## **Der achtzehend Tittel**

**G**esetze vō dē Inuentary. vnd  
mancherlay vormundschaft der  
kinde vater oder muterhalb. mit  
oder one gescheft. vnd von behen  
dung der habe Iren vormunden.  
vnd von auszubung Irer vormū  
schaft. Auch Irem zwang die an  
zeneme. vnd wie lang die weret.  
vnd der synnlosen vnd verschwen  
ter. auch von der beharrung der  
vormūdschaft. vnd neme zesetzē.  
vnd nichts zukauffen so in Ir vor  
mūdschaft gehorte. vnd von ver  
meldung der schulde auf zeit Irs  
antrettens.

## **Das erst gesetzze**

**V**ō benennung vnd verschreibūg  
verlassner habe on gescheft wie  
vnd In welcher zeit die bescheh  
en sol.



**S**ich erbfälle begeben on geschefft. des. der mit  
tod abgange ist. so sollē die nehsten erben. die sich  
dann **I**n die verlasne erbschaft gemischt. oder die  
sunst mit gutem willen angenommen haben. od̄ aber auch die  
**I**henen die mit vorbehaltung **I**rer freyheit auf kunftigen  
**I**nventari die anemen wollten. **I**renhalb unuermischt. der  
selben erbschaft. oder **I**nhalter der verlassen habe. so sie  
mundig sein. oder wo sie vnder iren **V**aren weren. **I**re vor  
munder. oder auf gepruch derselben. die nehsten freunde.  
als vormunder von wittiben vnd weisen gemeinē vormundē  
dartzu geordnet. **U**nd ob die personen vnd erben dartzu ge  
hörig mit alle entgegē werē. die andern mit beywesen zweys  
er genannten. oder zweyer annder oder mer glaubhafftiger  
personen von einem **R**at. oder wittiben vnd wasen vormun  
den darzu beschidē. die verlassen habe. brief vñ anders mit  
gesperr vñ sunst nach dem pesten verwaren. vnd die schlüs  
sel zu **I**ren handen nemen. so schierst das mit fūg sein mag.  
**U**nd dieselben ding gepurlicher weise versorgen vnd es sol  
len auch die selben erben oder **I**r vormunder **I**n einem mo  
nat dem nehsten nach sollichen abgegangen erbellen oder  
nach kuntlichem wissen derselben. ein benennūg vñ beschrei  
bung aller verlasner habe vnd gut. die man zu latein **I**nuen  
tarium nennet. anfangen. **A**lso. das dieselb beschreibung **I**n  
sollichem ersten oder **I**n den zweyen andern nachuolgendē  
monaten. unuerhindert der **E**chafft. geendet vnd volzogen  
werde. **I**n gegenwurtikeit zweyer genanten. oder ander per  
sonen. wie vorgesetzt ist. die dann solliche schrift versigeln  
oder verpetschafften sollen. damit sie glaubwirdig erschei  
nen. vnd wo aber die verlassen habe auserlands were. so sol  
solliche beschreibung derselbē außlendischē verlassen habe.  
auf fūglich forsch vñ erkundung der gelegenheit derselben.  
durch sich oder yemant anders von **I**ren wegen. mit gepur  
lichem beuelhe vnd gewallt darzu geuertigt. **I**n **V**ars frist.

so erst das im Hare mit fug sein mag. beschehen. vnnnd des  
gleichen sollen auch die vormunder volzieher oder trewphes  
der der verlassen geschest. mitsampt den mundigē erbē. die  
entgegen wern. so die da bey sein wolltē. verwarung der ver  
lassen habe. brief vnd sperre fürnemen. vnd auch benennig  
vnd beschreibung aller verlassner habe vnnnd gute thun. auf  
maynung als yetzo vnder schiden vnnnd begriffen ist. solliche  
verschrybne darlegung **I**n gemeiner hand der erben. oder  
irer vormunder oder trewphender **I**nnligen sol. Also. das  
darauf künftig Rechnung tailung oder andere notturfftige  
handlung mögen fürgenommen werden. od wo sie sich dar  
umb nit vertragen möchten. so mugen die selben teil vñ par  
theyen dergleichlauttend abgeschriff vnnnd vrkunde nemē.  
vnd wie wol die nachuolgenden erbē des gestorben **I**n vor  
begriffner meynung den **I**nuentari auf gepott ditz gesetzes  
mit den ihenen darzu verwant. fürnemen. oder fürgenomē  
haben. so sollen sie doch nit verpundē noch schuldig sein. die  
erbschaft des gestorben damit vnd dardurch angenomē ze  
haben. **S**omder sie mügen sich nichts destmynder derselbē  
erbschaft entschlahen vnnnd erossen. also. das sie derhalb  
**I**n eynicher verpflicht derselben vnangenen erbschaft  
halb nit steen. **S**ie wolten dann solliche erbschaft mit gutē  
willen annemen. oder aber. das sie sich dermas **I**n des abge  
gangen verlasne habe vermischten. oder damit handelten.  
dardurch sie solliche erbschaft angenomen hetten. vnd wie  
oder in welcher weis sie die verlasen erbschaft annemen.  
od angenomē hettē. auf vorbeschehē **I**nuētari. so solten sie  
sollicher erbschaft halb niemād weiter verhaft sein. dan so  
uer dieselbē beschribne gutter vñ habe raichtē. ob sich aber  
aufferhalb sollicher ordnig yemāt als erb der erbschaft vnd  
fieng. d sollte für alle des abgegagē schulde vñ geschick ver  
hafft vñ ze bezalē schuldig sein. vñ so aber die vermeltē erbē.

die verlassenen erbschaft In einich weise mit anzenemen ver-  
meinten. vnd darzu die habe vnd gut In dieselbē erbschaft  
rühende. mit innhetten. die sollten zu dem dick gemelten In-  
uentari mit verbunden. vñ auch mit yetzberürter peene oder  
pürde der bezalig der schuld mit verstrickt sein. Vñ so aber  
die trewenhennder vñnd vormunder der geschest. sollichen  
Inuentarium vnd beschreibung In eegemellter zeit mit tet-  
ten noch vollbrechtē. vñuerhindert der eehaft. so solt alsdan  
yeder. der dar Inn vnghehorsā erschynē. zu vnablessiger pene  
gemeiner Stat verfallen sein Funfzig guldein Keimsch. vñ  
sie möchten In sollichem so geuerlich hanndeln. das sie dar  
zu mügen gestraft werden. als ein Rat zu rat wurde.

## Was ander gesetzze

Von vormundschaft des vaters  
seiner kinder vnd der muter. vnd  
Iyedes verpflichtet gen dē kindē  
vnd anderer zugewannten vor-  
munde.

**W**enn die fraw on geschefst stirbt. vnd Iren eelichen  
man. vnd irer beder leipliche kinder eins oder mer  
lest. so ist der man der muterlichen verlasne habe  
vnd kinder ein vormund vnd versorger. vnd tüt nit not ander  
vormund zusetzen. doch sol er In gegenwurtikeit der freun-  
de. die man haben mag muterhalb. oder zwayer genantē. so  
solliche freunde nit vorhanden weren. In zwayen monaten  
den nechsten ein benennung od darlegung. die man zu latein  
Inuentarium nennet. thun. vñ so aber der man on geschefst  
abgeet. vnd leipliche kinder vnd der kinder muter sein weib  
hinter im lest. vnd sie bey den kinden vnd habe sitzen. vñ sich  
der vormundschaft vnderwinden wil. so sol sie In einē mo-  
nat dem nechsten nach abgang Irs mans sollichs mit sampt  
einem Inuentario an einen Rat pringen. vnd wo sie von dē  
Rat also aufgenommen vnd gesetzt wirt. so sol sie auf freu-  
liche freyheyt vnd hilff des Rechte verzeihen. Auch ire eig-  
ne güter verhefften vnd verpindē zuüersicherung der kinder  
habe vnd gutter. vñ sie das tüt. sol sie alsdann die vormü-  
dschaft getrewlich außüben. Auch ierlich Rechnung dauon.  
In gegenwurtikeit der freunde. oder ander darzu geordēt.  
thun. vnd sie hat auch mit gewalt noch macht dieselben hab-  
zeentpfremden. noch die ligenden habe zeuerndern. vners-  
ucht vnd vnerkant des Rechte. Auch so die muter bey dē

Kindern mit bleibē. oder Irnhalb sollich vormundschaft mit annemen wolte. so sollen notturfthalb dergleichen vormund der. als yetzgemellt ist. gesatzt werden. vnd dieselbē nechste frewnt sollē vñ mögen sich mit besonnder beuelhnus eins Ratts oder wittiben vnd wayfen vormundern. sollicher vormundschaft annemen. darlegung vnd rechnung thun. als vor vnderschiden ist. so aber solliche frewnt vnd angeporne vormunde auch mit vorhanden weren. so sol ein Kate. oder die vormund der wittiben vnd wayfen. von Rats wegē. denselben Kindern andere vormund geben. Alles so mit geschefte noch geschickte vormunder vorhanden sein.

Wurd aber der vater ein zerstreuer vnd verschwendter der güter. vnd das kuntlich od beweist wirt. so sol er alhdann vñ fürbaber sollicher vormundschaft auf erkätnuß eins Rats entsetzt. vñ den Kindern andere vormunder gegeben werden. doch an seinem beysitz oder genieß vnshedlich.

Vñ ob auch die fraw vngepürlich verendring wider die verpflicht der vormundschaft fürneme. vñnd das sich solchs nach Irer verhdung erfunde. so sol solliche entpfömdung oder verendrung In der tatt von vntreffen sein. vnd darzu mag sie ein Kate nach gestalt Irer verhandlung darumb straffen. vñnd den Kindern andere vormund geben.

## Was dritt gesetzte

Von behendung den vor munden  
vnd volziehern der geschefte die  
verlassen hab darein rured vor an  
dern darzu verwannten einen In  
uentarium zemachen. vnd der vn  
gehorsamkeithalb auf schaffung  
eins Burgermaisters. vnnnd der  
halb vnangefochtē die auszserich  
ten. vnd In spennigen dingen des  
Rechten die auszsetragen.

**A** Meynich person mit tod abgeet. vnd ein geschefte  
seins letzten willens hinter Im verlest. so sol die  
verlassen habe dē vormütern. trewphendern oder  
aufrichtern desselben gescheffts zuuoran vnersucht vnd on  
Rechtlich erkennen. volgen. vnnnd Inen behendet vnnnd vber  
erantwort werden. vnnnd ob sich aber yemant des widern  
wolte. so hat ein Rate macht mit den vngehorsamē zeschaf  
fen. vnd den zugepietten außerhalb ordnung des Rechten.  
vnd vngewaigert damit dē vormütern. trewphendern oder  
aufrichtern des gescheffts solliche verlassne habe vnd gut  
zu iren hamnden. Inyetz begriffner meynung volge vñ behē  
det werde. vnd die vngehorsamen möchtē sich In sollichem  
dermass halten. das sie auch ein Rat straffen wurde. nach  
gestalt Irer verhandlung wie ein Rat zu rat wurde. Vnnnd  
darauf sollen die vorberürten volzieher des gescheffts einē  
Inuentarium oder aufschreibung der habe fürnemen auff  
meynung des ersten gesetzts dis tittels. vñ so dann dasselb

geschefft In Recht nach kintlichem wissen der erben. oder  
ander darzu verwant. von Inen nit angefochten noch wis  
dertriben wurde. so sollen sie das nach seiner ordnung Ire  
vertrauen vñ glauben nach. aufrichte vnd volziehē. würd  
aber solchs geschefft In gericht vnd Recht angefochten.  
vnd deshalb die volzieher des gescheffts eruordert vnd bes  
clagt. so sollen bede teil vnd partheyen solliche spenn zuuoran  
In der gute. oder in Recht miteinander auftragen. doch vn  
uerhefft der verlassen schulde. die dan zuuoran solle aufges  
richt werde. vñ ob sich auch erfunde das geistliche geschicke  
oder andre geschick desselbe gescheffts nit spennig erschys  
nen. oder sich auf erkantnuß des Rechte dermassen hieltē.  
das sie sollten aufgericht werden. dieselben solten auch vn  
uerzogenlich. mit gepürlicher volziehung aufgericht werde.  
Aber die spennigē geschick sollen rwen bis auf entliche auf  
trag derselben gutlich oder Rechtlich. vñ nach solliche auf  
trag. sol derhalb souil beschehen als vrtail vnd Recht gebe.  
oder sie sich In der gütte miteinander vertragen hetten.

## Das vierd gesetzte

### Vō außübung der vormüdschaft außerhalb rechtēs vnd In recht.

**D**ie vormunder der Kinder vorhanden sein. die haben macht vñ gewalt auf benennung vnd beschreibung der habe gepurliche vnd notturfftige handlung. mit einnemen vnd auß geben. vñ andern zethun. Auch verlassen schuld von verlassner habe. vñnd zuuoran von parschafften vnd varnuss. wie sich dann das nach dem pestten fügt. zebezalen. Vnd die sollen auch parschafft vñ varnuss nach de pestten nutz der Kinder. anlegen. damit sie Järliche zynse oder zymlichen genieß dauon haben. vnd ob sich notturftthalb gepüren wurde. vnbewegliche oder ligende habe oder gut zeuerkauffen oder zeuerendern. das sol auch auff vermeldung derselben vrsachen durch Redlich erkantnuss geschehen. oder mit willen eins Rats oder wittiben vñ waisen vormunde. Auch habē die vormund macht die Kinder vñ Ir habe. der vormüder sie sein. In Recht zeuertreten. vnd Irrenhalb zedagen vñ zeuerantwurtē durch sichselbs oder Ir vollmechtig anwellte. die man zu latein actores nēnet. vñ was also gehandelt wirt. das ist krefftig vñ mechtig. vñ was Cost darauf gieng die vormundschaft berürende. die sol vō sollcher habe. der vormund sie sein. außgericht werde. Aber einerley vormund sollen In der zeit Irer vormundschaft mit gegeneinander als widerwertig In Recht kriegen oder hader In sachen die vormundschaft antreffende. vrsachhalb das gepurliche vnd notturfftige außübung solcher vormundschaft nit verhyndert. vñ die Kinder zu vngepürliche Costen vnd scheden nit pracht werden. wann sunst vñnd on das. der vormüder besondere vñ Irselfs habe darumb verhafft



wer. vnd der merer teil auß den vormundern mögen zu nutz  
vnd notturfft der Ihenen. der vormund sie sein. Inner vnd  
außerhalb Rechtens wol handeln. oder wie sie sich des vn-  
ter Innen selbs vertragen. oder aber Inmassen Ine dieselb  
Ih vormüdschaft geschäftsweis oder sunst beuolhen wer-  
worden. verkürzung vñ scheden der Ihenen. der vormund  
sie sein. damit zefürkomen.

## Das funft gesetzze

### Von zwang vormundschaft anze nemen. vnd von der peene der vn- gehorsamen.

**I**n Rat. oder die vormunder wittibē vnd wayfen.  
anstat eins Rats. haben auch macht vnd gewalt  
die frewnt der kinder. so die vorhandē sein. oder  
andere. so nicht frewnt vorhanden werē. gepürlicher weis  
zezwingen. das sie der kinder vormundschaft annemen. Es  
wer dann. das sie redlich vrsachen furprechten. deßhalb sie  
des zethun nit schuldig werē. vñ so aber die nechste frewnde  
on redlich vrsachē Irer entewsserūg sollich vormundschaft  
nit annemen wolten. so wern sie Irer erblichē wart vnd erbs  
felle derselbē kinder berawbt. so der val on geschafft besche  
he. vnd deßgleichen. so die muter die vormundschaft anges  
nomen hett. vnd In der zeit der vormundschaft angenomen  
hett. vnd der zeit der vormundschaft Iren wütibstul vers  
rucket vnd einen andern man neme. vñ denselben kindern nit  
ander vormund von einem Rat. oder wittiben vnd wayfen  
vormunden gebetten. vnd Rechnung gethan hette. Es wer  
dann. das dauor Ir ander vormunder zugegebē wordē wes  
ren. Vñ es mugē auch die vormund nach annemūg der vor  
mundschafft. die on redlich vñ vellig vrsachen nit auf sagen  
vnd so sie Ire vormundschafft aufzesagen vermaintē. so sol  
len sie zuuoran rechnūg thun. vñ auch mit wissen eins Rats.  
oder der vormund wittiben vnd wayfen. beschehen. damit  
andere vormunder gesetzt werden.

Es sollen auch die frewnt schuldig sein. so der abgegangen  
personen kinder oder erbē vnueruormundt sein. das an einē  
Rate. oder wittiben vnd wayfen vormunden zubringen. das  
mit dieselben mit vormunden versehen werden.

## Was sechst gesezte

wielang vormüdschafft besteet.  
vnd von dem abscheid derselben  
vnd darnach ander versorger ze  
setzen.

**S** vnmündigē Kindern vormunder. die man zu las  
rein tutores nennet. gesetzt oder gegeben werden.  
die bleiben In sollicher vormüdschafft bys die selb  
ben Kinder zu Iren tagen komen. Nemlich solang vntz die  
Knaben vierzehē Jar alt werden. vnd die maydlein zwelfff  
Jar. Vnd nach aufgang derselben zeit sollen sie der ver  
gangen vormüdschafft halb Rechnung thun. vñ fürter Cu  
ratores sein. bis die Kinder achtzehē Jar erfüllt haben. vnd  
alßdann mögen die Curatores durch gepurlich vnd entlich  
Rechnung vnd abschied Irer Curacion vñ versorgnuss ab  
treten. Welchs aber geistlich od̄ werltlich bestat wirt. das  
selb sol von sollicher versorgnuss auf zymlichē abschied der  
selben versorgnuss geledigt. vnd In die Curatores alßdan  
Rechnung zethun schuldig sein.

*no vntz  
mündig*

## Das sibend gesetzze

**V**o vormüden der synnlosen vnd  
verschwentern Irer habe. Auch  
der Taubben vnd stummen vnd  
der legerhafftigen.

**A**llche vormunder oder versorger die vormunds-  
schaft oder versorgung antreffend. sollen. gegeben  
werde nit allein den kindern. sonnd auch de synns-  
losen. Com. auch den verschwentern Irer habe die man zu  
latein prodigos nennet. auch den die da Nömisch sein. die  
man zu latein nennet. mēte captos. Vnd darzu den Taub-  
en oder ungehörnden. vnd den stummen. die Ir sache zehan-  
deln nit völlige vernunft hetten. vnd auch den. die da belas-  
den sein mit ewiger Franckheit oder leger.

Vnd derselbē personen freunde sollen schuldig sein solche  
persone einem Kate oder wittiben vnd waysen vormüden an-  
zezaigen. vnd so Ine also vormund. oder Curatores geben  
werden. die sollen schuldig sein Rechnüng vñ anders zethun.  
wie vor dauon begriffen ist.

## Was acht gesetzte

### Von beharrung der vormunder oder versorger ir obgeschribē zeit. vnd von peene Irres miszprauchs

**D**er vormunder oder versorger ire vormundschaft  
oder versorgnüss angenommen haben. so sollen sy in  
irer außübung bleiben bis zu ende obgemelter iars  
zal. Es wer dann das sie mit redliche vrsachen gen einē Rat  
oder den vormunden wittiben vnd wayssen fürprechten. der  
halb sie solten geledigt werden. vnd so sie also abgeschiden  
vnd zymliche Rechnung gethon hetten. so sollten auch als  
dann ander an ir stat geordnet vnd gegeben werden. welche  
vormuder oder versorger aber außerhalb söllichs abschieds  
ir vormundschaft oder versorgnüss durch sichselbs verlies  
sen. oder die nit redlich. sonnder geuerlich außübten. dieselbē  
sollen nach fürprachtē dingē. vñ nach erkantnuss des rechte  
vmb dieselben scheden. deshalb oder damit gefügt. die zuer  
statten vnd zuwiderlegen verpunden vnd verpflichtet sein. vñ  
ob auch ir einem auß inen von den andern der gemeinen vor  
mundschaft oder versorgnüsshalb eynicherley beuelh gesche  
he. vnd er darinn mishandelt oder versawmlich wer. so sein  
die andern darumb mit im in verpflichtet des schadens. Vnd  
ob auch einer oder mer. on beuelh der andern mishandelt.  
vnd die andern söllichs mit versawmüss irer verpflichtet ver  
hengten. so sein sie abermals mit dem oder denselben zu glei  
chem schaden verpunden.

## Das newnd gesetz

Von newnen oder andern vormun-  
den oder versorgern zusetzen. von  
der erstgesetzten versammnuss.  
oder mißbrauchs wegen.

**A**n einen Räte. oder die vormunde wittiben vñ  
wayßen von wegen eines Rats glemplich langet. ob  
fürpracht würd. das vormüder oder versorger irer  
vormundschaft oder versorgnüss mit redlich aufwarteten  
oder aufubten. sonnder darinn seromig weren. so sollen vñnd  
mügen sie Ine andere vormüder oder versorger setzen. doch  
das die abgestanden gepärllich Rechnung vñd abschied vñ  
aufrichtung thun sollen.

## Was zehend gesetz

Von vormütern der gescheft vnd  
von auszübüg irer vormüdschaft  
mit vnderschied.

**N**ach dem in diser Stat gemeinlich herpracht ist. dz  
die gesetzten vormund in gescheften. mit allein der  
selben gescheft außrichtung vnd volziehung. sonder  
der auch der vormundschaft Tutela genant. vnd darzu der  
vertretung derselben künden oder personen in iren myndem  
iaren. Cura genant. gemeinen gebrauch vnd gewalt gehabt  
habē. darumb zu hanthabung söllichs gemeinen herkomēs  
vnd gewonheit. ist geordnet vnd gesetzt. so nach gewonliche  
herprachten dingen vormunder der gescheft gegeben wer  
den. so sol dieselb clausel also verstanden werden. das söllche  
vormunder. mit allein außrichter des geschefts. sonder auch  
der kinder Tutoros vnd Curatoros sein vmd bleiben söllen  
solang vnd inmassen wie von den vormunden vñ Curatoren  
gesetzt ist. Es were dann das der abgangen in söllichen ges  
scheften seine kinder oder erben in sunderhait mit vormun  
den oder Curatoren versehen. oder aber mit außgedruckten  
nemlichen worten gesetzt hett. das die vormunder des ge  
schefts mit mer dan̄ allein das gescheft zūvolziehen macht  
haben sölten.

## Das aylfft gesetz

wie die muter iren kinden vormū  
der setzen oder nit setzen mag.

**M** die muter iren kinden. oder besonnder irer ha  
be vormunder setzen wolte. vñ ir Elicher man der  
kynder leiplicher vater seliger. denselben kyndern  
dauor vormunder oder versorger gesatzt hett. so mag die mu  
ter nit ander vormunder setzen. vnd so aber das nit gesche  
hen wer. so möcht sie denselben iren leiplichen kindern vñ er  
ben wol vormunder oder versorger zegeben begeren vnd bit  
ten. Vnd so inen dann die gegeben würden. so habē sie als  
dann vnd darnach ir aufübung inmassen vnd dauor vnder  
schiēdē vñ begriffen ist. Aber ob iren kinden eemalen durch  
iren man seligen vormunder gesetzt wern. oder nit. so mag sy  
doch alweg Trewhender vnd aufrichter irs geschicks od  
geschaffts setzen vnd ordnen.



## Das zwelfft gesetz

Von geschick der muter iren kinden. vñnd den darauf vormunder zusetzen mit vñderschied.

**D**ie fraw besonnder habe oder gut het. so mag sie iren leipliche kinden ir verlasne hab vñ gut. mit sampt dem genieß. nützen vñ fruchten daran schicken. Also. das aygenschaft. nutz vñ gewere derselben darauf. volge. vñnd alsdann mag sie sollichen iren kinden vormunder setzen. als das nechstgeschriben gesetz innhelt. Vñnd wo sie aber den kinden sollichen genieß oder nutz nit schicket. so volget sollicher genieß vñnd nutz dem man sein leitag. Vñnd alsdan mag sie den kindern ander vormunder außerhalb des vaters nit setzen.

## Das dreizehend gesetz

Vñ den vormüden. das die eynich habe in ir vormundschaft ruren. de. nit kauffen noch derhalb mit inenselbs ichts zehandeln haben sollen.

**E**s mag kein vormunder noch versoger kauffen solliche habe oder güter. der vormüd er ist. in der zeit sollicher vormundschaft. weder durch sich selbs noch durch einich ander mittel personen. Es werd im dann durch einen Rat wissentlich vergönnnet.

## Das vierzehend gesetz

### Von vermeldung der vormunder vnd versorger schulde. zu der zeit Ires antrettens.

**W**emant zu vormüd od versorger gegeben wirt.  
vñ zu der zeit der annemung derselben. eynich mel-  
dung nit thut von schulden oder ander seiner vor-  
drung. die er versehenlich gewist het. die im derselben kinder  
Eltern oder vorfaren schuldig oder pflichtig sein sollten. der  
mag solliche schuld oder vordrung darnach nit mer vordern  
oder außüben. sonnder sie ist damit verlassen vnd abgestellt.  
Vnd was aber schulde darnach gemacht werden. die mag  
man in Rechnung legen. auch bezalen vñ außrichten. als sich  
gepürt vnd pillich ist.

## Der newnzehend Tittel

Gesetze von teilüg vnd verglei-  
chung der erbschaft. vnbenomen  
erblicher wart. Auch vō einwerf-  
fung der zuschetze. vnd schuld der  
erbschaft anhangende.

### Was erst gesetz

Von teylüg der kinder von iren ge-  
schwistergiten die vber ir zymlich  
notturfft kost geprauchten.

**D**e kinder oder erben in gemeiner vngetailter ha-  
be sitzen oder sein. so mügen ire vormunder od̄ ver-  
sorger. das kind oder die kinder. die vber ir zymlich  
notturfft Cost geprauchten von den andern kindern teiln. od̄  
so die mündig weren. vnd nicht teilen woltē. so soll man inen  
darnach solliche vnzymliche vbermaß irer Cost an irem teil  
abziehen. damit die andern kinder od̄ erben eynichen merck-  
lichen entgelt od̄ schadē mit haben noch tragen. vnd so aber  
solliche personen. die in vngetailter habe sitzen zu iren völli-  
gen Jaren komen sein. vnd eynicher vormundschaft mit not-  
turfftig wern. die mügen desgleichen thun. damit sie vō den  
andern mit vbermessiger Cost mit beladen werden.

## Das ander gesetz

Von teilung das die auß Irselfs  
eynich kunftig wart noch erbfel-  
le nit benympt noch absettel.

**E**yniche teilung einer oder mer personen vō den an-  
dern. benympt noch stellet nit ab. eyniche künftige  
wart der erbfele. Es wer dann das eyniche person  
die in vōlligem alter wern. sich sōllcher irer wart auß redlich  
en vrsachen entewfferten oder verzigen mit nemlichen wort-  
ten. vnd nach form vnd ordnung. als verzeihung geschehen  
sōllen. Inmassen vnd außweiset. das erst gesetz des fünfzes-  
henden Tittels.

## Das dritt gesetz

Von einwerffung der eingnomē  
zuschetze. zuuergleichung der ver-  
lassen erbschaft vnd teylung on ge-  
scheffte.

**S**o die eltern on geschefft mit tod abgeen. vnd leip-  
liche eeliche kinder. oder enicklein oder dergleichē  
nachuolgender erben in absteygender lynien hinter inen ver-  
lassen. Also. das der erbfa! on besonnder verding oder ver-

pflcht auf imselbs rret. welche dann auß inen zeerben ver/  
meinten. vnd vormalij eynich zuschatz od heyratgut entpfan  
gen vñ eingenomen haben. die sollen söllchen zuschatz in ge/  
meine teilung einwerffen. sunst bedörffen sie andere vorge/  
gebne oder gecostte habe vnd güt. so sie gestanden haben mit  
einwerffen. Vnd so aber die eltern redliche geschafft Jrer  
letzten meynung hinter inen verlassen. Vnd darinnen den/  
selben iren erben die oder andre Cost zuuergleichung gemei/  
ner erbschafft einzerwerffen schicken oder schafften. dabey  
sollt es dannzumal auch pleiben. doch on schaden der legitis/  
ma. souerr die durch gabe. zu zeiten der selbē gabe. wer ober/  
stigen worden.

### **Das vierd gesetz**

**Von gleicher erbschaft der ersten  
vnd andern kinder. das sollchs In  
aigner habe oder erb verstanden  
wirt.**

**I**n heyratbriefen gesetzzt wirt die nachuolgedē  
kinder mit den erstē kindern gleich erben zelassen.  
das soll in aigner habe vnd erbe. varend od ligēd.  
der sie dann entpfenglich sein. verstanden werden. vnd mit  
allein in der legitima. Aber der geschafft ewsern personen  
geistlich oder werltlich. ist er dardurch mit benomē. doch die  
mit souil messigung fürzenemen. damit sein erben in abstey/  
gender lynien Jrer rechten legitima. vnuerschuldēt mit ent/  
setzt werden.

## Das funft gesetz

Von yeder erbschafft schuld die durch dieselben Erben aufzzerichten.

**D**ie schulde bey mer dann einerley Eltern gemacht wirt. so tregt yede erbschafft die pürde vñ verpflichtet auf ir. söllche schuld zebezalen vnd aufzzerichten. die seine eltern. die es erbet. gemacht haben. vnd steet in des erben macht. sich einer oder mer erbschafft anzenemen oder zeentschlahen. doch wellche erbschafft er annympt. der selbē erbschafft schuld ist er zebezalen schuldig. mit vnderchied des ersten gesetzes. des achtzehenden Tittels.

## **D**er zweintzigist Tittel

**G**esetz vō mangerlay geschafft.  
der personhalb. der erbelle vnd  
anderm. Auch vō der betrangüg  
oder verhinörung derselben. vnd  
Irer erzeugung. vnd irer anfech-  
tung in Jarsfrist. Auch von der le-  
gitima vnd vbermass. vnd von dē  
abzug des entpfangen. vnd des. so  
sie onworden haben. Auch von  
der peene vnd vngehorsam. vnd  
von freyheit derhalben auf die sei-  
ten gesippt.

## **D**as erst gesetz

welche personen geschafft thun  
mogē. vnd welche nit. vnd zu wel-  
cher zeit. vnd mit was vnder-  
schied. vnd vō gabe. die auf kunf-  
tigen abgang beschihet.

**A**lle personen. die weil sie in guter vernuft od auß-  
übung derselben sein. mügen iren letzten willen or-  
dnen vñ geschafft thun. weñ vñ zu welcher zeit sie wöllē. nach  
dē vñ sie zu iren tagē kōmen sein. nemlich so der Knab vierzes-  
hen iar. vñ das maydlein zwelf iar volkōmēlich erlangt habē.

doch vnshedlich irem vater. muter oder andern an irem bey  
sitz vnd genieß. ob sie den an sollicher verschafften habe het  
ten. Auch mügen sie geben auf iren künftigen val vnd ab  
gang das man zu latein nennet. donationē causa mortis. Als  
so. das solliche gabe vor zweyen genanten. oder vor andern  
dreyen oder mer glaubwürdigen zewgen. oder sunst nach ord  
nung der Recht. beweisslich geschehen soll. es sey der. dem  
gegebē wirt. oder yemant anders seinerhalb entgegen oder  
nit. doch vorbehalten der legitima den eltern von irer kinder  
gute. in beden obgemelten vällen der geschafft vñ der gabe  
auf den tödsfalle zewerden. nemlich des drittē teils des ges  
storben verlassner habe vñ gut. die lehen hindan gesetz. wel  
che aber vnder sollichen obgemelten Jarn sein. die mögen  
eynich geschafft. oder gabe auf den todsfal nit thun. Auch  
mögen Tarben. Stümen. Gynnlosen vnd andere dergleich  
en geprechenlich personen die nit vöilige aufubung irer ver  
nuft haben. vnd vormalñ in einem besondern gesetz berürt  
sein. kein geschafft thun.



## Was ander gesetz

Von verwurckung vnd peene der  
ihenen die yemant zu geschefften  
betrangten. oder sie an furnemen  
derselben verhinderten.

**A** Meynich person von yemant anders ein geschafft  
zethun oder fürzenemē. unpillicher weis betrangt  
wirt. so soll solch geschafft kraftlos vñ von vnwir  
den sein. Vnd derselb bedranger ob Im außershalb sollichen  
geschafftes von des abgegangen verlassen habe erblich iche  
zugestanden solt sein. damit als mit der tat verwürckt habe.  
vnd den andern des abgegangen erben. die daran mit schul  
de hetten. werden vnd gefallen. Auch wellche person die an  
dern Ir geschafft fürzenemen oder zethun verhinderte. die  
sol alles das. so im von denselben verhinderten personen erb  
lich hett züsteen oder gepüren mügen. damit als mit der tat  
verloren vnd verwürckt haben. vnd fürter den andern erben  
werden vnd bleiben. Vnd die ewssern oder andern personē.  
die in yetz gemelter meynung das geschafft mit berürte noch  
antrefte. vnd doch sollichen bedrang oder verhyndrung für  
nemen vnd tetten. dieselben vñ auch die vorberürten verhan  
dler wolt ein Rat straffen an leib vñ gut. wie sie nach gestalt  
der verhandlung zu rat würden.

## Das dritt gesetz

Vñ zeugen der geschefte. vnd ver  
wandlung des letzten willēs oder  
gescheffts.

**D**ie geschefte sollen durch zwen oder mer genantē  
des grössern Rats als zeugen erzeugt. vnd dar  
auf der erzeugunghalb für krefftig gehalten wer  
den. vñ so aber yemant sollicher genanten allhie. od ander  
wo mit füge mit gehalten möcht. In der zeit der pestilenz.  
oder sunst. so mügen andere glaubwürdige zeuge. der mans  
personen darzu gepraucht werden. vñ ob die geschefte macht  
vnd gewalt innhalten. das widerumb zewiderruffen vnd ze  
uerendern oder nicht. dannoch mügen die alweg bey lebens  
digem leib. alle dieweil der mensch in guter vernunft ist. wis  
derrufft vnd verendert werden. Vnd desgleichen die gabe  
auf künfftigen todsfal fürgenomen.

## Das vierd gesetz.

Von erscheinung vnd anfechtung  
der geschafft in Jarsfrist außser-  
halb der Gehafft vnd vnkrafft.

**S**oyemant mit geschafft abgeet. vnd in einem Jar  
dem nehsten darnach. dasselb geschaffte rechtlich  
mit angefochten wirt. so soll das fürpasser nit mer  
widertriben werden. Es wer dann. das die verwanten par-  
theyen. die das anzefechten vermeinten. außserlannds wern.  
od auß rechter Gehafft verhindert wern worden ir notturft  
darwider fürzepinggen. vnd sollchs nach erkantnüss der vr-  
teiler. Auf bederteil verhörung. für gnügsam angesehen vñ  
erkant würde. vñ desgleichen so das darnach seiner vnkrafft  
oder krafftloskeithalben angefochten würde. das dan auch  
in erkantnüss der vrtailer besteen soll.

## Das funft gesetz

**W**o geschet̄ der eltern ire eeliche kinder vnd enicklein mit erbschaft der legitima auß einer not zeuersehen vnbeschwert solllicher anzale.

**I**n yedes. das Eeliche kinder oder enicklein oder ander in absteygender lymen anstat der kinder hat. vnd lest. soll in seinem geschet̄ dieselben zu erben setzen. oder die erblichen versehen mit gepürlicher vnd notturfziger erbschaft. das man zu latein nennet legitimam iure nature debitam. Vnd so der kinder Enicklein oder ander dieselben anstat ires vaters oder muter für ein person zerschē. vier oder mynder sein. so gepürt inen allen ein dritteil aller verlassner habe. die man lehen hindan gesetzt. oder vō söllicher habe. die ine würde. so kein geschet̄ vorhanden wer. alle verlassne schuld. so der abgegangen schuldig bleibt. daran herab gezogen. So ir aber fünfe oder mer sein. so gepürt inen der halbteil aller söllicher verlassner habe. vnd sölliche notturfzige erbschaft oder legitima sol noch mag in dem geschet̄ mit nichten beschwert werden. Vnd ob das were. dz vater oder muter in seinem leben seiner kinder eins od̄ mer seiner erblichen wart oder künstigen erb schafft hindan gericht het. vnd sunst vnd on das. vier kinder oder viererlay erben in absteygender lymen hinter im verlies. so soll in disem valle die legitima auf den halben teil des abgegangen verlassner habe vnd anders darein gehörende. verstanden vñ gerechent werdē. als ob ir fünfe od̄ mer noch vnentricht wern. doch mit der bescheidenheit. das die anzal so dem entewsserten für sölliche erb schafft gegeben worden wer. **I**n sölliche

Rechenſchaft der gemeinen habe auch ſol gerecht werde  
Auf dē allem die legitima außfündig zemachen. Ob aber  
den vorbeſtympten erben In vorbeſchehen heyraten oder  
funſt. ein verrer vnd merer erbschafft bedingt wer worden.  
die ſolte Ine dardurch nit benomē. ſonnder vorbehalte ſein.  
vnd ſo dann den erben gleiche erbschafft verſprochen oder  
verſchriben wer worden. ſo ſollen dieſelbē erben zu der erb-  
ſchafft verwannt. alles das. ſo ſie entpfenglich ſein. gleich  
miteinander erben. ye ir eins ſouil. als das ander. doch den  
vorauf der ſōne vnd tōchtere. auf maynung des andern ge-  
ſetzs des. xiiij. tittels. hier Innen vorbehalten.

Ob aber die obgemellten kind oder erbē derſelbē Irer erb-  
ſchaft dauor außgerichtet wern worden. vñ ſich darauf auf  
maynung des erſten geſetzs des. xv. tittels verzigen. oder  
aber das ſie ſolche ir erbschafft verwurckt hettē auf maynung  
des andern geſetzs des Jetzgemellten. xv. tittels darumb  
ſolt es gehalten w. rde nach Innhalt der yetzberürtē geſetz.

## Das sechste gesetz

Von der vbermaß vber die legitima. damit freylich zeschicken. vn gehindert vō den kindē vnd enicklein.

**D**ie Eltern mögē einē Kinde oder enicklein vor dem andern einē vorauf schicken. doch also. das die andern In obgemelter Irer notturfftigē erbschaft oder legitima nicht beschwert werdē. noch eynicher abgang daran beschehe. vnd dēsgleichen mögē sie auch mit solcher vbermaß anndere geistliche oder werltliche geschick nach Irer gefallen thun vnd fūrnemē. vngehendert Irer Kinder vnd enicklein. vnd so aber die felle on geschest beschehē. so sol es on yetzgemelte vnterschied mit verlasner habe vñ erb schafft gehalten werden. als vor vnd emalij dauō gesetzt vñ begriffen ist. vnd wo aber den kinden vnd erben gleiche erb schafft In heyrathbrieffen. oder sunst bedingt. versprochen oder verschriben wer worden. so sol es damit nach Innhalt des vierden gesetz. des .xix. tittels gehalten werden.

## Was sibend gesezte

Von zuschetzen kleydung vnd an  
derm den kindē oder enicklein an  
Irer erbschaft oder legitima ab-  
ziehen mit vnderschied.

**A**o die eltern bey irem leben Iren kindē oder enick  
lein zuschetz oder heyratgut geben. so sollē die er-  
ben. so sie erbschaft nemē wollē. solch ir entpfang  
en zuschetz In gleiche erbschaft einzerwerffe schuldig sein  
Es wer dann das sie Inen von der vbermas. so vber die les  
gittima der andern kinder oder enicklein vorhanden weren.  
sollche zuschetz zu einem vorauf schickten. damit die andern  
kinder vnd enicklein cynichē abgang an irer legitima nit leis  
dē noch beschwert werde. Aber was die eltern In irem lebē  
sunst mit klaidung vnd gabe der hochzeit oder andern auff  
ire kinder vñ enicklein gelegt habē vor dē andern. das müg  
en sie auch In irem geschafft an irer legitima abziehē. was  
sie aber vber dē zuschetz auf Ire kinder od enicklein In ire  
leben gelegt hetten. vor den andern kindern oder enicklein.  
vnd sie Inen das In irem geschafft nit abzugē. oder in ges  
meine erbschaft einzerwerffen setzten. das sein sie nit schul  
dig eynzerwerffen. vnd die legitima wirt gerecht. gesezte  
vnd genomen nach der zal vnd gelegenheit der kinder vñ  
enicklein allweg eins kunds kinder oder enicklein für ein per  
son gerecht. vnd nach gestalte der verlassen habe vnd erb  
schafft auf die zeit des abgāgs des. der die verlest. als vor  
begriffen ist.

## Was acht gsetze

Von abzug der kinder vnn̄d enick  
lein. des. so sie In lebē Irer eltern  
on worden haben vnd gestanden  
sein.

**A** die eltern Kinder oder Enicklein haben. die vns  
geratten sein. vnd vor den erbellen In leben irer  
ellern Irs vnwesenhalb. ettwē merklich onwer  
den oder Costen vor andern Iren geschwistergitten vnn̄d  
miterben. so mögen die elltern denselbē iren kindern solche  
vbrige Cost In irē geschēftē zu vergleichung gemeiner erb  
schaft der andern miterben. den andern dargegen emē zym  
lichen vor auß thun. darmit sie des ergetzt werden.

## Was newnd gsetze

Vō verpeenung der geschēft vnd  
von vnghehorsā der. den geschickt  
wirt.

**E** mag auch ein yedes sein Redliche vñ gepurliche  
geschēft d vngheorsamēhalb mit zymliche pflich  
tē verpeenē. vñ auch dermaß. welchs seiner kinder  
od enicklein. das nit hieltte. das demselbē vber die legitima



nichts volgen noch werdē solte. Aber In andern geschickē  
der personē. gen dē es mit solcher notterbschafft mit verpū  
dē ist. mag es sein geschafft also vñ on vñdscheid verpeenē.  
so es sich desselben geschicks nit benügen lief. das Im als  
dann vnd darnach nichts werden noch geuallen sol. vñ mag  
darauf alweg setzen vnd ordnen wem hinfür vñ nach solch  
em. dieselb hab vnd gut werden vnd geuallen solt.

### Was zehend geletze

**W**ō geschestē damit gē Brudern  
schwwestern noch andern auf die  
seitten gefreundt. gantz vnuer  
pundē mit fellen vnd widerfellē.

**N**eymant andern seinen freunden. als brüder  
schwwestern. vettern. Oheimen. mūmen. pafen. vñ  
dergleichen personen. auf die seitten gefreundt.  
oder aber frōmden personen In seinem verlassen geschafft  
vil. oder wenig. schickte. das mag es mit vellē vnd widerfel  
len verpyndē nach freyē willē Inrenhalb gantz vnuerpflicht.  
Es ist auch mit eynicher notterbschafft gen Ine mit verpū  
den. vnd mag Ine schicken oder nicht. nach freyem willen.  
des. das sein geschafft thut.

## **W**er einundzweinzigist Tittel

**G**esetze von geschick mangel-  
lay. widerfelle. Auch der vnmun-  
digen kindhalb. vnd der vnuernuf-  
tigen. vnd vō verbindung der mü-  
digen aufferhalb der legitima.

## **D**as erst gesetzze

**V**on widerfelle in geschafftē. der.  
die solche erbschafft nit annemen  
wolten. dieselbē auf andere erben  
zugefallen.

**E**s mag ein yedes. das yemant In seinem geschafft  
zu erben setzt oder erblich verfiht. solchs mit diser  
vnderschied fürnemen. ob das oder dieselben. die  
also zu erbe gemacht sein vñ mündig wern. solche erbschafft  
nit annemen wollten. oder nit erben. das alsdann vnd dar-  
nach dieselb erbschafft. dem. oder den andern. den solliche  
widerfelle geschickt wern. volgen vnd geuallen solten. vñ vō  
stundan. so die. die erstlich zu erbe gesatzt sein. die verachtē.  
vnd nit annemen wolten. oder nit erben. so trettē die andern  
an die erbschafft. So aber die gesetzten die angenomē het-  
ten. so hetten die andern darnach keinen zugang zu derselbē  
erbschafft. Were aber das solche personen. die In eegemel-  
ter weis von Irem vater oder ob der nit wer. von Irem an-

herren erstlich zu erben gesetzt oder erblich versehē sein. vn-  
mündig vnd zu Iren tagen mit komen wern. so dann dieselbē  
vnmündigē vnder iren Iaren mit tode abgiengen. so solt die  
selb erbschafft volgen vnd werdē. den. darauf der widerfal  
In dem geschafft stünde. wie wol ire vormunder solche erbs-  
schafft von Iren wegen dauorangenomē hetten. vñ so aber  
solche kinder oder enicklein mündig werden. vñnd zu Iren  
tagen komen. so bleibē sie fürbaber bey solcher geschickter  
erbschafft od legitima on eynichē widerfal auf die andern.

## **Das ander gesetz**

**V**on geschickten widerfellen der  
vnuernufftigen kinder oder enick  
lein in Irer vnuernunft. vnd von  
Irer freyē erbschafft so sie zu ver  
nunft komen.

**E**s mag eins. seinē vnuernufftigē kindern od̄ enick  
lein schicken vnd die zu erben setzen oder erblichē  
versehen. Also vnd **I**n welchem alter sie in söllich  
er vnuernunft oder thozheit mit tod abgiengē. das alshdā  
dieselb habe oder erbschafft auf des oder der abgegangen  
eeliche kinder. oder ob die nit vorhanden wern. auf sein leip  
liche eeliche geschwistergit oder der einsteils gefallen solt.  
vnd so aber die auch nit vorhanden wern. so mag es dasselb  
geschick auf solchen abgang den frömden schicken. vnd so  
aber die torn vnd synnlosen widerumb zu vernunft komen.  
das sie alshdann vnd fürbaser bey Irer geschicktē erbschafft  
bleiben. vnd freylich damit thun vnd lassen mögen was sie  
wollen on eyniche widerfalle.

### Was dritt gsetze

Von geschickten widerfellen der vnmündigē kinder oder enicklein auf zugehörig oder fromde personen. vnd von freyē geprauch der mündigē. one eynichen widerfal derselben.

**E**iner vnmündige eeliche kinder oder enicklein lest. die mag er in seinem geschafft wol mit dē widerfellen also verpinden. ob der eins abgieng. ee dann es zu seinen tagen kōme. das alsdan sein erbschaft vñ verlasne habe od legitima geuallen solte auf das ander. das dannoch lept. oder auf ander sein zugehörig od frōmde personen nach seinem willen. welchs aber zu seinē tagē kōmpt. das ist vnnnd bleibt mit seiner notterbschafft. oder legitima vnuerpunden als vor gsetzt ist.

### Was vierd gsetze

Von freyem geschick vnd verpindung der kinder vnd enicklein mit widerfellen. doch vnbeschwert der legitima.

**E** mag auch vater oder muter In irem geschaffe Ire kinder oder enicklein so sie zu Iren tagē kōmē sein. mit dem widerfal verpinden nach der elltern gefallen. mit dem. so sie Inen vber die legitima schickē. doch also das die legitima vnbeschwert bleib. als vorgemelt vnd gsetzt ist.

## Das funft gesezte

Von freyem geschick gen vater.  
mutter. Anherren vnd Anfrawen  
vnbeschwert Irer legitima.

**M**eyemant nicht leipliche eeliche Kinder. enicklein  
noch ander erben In absteygender lynien hinter  
Im verlest. sonnder vater. mutter. anherren oder an  
frawen vater oder mutterhalb. so mag es in seinem gescheft  
dieselben sein Eltern In aufsteygender lynie wol mit dem  
widerfal verpinden auf andere zugehörig oder frömde per  
sonen nach seinē gefallen. doch vnbeschwert Irer legitima.  
vñ das ist der drit teil der verlassen habe. des. der solch ges  
schefft tüt. die schuld. so er alsdann schuldig pleibt. zuuor  
an herab gezogen. vnd die lehen hindan gesetzt. vnd was er  
daruber hatt vnd lest. das mag er auch andern zugehörigen  
oder frömden personen schicken vnd schaffen nach seinē ge  
fallen gantz freylich vñ vnuerhindert seiner elltern vnd vor  
faren. Es wer dann mit andern verdingen vnd verpflichten  
außerhalb freyer erbfell. hinter sie verpunden.

## Der zwenundzwaintzigist Tittel

**G**esetz von gelihem gelt vnd allerlay schulde. vnd vō verpot das lehen den kindern zethun. vō verpott des wuchers. vnnnd von betriegern Irer glawbiger. vnd vō vnkrafft der gabe. zugeuerde dē glawbigern beschehen.

### Was erst geseze

Von gelihē gelt vnd desz gleichen. vnd dasselb widerumb zegellten vnd zebezalen.

**N**ach dem das lehen oder das verleihen aygentlich steet In dē dingē. die in zale. gewicht od̄ masz begriffen vnd gemessen werden. wer dann dem andern icht leihet. das sol er im widerumb gellten vnd bezalen zu denselben zilen vnd fristen. die Im gegeben worden sein. oder wo eynich nemlich frist oder zeit der bezalung mit gesezt werden. so sol solche bezalung geschehen. so dieselb gelihē habe oder gut geuordert wirt. Alweg In solcher zal gewicht vnd masz als das gelichen ist worden.

## Was ander geseze

Wen verpott des lehens vnbestat  
ter kinder hinter Irē elltern oder  
vormundern. Auch zu vngottlich  
em vnd zu vnzymlichē geprauch  
vnd sachen.

**D**yemant icht libe, sōnen od tōchtern, die alsdā  
vnabgeschiden In versehung irer elltern oder vor  
mundern stündē. damit sol es gehalten werdē. als  
das sibend gesez des .xiiij. titels dauon Innhelt. vnd des  
gleichē so einer dem andern eynich lehē wissentlich tette zu  
spil oder ander pōser vbung gebrauch od sachen die vngöt  
lich vñ vnzymlich wern. darumb solt er auch. nichts schuldig  
noch pflichtig sein.



## Was dritt gesetzte

Von verpott alles wuchers. gesuchs. vnnnd aller vrkunde briefe vnd schrift denselbē berurende.

**E**s sol nyemant vō dē andern eynichē gesuch noch wucher nemen noch eruordern. sonnder es sol sich ein yeder der bezalung. des. so Im gelihen ist worden. benigē lassen. vngeachtet mācherlay gestalt des wuchers als hauptgut vnd wucher zusammen zeschlahen. vñ in ein sum zsetzen. od vor gerechentē wucher In kunftige haupt sum zeziehen. Es sol auch den. die damit vmbgeen. oder für kōmen. eynich vrkund. hantuessen. einschreibung in das gerichtsbuch. noch ander verschreibung zu glawbwirdiger vestigung oder bestetigung eyns gesuchs noch wuchers mit geben. eingeschriben noch erzewgt werde. vñ wo das darüber geschehe. das solt weder **C**raft noch macht haben.

## Was vierd gsetze

Wen schuld so die Cristen den Juden auf verschreibüß. bekantnus. vollung. eingesetzte pfand. oder sunst erstgelihes hauptguts oder gesuchs vnd wucherhalb darzu geschlagen schuldig sein auf weisung des Juden desselben hauptguts. oder vnbeweist desselbē bereynigüß dē Cristē solchs hauptgutshalb dasselb zubestetten aufzulegen. Auch den Jude vmb die vbermaß des gesuchs. wo die erschyne zurechtuertigen. alles mit vnderscheid. vnd einich dergleichen bekantnus In das gerichtsbuch nit zeschreiben. vnd von der nachuolg der vollung vberwiderweere des Cristen erstanden.

**W**en ein Jud zu einem Cristen clagt. vnd sein Clag oder fürpringen auf ein bekante vollung. oder ein vollüß die nit In widersprochenem gericht. sonnder in Contumaciam erlangt ist. od auf ein Confessat oder bekantnus In das gerichtsbuch oder sunst vor gericht geschehen. oder auf besigelt brief oder pfand die er von dem

Cristen hatt. ergründt ist. vñ aber der Crist sagt. das solche  
sum der vollung bekantnußs des versigelten briefs od schul  
de mit gantz nach laut desselbē hauptgut. sonnder einsteils  
wucher sey. was dann der Jud außerhalb derselben völlig  
bekantnußs vnd schuldbrief weisen mag. das er dem Cristē  
gelihen hab. das sol Im der Crist bezalen. doch das solche  
weisung wie Recht ist mit Cristen. vnd zu Recht benuglich  
beschehe. möcht oder wolte aber der Jud solchs mit weisen.  
was dann der Crist mit seinē Aide betewrē möchte. das die  
sum des gelihē gelts rechts hauptguts were. das solt er Im  
aufrichten. doch ob der Crist von solchem gelihen gelt dem  
Juden icht gesuch. wechsell. gewynnung. oder liebung gebē  
hett. das möcht er daran abziehen. wo dan des gesuchs mer  
dann des hauptguts were. oder ob er im vor außerhalb der  
sum auch icht gesuch gegeben hette. darumb möcht der Crist  
den Judē fürter mit Recht auch fürnemen. vnd was er also  
Rechts hauptguts vber den gegeben gesuch bestetiget. dar  
umb thu er demselbē Judē aufrichtig vñ bezalig. Es wer  
dan der Crist als ein leichtuertig mensch. das er offentlichs  
lasters oder maynids halb so er gethon habē solte. verlew  
müdt wurde. alsdan wer Im solchs Recht mit zeerteilen.

Es sollē auch die gerichtschreiber od ir substitutē zwischē  
Cristen vnd Judē obuerlautte bekantnußs In die gericht  
bücher mit schreiben.

Ob aber auf gegenweere rind verhözung Im Rechten zu  
eylichem Cristen durch die Juden vollung erlangt wurde.  
der sol nach Rechtlicher ordnung nachgegangen werden.

## Das funft gesetzze

Von volziehung der Jude erlangter vollüg oder bekätnuß dauor den Cristen mit personlicher verkundung eins Fronpotten zu erfordern. mit verhorung seiner gegenweere. oder auf des Cristē abwesen oder versammnuß dem Jude auf sein vorgeende betewrüg vnd bestetigung des erstgelihen oder rechten hauptguts vneingezogen eynichs gesuchs verrer zuuerhelffen.

**S** auch ein Jude für gericht kompt vnd hawßbrief oder pfand vor gericht auf bieten od seiner vollung oder bekätnuß mit pfand fordern oder ander Erecucion des Rechten verrer nachuolgen wil. so sol erstlich darauf. dem. oder den Jhenen. der solch briefe oder pfand sind. oder darauf er vollüg vñ bekätnuß hat. durch einen geschwornen Fronpotten verkundt werde. als Recht ist. das der Jud für gericht komen sey. vnd solch begerung gegē Jnen oder iren pfandē gethan habe. Also. ob sie ichts darein zereden. oder dawider fürzepringen haben. das sie dann komen auf das nechst gericht. vñ das durch sichselbs oder durch ir volmechtig Anwalte thun. als Recht ist. kome sie aber mit. vñ pringē darwider Ir notturft od gerechtikeit mit für. so werden sie darnach mit weitter verhörung nit zu

gelassen. sonnder dem **J**uden wirt verrer auf sein fürbrachte pfand vollung oder bekantnüss vmb sein recht hauptgut mit bestetigung seins iüdischen aids gegen den **C**risten verholffen wie sich gepürt vnd Recht ist.

Vnd so söllich verkündung also. wie vor steet. beschehen ist. vnd der **C**rist oder sein anwalt aussen bleibt. vnd der **J**ud kompt vñ seinem Rechte. wie obgemelt ist. verrer nach geen wil. so soll er erstlich seinen iüdischen ayde schweren. das die sūm so er auf die pfand gelihen. oder die im der **C**rist bekant oder die er auf **J**ne eruollt habe. eytel Rechts erstgelihens hauptgut. vnd kein wücher. gesuch. gewynnung. liebüg. noch aufwechsel darzu noch darauf gerecht oder geschlagē sey Auch vmb sölich hauptgut. sunst kein ander pfand mer innen. vnd vormals keinen gesuch. gewynnung. wechsel noch liebüg dauon er oder die seinen. noch nyemant von iren wegē. genomen oder empfangen haben. alle geuerde vnd argelist dar **J**nn gantz aufgeschlossen. vnd so das beschieht. alsdā sol dem **J**udē vmb söllich bestetigt hauptsum verrer rechts verholffen werden. auch so Recht ist.

## Was sechst gesetzte

**W**o ansprach der Cristen gen den  
Juden umb versetzte pfand vnnd  
weisung derselben durch die Cri-  
ste. vnd auf gepruch sollcher wei-  
sung die Juden auf berainigung  
Ires aides dauon zeledigen.

**E**in Crist einen Juden bedagt umb pfand. die  
er dem Juden sol versetzt haben. vnd aber der Ju-  
de solcher versatzung der pfand gar oder einsteils  
in abreden vnnd laugen steet. auf meynung. das Im solliche  
pfand durch ine oder yemant von seinen wegen mit versetzt  
sein. Wo dann der Crist mit beybringt das er de Juden sol-  
liche pfand versetzt hab. so soll man alsdann dem Juden sei-  
nen iudischen Aide deshalben auflegen vnd erteilen. damit  
er von derselben ansprach soll geledigt werden.

## Was sibend geseze

Von den geltern die Ire glawbiger in furnemen derselben betrieggen. vnd nit bezalen. vnd nit vorhāden ist. dauon sie des iren bekomē mugen. dieselben geltez zu sronuesten mit wasser vnd brott durch die glawbiger zehalten.

**A** yemant durch Keuffe. lehen oder in ander weis seinen glawbiger mit geuerde zu schulden od frist derselben schuld brechte. vnd Ine zu seinen zeiten durch sichselbs oder yemant anders von seinen wegen nit bezalte. vñ der glawbiger durch verwillkürt gerichtlich bekantnis vnd vollung. oder sunst durch rechtlich erstanden vollung. oder entlich vrtail. in krafft einer berechten sach. dieselben sein schulde zu Im erlangte. mit fürbringung. weisung. oder mercklicher versehenlicher vermütung söllchs geuerds vnd betriegung. oder so der gelter durch vnkost vñ vnwesen außserhalb rechter Gehaft darüber sein bezalung verzüge. vnd des gelters habehalben gepruch erschyne. also das der nit möcht darauf nachgeuolgt werden. oder nit vorhanden were. so steet in des glawbigers gewalt den selbē seinen gelter in den schuldhurn füren zelassen. vnd den dar Inen zehalten mit zymlicher notturfft wassers vnd brots. solang vnd er Ine damit verlegen wil. oder bis er seinerhalb bezalt außgericht oder vergnügt wirdt. Wo aber der glawbiger erstlich oder darnach söllchs zethun nit vermeinte. so solt der

gelter nach herbrachten vñ gewonlichen dingen vō der stat  
schweren. wie das sechst gesetz des aylften Tittels dauon  
Innhelt. doch mag ine ein Räte nichts destmynder nach ge  
stalt seiner verhandlung straffen. als ein Räte zu rat wirt.

Und ob es aber geschehe od were das der eingeprecht gels  
ter vor seiner entledigung durch yemant anders auf entlichs  
Recht vrtail od vollung. desgleichen geuerdshalb wie oben  
begriffen ist. dermassen auch fürgenomen vñ verpottē wür  
de. so solt es gen demselben gehalten werden wie vor vnder  
schiden ist.



## Das acht gesetz

**W**o vnkrast der gabe vnd vbergabe  
zugeuerde vnd schaden der  
glawbiger furgenomen. gen den  
selben seinen glawbigern.

**E**s soll nyemant. der den lewten schuldig ist. denselben  
seinen glawbigern zu geuerde vñ schaden eys  
nich gabe noch vbergabe yemat anders thun noch  
furnemen. so dann zuuerhindrung oder abpruch gepürlicher  
bezahlung söllcher schuld erwachsen vnd komen mag od wirt  
Vñ wo das darüber beschehe das solte seinen glawbigern  
an irer schuld gantz vnshedlich sein. Doch soll es zwischen  
den Eelewten Irer zuschetz vnd gabehalb besteen vnd ge  
halten werden. auf meynung ettlicher gesetz vnder de zwelf  
ten Tittel Irehalb dauon begriffen.

## **Der dreyundzwaintzigist Tittel**

**G**esetze von allerlay verheftüg  
verpfendung vnnnd irer verpflicht  
mit vnderscheid. gen dem hawsz-  
herren auch der frawen. Ires zu-  
schatzhalb vnnnd entledigung der  
pfand vmb das gelihen gelt. ver-  
lust der pfand vnd Cost darauf ge-  
legt. Auch das einem hinder dem  
andern nicht zuuerpfenden. das  
frombo nicht zuuerpfenden. vnd  
vō enthaltung der pfand auf gan-  
tze bezalung vnd irer entledigung  
durch den selbgeter. auch vō an-  
tastung derselben.

### **Das erst gesetz**

**V**on verheftüg eins Innwoners  
habe in einem haws vmb seinen  
verfessen hawszins gen dē hawsz-  
herren.

**W**emant ein haws bestet. vnd die zeit der bezal-  
lung des hawszins erscheinet. so ist alle des Inns-  
woners habe vnd gut dar Inn begriffen. gen dem

hawsherrn umb söllchen verlessen hawshzins verpfendet.  
vnd darauf mag er dieselben verpfenden habe. mit einē ge-  
schworn gerichtspöten dar Innen versperren vnd In haft  
legen solang vnd verr bis söllch bezalung beschih. oder wo  
das spennig wer. mit Recht aufgetragen wirt. Vñ ob auch  
söllcher verpfennter habe dauor einsteils aufgetragen wer  
worden. nichts destmynder mag er derselben entpfömbdte  
habe In achttagen den uehsten. nach dem im das zewissen  
wirt. an denselben enden nachfarn bis auf entliche bezalung  
desselben verlessen zins.

## **Das ander gesetz**

**Von verpfendung des mans habe  
vnd gut umb seiner Eelichen wirt-  
tin zuschatz Im zugedracht vor  
anderer personlicher schulde.**

**W**iewol der man seiner Eelichen hawshfrawen ey-  
nich besonnder vermechnüßs Irs zuschatz oder  
heyratguts im gegeben. mit gethan hett. oder aber  
Ir vermechnüßs gethan auf allem dem das er lieh. yedoch  
ist alle sein habe vñ gut ir darumb stillschweigend verpfendt.  
Söllchen iren zubrachten zuschatz sie auch darauf behalten

mag vor andern glawbigern den man schuldig bleibt. vñ die  
mit besonder vnd nemlich verpfendung vnd einsetzung da  
vor fürgenommen. darumb haben. aber des andern zuschatz  
oder heyratgutshalb. so der frauen zu widerlegüg gesproch  
en wirt. damit solle sie dermaß nit gefreyet sein. doch vnuer  
griffen dem fünften gesetz des zwelften Tittels. von den  
ihenen die zu offem kram vnd marckt steen lauttend. vnd der  
vermechnußshalb yetweders zuschatz. damit soll es gehal  
ten werde auf meynung des achten gesetz des selben zwelf  
ten Tittels.

### **Was drit gesetz**

**Von ledigung vnd losung verpfen  
ter habe vmb das gelihē gelt dar  
über vnbeschwert.**

**W**Je einer einich habe vñ gut verpfendet. oð pfands  
weis eingibt. das soll vnd mag er auch ledigen vnd  
lösen zu den zeitten vñ in aller dermaß als das ver  
pfendet ist wordē. doch also. das der. der sollchs pfandswei  
se eingeben hat. ober die rechten hauptsummi. oder haupt  
schuld. nit beschwert werde.

## Was vierd gesezte

Von ergerung oder verlust des pfands on schuld vnd schade des Inhabers. vnd von bezalung derselben schulde.

**D**as pfand in handen vnd gewalt. des. dem das verpfandt ist worden. on sein schuld geergert oder verloru wirt. so soll er des keinen entgelt noch schaden tragen. vñ er mag auch nichts destmynder dieselbe sein schuld an dem selbgeter oder seinen erben eruordern vñ einbringen. vnd der oder dieselben sein auch schuldig dieselben schuld zebezalen.

## Was funft gesezte

Von bezalung des. so notturfft halb des pfands darauf gelegt wirt.

**E**iner icht pfandsweis innhat. vnd notturfft halb des pfands etwas darauf legt. das soll In der selbgeter mitsampt der hauptschuld bezalen vnd aufrichten.

## Das sechst gesetz

Von einem pfande. das. mer perso-  
nen hintereinander nicht zuever-  
pfenden. vnd von vorgang des er-  
sten. Auch von peene der misztet-  
tigen.

**E** sol ein einich pfand nit mer personen hinterein-  
ander verpfendet werden. vnnnd wer das vberfüre.  
der soll darumb zu peen verfallen sein den vierden  
tail des rechten werds. des. so er vber die ersten verpfendung  
zuerpfenden fürgenomen hat. mit sölicher vnderchied. das  
der halbtail sölicher peene gemeiner stat. vnd der ander halb-  
teil. dem. oder den Thenen. den söllche nachuolgende verpfen-  
dung beschehen ist. gefallen vnd werden sol. vnd darzu wel-  
cher die ersten verpfendung darauf hat. der solle damit den  
vorgang haben. vnuerhindert der andern darnach volgedē.  
vnd der verpfender sol auch die andern nachuolgenden ver-  
pfendung. von demselben pfand ledigen. auf seinen Cost. on  
des ersten. vnd der nachuolgenden. schaden vnd entgelt. vnd  
es möcht auch der verpfendter so geuerlich damit handeln  
vnd fürnemen. das ine auch darzu ein Rat straffen mag als  
er zu rat würde.

## Was sibend gesez

Von verpot einich frombde habe  
zuverpfenden. vnd von eruordrüg  
der schulde an dē selb geltern. vnd  
von straffe der miszhandler.

**E**s soll auch nyemant frömbde habe. die nit sein ist  
verpfenden. on des willen. des die hab ist. vnd es  
soll auch dem. des dieselb habe ist. söllche seine ha  
be. von den. bey den er die funde. söllcher verpfendunghalb  
vnbeschwert volgen vnd widerwerden. doch mag der. dem  
söllche verpfendung geschehen ist. sein schulde an seinē selb  
gelter. von dem er söllch pfand hat. eruordern vnd einpringē  
Vñ es mag auch derselb miszhandler darumb gestraft wer  
den. nach erkantnis der vrteiler oder des Rats nach gestalt  
der sach. als sich gepürt.

## Was acht gesez

Von enthaltüg der pfand bis auf  
bezalung aller schulde. darumb sie  
verpfendt sein worden.

**W**as pfand einer umb ein sum oder schuld Innhat.  
die alle mag er pfandsweis innenhaben vnd behal  
ten solang vnd verr bis er der gantzen sum oder  
schuld gentlich außgericht vnd bezalt wirt.

## Das newnd gesetz

Von entledigūg der pfand durch  
den selbgeter an welchen enden  
er die betrit vmb die gelihē haupt  
Summ außerhalb gerichtlicher  
entpfrombung.

**M**yemant einich pfand Inhet. vnd die andern  
leuten eingebe. od im die sumst entpfrombt wür-  
den. vnd der selbgeter sollch sein pfand an densel-  
ben enden erfüre vnd treffe. so mag er sollch pfand wider  
umb erfordern vnd zu seinen handen pringen auf bezaling  
der sum. darumb sie von im verpfendt sein wordē. Wo aber  
eynich angreifen vnd entpfrombung sollcher pfand nach  
gerichtlicher ordnung geschehē wer. darbey solt es bleiben.  
als dauor auch gesetzt ist.



## Das zehend gesetz

**W**o gerichtlicher angreiffüg vnd verkauffung eingesetzter verwillkurter. beweglicher vnnnd unbeweglicher pfand. vnd Irer anpietung gen dem selb gelter.

**W**emant bewegliche oder unbewegliche pfand Inhat. vnd die anzugreifen vñ zeuerkauffen vermeint. oder von andern schuldigern durch gepürlichen gerichtszwang darzu pracht wirdet. so soll er söllliche pfand nach ordnung vnd gewonhait ditz gerichtts vor dem Richter vnd gerichte aufpieten. vnd darauf soll im der richter erlauben dasselb pfand durch geschworn vnderkeuffel oder fürkeufflin getrewlich auf das maist zeuerfaissen In vierwochen vnd einem tag darnach dē nehesten. vnd was dan söllch pfand auf das höbst gelten mag. darumb soll er es dē selb gelter nach ordnung des gerichtts In laut vorbegriffner Statut anbieten. der mag alhdann das pfand darumb lösen. vnd selbs behalten. vnd so er aber das nit thun wil. so wirdet es dem kauffer von gerichtts wegē bestettet vmb söllch Kaufsum. ob er es darumb behalten wil. Wo er aber söllch pfand vmb söllche sum. so er darauf gelegt het nit behalten wolt. so soll das dem. dem das pfand eingesetzt. vmb die sum. die. wie vorstet. darauf gelegt ist. angepotten werden. der dann macht haben soll dasselb pfand vmb söllche aufgelegte Summ zebehaltten. wo er aber das nit darumb behaltten

wolte. so sollt das pfand fürter durch geschworne vnterkeüf  
fel oder vnterkeüfflin anderwait auf das höchst vnuerzogen  
lich verfailst. vnd in vierzehentage darnach den nehesten ver  
kauft. vnd der glawbiger dem das pfand gesetzt ist. wo es  
die geliben sum oder schuld mit sampt den erlitten Cost vnd  
scheden auf messigig rechtlichs entschieds erraichen mag.  
entricht vnd bezalt werden. Vnd wo aber söllich verkauft  
pfand. den werd der schulde vnd erlittner Cost vnd scheden  
nit erraichte. so soll im vmb die aufsteende vbermaß sein vor  
drung gegen seinem gelter vorbehalte sein. ob aber darüber  
einicher vberlauf bestünde. bey wellche tail sich das begeben.  
der sol volgen vnd werden dem herren des pfands. od an  
dern nachuolgenden glawbigern. oder andern. die gerechtis  
keit daran hetten. vnd auf span derselben solte söllche vber  
maß auf auftrag des Rechte hinter das gericht gelegt wer  
den. vnd ob söllchs vnberweglichs pfand einen aigenherren  
hette. so sol es gen im mit anpietung vnd annehmung gehalten  
werden. auf maynung des achte gesetzs des aylften Tittels.

## **Der vierundzwaintzigist Tittel**

**G**esetze von mangelray hinlei-  
hen zu zimlichem geprauch *Acco-*  
*modatum* genant. Vnd vō wider  
legüg verschultes schadens. auch  
nach dem verlihen geprauch. vnd  
von widerkerung des. so gelihen  
ist.

### **Was erst gesetz**

Von zimlichem geprauch entle-  
hēter pferde. kleinat. bucher. oder  
anders varends oder ligends. vnd  
vō verwarüg derselben. oder wo  
das nit geschehe. sollichen schade  
zebezalen.

**E**iner dem andern verleiht pferde. Flainat. Flai-  
der. bücher oder anders ligends oder varends zu  
einem besonndern geprauch. vnuerdingt vñ vnuer-  
pflicht eynichs lons. darüb. so mag der. dē söllcher geprauch  
verlihen ist. dasselb. Inmassen vñ im das gelihen ist. geprau-  
chen. Also. das er söllchs dem. der im das gelihē hat. auf söll-  
lichē geschehē geprauch widerumb vberantwurtē sol. vñ vor  
aufgāgs des geprauchs. ist er nit schuldig dasselb wider zes-  
kerē. od dē abzetrete. Vñ der. dē söllchs verlihē ist. ist schul-

dig mit souil vnd mer vleys das zübewaren. dann ob es sein  
augen habe oder gut were. vnd so vber söllichen seinen gepür  
lichen vleys vnd seinerhalb rnuerschuldt einicher schad dar  
an bescheh. darumb ist er nichts schuldig. vnd wo aber söl  
licher vleys mit gescheh. vnd auß seiner verschuldung od ver  
sawinnuß. oder auß seinem mißprauch dieselb gelihen habe  
geergert. beschedigt oder verloru würd. so ist er schuldig den  
selben schaden züwiderlegen vñ zügelten. vñ wo aber einich  
besonnder geding zwischen Inen beden gescheh. dabey solt  
es zuuoran bleiben.

## Das ander gesetz

Von entlehenter habe inen beden  
zu nutz vnd frommen. vnd der ver  
pflicht des schadens derselben. al  
lein so der auß vornehmlichem ge  
uerde vnd verschuldung beschicht  
vnd sunst nit.

**D**yemant dem andern ligende oder varende ha  
be zu sonnderm geprauch verleihet. von vrsachen  
wegen sie bede berürende vnd antreffende. so ist  
der. dem gelihen ist. allein alsdann umb den schaden schul  
dig so der seinerhalb auß geuerde. od auß der merern schul  
de. die man zu latein nennet latam culpam. beschehen wer. vñ  
sunst nit.

## Was dritt gsetze

Von bezalung des schadens ent-  
lehenter habe. so der nach dē ver-  
lihenem geprauch beschicht.

**M**einer gelichne habe vber gepurlichē geprauch.  
darnach lenger in seinselb geprauch auß seinselbs  
verschuldung oder versawmnuß behielt. vnd na-  
der zeit des verlihē geprauchs einicher schad daran gescheh  
wie sich der machte. vnd ob auch solcher schad In des han-  
den. der desselb lehen getan hat. auch het geschehē mügen.  
so sol der. dem gelihen ist. solchen schaden gellten vnd beza-  
len. dem. der das gelihen hat. Vnd ob sich In dem oder an-  
derm icht besonnder gedinge begeben. darbey sol es auch  
bleiben.

## Was vierd gsetze

Von vberantwortung. außricht-  
ung vnd bezalüg entlehēter habe.  
von dem Ihenen. dē das gelihē ist.

**M**eynant dem andern einich gelt. parschaft. var-  
nuß oder desgleichen vnbestympt der zeit leihet.  
so ist der. dem gelihen ist wordē. schuldig. dieselbē  
gelihen habe. yezuzeytten auß eruordnung des leihers. Im  
wider zegebē. vñ so aber ein zeit des widergebens bestymet  
wirt. so sol dasselb auß solche zeit beschehen on entgeltmus  
des leihers.

## Der funfundzwaintzigist Tittel.

**G**esetze von bestentnuss. Kew-  
mung vnd vertretung der hew-  
ser. vnd von verpfendung des. so  
darinnen ist. vmb hawsszins. vnd  
Irer vertrettüg. Auch vō vsach-  
ern des prands. vnd vō hinlassüg.  
acker. wysen. meyer. pferd. schaf-  
fe. Auch von lerungen. vnd vō be-  
schedigung auß den hewsern ge-  
fugt.

### Was erst gesetzte

Von bestentnuss der hewser vnd  
herberg. vmb nemlichē zinsē. vnd  
von notturfftiger pesserung der-  
selbē vnd Ire zimlichen geprauch  
vnd vō bezalung der hawsszinsē.

**W**ei einer dem andern ein hawss. herberg oder  
wohnung vmb einen zins auf ettlich zeit oder Jare  
verleht. Wie sie dann bedersseit solch verdingg  
miteinander machen vnd aufnehmen. dem sollen sie also

nachkomen. vnd wes das hawfs ist. der sol notturfftige gewerwe vnd pesserung zu gepürlicher Inwonung. dienende. dar In thun vnd verlönnen. vnd was aber mit seins hawfs herren wissen vnd vergunst zu solchen gewerwen. vñ pesserunge darlihe. vnd aufgabe. das sol In an seinem hawfszins abgezogen werde. so sol der Inwoner seinen hawfszins zu rechter zeit vnd weil. Nemlich allweg halbē zins zu halbē Jar aufrichten vnd bezalē. Es wer dann das sie sich In solcher bezalung. In dem geding derselbē bestentnuss anders vereint hetten. dabey sol es zuuoran bleiben. Vnd es sol auch der Inwoner sein hawfs oder gemach zymlicher weis geprauchen. on schwerlich verlich beschedigung desselben.

## Was ander geseze

Von reymung der hewser vor ausgang der zeit solcher bestentnuss. durch ettlich besonder velle. vnd von abgang des hawfszins nach marckzal mit vnderscheid.

**D** bestentnuss der hewser od gemeche umb einen zins vnbegebē hernachvolgender velle fürgenomē werden. vnd so dann sich hernach begeben das dem hawfherren ein solche not eemalñ vnfürsehē zustunde.

das er außhalb desselben hawfs kein andere wohnung hett.  
vñ solchs dē Inwoner zuwissen tett. so sol der Inwoner dar  
auf das hawf rawmen. In souil zeit. als nach gestalt der  
sachen vñd aller gelegenheit durch einen Ratt oder Burs  
germaister gepilicht wirdet. vñ was darumb also gepilicht  
wurde. darbey sol es bleiben. vñd desgleichen zu dem an  
dern so hurerey oder verpottne spil. vñ dergleichen büberey.  
durch den Inwoner dar Innen geschehen. oder andern vñ  
Im darinnen gestattet wurde. Zu dem drittē. so das hawf  
einen solchen mercklichen schaden dauor vñfürsehen het. od  
entpfienge. deshalbē es einfallen. oder garschwerlich bes  
schädigt werden möcht. Also auch das derselb paw vñ pess  
serung In seiner Inwohnung mit fug mit beschehē möchte.  
vñd in dissen zweyē fellē ist der Inwoner auch schuldig ze  
rawmen als dauor gesatzt vñd vñderschieden ist. vñd in dem  
ersten vñd dritten vall sol den Inwonern an dē hawfszins  
souil abgen. als sich nach anzal der zeit gepürt. Aber in dem  
andern valle sol im an dem hawfszins nichtz abgezogē wer  
den. von seiner posheit wegen. Es wer dann das er dasselb  
hawf ober kütlichs wissen söllicher person od misprauchs  
hingelassen hett.

Wo aber der hinlasser eins hawfs. oder gemachs dasselb  
hawf In der zeit der bestentnuss verkauffte. In fürsatz  
dasselb durch den besteer zerawmen. vor außgang der Jare  
oder zeit seiner bestentnuss. vñd so dann der hinlasser solch  
en seinen verkauf dem besteer nach sant walpurgē. vñd vor  
aller heiligen tag kütlich zuwissen thut. so sol der besteer  
solchs hawf oder gemach rawmen vñd seiner bestentnuss  
absteen auf den nehesten sant walpurgē tag darnach volgen  
de. vñd so er aber solchs dem besteer vor erscheynung aller  
heiligen tag. als dann man pfligt hewser zebesteen. nit zu  
wissen tüt. so mag der besteer dan nebstnachuolgendē sant



walpurgen tag bis alßdann vber ein Jar darinnen bleiben.  
wo sich anders die bestentnuß souerr oder lenger stretchte.  
vnd so sie aber dauor erschyne. so solt er auf die zeit der ers  
scheynung für sich selbs rawmen yezuzeytten mit bezalung  
nach marckzale souil hawßzins. als sich auf die zeit der ver  
melten rawmung gepürte. vnd wo aber bedeteil solcher bes  
tentnußhalb ander besonner geding tetten. vnd aufnes  
men. damit solt es gehalten werden auf meynung dess. neh  
sten gesetzts.

## Was drit gesetzte

**W**o besitzung der hewser vnd gemeche durch die besteer vnd Ir erben. oder die andern zymlichen personē zuuerlassē. mit verpflicht der besteer der bezalüg der hawßz zynse.

**O**yemant ein hawß. wouung. od gemach besteer. so sol er das die zeitt solcher bestēt nuss personlich besitzen oder er mag das andern zymlichē personen zu redlichem geprauch an seiner stat die selbē zeit verlassen. damit der hawßher eynnichs mißprauchshalb mit beschwert werde. vnd ob aber der besteer vor der zeit der erscheynung solcher bestentnuss. mit tode abgeet. vnd erben. oder yemant anders Im nachuolgend verlest. so sein die selben verpunden solche bestentnuss dermassen vñ die beschehē ist. In aller dermass als der gestorben zehalten mit personlicher besitzung. oder mit verrer verlassung zymlichen personen zu redlichem geprauch wieuor steet. doch allweg also das der recht besteer. vñ sein erbē. oder Ir nachkomē nichts destmynder yezuzeitē vmb die bezalung der hawßzinsse verpflichtet bleiben.

**U**nd mit Kewmung solicher hewser. vnd gemach. soles Ir aller halb gleich gehalten werdē. wie das gesetzte hieuor begriffen dauon Innhelt.

## Was vierd gesetzte

Von pfendung vmb hawßzinnse  
auf erscheinung der zil. des so die  
besitzer darinnen gehabt oder ha  
ben. vnd vō verrerm hinlassen der  
besteer vnd Ir yedes verpflichtet  
der hawßzinszhalb.

**D**ie hinlasser irer hewser oder gemeche die mügen  
omb ir verfallen hawßzins auf verzug der bezas  
lung derselben. vmb souil als dieselben. hinderstel  
ligen hawßzinnse treffen. auf ersuchung yezueittē eins Rich  
ters durch seinen knecht. dē besteer oder Inwoner. omb das  
so er dar Innen hat zusperrn. vnd damit nach herprachter  
volziehung. sol im souil verholffen werdē. damit er darumb  
vnuerhindert außgericht wirdet. vñ so der besteer zu vnzeit  
ten außzuge. oder auch zu rechter zeit vnenricht vnd vnuer  
gnügt des hinlassers. so hat der zinnsherr macht omb sein  
gantze zinse darumb der bestand beschehen wer. des bes  
teers hab vnd gut. so in demselben hawß oder gemach  
gewesen ist. oder auch auf gepruch derselben annder seine  
habe vnd gut. wo er die betretten mag. In vorgemelter  
maynung mit versperrung oder verpott fürzenemen. vnd  
zehanthaben mit eegerürter volziehung. solanng vnd verr.  
bis er desselben hawßzins vnd seiner scheden deshalb erlit  
ten außgerichtet oder vergnügt wirdet. doch so der besteer  
vnd besitzer yemant anders dasselb hawß oder gemach ver  
lest. so sol desselben nachuolgenden Inwoners habe vnd  
gut omb solchen hawßzins. so er dar Inn versitzt In aller  
dermaß verhafft sein. als des ersten besteers. vnd ob dem

hawsherrn daran icht abgieng. so solt umb solchē abgang  
der erst bester mitsampt dem seinē nichts destmynder vers  
punden vnd verpflichtet sein bis auf entlich bezalung des  
hawsherrn.

**Das funft gesetzze**  
**Wō** vertretung verlassner hew  
ser durch den hawsherrē In sein  
selbs sachen. one entgelt nuss des  
Inwoners.

**S**ich begeben das der. der eynich hawsh. herberg  
oder wnung bestanden het. von yemant. eintreg  
oder anforderung hett. auf meynung das der haws  
lasser nit macht oder recht gehapt solt haben. solch hawsh.  
herberg. oder wnung hinzulassen. so solt derselb hawsherr.  
dauon erfolche bestentnuss hett. dieselben vorderung vertret  
ten. vnd Ine dauon ledigen vnd lösen one sein scheden. die  
redlich vnd vngewerlich hieszen vnd wern.

## Das sechst gesetzte

Von vrsachen der tettigē personē  
des pranns bestandner hewser.  
vnnnd der selben widerlegung des  
schadēs oder straffen an Irē leibē

**A** yemant hewser vmb Irlichen zynß bestee vn  
auf seinem grossen vnd mercklichen vnfleiß geuer  
de vnd mishandlung. In solchem seinem bestan  
de hawß auf seiner verschuldung fewr außkōmpt. dar durch  
das hawß gar oder eins teils schadē entpfecht. so ist der selb  
besitzer oder zynßman verpflichtet vnnnd schuldig dem hawß  
herren des es ist. von dem er das bestanden hat solchē seinē  
schaden deßhalb erlitten nach zymlichem werde vnd messig  
ung des rechten. souerr vnd er das vermag zebekeren. vnd  
zewiderlegen nach bederteil verhörung. vnd nach beweiss  
ung des hawßherrē der vermelten verschuldung oder sarom  
nuss nach Rechtlicher erkantnuss eins Rats oder des ges  
richts. mit vorbehaltung eins Rats straffe an Irē leiben  
nach gestalt der verhandlung der Ihenen die das zebekere  
am gut mit vermügen.

Vnd deßgleichen. So mer dann ein hawßgesind In einem  
hawß gemeche oder wonüg haben. vn yemant auf den selbs  
en In vorgemelter meynung auf seiner verschuldung oder  
versaromnuss vrsach des prands vnd schadens gibt seinen  
mitwonern. hawßgenossen oder hawßherren. so ist der oder  
dieselben. In vorberürter maynung schuldig denselben ges  
fügten schadē den yetzbestympten personen zewiderlegen.  
abermaln mit vorbehaltung eins Ratts straffe an den leib  
en der Ihenen. die das an dem gut mit vermügen.

Vnd ob der erbman das hawß selbs besesse. vnd In vorbe-  
rürter meynung verschuldlich od verferomlich handelte. dar-  
durch das hawß gar od einsteils verprant wu. de. so solt der  
selb erbma gen seinē aigē herrē In aller der verpflicht steen  
als der Ihene. der es von Im bestanden hette.

Vñ ob d erbma sein erb vñ hawß hingelassen het. vñ in vor-  
berürter meynung durch den besteer mit prand schad daran  
beschehe. vnd der erbman den besteer vmb sein erlittē sches-  
dē des hawßhalb fürneme. was dan der erbman daran ent-  
pfienng. das solt im In eegemelter meynung bleibē. doch mit  
disey verpflicht das alßdann der erbman dasselb erb wider  
umb zubezimmern vnd zepawen schuldig vnd pflichtig sein  
solle. vnd so aber der erbman den besteer In einem vierteil  
Jars dem nechsten darnach rechtlich mit fürneme oder an-  
uorderte. vnd sich seins erbs gantz verzige vnd entewsserte  
doch mit bezalung vowerfallner aigēzins. so ist der erbma  
solcher beschedigunghalb gegē seinem aigēherrē geledigt.  
doch so mag der aigenherr alßdan sein vordrung gegē dem  
mistettigen oder verferomlichen besteer fürnemen. des bes-  
schehen prandshalb. In aller dermas als der erbman hett  
thun mügen.

## Was sibend gsetze

Vō hinlassung Ecker. wysē wey-  
er. vmb nemlich zynse. oder nutze.  
vnd vō des mietters vntatt. seins  
aigen miszprauchs oder verhand-  
lung.

**A**cker wysen oder weyer. vnd dergleichen. hins-  
gelassen werdē. damit sol es auch nach abrede der  
vereynung desselbē gedings. also doch. das solch  
geding aufrecht vñ gepürlich sey. gehalten werden. vñ was  
aber der mieter der das bestanden hat auß aigner seiner ver-  
schuldung yemant anders damit vngepürliche schadē fūgte  
oder tette. darumb stūnde er seinselbs verpfflicht vmbes-  
schweert des. der **I**n das gelassen hatt.

## Das acht gesetzze

Von hinlassung vnd bestentnuss  
der pferde. Vnd bederteil ver-  
pflicht verdingt vnd vnerdingt  
desselben geprauchts.

**D**einer dem andern ein pferd zu seinē geprauch  
verleihet vñ vermietet mit nemlichē geding. des  
sie sich dann miteinander vertragen. so sol es bey  
solchem verdingt pleiben. vnd so aber nichts anders dan der  
lone verdingt wurde. vñ andere gelegenheit vnerdingt auf  
ir selbs bestunde. was dann das pferd Schadens entpfienge  
auf verschuldung oder dergleichen versawonnuss des. der  
das bestanden hatt. oder durch seinē anwalt oder sachwal-  
ter. den wer er schuldig zegelten. sunst gibt er seinen lone. vñ  
ob einich Irrung darinn entstunde. so mag er das pferd dē.  
der Im das vermietet hat. vberantworten. der es auch auf  
Rechtlichē auftrag anzenemē schuldig vnd pflichtig ist. vñ  
wo aber das durch dē herrē des pferds verachtet wird. so  
mag der bester oð mieter. das für sein hawß wohnung oder  
thur stellē. vñ anpindē. mit kuntlichē wissen. vñ in gegēwur-  
tikeit der beysteenden bezewgen. das er Im das also vber-  
antwort hab. vnd ob darnach. einich schad dē pferd zustun-  
de. darumb ist der. der das gemietet hatt fürpasser vner-  
pflicht vnd on schadē. vñ geschicht omb Ir spenn der haupt-  
sachen souil vnd recht ist. vñ so aber yemant dem andern ein  
pferd libe Ingunst vñ frewntschafft on alles besonner ver-  
ding. so sol es damit gehalten werden. wie In dem ersten ge-  
setz des .xxiiiij. tittels begriffen ist.



## Das newnd gesetzze

Von hinlassung der schaff. hemel.  
oder lemmer. vnnnd der verpflicht  
desselben. so das redlich ist.

**D**er verlassen werden schaff. hemel. vnd lemer vmb  
Jerliche zins. wie dan solchs geding auf genomē  
wirdet. doch also das es gepurlich vnd redlich sey.  
darbey sol es bleiben. vnd wo der scheffer vermeinte. das im  
vber sein gepurlich vñ nottürfftig bewarung einicher schad  
oder abgang daran beschehen were. solchen schaden solt er  
oder der. der die schaff. lemmer. oder hemel bestanden hat.  
mit der harot des totten schaffs. od̄ sunst gepürlicher weiß  
beweisen. vnd so derselb schad von gottes gewalt. oder auß  
einē zufalle on sein schuld oder versawmnus beschehē were.  
darumb solte er nit verpflichtet sein. vnd was aber schadens  
auß verschuldūg des. der die bestandē hett oder seiner schef  
fer oder diener oder ander Im verwant beschehē were den  
solte der. der die gemietet. oder bestanden hett aufrichten  
vnd bezalen. vnd desgleichen sol es auch mit Ewen vnnnd der  
gleichen gehalten werden.

## Das zehend gesetzte

Von verdingen der leriungen zu  
hantwerckē. oder andere lernūg.  
vnd von bederteil verpflichtet gen  
einander.

**B**yemant verlest. oder verdingt leriungen Knab  
en. oder meydelein. zu lernung eines hantwercks od  
ander künst. wie sie dann bederseit sich verdingen  
vnd eins werden. doch also das solch verding. ersam. redlich.  
vnd zymlich. vñ der ordnung desselbē hantwercks nit wider  
wertig sey. solchem geding sol von bedenteilen also nach ge  
gangen werden. Auch also das der Jung dem maister trew  
lich diene. vnd was dasselb hantwerck oder lernung antrift  
Im gehorsamlich veruolgen sol. Auch sol er Im nit stelen.  
noch das yemant anders wisentlich verhengē. dargegē der  
maister den Jungen auch getrewlich lernen vnderweisen vñ  
zymlich halten sol. Vnd ob der Jung vor. aufgang vnd er  
scheinūg der leriā vngēurlaubt on völlig vñ redlich vrsach  
en. von seinem maister lieff oder abschid. wider das bescheh  
en geding. darumb sol der. der sich für denselbē Jungē vers  
pflichtet hat. dem maister für die vbermaß gnug vñnd auß  
richtung thun. was sich dann nach gleichen vñ pillichē ding  
en. vñ nach gestalt der sachen dafür zethun gepürt nach er  
kantzus der vrteiler als Recht ist.

## Was aylfft geseze

Von beschedigung des außwerff  
fens vnd außgüsse, an personen  
oder gut die zubekerē vnd zeman  
deln oder gepurliche straffe der  
halb ze leiden.

**O** yemant auß hewsern oder gemachē außwurffe  
auß schüttet, oder auß güsse an gemeine strassen  
dauon einicher personen an seinem leib, an seiner  
habe, oder an seinen kleidern schad beschehe, so ist der selb  
tetter schuldig dem beschedigten seinen schadē, deshalb er  
litten zewiderlegen, vñ so yemant dauon vnuerdacht des tet  
ters an seinem leben beschedigt wurde, also das er deshalb  
mit tod abgeet, so sol solcher schad mit fünfzig guldein **K**ein  
isch widerlegt sein, wer es aber das sunst der schade mit  
verwundung oder andern an dē leib beschehe, so ist der tet  
ter schuldig zuuoran das artzlon außzerichten, vnd souil be  
ferung als auß messigung des schadens vnd nach gelegens  
heit der sach an den enden, da sich das zurechtuertigen ges  
purt erkant wirdet, doch eins Rats straffe hier **I**nne vorbe  
halte nach grösse geuerde, vnd gestalt der verhandlung die  
fürzenemen.

## Das zwelfft gesetzze

Von beschedigung der anhenge:  
vnd anderm von den hewsern ge-  
uerlicher weise. vnd Irer beker-  
ung. peene vnd straff.

**D**yemant anhenge der laden oder anders an den  
hewsern hat. dauon den fürgeenden nach versehē  
lichen dingen beschedigung an Iren personen ent-  
steen mag. ist einem yeden erlawbt den Inwoner desselben  
hawfs auf gutlich ersuchen mit Recht zebedlagen. vmb ab-  
stellung derselben geuerlichkeit vnd notturfftige verwarung  
kunfftige schedē zeuerhütten. vnd so aber der besitzer des  
hawfs. oder sein hawfsherr eemalij ersucht od vnersucht der  
abstellung solch verlicheit nach zymlichē dingē mit verwart.  
vnd yemant dauon schaden entpfecht. so ist der besitzer des  
selben hawfs schuldig solchē schaden dē beschedigtē nach  
bederteil verhörung. messigung vnd erkantnuß der orteler  
zebeferen. doch mit vorbehaltung eins Rats straff nach ge-  
stalt der verhandlung.

## Was dreizehend gesetz

Was ein yeder. so in bestandē zyns  
hie wonet. auf das lengst. vor ver-  
scheynung des dritten tags. nach  
gedingtem zil. seinē gemach rawn-  
men. oder die irrüg. so deszhalb er-  
schine vor derselben zeit aufzze-  
tragen.

**I**n yeder innwoner diser stat. der in bestandē zyns  
wonet. der sol zu seinem bestanden zil. darauf **I**m  
aufzziehen gepürt fürderlich zu rechter zeit. vnd  
nemlich auf das lengst vor aufgang des dritten tags nebst  
nach dem gedingten zil. sein hawß oder gemach rawnen. vñ  
aufziehen. damit ein ander. der nach im kumpt. seinthalbē vñ  
geengt vnd ungeirtt bleib. **O**b aber einicher innwoner mit  
seiner zynsherrschaft seins bestanden gemachshalben spen-  
nig wer. Also das er vermeint in seinem bestandē gemach len-  
ger zubleiben. vnd die zynsherrschaft vermeint **I**m sein ge-  
mach mit lenger versprochē habē. so sol der zynsmā vor auf-  
gang des bestanden zils zeitlich die sach mit Recht anfahē  
**U**nd vor aufgang des zils entlich auftrag. Also das er die  
vorverscheynung des dritten tags. nach dem gedingten zil.  
ob er die sach durch recht verlüre. on lengern verzug. sein ge-  
mach rawnen müg. **E**s were dan das im lenger vergunst vñ  
seiner zynsherrschaft im hawß zubleiben vergünt würde.  
dann welcher das oberfüre vñ in seinem bestanden gemach  
darauf **I**m zuziehen gepürt. ober das bestanden zil lenger  
blib. der sol vmb ein pfund noui gepfendt werden.

Der sechszwaintzigist Tittel.

**G**esetze vō eigenschaft vnd erb  
schafft vnd irer verpflicht in der  
Stat vnd auf dem land. vnd vō ge  
rechtikait der eigenherrē vnd erb  
herren. vnd iren anpiettungen des  
erbs vnd derselben verschickung  
vnd vbergab. Auch teilung vnuer  
erbter aigen. vnd aigē vnd erb vn  
gesundert zuenthalten. von reu  
müg der erb gleicher gerechtikeit  
der eigenherren auf widerkauf  
der verpflicht pawnerb. vnd be  
teuerung des eigenherren seines  
ausstands. Auch von vnkraft der  
entpfrombungen. vnd wechsel  
der erb. vnd vō erbpflcht vnd hāt  
lon. Auch gen seiēm herrē vnd ge  
prauch der holtzmarck vnd ver  
pot der muntherren. vnd von den  
pawmen die auf der anstoffer  
grund mit iren esten raichen.

## Was erst gesetz

Wen verpflichtet der erbe vnd erb-  
leute gegen iren aigenherren alhie  
in der Stat. mit bezalung irer zyn-  
se. gült vnd weisat.

**D**ie erbleute sollen iren aigenherren Ir aigenzyns  
gült oder weisat. so sie inen von den erben alhie In  
der Stat vñ darbey. oder darumb gelegen zu nem-  
lichen zeitten schuldig sein. zebezalen. vnd es haben auch die  
aigenherren macht. gewalt vnd recht dieselben erbe od̄ erb-  
leute vnuercheidenlich vmb die veressen vnd aufstendigē  
gült. oder weisat. die zebezalen. zeermanen vnd zeeruordern  
also das bederseit das erb. vnd auch die erbleut vnuerschei-  
denlich darumb verpflichtet sein. solang bis yezuzeytten sol-  
lich zynse. gült vnd weisat entrichtet vnd bezalt werden.

## Was ander gesetz

Von anpiettung des erbs seinem  
aigenherrē so das verkauft wirt.  
vnd von der wale des aigenherrē  
das zebhalten vmb dieselben  
kauf Summ.

**A**der erbman sein erb yemant andern verkaufft  
vmb bereit gelt. od̄ auf künftig zeit oder zil. so sol  
er dasselb erb seiem aigenherren vmb solche kauf  
sum̄ ob er sich seinselbs anpietten nit wolt benügen lassen.  
durch einen schöpfen oder vrteiler des Statgerichts. oder  
pawrngerichts. oder durch einen fronpottē. oder aber durch  
glawbwirdige vrkünde. so der aigenherr nit entgegen ist an  
pietten. vnd alsdann hat der aigenherr macht vnd gewalt  
nach diser Stat herkomen vnd recht vierzehen tag die wal  
zhabē. denselbē kauf dermassen anzenemen. oder dē kauf  
fer des zuuergönnen. mit vorbehaltung seiner zynse aigen  
schafft vnd rechten. vnd ob der aigenherr auf ploß angeben  
des erbmans im nit glauben wolt. der angegebenen kaufsum̄.  
oder derselben angepotten frist. so soll der erbman dieselbē  
kaufsum̄. vnd die zeit der bezalung mit seinem Aide in recht  
bestetigen. vnd behalten. vñ der aigenherr mag auch auf an  
nehmung des kauffs das erb für sichselbs behalten. oder dz  
einem andern geben volgen vñ widerfarn lassen auf entrich  
tung vnd bezalung der angegebenen vnd behalten kaufsum̄  
dem verkauffer vnd erbman.



## Was drit gesetz

Von geprauch der erbe in geschef-  
ten. teilung. vbergab vnd derglei-  
chen verenderung. vnd vorbehal-  
tung der recht des aigenherren.

**I**n geschefften vnd in teilungen verlasner erb-  
schafft vnd dergleichen vbergabe vnd handlung.  
da man dann dem erb kein besondere sum kaus  
weise aufsetzt. tut nit not sollchs mit wissen vnd willen des  
aigenherren furzenemen. doch sollen sich die erblevte gen  
inen erzagen vnd einschreiben lassen. damit sie iren aigen  
herren kundig werden. Vnd in dem allem sollen den aigen-  
herren ir aigenschafft zyns vnd recht vorbehalten sein.

Vnd so dann der personen zu dem erb gehörende vil sein. so  
sol alweg ir einer durch die zugewanten der dann tüglich we-  
re. vnd solllichem erb vor sein mag. dem aigenherren oder erb-  
herren angezaigt werden mit der erbpflcht yezuzeytten der  
bezalung der gült. zyns vnd weisat. vnd andern so der erb-  
schafft anhangt. mit solcher bescheidenheit das auch die ver-  
melten zugewanten die anderswo nit verherret noch beerbt  
sein. bey dem angezaigten auf demselben erbe bleiben mö-  
gen. doch irer personhalb vngeledigt irer erbpflcht. vn̄ auch  
irer bezalung des versch. wo gepruch darinn erschyne. welchs  
aber sich in ewssere verherrung oder erbe gebe das solt als  
dann durch zymlichs verkauffen in iarsfrist auf hindanrich-  
tung von den bleibenden durch güttlichen vertrag. od nach  
rechtlicher erkantnüss. mit völliger entewsserung von dem-  
selben erb abscheiden. vnuerpflcht seinerhalb einichs hant-  
lons. wo sollichs erb seinen miterben verkauft wer worden.  
Vnd so aber das erb einem ewssern verkauft wirdet. so soll  
derselb kauf verhandlonet werden.

## Das vierd gesetz

Von tailung gemeiner vnuererb-  
ter eigē. mit was maß vnd vnder-  
scheid die beschehē. vnd dz einich  
erb vnuerwillt des aigenherren  
nit geteilt noch zetrēt werdē sollē

**B**zwoen od mer ein vnuererbt aigen einer behawf-  
sung in der stat miteinander habē. dasselb sol also  
vngeteilt beyeinander bleibē. Es were dan. das dz  
aigen derselbē behawfung vnder augen gegē der strassen in  
sölcher weite raichte vñ begriffen were. also das yede fünf-  
undzweintzig stat schuch weit dermassen vnder augē daran  
gepürē vñ werdē möchte. vñ alshdan möchte sie sölchs aigē  
teilen. mit souil sündrung. als darzu gehörte. vñ ob aber das  
aigen so weit nit were. so mag ir einer dem andern seinen teil  
vñ gerechtikeit daran verkauffen. oder von dem andern kauf-  
fen. Möchte oder woltē sie sich aber sölchs kaufs oder ver-  
kaufs miteinander nit vertragen. so solten sie sölchs aigen  
gantz vñ samplich miteinander getrewlich verfaissen. vñ woz  
dan dasselb hawf auf dz höchst geltē mag. darüb sol sölchs  
hawf ir einē vor einē eroffern oder frömbdē vergönt werdē  
Vñ wo aber alshdan ir yetweder das vmb dieselbē sum zebe-  
haltē vermeinte. so sol sölchs durch gemeins los aufündig  
gemacht werdē. wem dz bleiben solte. Es wer dann das sich  
durch ir verhözung erfunde. das es ir einē in sunderheit zu  
seinē handel vñ narüg vor dē andern fügte. vñ der od die an-  
dern im daran vnpillich verhindrüg tette. so solt sölchs hawf  
alshdan dē vermeltē dē es nach gestalt seins handels am pa-  
stē fügte vmb sölche anzal bleibē. vñ wo sie aber das beyein-  
ander enthaltē vñ dermassen nit verkauffen woltē. so sollen  
sie es auf zymliche bestentnüs vmb iärlich hawfzins inen  
allen zugut hinlassen. dē ihenē der auf das maist darauf ge-  
bē wolt. woltē sie aber vnuerkauf. vngeteilt vñ vnuerlassen  
beyeinander darinnē wonē vñ sitzē. dz möchte sie auch thun.  
Auch soll noch mag einich erbe nicht geteilt noch zetremit  
werden. vnuerwillet seins aigenherren.

## Das funft gesetz

Von fundrung der aigen vnd erb  
vnuermengt. vnnnd dem zuual des  
erbs eines ewffern aiges des erb  
mans durch Ine darein gezogen.  
vnnnd zwayerlay vndercheiden  
aigen die dermassen zeenthalten.

**A**ein erbman neben oder an seinem erb ein aigen  
hat. so mag er hinder seinem aigenherrē bede perw  
vnd hofrait zu einander nit ziehen noch on vnder  
scheid geprauchē. vnd wo er aber das tette vñ farneme. so  
sollen alhdann vnd darnach das aigen vñ erbe beyeinander  
bleiben. vnd dem aigenherren. vnd seiner aigenschaft sampt  
lich vnderworffen sein. doch nit höher noch anders. dan vñ  
die herprachtē aigenzynß so das erbe dauor gebē hat. Aber  
die erbe zwayerlay aigenherren so gesündert vnd vnderchi  
den herkomen sein. die sollen vnuerwillet beder aigenherren  
nicht vermischet noch versammet werden.

## Das sechst gesetz

Von rewmüg der erbe durch den  
erbman mit bezalung versessner  
zynse vnd vnderwindüg des ay-  
genherren solchs erbs.

**M**oder erbman das erb mit wissen seins aigenher-  
ren raumt. vnd sich des entewssert einicher prunst  
oder ander ergerung oder beschedigunghalb. die  
durch einich sein verwarlosung mit beschehen were. vnd was  
alhdan verfalner zynß aufstendig sein. darumb ist der erb-  
man für sich vnd sein erben verpflichtet. vnd der aigenherr  
mag sich auch dan zumal des erbs ledichlichen vnderwinden.  
vnd fürbasser damit thun vnd lassen wie vnd was er wil vn-  
gehindert von demselben erbman seinen erben vnd allerme-  
nigklich von seinen wegen.

## Das sibend gesetz

Von gleicher gerechtikeit der aygenherren irer aigenzynse auf widerkauf der andern. solanng bis der widerkauf beschiht.

**A**igenzyns. gülte oder weisat auf widerkauf erkaufft werden. so sollen sie alle die recht der aigenherren haben. solang vnd verr bis der widerkauf zu seinen zeitten. nach abrede oder verschreibung söllicher keroffe oder widerkeruffe beschiht.

## Was acht gesetz

Von verpflichtet der erblewte mit den parorn erbē auf dem land gegen iren aigenherren oder erbherren. mit bezalung irer gult vnd andern. vnnnd von gepurlicher pfendung darumb.

**D**ie erblewte der parornerb auf dē lande. sollen ire erbe zu dorff vnd zu felde in wesenlichem parv vnd pesserung haben vnd halten. als erbs vnd lands gewonhait vnd recht ist. vnd sollen auch zu rechter weil vñ zeit ir gult. zynse vnd weisat iren aigenherren oder erbherren aufrichten vnd bezalen. auch sollen sie grund vnd podem hinder iren aigenherren oder erbherren mit verwechseln noch entpfrombden. vnd so sy ire zyns. gult oder weisat nach erschynten fristen mit bezalten. oder aufrichten. so mügen ire aigenherren oder erbherren darumb vneruordert des Rechten. pfenden. vnd iren pfanden nachkomen. wie gerichtes ordnung ist. vnd so aber die erblewte drey Jar schirst nach einander komende ir gult. zyns vnd weisat mit bezalten noch aufrichten. on mercklich vrsachen. so ist das erb seinem aigenherren. oder erbherren gantz heimgefallen. also das er das mit gerichtes ordnung in sein hand vnd gewalt pringen mag.

## Das newnd gesetz

Von betörung des aigenherren  
oder erbherren seiner aufstendi-  
gen zynse. gult vnnd weisat. vnd  
auch der ierlichē herprachtē gult.  
zynse oder weisat mit hernachvol-  
gender vndercheid.

**A**der aigenherr oder erbherr mit seinem erbman  
spennig ist. ob die verfallen zyns gult oder weisat  
bezalt vnnd außgericht weren. oder nit. so solle der  
aide vñ das Recht dē aigenherren oder erbherren heimge-  
werffen. vnd im darauf glaubt werdē. wo sie aber bedersseit  
vmb die Ierlichen gult. zynse oder weisat spennig wern. also  
das ein teil vermeinet. das der zyns. gult oder weisat mer we-  
ren. vñ der ander teil das der mynder sein solte. vñ so der erb-  
herr oder aigenherr in gericht vnd recht betewrt das im od  
seinen vorfarn das erbe vormalñ souil gegeben hette vnd ze-  
geben schuldig were. darbey solte es alhdann auch pleiben.  
Weren aber erbbrief oder ander brief. vrkünd. oder person-  
lich weisung vorhanden. die das als glawbwirdig innhieltē  
oder anzaigten. darbey solte es zuuoran besteen. Vnd des  
gleichen sol es mit den aigenzynsen in der Stat auch gehals-  
ten werden. doch hat der aigenherr in disen vällen dise frey-  
heit. sollichen ayde oder betörung dem erbman heymze-  
werffen.

## Was zehend gesetz

Vō kraftlosikeit aller entpfombung. wechsels oder verendrung grund vnd podems. in das erb gehörende. hinder dem herren. vnd von verwurckung sollichs erbs damit.

**S**Der erbman grund vnd podem zu vñ in sein erb gehörende entpfombdet. verwechselt oder verendert vnwissent vñ vnuerwilt seins aigenherren. vñ sollich in recht zu im pracht wirdet. so ist dieselb entpfombung. wechsel oder verendrung. in imselbs nichts vnd kraftlos. vnd der erbman hat damit dasselb sein erb verwürckt. Vnd der aigenherr oder erbherr mag sich des auf erkantnis des rechten vnderwinden vnd vnderziehen.

Auch soll kein erbman. einich ewsser geschest. vermechnis verpfendung noch geschicke auf einichen gründen noch gepewen zu dem erb gehörende hinter seinem aigenherren. od erbherrn mit thun noch fürnemen. vñ wo es darüber geschehe. das solle weder krafft noch macht haben. vnd darzu soll der entpfombder noch die ihenen den das beschehen were einich prescription oder veriarung nit fürtragē. Es vbertrefe dann menschlich gedechnis. Auch sollen dieselben erb/lewt durch sollich vngepürlich geschicke. vermechnis oder verpfendung vō sollichem erbgut als verwürckt geuallē sein. doch mag d' erbman seine nachuolgedē erbē. einē mer dē andern mynder nach messigūg d' erbelle an seine erbe schicke.



Doch vngesündert vñ vnzerrent desselben erbs. Vnd das es mit annemung des erbs gehalten werde. wie vor von gebrauch der erbe in geschefften. vnd an dem nechstnachuolgendem gesetz von eruordnung begriffen ist.

Es sol noch enmag auch einicher erbman auß seinem erb in der Stat. oder auß dem lande gelegen einich zynse. gült. rent weisat. noch ander gerechtfait mit verkauffen one besonder verwilligung seins aigenherren. vñ wo das darüber geschch das solt weder krafft noch macht haben.

Vnd wellcher erbman auch das also tette. der solt darumb dem aigenherrē zu peene verfallen sein. den werd eines vierdenteils seins erbs. vnd es ist auch der aigenherr mit schuldig noch pflichtig dem erbman sollichs verkauffens wider seinen guten vnd freyen willen zugestatten.



## Was aylst gefetz

Vō erfordrūg vnd entpfengknuffs  
des pawnerbs nach abgang des  
erbmans. vnnnd von dem kauf vnd  
anpietūg. vnd auch vō dē hantlon.

**A**der erbman eines pawnerbs mit tod abgeet.  
so sollen sein Erben das erb in Jarsfrist von dem  
aigenherren oder erbherren eruordern vnd begehē  
inen das zeuerleihen. vnd sich auch erpietten gepürlich erb /  
pflicht dauon zethun. als erbs vnd lands gewonheit vñ recht  
ist. vnd darauf sol inen on hantlon gelihen werden. Vnd so  
aber der erbman das erb verkaufte. so soll er söllchen kauffe  
seinem aigenherren oder erbherren vmb dieselben kauffsum  
darumb er das verkaufft hat in iarsfrist anpietten. vnd dar /  
auf mag der aigenherr oder erbherr die wal haben einen mo  
nat den nehsten nach sölcher anpiettung denselben kauf vñ  
die beschehen kauffsum anzenemen. vnd so das beschihet. also  
das er das annympt. so ist man dē aigenherren oder erbher  
ren einich hantlon dauon zegeben mit schuldig. Vñ so aber  
dem verkauffer der kauf von dem aigenherren oder erbher  
ren vergünt würde. so solle der kauffer hinfür den fünfzehē  
den pfennig. pfund oder guldein. nach anzal der kauffsum zu  
hantlon geben. Es welle im dan der aigenherr oder erbherr  
ichts mit willē daran nachlassen. oder das er mit brieflicher  
vrkünd. oder des aigenherren buch fürprecht. das er des ge  
freyet sein oder anders damit gehalten werden solte. vñ dar /  
auf vnd auf gepürlich erbpflcht soll im dasselb erb gelihen  
werden.

Vnd ob auch einich erbe auf dem land. durch den gerichtss /  
zwang verkaufft. deßhalb dē aigenherrē. od erbherrē ange /

potten wirdet. vnd er söllchs erbe nit behelt. so sol im vō dem  
ihenen der an das erbe trit. gepürlich erbpflcht geleistet. vñ  
darzu dasselb erbe wie oben gesetzt ist. verhandlonet wer-  
den.

## Das zwelft gesetz

Von verpfendüg des pawnerbs  
zuuoran seinē herren vnd darnach  
andern mit wesenlicher versorg-  
nuffs des erbs.

**D**er erbman ein pawnerbs mag auß redlichen vr-  
sachen sein erb verpfenden. vnd soll zuuor söllliche  
verpfendung seinem aigenherren oder erbherren  
anpietten. ob er selb daran treten vnd im leihen wölle. Vnd  
so der aigenherr oder erbherr im leihen. vñ das erb pfands  
weis annemen wil. das mag er thun. Vnd wo er aber das ze  
thun nit vermeint. so mag der erbman söllich verpfendung  
einem andern thun. doch also das an wesenlicher haltüg des  
erbs vnd aller verpflicht des erbmans gegen dem aigenher-  
ren oder erbherrē einicher gepruch nit erschyne. doch sol der  
erbman dieselben verpfendung wider ledigen vñ zu im prin-  
gen in zwayen Jarn darnach den nehsten. oder so er des nit  
tett. so ist er schuldig dasselb sein erb darnach in iarsfrist zu  
verkauffen. Es wolte im dan der aigenherr oder erbherr söl-  
liche zeit mit willen verrer erstrecken.

## Das dreizehend gesetz

Von geprauch der holtzmarck in das erb gehozende. vnd die zwen dritteil von dem verkaufften holtz dem herren zegebē. vnd einen dritteil dem erbman.

**A**der erbman holtzmarck oder holtzer zu seinem erb gehörende innhat. das soll er in zymlicher hege halten. vnd er mag auch zymmerholtz vnd prenholtz zu seinem hofe oder gut dienende nach seiner notturft darinn hawen. vnd was er aber andern leuten darauf ze holtze. od zcuerfolē verkauffte. das dan mit wissen irer aigen herrē sol fürgenomē werde. dauon sollē dē aigeherrē od erbherren die zwen drittail vñ dem erbman der drit drittail der selben kauffsum volgen vnd werden. vnd ob in söllchem der erbman icht besonder arbeit oder Cost darlegte. die sol Im zuuoran von der kauffsumma aufgericht werden. vñ die vbermass geuallen. inmassen vnd yetzund vnderschieden vnd begriffen ist. vñ wo aber der erbman söllchen vorgemeltē kauf vnwissend seins herren fürgenomen hette. so sollt er damit seinen dritteil verwürckt vnd verlorh haben. doch so soll das verkauffen des holtz dermassen fürgenomen werden. damit söllchs holtz mit gantz abgehawen. sonnder mit vnderschied der hege fürgenomen werden. Es were dan das die erblewt sich mit willen irer herren des also verträgen. vñ wo der erbman on willen seiner herrē vber den dritten tail söllcher holtzmarck durch holtzen. Eolen oder in annder weis verkauffte oder entpfömbte. oder zubeschehen verhemngte. so sollte er zusampt seinem dritteil auch sein erbrecht verwürckt

vñ verlor haben. Es wer dan das er mit seinem herren mit guttem willen defhalb neher abkomen möchte. Vñ so aber die erblewt auf ackern die durch gewonliche veldparow fruchte ertragen mögen. vnd defgleich auf wiffen in das erb gehörende von neuen dingen sich holtzmarck zuwachsen hinter vnd on wiffen vnd vergunst seins aigenherren vnderstünde. vnd fürneme. dardurch dann das erb vñ aigen geergert würde. das er doch außserhalb willen seines herren zethun mit macht haben sol. so solten dem aigenherren die zwen tail des genieß desselben holtz volgen mitsampt der erbgült. vñ dem erbman der vbrig drittail. mit vorbegriffner messigung des Costen darauf gelegt.

Vnd wo aber söliche vñ dergleichen holtzmarck die auf ackern od wifen gemacht vormalij von alter herkomen wer. dermassen. das der erbman söliche holtzmarck für sichselbs allein geprauch vnd genossen hett. anstat der alten genieß. derselben gründe. daruon er dan sein erbgült bezalt het. mitsampt anderm darein gehörende. ob zwaintzig iaren oder in kürtzer zeit mit wiffen vnd geduldung des erbherrē. so blibe der erbman hinfür darbey pillich. Auch ob einichem erbman die holtzmarcke in besonder oder darzu ander gründe. vmb iärlich gült. zynse oder weifat vererbt weren. oder würden. vnuerpflicht vñ vnaufgenommen einicher besonder anzale dem erbherren. so sol der erbman bey gantzem gebrauch vñ genieß der holtzmarck bleiben. doch mit sölicher vnderscheid vnd messigung damit die holtzmarck nit gar verhawen. veruüßt noch beschedigt. sonder mit gepürlicher vnd notturfiger hege fürgenommen werde. als daruor begriffen ist.

## Das vierzehend gesetz

Wen verpott der muntherrē oder versprecher der erblewte hinder Iren eigenherren vnnd auch der erb nit must oder pawlosz ligē zelassen. bey der peene dar Inn begriffen.

**E**s sollen die erblewt hinter Iren eigenherren oder erbherren einich muntherrē oder versprecher nit habē noch gewynnen oder aufspringen. vñ wo aber das darüber geschē. so sollen sie darumb gestrafft werden nach erkantnißs eins Rats. vnd verhörung vñ gelegenheit der sachen. vnd sollen auch söllchen ewssern verspruch auf ir Cost in zwayen Monaten den nechsten nach der zeit. vnnd söllchs Iren herren zuwissen worden wer. abstellen. vnd wo das nit beschehe. so sollen sie dieselbē Ire erbe in Jarsfrist verkauffen einem andern dem eigenherren vngewerlich füg lich mit abtretung vnd rewung söllchs erbs vnd bezalig verfassner gülte. oder wo sie des in der zeit nit tetten. so sol ten sie darnach damit söllch Ire erbe mit der tat verwürckt vnd verlorn haben. vnd iren herren heym geuallē sein. Aber souerr söllchs einem Rate vō gemeiner Stat wegen berürt. das ist hiemit aufgesetzt vnd vorbehalten.

## Das funfzehend gesetz

Von den paumen die auf der an-  
stoffer grunde raichen. vnnnd Iren  
fruchten.

**N**yemant paromen auf seinselbs gründen hat die  
dann mit Iren esten auf seins nachparorn gründe  
raichen oder hanngen. Wo dann des. derselb sein  
nachparor nit geduldē wil. so ist der herr des paroms auf des  
selbē seins anstossenden nachparorn kuntlich ersuchen schul-  
dig. söllche este seiner paromen souern die auf seins nach-  
parorn gründe raichen abzethun. Vnd so aber söllch parom-  
en fruchtpar sind. vnd der nachparor söllich auf Ine han-  
gende este gedulden wolte. so ist der herr des paromen. dem  
selben seinē nachparorn den halbenteil der fruchte der ober-  
hangenden este dauon volgen zelassen schuldig.

## Der sibenundzwaintzigist Tittel

**G**esetze von verpflichtet getrewer hand in vberantwortung vnd enthaltung. von abfellen der vberantwortung. vnuerpfendet yemāt. anders irer verwarung. bekerung des schadens. vnd besondern ge- ding bederteil.

### Das erst gesetz

**W**o vnuerzogelicher vberantwortung aller habe so yemant zu getrewer hand beuolhen oder einge- ben worden ist. vnd von der peene der vngheorsamen.

**S**o yemant dem andern gelt. kleinat. bücher. vrkünde. briefe. oder andere habe. oder gut. ligend oder varend. wie die namen hat. zu getrewer hand beuolhet vnd eingibt. so soll der. dem das eingegeben ist. dem ihenen. der im das eingegeben hat. damit getrewlich gewartē. vnd im dieselben habe widerumb vberantworten vñ der abtretten nach des andern beger vnd willen von stundan vñ vñ vnuerzogenlich. so er des von im ermant oder eruordert wirt vnd so er aber söllchs beuelhs vñ eingebug zu getrewer hand. laugnet. oder sich söllcher vberantwortung oder abtret-



tens on vöellig vnnnd redlich vrsachen setzet .vnd die nit thun  
wolt.vnnnd des in Recht vberwunden würde.so het er seiner  
trew vnd verpflicht nit gnug gethan. Vñ söllchs ist auch nit  
allein zeuersteen von bederlay ietzelgelten personen.sonn  
der auch von iren nachuolgenden erben oder den testamen  
tarien oder vormundern vö iren wegen so sie in söllchem nit  
spennig erschynen. Vnd wo aber die yetzelgelten nachuol  
genden erben. Testamentarij oder ander die sich der einget  
legten habe annemen.derhalb spennig erschynen . so soll es  
auf derselben fürbringen irenhalb zu Rechtlichem entschid  
steen.wie es damit gehalten solle werden.doch also das die  
Innhalter söllchs auf span der partheyen mit wissen dersel  
ben hinter das gericht legen söllen.vnd alsdann sein sie da  
mit söllcher irer verpflicht der getrewen hand geledigt. Es  
wolten dann dieselben spennigen erben oder partheyen das  
selb mit gutem willen bey Im lenger innligen lassen.auf des  
selben Inhabers wilkür.oder aber das sich die spennigen  
partheyen vertügen dasselb hinter yemant anders zelegen.

Das ist die

von demselben  
nach demselben

nach demselben  
nach demselben

347

## Was ander gesetz

Von inhaltüg zu getrewer hand  
sollche habe in ander maynüg aus  
serhalb glawbwirdiger bewei-  
sung nicht onzewerden.

**A** yemant einiche habe od gut zu getrewer hand  
Innhat. vnd inselbs fürneme aussershalb glawbs  
wirdiger verschreibung oder vrkünde die andern  
personen zegeben. dann vorgesetzt ist. dem soll darumb auf  
seinselbs lhd. vnd betewrung mit glawbt werde. vnbeweist  
söllchs beuelhs. des zu Recht gnüg sey.

## Was dritt gesetz

Von vellē darinnen man nit schul-  
dig ist eingegebne habe. zeuber-  
antworten.

**I** den hernach geschriben vellen ist man nit schul-  
dig mit eingegebner habe getrewe hand zeöffnen  
vnd dem der das eingegeben hat zeüberantworten.

Zu dē ersten so einer zu getrewer hand eingebe schwert. mes  
ser oder andere schedliche waffen. vñ die eruordert in seiner  
vnsynn oder in mercklichem grymmen seins zorns. also. das  
er damit vermaint vnzymlichen schaden zethun.

Zu dem andern. so ein diep od rawber gestolne oder geraub  
te habe yemant zu getrewer hand eingebe. Vñ darnach zu  
Im der ander keme dem die hab gestolen oder geraubt wor  
den wer. vnd ̄ is verjessft vnd nachkōme mit Recht.

Zu dem dritten. so der diep einem zu getrewer hand eingebe  
ettwas. das er im dauor gestolen het.

### Das vierd gesetz

Von oberantwortung eingegeb  
ner oder beuolhner habe. wann  
der eingeber des begert. Es wer  
im dann auch der genießz oder ge  
prauch gelihen.

**W**Er zu getrewer hand eingibt nach vil oder wenig  
zeit. oder nach seinem tode durch sein erben. zuer  
uordern oder widerzugeben. nichts destmynder mag er das

erfordern. vnd zu seinen handen bringen außserhalb vorge-  
melter velle zu welcher zeit er wil. vnd des sol im yezzeiten  
der willig sein. der das zu getreuer hand Imhat. vnuerhin-  
dert eynichs gedings deshalb geschehen. Es wer dann das  
im auch darmit verlihen were worden. der genieß oder ge-  
brauch auf bestympte zeit des. das im zu getreuer hand ein-  
geben vnd beuolhen ist. so möchte er das dieselbē zeit imha-  
ben vnd niessen.

### **Das funft gesetz**

Von eruordrüg eins yeden seiner  
eingegebner oder beuolhner ha-  
be vnuerpfendet des andern. noch  
einicher des andern schulde.

**A**zwen bedersit aneinander habe od gut zu ge-  
treuer hand beuelhen vnd eingeben. welcher dan  
das sein an den andern eruordert. so soll im der an-  
der das sein gantz vnuerpfendet vnd vnuerheft volgen vnd  
widerfaren lassen. vnd welcher auß Inen den andern erst-  
lich in Recht beclagt. derselb hat damit den vorgang. Auch  
soll noch mag einich habe oder gut die yemant dem andern  
zu getreuer hand eingeben vnd beuolhen hat. mit eynicher  
schulde des. der die eingenomen. vñ imhatt. mit verheft noch  
beschwert werden von seiner haupfrawen zuschatze. noch  
sunst von yemant anders in kein weiß noch wege.

## Das sechst gesetz

**W**o eingeebner habe so die nicht gepürlicher weise verwart. vnd also beschedigt oder verlorz wirdet die zegelten. Es wurde dann das sein damit verlorz. oder das durch vnfursehen zufal das geschehe seinerhalb vnuerschuldet.

**W**emant einiche habe od gut zu getrewer hand innhat. vñ die auß mercklicher seiner versawmniß od verschuldung geergert. beschedigt. entpfrömbt. verlorz oder gestolē wirdet. Also das er die mit notturftiger vñ gepürlicher weis verschlewft. versperrt. versorgt oder verwart. so ist er schuldig söllchen schaden. oder dieselben habe zegelten vñ zebezalen. vñ so er aber das in yetz gemelter meynung gepürlicher weis versorgt. od das sein darmit verlorz hette. vñ alsdann söllchs beschedigt oder verlorz würde. so ist er darumb nichts schuldig noch pflichtig. Vnd wo aber auß vnfursehē zuual. als vñ wasser. feur. gewaltsamyn. vñ der gleichen zuual einem beschedigung an söllcher beuolhner habe seinerhalb vnuerschuldet geschehe. darumb ist er dem andern nichts schuldig.

## Was sibend gesez

Von vergeltung des schadens an  
eingegebner habe. nach gepur-  
licher eruordnung des eingebers.

**S**yemāt etwas habe oder gut zu getreuer hand  
innhat. vnd die dem ihenen der Im die behendet.  
oder beuolhen hat. auf sein gepürlich eruordnung  
nit vberantwort. vnd darüber vñ darnach einicher schad dar  
an beschibt. so ist der. der das innhat schuldig vnd pflichtig  
denselben schaden zegelten vnd zebezalen. vnd ob auch söll-  
che beuolhne habe bey dem andern. desgleichen verdorben  
oder beschedigt wer worden.

## Was acht gesez

Von varender habe die den hant-  
werckslewten oder wercklewte  
zuarbeiten beuolhen. oder den iu-  
den versetzt oder eingebē. vnd bey  
inen verstorben. verlorz oder schad  
bar werden.

**S**hantwerckslewten oder wercklewte. in der stat  
oder auf dem lande einich varend habe od gut die  
zearbeiten. eingeben oder beuolhen wirdet. vnd söllche varz

nüß bey **J**m oder in seinen gewalt durch vnfürsehen feur  
oder prunst. oder einfallen der gepew. oder aber durch vnge  
wonlich zufelle. oder gewalt der wasser. oder der veinde ent  
pfrömbdet od schadpar würde. so soll derselb hantwercker  
oder werckman derhalb dem eingeber oder herren des guts  
nichts schuldig sein. dann souil söllcher habe darüber vorhā  
dē bliben were. Aber sunst vñ außserhalb söllcher yetzbestym  
pten välle ist der hantwerckman oder werckman pflichtig  
sölich eingegeben habe vñ gut den ihenen den sie gepürte ze  
überantwurten. vnd allen schaden daran erlitten zegelten vñ  
zewiderlegen.

**U**nd in söllcher maß soll es auch gehalten werden mit den  
pfanden vnd gütern die den **J**uden versetzt vñ bey inen ver  
stolen verloru oder schadpar werden.

## **Das newnd gesetz**


**V**on gepürlicher enthaltung ein  
gegebner habe. auf gerichtliche  
verpott den eingeber berurende.

**A** bey yemant beuolhne oder behaltne habe mit  
gericht oder Recht verpotten vnd verkauft würde  
vrsachenhalb. den der die nider legt vnd eingeben  
hat berurende vnd antreffende. so ist der. der die innhat nit  
schuldig. vngeledigt söllcher verpot die herauf zegeben vnd  
zeüberantwurten.

**Was zehend gesetzte**

**Von haltung besonner gedinge  
zwischen den. die eynich hab oder  
gut aneinander zubehalte geben.**

**W**as sich geding zwischen bedenteile die zu getrewer  
er hand zueinander legen oder eingeben. begeben.  
den soll zuuoran nachgegangen werden. sunst wirt  
es damit gehalten. wie In vorgemelten gesetzten. vnder schis  
den vnd begriffen ist.



*[Faint, mirrored text impression, likely bleed-through from the reverse side of the page.]*

*[Faint, mirrored text impression, likely bleed-through from the reverse side of the page.]*



## Der achtundzwaintzigist Tittel

**G**esetze von keuffen, ligender vnd varender habe, vnd irer vertigung vnd werschaft, vnd auch vō purgshaft vnd irer ledigung, vnd verpflichtet vnd irer rechtuertigūg von vberantwortung der habe, vertrettūg der ansprach, vnd dem vorgang des gekauften, auch der purgshaft der framenpilde, vnd den abnutzen, Enthebung der purgen, vnd mererm vnderschied die purgen berurende.

### Das erst gesetz

**V**on vertigung vnd werschaft gekaufter habe vnd gut, vnd von geprauch desselben als sein erkaufft gut.

**N**yemant dem andern verkauft einich hab oder gut, vmb ein nemliche Summ guldein oder gelts, der sol demselben gepürliche vnd notturftige vertigung, oberantwortung vñ werschaft söllcher gekaufter habe oder gut thun, also, das der kauffer die alsdann vnd fürbasser für das sein haben vñnd geprauchen soll. In aller

dermaß als Im dann söllchs verkauft ist worden mit aigen  
schafft.nutz vnd gebrauch desselben auf zeit oder zu vrtet.  
wie dann der kauf redlich vnd vngeuerlich beschehen ist.

### Was ander geseetze

Von vertigung oder werung ge-  
kaufter habe. die einer schaw. sty-  
mung oder bewerung bedurffen  
für kaufmansgut.

**S**o yemant dem andern verkauft pfenwert od was-  
re. die einer schawe. bestymung oder ander bewerung  
bedurffen vñ notturtig sein. als saffran. negelein.  
vnd anders wie das namen hat. so sol der verkauffer söllche  
pfenwert oder ware. die beschawet vnd bewert. dem kauffer  
vertigen vñ weren für kaufmansgut. Inmassen als gewöns-  
lich ist. oder sie bedersseit miteinander gedingt haben.

## Das dritt gesetz

Von werung oder vertigung der  
schwein vnd anderer Tier. die der  
schaw bedurffen. vnnnd auch der  
pferde der gewonlichen wandel-  
halb.

**A**yemant dem andern schwein oder dergleichen  
tier. die der schaw bedürffen verkauft. die sol er im  
auf solche schaw also vertigen. vñ so es pferd sein.  
so soll er im verpflichtet sein für die hernachuolgenden wan-  
del. als rützig. rewdig. vnd harschlechtig. vñ darfür ist er ver-  
pflichtet. nach diser Stat herkomen vnd gewonheit. vierze-  
hen tag. vnd wo es aber geraubt oder gestoln wer. darumb  
wer der verkauffer allweg verpflichtet den kauffer deshalb  
schadlos zehalten.

## Was vierd gesetz

Von werschaft der erkaufften li-  
genden habe oder gut iar vnd tag  
nach statrecht aufferhalb redlich  
er entschuldigüg nach erkantnis  
des Rechten.

**W**elcher dem andern ligende habe oder gut vñ der-  
gleichen zynß. rennt. gült oder weisat alhie in dem  
bütelstab gelegen verkaufft. der soll darumb wer-  
schaft thun Jar vnd tag. vnd die werschaft hat stat in sol-  
lichen vordrunggē vñ sprüchen. derhalb der verkauffer nicht  
macht. gewalt noch Recht gehabt solt habē denselben Kauf  
also zethun ettlicher irrung vnd vrsachhalb. darumb er ver-  
hindert wer oder sein solt. sollchen Kauf dermassen fürzene-  
men. vñ wo aber die person außlendisch oder ander vrsachē  
halb auß einer echaft verhindert worden were. vnwissens-  
halb oder sunst damit sie in der werschaft darcin mit getra-  
gen hetten. so möchten sie nach gestalt der sachē auß erkant-  
nüss des Rechten. vnd mit verkündung des verkauffers od  
seiner erben zugelassen werden. vñ wo derselb ansprecher  
dasselb gut in recht behielte. so solt dē kauffer sein kauffsum  
mit erlitten Costen von dem verkauffer od seinen erben bes-  
fert werden. was aber verkauffter stück vñ güter in erßern  
gerichten gelegen weren. darmit soll es der werschafthalb  
nach ordnung derselben gericht vnd Rechten gehalten wer-  
den. doch wie sich kauffer vnd verkauffer zymlicher weis In  
fürnemen irs Kaufs vertragē. darbey sol es irenhalb bleibē.

## Was funft gesezte

Von ledigung der purgen auf die  
erschynen werschafft. vnd vō ver  
pflicht derselben auf hangendes  
Recht In der werung zeit ange  
fengt. bis zu entlichem austrag.

**D**Je werpürgē sein vmb werschafft. des. so dan In  
diesem püttelstab gelegen ist verhefft nach diesem  
Statrechten Jar vñ tag. oder mercklicher vrsach  
halb ein lengere zeit. als in dem nechsten gesezt berürt ist. vñ  
so sie oder das verkaufft gut In solcher zeit vmb werschafft  
mit Recht mit angesprochen werden. so sein sie Irer pürg  
schafft geledigt. Es were dan das sie oder die verkaufft liz  
gend habe auf vermelte vrsachē In lenger zeit. oder aber in  
zeit der werschafft eynicher ewssern gericht. darinne die güt  
er gelegē werē. sachenhalb die werschafft berürende anges  
sprochen wurde. so bleibē sie solcher purgshafthalb unges  
ledigt. solang vñ verr bis dasselb vñ andere Recht In zeit  
der werschafft angefengt. Irē entlichē austrag vñ volzieh  
ung gewünne. vnd die ordnung die pürgen oder die selbschul  
den fürzenemen. ist begriffen. In dē gesezte von verpflicht  
der selbschulden.

## Was sechst gesetzte

Von verpflicht der purgē In der weerschafft zehalten als derselb gelter. vnd von erster rechuertig ung des selb gelters. vnd ledigūg der purgē. auf frist hinder In de selbschulden gegeben.

**I**n yeder weerpurg oder ander purg alle dieweil vñ zeit er In solcher purgschafft steet. sol zu gleich er purde vnd verpflichtet verpundē sein In aller der maß als der selbschuld. dan allein. das der purg auf erschey nung der zeit der purgschafft geledigt wirt. Es wer dan da uor In recht anhengig worden. vnd alsdann solt es gehalten werden. als dauor gesetzt vñ begriffen ist. Würde aber die purgschafft durch vertreg oder willkür der personē den sachē verwant. anders verdingt vnd auf genommen. darbey solt es auch zuuoran bleiben. vnd so aber von yemant dē selb gelter lenger frist gegeben wurde. oder cynich vertreg oder Con tract beschehen hinder. vnd vnueruolgt der purgē solchs be rürend. so sollen die purgen dardurch vnd alsdann von der selben Irer purgschafft geledigt sein.

## Das sibend gesetzze

Von anlangung vnd rechtuertig-  
ung des selbgelters oder der pur-  
gen. von der weerschafft wege. vn-  
geledigt der andern derhalb ver-  
pflichtet.

**E** mag der kauffer. so sein gekauffte habe In der  
zeit der weerschafft vmb sachen die weerschafft be-  
rühend mit Recht angesprochen wirt. den selbgel-  
ter oder die pürgē mit Recht fürnemen vnd bedagen. vmb  
vertretung enthebung vnd ledigung derselbē ansprach vñ  
eintrag. so Im dan In yetzgemelter meynung begegnet ist.  
vnd welcher tail. als die pürgen od der selbschuld mit Recht  
fürgenomē wirt. so sollē doch die andern mit solcher pflicht  
verwannt der mit geledigt sein. solang vnd verr bis dem kauf-  
fer völliig vnd entlich weerschafft vñ aufrichtung beschicht.  
vmb alles das. darumb er dann yezuzeiten In vorgemelter  
meynung mit Recht fürgenomen ist worden.

## Das acht gesetzze

**W**o verfolgung gekaufts guts de  
kauffer. auß genomē der vormū  
de die von Irer vormundschafft  
gut kauften. dasselb volgt de. der  
vormunder sie sein. vnd desgleich  
en so eins. in der Ee vō des andern  
gut icht kaufft.

**A** yemant kaufft von seinselbs oder eins andern  
gelt Im selbs. das gepürt vnd stett Im auch also  
zu. außgenommen in solchem val. so ein vormund oð  
versorger den man zu latein Tutorum oder Curatorem nen  
net. von gelt seins vnmündigen. oder des. der vnder seinen  
Jare wer. des vormund oder versorger er ist icht kaufft. In  
seinselbs namen. so sol dasselb erkaufft gut zynß oð anders  
mitsampt der abnützung. oder den erschynen zynßen volgē  
vnd werden demselben vnmündigen des vormund oder ver  
sorger er ist. vnnnd desgleichen so ein man von seiner frawen  
gelt oð gut es sey Im von ir gegeben oder nit erkaufft eynich  
habe. zynß. gült. oð anders das alles soll der frawē zusteen.  
vñ desgleichē sol auch widerumb. so die fraw vō Irs mans  
habe oder gut Ir gegeben oder nit. erkaufft. doch also das  
es mit den abnützen vnd gemeyß Ir beder gehalten sol wer  
den. als das vierd gesetz des. xij. tittels innhelt. vnnnd wie es  
mit den vnmündigen gehalten wirt. desgleichen sol es auch  
mit den synlosen oder thom. vñ mit den verschwentern Irer  
habe. die man zu latein prodigos nennet fürgenommen vnnnd  
gehalten werden.



## Das newnd gesetzte

Von verpflicht des verkauffers  
vmb ergerung oder beschedigung  
seiner verkaufften habe vor Irer  
bemerung vnd sunst des kauffers  
nach dē kauff. Es wurd dann an-  
ders gedingt.

**M**yemant ichts kaufft das bewerung bedarff vñ  
dasselb erkaufft gut vor vnd eedann es beweret.  
vnd In des kauffers gewalt oder gewere geant-  
wurt. geergert oder beschedigt wirt. so tregt der verkauffer  
solchen schaden. vnd nit der kauffer. Es were dann. das der  
kauffer dar Inn samnuss tett. Aber in ander verkauffter  
habe. die der bewerung mit bedarff da tregt der kauffer die  
wagnuss außserhalb geuerds vñ verschuldung des verkauf-  
fers. würd aber solchs in abred des kauffs anders bedingt  
darbey sol es zuuoran bleiben.

## Was zehend geseze

**W**o gerichtlicher verkündung des  
kauffers. gen seinem verkauffer  
oder purgē vmb vertretung der  
ansprach die weerschafft beruren  
de. sunst bleiben sie derhalb vnuer  
pflicht.

**O** yemant In sein erkauft gut oder habe In der  
zeit der weerschafft. rechtlich oder gerichtlich ges  
prochen wirt. so sol er solchs de verkauffer. selbs  
schulden oder purgē nach gerichtts ordnung wie In andern  
gesezen vnd verkündungen begriffen ist. verkündē. vnd als  
dann sollen der oder dieselben solch ansprach In Recht ver  
treten vnd ledigen. Auf meynung vnd sie dann durch den  
beschehen kauff verpflichtet sein. wern aber die purgen allein  
zelaisten verpunden. den möchte nach solcher abred vnd ver  
pflicht nachgeuolgt werden.

## Das aylfft gesetzze

**W**o ledigung des verkaufers selb  
schulden vnd purgē auf des kauf-  
fers hindergang In der guttikeit  
oder zu recht vmb verpflichtet solch  
er ansprach der weerschaft.

**O**der Kauffer vmb rechtlich oder gerichtliche ans-  
sprach sein erkauffte habe oder gut. vnd die wer-  
schafft berürend mit demselbē clager oder wider-  
parthey einen verwillfürten hindergang zu rechtlichem oder  
gerichtlichem entschied vnd auftrag fürnemen vñ tette hin-  
der dem verkauffer. so ist der verkauffer. darmit als mit der  
tatt seins fürstands vnd verpflichtet deßhalb geledigt.

## Das zwelfft gesetzze

**W**o des verkaufers ledigung sein  
er verpflichtet der weerschaft. dar-  
umb das der kauffer von der vrt-  
tail wider Ine außgangen nit ap-  
pelliert hatt.

**I**n dem Kauffer In sein verkauffte habe oder gut  
In der weerschaft mit Recht gesprochen wirt mit  
verkundung des verkauffers als vorgesetzt ist vnd  
der Kauffer mit entlicher vrtail solcher sachē verlustig wurde

In abwesen oder vnerschynen des verkauffers vnd darvon  
mit appellierte. so ist darmit der verkauffer seins fürstands  
vnd vertretung solcher sachen vñ vrtailhalb geledigt. durch  
des kauffers versamnußs.

### **Das dreyzehend gesetzze**

Von dē kauffer seinselbs schaden  
zetrage. so er seine verkaufte habe  
verliesse. oder abstunde. in zeit der  
werschaft. oder so er solchē scha-  
den auß seiner verschuldung ent-  
pfangen hat. oder Im außserhalb  
rechtens mit gewaltsam gefugt  
were.

**A**der kauffer sich eussert seiner erkauften habe  
oder guts. vnd helt das pro derelicto In zeit der  
werschaft. vñnd deshalb eynich gerichtshemndel  
oder vrtail wider In ergienge. oder auß seinselbs verschul-  
dung eynichē schaden daran lidte. oder aber einich gewalt-  
same außserhalb Rechtens Im beschehe so ist im In disen  
vällen der verkauffer darumb nichts schuldig.

## Was vierzehend gsetze

Von vorgang des kauffers dem.  
vor dē andern kauffern. solche er/  
kauffte habe in sein gewere vnn  
gewalt geantwurt wirdet. doch  
mit vorbehaltung der andern vor  
drung gen dem verkauffer.

**M**ein habe oder gut zwayen oder mer ye Ir einē  
hinder dem andern verkaufft wurde. welcher dann  
aus Inen mit dē erstē seiner erkaufftē habe durch  
vberantwortung vñ abtretting des verkauffers In besess  
vñ gewere kumpt. der sol damit vor den andern dē vorgang  
haben. vnd die andern die mūgē den verkauffer umb schadē  
oder anders solchs kauffshalb Ine gefügt auch rechtuert  
gen. vñ souil erwinden als sich nach gestalt der sachē durch  
erkantnuß des rechten gepürt.

## Was funftzehend geseze

Von verpflicht der purgen Ir lep  
tag zehalten als die selbschulden.  
Es wurde dann die purgshaft  
In sonnderheit anders verdingt.

**M** yemand für de andern bürg wirdet on besonn  
der verding sölicher purgshaft. So sol der purg  
sein leptag In aller dermasz verpunden vnnnd vers  
pflicht sein zehalten. als der selbschuld. wurd aber die purg  
shaft sonnderlich vnd anders verdingt. dabey soles auch  
bleiben. aber mit den purgen der heyrat sol es auch gehaltē  
werden als das erst gesez des .xij. tittels dauon Innhelt.

## Was sechtzehend geseze

Von der Junckfrawē vnd frawē  
purgshaft die aigen gut haben.  
vnd vnueruormundt sein. vnd mit  
wissen der mann vnnnd In krafft  
Irer angenomē vormundschaft.

**W** ie wol Junckfrawen vnd frawen durch gemeyne  
geistliche vnd keyserliche Recht für die verpflicht  
der purgshaft versehen sein. yedoch zu hantab  
ung der hantierung. vnd des gemeinē glauben. so solch per  
sonen vnuerpflicht Irer eltern vnd vormund sein vnd aigen

gut haben. vnd die eefrawen die **I**n gemainē hamdel Irer  
man̄ steen. dardurch sie nach **I**nnhalt eins besondern ges  
setzs mit **I**ne zebezalen schuldig sein. So sich dieselbē **I**n  
purgschafft geben. so sein die mit krafft der purgschafft ver  
punden. **A**ber eefrawen die nit in verpflicht der bezalung ir  
man̄ steen. vnd doch aigen gut habē. die mögē sich mit wiss  
sen vnd willen Irer man̄ auch **I**n verpflicht der purgschafft  
geben. vnd sunst nit. vnd die wittiben. so die purgen werde.  
sollen damit verpunden sein. vnd desgleichen **J**unctfrawē  
vnd frawen die sich **I**n annemung vnd pürde der vormund  
schafft oder versorknuss geben. vñ derhalb **I**n purgschafft  
treten. die sein darmit auch beladen.

## Das sibentzehend gesetz

Von rechtuertigung der purgen  
gen den. die sie versetzt haben fur  
zenemen. wan die purgen wollē.  
so kein zil oder frist gesetzt ist. oder  
sunst mit vnderschied **O**der auff  
zwang des Rechten. gen Ine fur  
genommen.

**D**er purg mag umb enthebung vnd beferung seiner  
purgschafft Cost vnd schäden furnemen den. der  
In versetzt hat. oder sein erben. wo er nit In lebē  
wer. alhdann so er nit auf besondere vnd nemliche zeit. zil  
oder frist purg worden ist. vnd so der selb gelter sein haltung  
vnd verpflichtet In die leng verzeucht vnuolzogen der selben.  
vnd nemlich zway Jar nach der bestympten frist. oder so er  
solcher purgschaffthalb mit rechtlicher erkantnuß gehalten  
vberwundē wirt. od auch so der. der In versetzt hett. kompt  
In abgang seiner narung vñ armut. oder das sein zerstrewt  
vnd onwirt. vnd In disem letzten vall. mag solchs auch für  
genommen werde so besondere zil oder frist bestympt wern.



## Was achtzehend gesezze

Von außrichtung der verkauffer  
oder Irer purgen auf Ir verlorn  
Recht In weerschafft des kauf-  
fers. abnutz vnd schadē deshalb  
erlitten.

**A**yemant durch entlich Recht eynich ligend gut  
das Järliche abnutze oder genieß tregt In hang-  
ender werschafft des verkauffers gewynnet. so sol-  
len sollich abnutz dem Ihenen der das gewonnen hat auch  
werden vnd volgen. darumb dann der verkauffer oder sein  
erben dem kauffer oder seinen erben mit bekerung desselbē  
seins erlittē schadens vnd abnutz außrichtung thun sollen.  
damit die kauffer vnd Ir erben deshalb schadlos gehalten  
werden. dafür auch die weerpürgen sollen verhefft vnd ver-  
pflicht sein. außserhalb der gesezzte velle Irer entledigung

## Was newndtzehend gesezze

Von enthebung der purgen Irer  
erlittē schedē vō Irē selbstschuldē.

**A**yemāt als purg omb werschafft der keuff oder  
sunst In ander weis von selbstschulden versetzt wer-  
den. so sollen die purgen oder Ir erben solcher irer  
purgschaffthalb von denselben Iren selbstschulden Oder

Iren erben schadlos gehalten werden mit bekerung derselben  
en schade solcher purgshaft halb erlitten. Es wer dan das  
die purgē durch Ir misshemdel als mit der tatt Ir selbgele  
ter ledigte. wie das nu In andern gesetzen vnder schide vñ  
begriffen ist.

## Das zwayntzigist gesetz

Von verpflichtet der purgen vnuer  
scheidenlich. vñnd ettwan nach  
marckzal. mit vndercheid.

**A**lle purgē sein Irer purgshaft halb In solidum  
oder vnuercheidenlich verpflichtet. Es wer dann  
das der clager seine spruch vñ ein anzal der Sum  
oder schuld gen einem auß den purgen In sonderheit für  
neme. der wurde damit der vbermaß geledigt. vñ die andern  
sein mit purgen. sein auch alsdann vñnd hinfüro mit vnuer  
scheidenlich verpflichtet. sonnder allein nach anzal oder marck  
zal. So aber ein purg vmb die gantzē Sum fürgenomē wir  
det. vñnd gepruch oder abgang an bezalung darüber bestet.  
so sein die vbrigen purgē nichts destmynder für die außste  
digen vbermaß verpflichtet.

## Das einundzweintzigst gesetz

Wen verpflichtet der selbstschuld  
vnd purgen. welchman wil furze  
nemen vngeledigt der andern.

**W**emant purgen vñ selbstschuld hat. so mag er die  
selbschulden vngeledigt der purgen. oder die pur-  
gen vngeledigt der selbstschuldē. vmb die selbē sach  
mit recht für nemen. solang vnd vert bis Im vmb die sachē  
der purgshaft. vñ selbstschuldshaft genug beschicht. Wie  
sich aber selbstschulden vnd purgen In verpflichtet genemans  
der gehē In verschreibung. oder andern Redliche beweifs-  
ungen. darbey soles zuuoran bleiben.

## Das zweyundzweintzigst gesetz

Wō furnemen eins purgē außer-  
halb der andern. vnd auf gepruch  
an dē versetzer gleiche purdē der  
bezahlung vnd schadē zetragen.

**W**er purgē in einer purgshaft verpflichtet wer-  
den. vñ Ir einer außerhalb der andern solcher seis-  
ner purgshaft halb mit Recht fürgenomē vñ gen-  
Im erwunden. wirt. so mag derselb. zu erst dem Ihenen.  
der In versetzt hat. oder sein erben furnemen. vmb bes-

kerung der hauptfach vñ schade. die Im auch darumb auf  
richtung zet. vñ schuldig sein. vñnd was er aber seins selbst  
schuldners oder seiner erben vñuermügenshalb. oder auf  
andern redlichen vrsachen an In mit erlangen mag. dasselb  
sollen er vñ sein mitpürgen nach gleicher marckzale miteins  
ander bezalen vñd tragen.

## Was dreyundzweintzigist gesetz

Von eruordnung des purgen der  
vbermasz vber sein anzal. so er die  
mit zwang des Rechten hat beza  
len müssen. ettwen von seinen mit  
purgen. vñd sunst von dē der Ine  
versetzt hat oder an seinen erben.

**D**ein purg durch zwang des Rechte die gantz  
en Sum oder schuld bezalt. od mer dan Im nach  
anzale der Sum vñnd pürgen gepürt. vñd so Im  
dann der. des purg er worden ist. vor vñd eedan die bezalung  
beschicht od mit vorbehaltig solcher vbergab. das an Ine  
zeeruordern gewalt vñnd macht aufyibt die vbermasz vber  
sein anzale an seinen mitpürgen zeeruordern vñd einzepri  
ngen. so mag er es darauf thun. vñ wo aber solchs mit besche  
he. so müste er das vñd anders eruordern. an den der In ver  
setzt hat oder an seinen erben. vñd ob sie aber nit zebezalen  
hetten. so mag er die vbermasz vber sein anzale an seine mit  
pürgen oder Inen erben eruordern. wie das nechst vorbegrif  
fen gesetz anzeigt.

## **Der neunundzwaintzigst tittel**

**G**esetze vō gewere vnd besess.  
von varender vnd entpfrombter  
habe. auch der gestolen einsatzüg  
des entwerten. vnd weisung der  
gewere vnd entwerung.

### **Das erst gesetz**

**V**on gewere gekaufter varen-  
der habe drey monat gen den kun-  
digen. vnd sunst nach rechtlicher  
erkantnuß. doch mit auszschlies-  
sung der gerambten vnd gestolen  
habe.

**W**emant kauft. oder durch ander redliche Con-  
tract oder hendele varende oder bewegliche habe  
in sein hand pringt. so wirt dieselb varnuß erses-  
sen. zwischen den gegenwürtigen die des kuntlich wissen ha-  
ben in dreymonaten darnach den nehesten. Aber mit den  
erwssern die nit entgegen sein oder des nit wissen habē. vnd  
mit andern auß Ehaftt verhindert. sol dieselb werchaft be-  
steen auf die Jarsfrist vnd nit lenger. Wo aber die gekauft  
habe gerampt gestolen. oder dergleichen als frayssam oder  
entwertigt herkomen wer. so sol es nach Innhalt des nechst  
uolgenden gesetzts damit gehalten werden.

## Was ander gesez

Von antastung gerawpter oder gestolner habe. Auch stellung der geweren vnd Irer weisung. vnd das niemant einich gewere daran ersitzen mag.

**A** yemant einich varnüş. od bewegliche habe antast oder anlagt. als gerawbt oder gestolē. so mag der innhaber desselben seinen geweren. vnd des gleichen derselb gewere einen andern gewereen auf zymlichen zug des Rechten stellen. bis auf den rechten tetter oder vrhaber mit zymlicher messigung yezueitten der gewereen vnd der züge. vnd welcher auf Inen dieselben habe für das sein vertritt vnd zuerfechten vermeinte. bringt dann der ansprecher des diebstals oder Rawbs die eigenschaft das söllchs sein gewesen ist. vñ Im dermassen als er fürgeben het. gerawbt oder gestolen wer worden. so volgte Im die pillich. Vñ so der ansprecher beweist. das söllchs sem gewesen wer vnd möcht doch den rawb oder diebstal mit beweisen. vñ der Innhaber möcht auch seinen gewereen noch einichen rechtlichen tittel oder ankomen auch mit stellen. fürbringen noch beweisen das nach bedertail fürprachten dingen zu Recht gnug wer. so sollte dem anlager auf sein betewrung. das er sich des mit entewssert noch verzigen hab. darumb glawbt werden. Vnd Im dieselb habe volgen. Vñ wo aber der anlager nichts beweist. so soll der Innhaber dauon geledigt werden. Es wer dann das sich verdecktlicheit dabey erfunde. so sollte dem Innhaber ein beraynigung mit seinem aide aufgelegt werde. wo aber söllche verdecktlicheit so gar ver

sehenlich vnd mercklich wer. so möchten die vntailer im söllch  
beraynigung aufzelegē vermeiden. oder der peinlich richter  
möchte amptshalb oder auf anruffen der parthey souil dar  
**I**nn handeln. als sich nach gestalt der sachen gepüret. vñ es  
mag auch an gestolner oder gerawpter habe. einich gewere  
oder beses durch einich leng der zeit mit erfessen werden.

### **D**as dritt gesetz

**V**on vorgang der Clage des. der  
vmb entweerung clagt vor dem  
andern. der vmb eigenschaft clagt  
also. das er vermaint das sollichs  
sein sey.

**A**z wü partheyen gegeneinander in recht steen vñ  
ein tail vmb eigenschaft od herrschaft eins dings  
rechtet. auf maynung das es **I**nn zusteen solle. vnd  
sein sey. vnd der ander tail beses vnd entweerung desselben  
in Recht anzewcht od gepraucht. so sol die parthey die vmb  
entweerung zedagen vermeint mit dem ersten gehört vnd zu  
gelassen werden. vñd darnach allererst die ander parthey.  
vnangesehen vnd vngeachtet welch parthey cleger oder ver  
antwurter sey.

## Das vierd gesetz

Von beweifung der gewere vnd  
gewaltsamer oder vngewaltlicher  
entwerung des. der vmb entwe-  
rung vnd einsetzung clagt.

**W**emant den andern beclagt vmb entwerung so  
im mit gewalt vnd on Recht sollt gefügt oder bes-  
chehen sein. so soll er fürpringen vñ beweifen. wo  
anders sein widertail des in abred ist. zway ding. zum ersten  
das er i gewere vñ possess des. darumb er clagt auf die zeit  
der entwerung gewesen ist. Zu dem andern soll vnd müß er  
auch beweifen söllch entweltigüng od gewaltsami entwerüng.  
Vñ so das beds beschilt oder die widerparthey des bekent  
lich ist. so sol der entwert widerumb zu der geweer komen vñ  
gelassen werden. mit bekerung der entwerten abnütz. zynß.  
oder fruchte mitsampt der erstattung des entgelts söllichs  
anstands so man dann zu latein Interesse nennet. vnd auch  
erlittner Cost vnd schäden



## Der dreissigist Tittel

**G**esetze von gesellschaften irer vertrege. Auch dem gewynn vnd verlust. Freyung des schadēs vnd verpflichtet Ir lebtag. verpindung der gesellschaft. Auch ir schuld ze bezalen der verhandlung irem abschied vnd entrichtung. vnd Irer vernemung. Auch vleiß der händler vnd haltung der rechnung.

## Was erst gesetz

Von haltung der vertrege vnd ge ding der gesellschaften so die zymlich sein. den also nachzecomē.

**E**ttlich personen einich gesellschaft Irer gewerbs vnd hantierung miteinander treffen vnd machen. wie sie sich dann gegeneinander verpindē. doch das söllche verpindung zymlich sey. also mügen sie der nachgen vnd nachcomē.

## Was ander gesetz

Von gewynn vnd verlust der gesellschaften eins yeden nach gleicher anzahl seins eingelegten gelts.

**I**n dem geding einer gesellschaft mit abgerede ist die anzahl des gewynns oder des verlusts nemlich oder sunderlich. so sol die nach marckzal od anzahl eins yeden dargelegter Sum per Cento. oder nach dem hundert verstanden vnd aufgenommen werden.

## Was dritt gesetz

Von verlegung vnd freyung des schadens einem vmb sein müe vnd arbeit zethun. vnd vñ vnkraft des das einer gewynnung allein vnd der ander schade allein tragē solte

**I**n man yemant in der gesellschaft einen vorauf oder vortail thut vmb sein müe. arbeit oder vbung in verlegung einer Summ oder freyung des Schadens. oder andern. das mag wol sein. vnd sol auch gehalten vñ volzogen werden. doch ist dz geding vntreffig. das einer die gewynn allein vñnd der ander allein den schaden tragen sollt.

## Was vierd gesetz

Von verpflichtet der gesellschaffter  
ir leptag v. ind nit lenger. doch mit  
bezalüg irer schulde durch die er-  
ben nach anzal.

**E**inich personē gesellschafft miteinander machē  
so verpinden sie die in Irem leben vnd mit die erbē  
nach irem tod lenger dann auf die nechstkünfftigē  
rechnung vnd abschied so vnuerzogenlich darnach in Iars/  
frist beschehen soll. auf das schirst so in söllcher iarsfrist ver/  
fügt mag werden. vngeachtet des gestorben verding od ver/  
schreibung in disem valle. also das die erben fürbas gesel/  
schaffter mögen sein oder mit. vñ deßgleichen mügen die ge/  
sellschaffter sie darnach aufnehmen oder mit. doch so sie diesel/  
ben ir eltern erben. so sollen sie die schuld so vor der vermeldē  
rechnung vnd abschied des gestorben. des erbschafft sie an/  
nemen. der gesellschafft halb gemacht wer. bezalen helfen  
nach anzal vñ abred der gesellschafft. in aller dermaß als das  
gestorben het thun sollen vñ desselben gestorben verlassner  
habe souer vnd die raichte. wo anders durch die erben ein  
Inuentari fürgenomen wer worden. wann sunst sollten vnd  
müsten die erben auf angenommen erbschafft pro rata vnder  
Ire für vol bezalen. nach aufweisung des gesetz von dem  
inuentario. vnd mit dem abschied vñ deßgleichen mit erstre/  
ckung der gesellschafft der. die vor erscheynung derselbē mit  
tod abgeen. soll ez gehalten werden als die gesetz dauon be/  
griffen innhalten. aber der gemeinen gesellschafft schuldhalt/  
gen erössern personen die mit gesellschaffter sein. sol es mit be/  
zalung derselben gehaltē werden. nach inhalt des hernach/  
uolgenden gesetz von verpflichtet aller gesellschaffter begrif/  
fen.

## Das funft gesetz

Von verpindung gemeiner gesel-  
schaft des. so durch geschaffter  
oder ir diener in gewalt der gesel-  
schaft furgenomē vnd gehandelt  
wirdet

**E**in geschaffter in sachen seiner mitgeschaf-  
ter ichts handelt mit kauffen. verkauffen oder an-  
derm. dieselbē ir geschafft berüede. dasselb ver-  
pindet ir aller gemeine geschafft. Also das sollchs. soll stet  
gehalten vnd volzogen werden. Vnd desgleichen so einich  
diener der geschafft verwant. dermassen ichts handelt od  
fürneme. doch mit vorbehaltung der andern seiner mitgesel-  
schaffter oder herrschaft irer vordnung vñ gerechtikeit. gen  
demselben handler. er sey geschaffter oder diener. vnd ob  
aber einicher geschaffter oder diener außserhalb gemeiner  
geschafft oder seins diensts ein besondere oder ander ge-  
werb oder hantierung trib oder fürneme. in dieselben gesel-  
schafft mit rüend noch treffend. so solt sollch gemeine gesel-  
schafft damit mit verpunden noch verstrickt sein. deshalb ey-  
nich sollche sonnder schuld zebezalen.

## **Was sechst gesetz**

**V**on verpflichtet aller geselschafter  
vnuerscheidenlich der geselschaft  
schuld ze bezalē. doch vnabgestelt  
die irselhalb nach ir yedes anzal  
geneinander ze uergleichen.

**W**as die geselschaft ewssern personen schuldig ist.  
darumb sein alle geselschafter insolidum vnd vnuerscheidenlich  
verpunden vñ verpflichtet. das ze bezalen vnd aufzerichten.  
doch also. so sölche aufrichtung beschicht.  
wie dann die geselschafter sich nach dem hundert. od anders  
geneinander verpunden oder verschriben habē. des mügen sie sich  
vndereinander auch geprauchten.

## Das sibend gesezte

Von nome oder schade yemandes  
verhandlunghalb beschehen das  
die vnschuldigen einichen entgelt  
oder schaden nit haben noch tra-  
gen sollen.

**A** gemeiner gesellschaft habe oder gut genomen  
wirt. von freueler oder generlicher versamnis od  
verhandlung wegen einer oder mer personen der  
gesellschaft verwant. so sollen die andern ir mitgesellschaft-  
ter. die an denselben dingen vnschuldig sein. des einichen ent-  
gelt nit haben. sonnder die verhandler oder versamner solle  
darumb irselbs schaden tragen.

## Das acht gesetz

Von entrichtung der gesellschaftter auf abschied der gesellschaft nach abred derselben. oder sunst mit parschafft. pfennwerten vnd schulde nach anzal.

**W**o sich endet die gesellschaft. so sollen die gesellschaftter aufgericht werden. nach abred vnd beding derselben gesellschaft. vnd wo aber sollchs in sunderhait mit bedigt wer worden. so sol ein yeder nach marckzal oder anzal nemen vnd entpfahen parschafft. pfennwert vnd schuld wie man das auf das gleichst vnd vngewerlichst. nach gestalt vnd gelegenhait der pfennwerten vñ schuld für nemen soll vnd mag. vnd so yemant von den gesellschafttern mit tod abgeet. vnd die bestanden gesellschaftter vnd des abgegangen erben oder Ir vormund vō iren wegen. sollche herprachte gesellschaft mit verrer oder auf lenger zeit darnach erstrecken. soll es mit dem abschied des abgegangen erben auch deßgleichen gehalten werden. als in disem gesetz vñ derschiden vnd begriffen ist.

## Was newnd gesetz

Von vleiß der geselschaffter handlung vnd Irer verpflicht des Schadens Ires vnfleiszhalb beschehen vnd sunst nit.

**E**st ein yeder geselschaffter schuldig in handlung gemeiner geselschafft vnd in versorgung vñ verwarung des. so in geselschafft gehört. vnd er in beuelh vñ gewalt genomē hat. souil vleiß zethun. als ob es sein eigen in besonnder were. vnd so er söllchen vleiß mit tette. so ist er schuldig vmb denselben schaden. vnd was aber Schadens ober söllchen seinen gepürlichen vñ notturfftigen vleiß gescheh. darumb ist er gegen andern seinen mitgeselschafftern mit verpflichtet.



## Was zehend gesetzte

Von haltung der rechnung nach  
abred der gesellschaft oder sunst  
Jerlich on redlich verhindrung.

**W**ie die gesellschaftter sich mit gemeiner vnd ir ye  
des der gesellschaft rechnung verpinden die nach  
anzal der zeit zethun. dem sollen sie also nachkomē  
Und wo aber sollche zeit der rechnung mit abgeredt noch be  
stympt were. so sollen die alle Jar ierlich rechnung thun vnd  
fürnemen. damit sie souil kuntlicher wissen haben. aller han  
dlung vnd sachen die gesellschaft berürende.

## **Der einunddreissigst Tittel**

**G**esetze von beschedigung ge-  
zempter vnnnd ungezempter Tier  
vnd geltung des schadens.

### **Das erst gesetz**

**W**ö scheden durch vermelte oder  
vnuermelte ynheimische tier ge-  
fugt vnd ettwe mit verschuldung.  
alles mit vnderschied

**W**emant schaden geschech von zamen oder yn-  
heimischen vnuermeltē od vnuerleumten tiern. so  
soll der. des sie wern söllichen schaden gelten vñ be-  
zalen. wo er aber das zethun nit vermeinte. so sol dem besche-  
digten söllichs tier. das den schaden gethan hat darumb ver-  
fallen. vnd im darüber der herr desselben Tiers deshalben  
nichts mer schuldig noch pflichtig sein. Es were dann. das  
er söllichs schadens ursach were oder hilf. rat oder getat dar-  
an hett. so ist er alsdann umb söllichen schaden verpflichtet.  
Weren aber die tier vermelt oder verleumt. so solle der herr  
desselben Tiers söllichen schaden zebeferen schuldig sein.

## Was ander gesez

Von widerlegung der vngesezten  
wilden Tier gefugter schedē  
mit vnderschied.

**A**yemant wilde vngesezte vnd schedliche Tier  
hat. als leowen. hirsen. bern. wölfe. luchsē. leoparden.  
affen. merkatzen vnd dergleichen. vnd schaden  
den mensche an irer person dauon beschilt. so soll die schatz  
ung vnd widerlegung desselben steen zu erkantnis der vrtei  
ler vnd des Rechten nach gestalt der geschilt. vnd auch der  
person vnd der sachen. vnd so aber sunst einicher schad da  
von beschehe. so soll sollicher schad mit der zwispalt wider  
legt vnd bezalt werden. wo aber ein mensch von Ane getödt  
würde. so ist der herr desselben Tiers einer peene auf verhō  
rung der sachen nach erkantnis des Rats. oder der vrteiler  
des abgegangen erben verfallen.

## Was drit gesetz

Von geltung des schadens an an-  
drez lemt tiern gefugt nach zym-  
lichem werde.

**W**elcher dem andern an seinen Tiern generlichen  
oder vnpürlichen schaden thut. der sol solchen scha-  
den gelten vnd bezalen mit sollchem werd. auf zym-  
lich messigung nach fürprachten dingen vnd erkantnis der  
vrteiler. doch so yemant sich der Tier mit der notwere zu fri-  
scher tat auf heldet mit beschedigung derselben. darumb ist  
er des Tiers herren nichtzit schuldig.

## **¶** Der zwenunddreissigist Tittel

**¶** Gesetze von gefunden schetzen  
vnd habe in besondern grunden.  
oder auf der strassen vnd irer ver-  
kundung

### **¶** Was erst gesetz

**V**on erfindung verporzner schetze  
in seinē oder in eins andern grund  
oder der herrschafft one kunst.  
vnd durch einen gluckswal. oder  
mit kunst. wem der zustee alles  
mit vnderschied.

**D**einer in seinselbs aigen erbe. gründe od pödem  
einen schatz funde auß einē gluckswal vnfürsehen  
vnd on kunst. so ist das seinselbs. funde er aber  
also durch gluckswal einen schatz in eins andern aigen erbē  
oder gründen. so ist er halb des finders. vñ halb des. des der  
grund ist. vnd des gleichen so einer einen schatz funde in ge-  
meiner stat. oder in eins herren gepewen oder gründen. so ist  
er auch halber des finders. vnd halber der Stat oder des  
herren. vnd wo aber durch verpottne kunst ichts gefunden  
würd. so ist des finders tail dem gemeinen fisco verfallen.  
Vnd das haist eigentlich ein schatz das von vnbeantē vñ

vnwissenden also verporgen ist. Vnd so sich der herr desselben also erfunde vnd fürprechte. das sollcher schatz sein were vnd Im zustünde. so solt er demselben volgen.

## Das ander gesetz

Von gefundē gut auf der strassen oder sunst. das offentlichē verkunden zelassen. vnd dē des es ist. widerzegeben.

**N**yemant einiche habe od gut funde auf freyer strassen oder sunst. vnd so der wehte wes es were. so sollte er das dem oder denselben widergeben. wo er aber nit wehte wes es wer. so solle er dz zu dreyen malen. ye zwen Monat für ein mal oder zug gerechent. In den pfarren vnd umb die ende da er die habe gefunden hett an den suntagen offentlich auf der Cantzel verkündē lassen. vñ ob darauf in der zeit yemant erschyne. dasselb gefundē gut zeeuordern. dem sol das auf kintliche warzaichen oder weisung geantwurt werden. wo aber in zeit solcher verkündung nyemant erschyne solche verlust vordrend. so sol doch der finder sollich gefunden gut inselbs nit behalten. sonnder er sol damit verrer handeln nach getrewem Rat glawbwirdiger verstendiger personen. Vnd wo aber der finder vber kintlichs wissen ditz gesetzts sollich gefunden gut vnwidergeben vñ vnuerkündt behielt. das sol für geuerd eins diepstals gehalten werden.

## **Der dreyunddreissigist Tittel**

**G**esetze von verwilkurten hinder-  
dergengen. anlasz. entschied vnd  
nachuolg vnd irer verpindung vnd  
entlofung. Auch des obmäs frey-  
heit. zeit des aufstrags. vnd mäs  
des entschieds. zwang der zewgē  
darzu dienend. vnd zu der volzie-  
hüg. auch der spruchlewt macht.  
dē geprauch gelaister erzewgüg.  
vnd von dē alter der spruchlewte.

### **Das erst gesetz**

**V**on verwilkurten hindergengē  
zu guttlichem oder rechtlichē ent-  
schied. mit gelubten vnd peene zu-  
bekrefftigen mit gepurlicher vn-  
derschied.

**A**zwo partheyen umb ir spennig od zwitterchtig  
sachen. einen hindergang thun auf ettlich personē  
nach verhörung vnd fürprungung derselben zu gut-  
lichem oder rechtlichem entschied vnd auftrag. vnd den mit  
gelubden vnd aiden bekrefftigen vñ beuestigen. darauf sein  
bede partheyen verpflcht vnd verpunden demselbē hinder-

gang also nachzefomen vñ gnug zethun. Vñ mögen dauon mit steen on ander new nachuolgedē verwilligung beder partheyen. vñ so aber die allain auf peene ergründet werden. vñ so dan die peene vō der partheyen einer bezalt oder entricht wirdet. so ist damit derselb hindergang entlöst vnd aufgehoben. Es wer dann das söllichs in der abred oder verschreibung des hindergangs fürkomen wer. also das mit entrichtung oder bezalung der peene derselb hintergang mit sollte oder möchte entlöst noch aufgehoben sein oder werden.

## **Was andergesetz**

### **Von furnemē der Rechtlichen hindergeng vnd Irer nachuolg vnd volziehung.**

**B**einich tail oder parthey hindergenge auf rechtlichen auftrag furnemē vñ thun auf einen obman od ortman vñ gleichen zusatz die dan ir ampt vnd pürden annemen mit veruestigung desselben durch bede teil mit gelüdden. aiden oder peenen. damit die partheyen in verpflcht steen. dem volg vnd gehorsam zelaisten. wie sich dann dieselben tail söllichs Rechtlichen entschieds dardurch vertragen. auf maynung vnd Innhalt irs anlass. demselben soll mit söllicher forme vñ ordnung dar Inn bestympt. bey den gemelten verpflchten oder peenen nachgeuolgt werden. mit nachuolg vnd volziehung söllichs Rechtlichen entschieds. vñ sich dann darauf gepürt. darzu sie auch das geordent recht mit gepürlichem gerichtszwang zusampt irer verpflcht auf Rechtlich eruordnung zebezwingen hat.



## **D**as dritt gesetz

**W**o freyhait des obmans vnd ortmans hindergēge an sich zenemē. vnd auf ir annemen die verpflicht dem nachzueolgen.

**E**s sein einich spruchlerot. obman oder ortman auf begeren der partheyen nit verpunden. denselben hindergang anzenemen. sonnder deshalb frey vñ vnuerpunden. vnd so sie aber den annemen oder angenommen haben. so sein sie alsdann vnd darnach verpflicht vnd verpunden das. so sie angenommen habē aufzeüben. darzu sie auch durch ordenlich Recht sollen vnd mögen bezwungen vñ dracht werden. Es wer dan das die spruchlerot verhyndrüg darnach gewonnen auß Ehasft. darumb sollte nach erkantnis des Rechten geschehen was Recht ist.

## Was vierd gesetzt

**W**o hindergengē auf nemlich zeit  
gesetzt. die darinnē aufzsetragen.  
vnd vnbestympt der zeit. die in  
dreyen Jaren darnach den nehstē  
zeenden.

**I**n hindergengen ein zeit einntlichs entschieds  
vnd auftrags gesetzt vnd bestympt wirdet. so soll  
das in derselben zeit beschehen. vñ so das also nit  
geschicht. so ist dardurch der anlass erloschen. Es wer dann  
das sie söllche zeit mit wilkür lenger erstrecken. vnd so aber  
einich besonnder zeit des entschieds vnd auftrags in dem  
hindergang mit bestympt wirt. so soll söllcher entschied vnd  
auftrag in dreyen Jaren nach fürnemen des hindergangs  
den nehsten geendet werden. vnd die spruchlewt. söllen auch  
dieselben zeit der dreyer Jar verpunden sein. doch sol vō yet  
mant einicher geuerlicher verzug nit geprauch noch fürges  
nomen werden. damit bede partheyen. souil vnverzogenlich  
entschiden werdē mögen. Vnd so die zeit des hindergangs  
erlischt. so mögen bede tail nach irselbs wilkür einen andern  
neuen hindergang fürnemen mit geprauch der actis so sich  
dauor irer bederhalb begeben haben. der sie auch sunst in ge  
ordentem Rechten. als krefftig geprauchē söllen vñ mügē.  
Also auch das die partheyen denselben actis vor dem geor  
denten gericht verrer nachfarñ mögen. wie Recht ist. vnge  
achtet der verscheynung der Instantz vñ verlassung des an  
lass. auch des absterbens einicher partheyen.

## Was funft gesez

Von rechtlichem außspruch den  
an dem ende der abrede in schrif-  
ten zethun. vnd nyemant anders  
zebeuelhen.

**D**ie spruchlerot die dan die sachen des hindergāgs  
rechtlich entscheiden sollen. die sollen in derselben  
Stat. Schloss. Marckt oder dorff. da der hinder-  
gang beschehen ist. auf einen gerichtstag mit erfordrūg der  
partheyen darzu gehörig sollchen iren rechtlichen entschied  
vnd außspruch in schriften thun vnd fürnemen. vnd es mös-  
gen auch die spruchlerot ir ampt zeentschaiden oder außze-  
sprechen keinem andern beuelhen. nach dem ir person in bes-  
sonder darzu angesehen vnd erwelt sein.

## Das sechst gesezt

Von zewngen oder kuntschafftern  
der hindergeng die an irem geor-  
denten gericht vnd mit desselben  
gerichtszwäg ir zeugschafft oder  
kuntschafft zegeben zezwingen.

**D**ie spruchlerot güttlichs od Rechtlichs auftrags  
haben in irem gewalt nit eyniche zeugen oder kunt-  
schaffter mit eynichem zwangng zedringen oder zez-  
wingen Ir zeugschafft oder kuntschafft zelaisten. sonnder  
es sol vnd müß zwischen den. die alhie In der Stat orden-  
lich gerichtpar sein. dasselb gericht. solliche zeugen od kunt-  
schaffter zwingen Ir kuneschafft oder zeugschafft zegebē  
vnd zelaisten. vnnnd so aber die zeugen oder kuntschaffter an  
erossern vnd frömdē gerichtē gerichtpar sein. so sollē briefe  
die man litteras compassus nennet. außspracht werden. In  
massen vnd dann vormalij von rechtlicher zeugschafft auch  
gesezt ist.

## Was sibend gesez

Von der spruchleute entschied  
durch ein merers auß Inen. doch  
mit erfordrunge aller teil vnd  
spruchleute darzu gehozende. vn  
uerhindert der Eehaft. vnd sunst  
von verpflichtet der spruchleute.

**A**zwei partheyen einen hindergang thun auf et  
liche person vnbestympt ob sie durch ein merers zu  
entschaiden haben oder nit. so mügen auf erfor  
drung beder oder aller tail dem hindergang verwant. vñ der  
selben tail tagsatzung. auf söllchen tag vñ begerung. des ges  
horszamen tails. die gegenwürtigen spruchleute nichts dest  
mynder mit einem merern auß Inen ertcheiden vnd außspre  
chen. vnd wo aber ein tail oder anzal der spruchleute. ob es  
auch der merer tail were. sich vnderstüend zuentscheiden od  
aufzesprechen. vneruordert der tail oder partheyen. demsel  
ben hindergang verwant vñ in abwesen der andern spruch  
leut. also auch. das die andern auß bleybendē spruchleute  
gar nichts entschidē od außgesprochē habē. so steet in der  
selbē gegenwürtigen spruchleut gewalt nit. ob sie auch die  
merern wern. dieselbē sachē zuentscheidē. od außzesprechē.  
vñ so das darüber geschehe so solt dz wed kraft noch macht  
haben. Es were dan̄ das nemlich In dē hindergang abge  
redt oder verschreiben were. das sie on vndercheid mit einē  
merern zuentscheiden hetten. vnd die eruordnung der tail  
oder partheyen. so vō dem obman. ortman oder spruchleut  
ten fürgenomen werden söllen beschehen durch einē portē

mit personlicher gelübde an aids stat darzu verpflichtet. od  
auch durch kuntlich tagsbriefe. vñ ditz gesetz der außpleibē  
den partheyen oder Irszusatz. soll verstanden werde vnuer  
hindert der Gehast derselben. wan sunst sein die spruchlerot  
auf ir purde der annemüg pflichtig zuerscheynen. damit ent  
licher auftrag gefürdert werde.

## Was acht gesetz

Von nachuolg der hindergang  
nach der maß Irer abrede oder  
verschreibüg vnd sunst nyemant  
in sollchem zu dem widerrechten  
zeuerdingen.

**W**e vnd wellcher massen der hindergang beschibt  
vnd abgeredt oder verschriben wirdet. dem soll al  
so nachgangen werden. vñ so aber vnbestympt des  
Compromiss oder anlass ein parthey die andern zu dem wi  
derrechten anzedingen vermeint. das hat mit stat in verwil /  
fürten hindergengen. sonnder allein vor ordenlichem gericht  
als oben dauon gesetzt ist.

## Das newnd gesetz

Von verpindung der hindergengigen personen. vnd nit Ire erben. es wurde dann nemlich also abgeredt oder verscriben. vnnnd das durch abgannng der spruchlewt derselb hindergang furbasser vnpundig ist. Es were dann sollich in sunderhait abgeredt.

**D**ein hindergang zu gütlichem oder Rechtliche entchied oder auftrag beschihet. so verpindet der mit derselben partheyen erben. Es wer dann das vor der zeit des abgangs entlicher entchiede od außspruch. beschehen were. doch soll es mit beschehner vnnnd krefftiger handlung gehalten werden. nach lawt des gesetz vō hindergengen. auf nemlich zeit sagend. Wo aber die partheyen sich für sich vnd ire erben in dem hindergang verpflichtet oder verscriben. so verpindet alsdann das die erben. auch so die spruchlewt alle oder der merer tail auf inen. vor irem entlichen entchiede. oder außspruch mit tode abgeen. vñ desgleich en der obman oder ortman. so ist es damit aber von dem hindergang komen. Vnnnd wo der obman oder ortman in leben were. vnd ettliche auf den zusetzen mit tod abgiengen. oder sunst dermas verhinndert würden. das sie dieselb parthey zepangē oder zegeprauchten mit vermöcht. so soll solliche parthey andere an irer stat benemen vnd nemen. Es sey in dem hindergang also abgeredt od nit. doch also das sich die tail oder partheyen einer widerwertigen maynung geneinander nit verwilt haben.

## Das zehend gesetz

Von den partheyen des hinder-  
gangs die nach dem außspruch  
mit zwang ordenlichs Rechten zu  
gehorsamer volziehung zepringē.

**M** die partheyen nach dem entschied oder auß-  
spruch ungehorsam erschynen. welch die wern. die  
mag ir ordelicher Richter auf anruffen der gehor-  
samen parthey mit seinem gerichtszwang darzu bringen. dē  
gehorsamen volg vnd volziehung zethun als sich gepürt. pil-  
lich vnd Recht ist. In aller dermaß als man dann pfligt auf  
entlich vrtail vnd berechtet sachen die in ir kraft gange sein  
zeuerhelffen. vñ so dann einich hindergeng verpeent sein. so  
soll auch des gleichē vmb söllche peene auf anruffen der ges-  
horsamen partheyen durch den geordneten richter souil ers-  
kannt vnd entschieden werden. als yetz begriffen vnd Recht  
ist.



## Was aylft gesez

**W**o macht der spruchleute umb  
das allain zesprechen das Inen in  
de hindergag nemlich beuolheist.

**D**ie spruchleute mügen in krafft einichs hindergas  
mit umb mer. verrers. anders oder weitters spreche  
vñ entscheiden dan allein umb die sachen die inen  
in dem hindergang nemlich beuolhen. vnd zu irem entscheid  
gesezt ist.

## Was zwelft gesez

**V**on der zewgen sage vor verwil  
kurten Richtern gefurt die vnent-  
scheiden sollcher sachen daselbs.  
Auch darnach vor ordenlichem  
gerichte zugebrauchen.

**E**inicher zewgen sage. vor spruchleute die man  
dann zu latein arbitros nennet verhozt vurt. vñ die  
sach vor ine mit zu entliche auftrag keme od langet  
so mögen nichts destmynder dieselben sag der zewgen auch  
darnach vor ordenlichem gerichte in allem dem rechten als  
daselbo geprauch vnd fürbracht werden.

## **D**as dreyzehend gesetz

**V**on manspilden vnder zwaintzig iaren. vnd einichē frawēpild i was alter die ist nit spruchlewt zesein.

**E**s mag ein manspild vnder zwaintzig Jaren. vnd einich frawenpilde in was alter die ist. das ampt der spruchlewt nit annemen noch außüben.

## **D**as vierzehend gesetz

**V**on entlosung der hinderfenge. durch ir nachuolgend hinderfenge derselben sachenhalb. vnd das ein parthey vnuerwillet der andern einichen hindergang nit entgentzen mag.

**S**o die partheyen auf spruchleut hindergēgig worden sein. vñ darnach in derselbē sach auf ander persone vngemeß dem ersten einen hindergang thun. so treten sie damit vō dem ersten hindergang. vñ wo aber ein parthey besonnder vnuerwilt der andern parthey. einē hindergang absteen wolt. das stünd in irem gewalt nit. vñ solt vnd müste auch nichts destmynnder dē hindergang nachkomē. bey der verpflicht oder peen darauf gesetzt vnd vnderchiden ist.

## **Der vierunddreissigste Tittel**

**G**esetze von gefugter besche-  
digung vnn̄d vischerey allerlay  
wasser.

### **Das erst gesetz**

**V**on beschedigung yemands von  
dem andern vn̄pillicher weise ge-  
fuegt. darumb ausrichtung ze-  
thunde.

**W**elcher den andern vn̄gepürlicher oder vn̄pillicher  
weis beschedigt. vnn̄d Im also scheden fügte. der  
ist schuldig vn̄ pflichtig söllch hauptbeschedigung  
oder scheden außzerichten oder zebezalen nach messigung  
der vrtailer. Vnd desgleichen die vor nemlich vnd mercklich  
ursach darzu geben. doch mit söllcher bescheidenhait. so die  
beschedigung vō ir einem außgericht wirdet. das die andern  
gen dem beschedigten geledigt werden.

## Was ander gesetz

**W**o vischerey der fließenden gusz  
wasser. so verr mit schifflein vnn  
vischzeug mag frey gefischt wer  
den. vnd von gemeiner vischerey  
der altwasser vnd fließendē was  
ser.

**D** fließende wasser od weyer vngewonlichen auf  
frömbde grund auflaffen. also das die herrē od  
besitzer derselben wasser mit schifflein vnd fisch  
zeug darauf frey farn vnd fischen mögen. so mögen sich als  
dann die herren söllcher wasser vnd vischerey. der visch vnn  
vischens dar Inn geprauchen. also das Ine dieselbē visch vñ  
vischerey zusteen. vnd so sie aber dermaß mit iren vischschif  
lein vnd vischzeug mit frey gefarn mögen. so mögen sich die  
herren der gründe der vische. so darauf bestanden sein ge  
prauchen. vnuerhindert der herren der wasser. doch ist dem  
herren der gründe vorbehalten nach dem verlauffen gusz  
wasser dieselben sein gründe widerumb einzefahren vnd ze  
uerwaren souerr vñ dan die grenitz oder marck seiner gründ  
raicht vnd trifft. **W**er es aber das alte herprachte altwasser  
daran gelegen. vnn der herren der gründe oder der andern  
aufferhalb der herren der die wasser wern. so möcht sich yet  
weder tail auf gewaltsame eröffnung der vndermarck der  
vischerey geprauchen. souerr vnd weyt das fließend wasser  
gemefs der leng des altwassers trifft vnd greift. vnd das so  
lang bis der herr des altwassers. söllich sein altwasser nach  
herprachten dingen widerumb vermachen vnn verwaren  
mag.

## Der funfunddreissigist Tittel.

Gesetze von allerlay gepewen. paxlernt zefuren. abstellung der vnper. Auch der ausladung. verpott der leden. thure vnd anders. der kelerhelse. ziegeltachung. anpietung perwlicher stainwerck. vnd der kelertief. bedes mit vnder schied. Auch von tieffe. hohe vnd dicke der stallung vnd anders. gemeiner maxren dick vnnnd hohe. versorgknuss der perw. vngleicher hohe der keler vnd anders. vō abramm der gepewe. vnd hanthabung der gemeinen maxren. anhenckung der schlet vnd irer aufsurung. der weber gestudel. auch von den priueten vnd reihen. vnd verpot der priuet. von befridung der hohe zwelf Statschuhe. von trupfen vnd liechten. klaibung der nebenwende. vnnnd zugehorung der heuser.

## Das erst gesetz

**W**o vnuerzogenlicher furung der  
geschworn pawleute. vnd abstel  
lung der vnper. bey einer nem  
liche peene bis auf sein gehorsam.

**B**ey tail oder partheyen der perhalb spennig wer  
den. die sollen zu auftrag vnd entschied derselben  
aufferhalb gerichtlicher eruordnung oder zwangs  
bey der hernach bestympten peene des. der darinn vngehor  
sam erschynen. in acht tagen den nechsten nach erfuchung des  
ihenen der sollchs auftrags notturtig ist geschworn paw  
lerot yezzeiten von einem Rate darzu geordnet miteinan  
der furen zu besichtigung sollcher peene vnd geprechen. vnd  
auch mit notturtiger verhorung yetweders tails vnd aller  
ir vrkunde vñ briefe. so sie deßhalb geprauchten vnd furbrin  
gen. **U**n was dann dieselben geschworne pawlerot. darumb  
in das gericht ansagen. dabey sol es bleiben. vnd welcher teil  
eins vngewarwes vberwunden wirt. der sol denselben vnuerz  
ogenlich so schirst er verfügen mag widerumb abstellen vñ  
abthun auf seinselbs Costen on der widerparthey entgelt  
vnd schaden. vnd darzu mit bekerung vnd widerlegung der  
Cost vnd scheden dem widertail damit gefügt mit souil mes  
sigung als darzu gehört. **U**nd wo er darinn vngehorsam er  
schyne. so soll er alle tag teglich vmb ein pfund haller ge  
pfendt werden. solang vnd verr bis er gehorsam erscheynt.

Auch mögen die gewonlichen pawlewte auf mercklich irrung vnd geprechen der geschwornen wercklewte. vnd maister die sich söllcher gepew verstecken ratts pflegen. sich dar Inn souil dest stattlicher wissen zehalten vnd zefagen.

Vnd so es aber were od geschehe das die pawlewte der partheyen entschids nit gnug oder verstendig wern. somder söllichs dem rechten befülhen. so sollen alshdan dieselben ding auf gnügfsame verhörung bedertail in gericht vnd recht entschieden werden.

## Was ander gesetz

Von abstellung der gepew. vberschusse vnd außladung gegē vnd auf gemeiner strassen. vnuerwilt eins Rats vnnd vnbesichtigt der Stat pawmaisters bey der peene funf pfund newer haller.

**E** sol sich nyemant vndersteen in diser stat vñ pütstelstab gegen gemeiner strassen. oder darauf oder darüber einich vberschuf. außladung noch ander gepew fürzenemen on wilkür vnd vergunst eins Rats. vnd vnbesichtigt yezuzeiten diser Stat pawmaisters oder ander von einem Rat darzu beschiden. vnd wer dar Inn ungehorsam erschyne. der soll zuuoran söllchen paw als einen vnparaw abstellen vnd abthun. vnd darzu zu peene vnd wandel gebē.

fünf pfund newer haller. doch mag er an dem gibel dz dach  
herfür schiessen für das weter als gewonlich ist. vnd ob die  
nachparorn irenhalb in söllchem paw zereden hetten. die söls  
len auch darinn gehört vnnnd seuil fürgenomen werden. dar  
durch sie bey iren rechtē bleiben. Doch mögen aufgeladne  
vensterwerck von holtz ob dem vndern gaden einen halben  
statschuch in den tag fürgenomen vñ dieselben fensterwerck  
mit zymlicher hültzener dachung versehen werden. doch als  
so das söllche bedachung zwen zöll nit vbertreffe bey der vor  
gemelten peen.

### **Was drit gsetz**

**Von verpot der laden. thure vnnnd  
anders gen der strassen nit anze  
henncken bey der peene des ab  
ramms. vnnnd darzu funf pfund  
newer haller.**

**S** soll nyemant einichen ladē oder thür noch ichts  
anders in der stat an dem vndern gadem gegen der  
strassen heraufwarts nit anly ihen noch anhenckē  
lassen. vnd wer das oberfüre. der soll zu vnablessiger peene  
geben fünf pfund newer haller. vnd söllchs als einen vnparow  
abthun. doch mügen die kelerthüre nach gewonlichen din  
gen angehenckē. fürgenomen vnd geprauchet werden. vnd so  
aber zu zeitten sunst andere thüre vnd laden zuuerhindrung  
freyer strassen vnnnd wandlung fürgenomen weren worden  
oder würden. darein hat ein rat nach gelegenheit derselben  
ding zesehen. mit abstellung oder vergunst. wie sich dann söl  
lichs eraischen würde.



## Was vierd gesetz

Wen verpot der kelerhelse gegen  
der strassen verrer dann sein erb  
oder aigen ob der erden raichet  
bey einer peene funf pfund newer  
haller vnd darzu den paw wider  
abzethun.

**E**sol nyemant einichen neuen kelerhals noch ey  
nichen andern paw gegē der strassen verrer pawē  
dann sein erb oder aigen ob der erden raichet. rürt  
oder geet. bey einer peene fünf pfund newer haller. vnnnd sol  
auch darzu den widerumb abthun vñ abbrechen. wo der da  
wider fürgenomen wer worden. Es wer dann auß besonder  
gunst eins Rats beschehen. vnd ob vor der zeit ditz gesetzts  
einich söllch gepew zu vnrecht gepawt wern. die söllē als vn  
pew auß geschafft eins Rats bey der obgemelten peene ab  
gethan werden.

## Das funft gesetz

Von dachung newer hewser al-  
lenthallen in der Stat. vnd in der  
vorstat mit ziegeln bey peene des  
abramms vnd funf pfund newer  
haller.

**E**sol nyemant einich neues hauß in der stat noch  
in einicher vorstat mit anders decken noch decken  
lassen dann mit ziegeln. dann wer das vberfüre vñ  
anders hielt. der sol geben funf pfund newer haller. vñ dar-  
zu söllch verpotten dach wider abrammen.

## Was sechst gesetz

Von anpietung durch die ihenen die mit steinwerck gegen den andern daran stossend pawen wollen. sollchs denselben durch einen fronpotten zeuerscheinpottē. vnd von dem leger sollicher mawren auf ir beder oder Ir eins grund. mit vnderschied. vnd auch der kertief die durch den ihenen furzenemen der sie haben wil.

**A**yemant hinfuro zwischen im vnd seinem nachpawm mit steinwerck pawen wil. so soll er das davor demselbē seinem nachpawm durch einen fronpotten ditz gerichtts anpietten. ob er mit im pawen wolle od nit. auf sollche anpiettung soll im derselb nachpawer in vierzehentagen den nechsten darnach folgenden zu oder ab sagen vñ lawter zuerkennen geben. ob er sollchen paw mit im thun wolle oder nit. wo er dann den also mit Im zethun zusagt. so soll er sollchen paw mit im anfahen in einem halben iare dē nechsten darnach. vnd sollen alsdann die mawer legen vnd machen auf ir beder erbe oder aigen. souerr sie bede oder ir yetweder des notturfzig ist od haben wil. auf bedertail gleichen Costen. auf zymlich messigung der höhe vñ dicke nach der Stat recht. wo aber ir eins hawß oder grund in der gassen. oder sunst auf der seiten verrer oder weiter dann des andern rürte oder treff. so ist der ander nit schuldig noch pflichtig verrer auf die seiten zepawen dann sein hawß oder grund

auf die seiten trifft vnd rürte. vnd sie sollen auch die mawrn  
machen ob der erde dreyer gadem das ist sechsunddreissig  
Statschuch hoch oder miderer ob sie bede wollen. wolte aber  
ir einer höher mawrn der mag auf seinen halben tail derselz  
ben mawrn wol höher farn nach der Statrecht.

Vnd so aber der dem söllcher gemeiner paw der mawrn In  
uorgemelter meinung angepotten wer wordē mit seinē nach  
pawrn. der im den angepottē hette. nit pawen wolte. so mag  
der ander die mawrn auf denselben nachpawrn zu rechtem  
grunde legen. Aber nach der stat recht. vnd so er also in yetz  
gemelter meinung sein mawrn auf den andern legt. vnd der  
der sie pawt der kelertief nit bedarf noch haben wil. wil dan  
der ander auf den die mawr gelegt ist die mawr kelertief ha  
ben. so sol derselb der die habē wil söllche mawrn führen bis  
zu dem rechten grund auf seinselbs Cost mit notturfftiger  
versorgknüß nach der Stat recht. vnd darauf soll dann der.  
der die mawrn auf in gelegt het. söllche mawrn fürter auf  
sein Cost aufführen. wo sie aber bederseit der kelertief bedör  
ften. so solten sie mit gemeiner Cost fürnemen vnd pawen  
bis zu rechtem grund. vnd darnach solt aber der. der die mawr  
auf den andern gelegt het. die mit seinselbs Cost bis zu rech  
ter höhe aufführen. vnd so aber der. der sie auf den andern ge  
legt hat der kelertief bedarf. vñ mit der ander auf den sie ge  
legt ist. so soll der. der sie auf den andern gelegt hat. die von  
dem vndersten grund. auf sein aigen Cost pawen. doch so soll  
der. der also auf den andern legen wil. nit kurtzer auf in legē  
dann zwemunddreissig Statschuch. es sey dann mit ir beder  
willē. oder das die hofrait des hawß. des. darauf gelegt. wir  
der. souerit nit rürte noch treffe.

## Das sibend gesetz

Von der tieff. hohe vnd dicke der  
stallung. herokamern vnnnd hof/  
mawrn. von vassung des holtz/  
wercks in das steinwerck. vnnnd  
von anpiettung vnd verkundung  
den abwesenden. alles mit vnder/  
schied.

**W**er sich zupawen vndersteet verrer dann sein aigen  
oder erb trifft. an stallung. herokamern. oder was  
das were. der ist mit verpflucht kelertief zefarn. vnd  
soll die mawrn mit dünner dann zwayer Statschuch legen.  
wol mag er sie dicker machen. ob er wil nach der Statrecht.  
auch mag er die zwayer gadem hoch pawen vnd nit höher.  
wol mag er die mder machen. wil aber der ander höher paw  
en. das mag er thun auf sein Cossite on desselben schaden.  
Wer aber gen einem hof oder garten pawen will. der ist nit  
verpflucht kelertief zefarn. vñ mag eines gadems hoch paw  
en von rechtem grund. vnd dasselb gadem sol sein dreizehen  
Statschuch hoch ob dem ertrich. vnd die mawr ob dem erts  
rich sol sein anderthalb Statschuch dick in dem rechten alls  
vorgeschriben steet. Welcher aber mit dem andern nit pawē  
wolt. auf denselben mag die mawer gelegt werden. Vñ wel  
cher also pawē wil. der sol auf sein kost dē andern sein holtz/  
werck fassen in das steinwerck. vñ sol im auch die mawrn ver  
tigen mit pogē vñ venstern nach zymlicher notturfft. vñ wer  
der ist. d dē andern den paw anpeut als vorgeschribē ist. wil  
ihener dann mit Im nit pawen. so mag er auf Ine legen.

doch also. das er demselben sein hant nach notturfft vnder  
setze vnd abravom auf seinselbs Cost. Wer aber das einer  
mit anheymys were. mit dem der ander parwen wolt. so sol In  
das verkündt werden von gerichtts wegen mit des gerichtts  
briefe. Vnd wann dann der pott beredt zu den heiligen auf  
welchen tag er im den brief geantwurt hab. vnnnd er in vier  
wochen den nehsten nach söllcher verkündung durch sich od  
seinen machtpotten mit erscheynt. noch einich Gehafft für  
pringt wie Recht ist. vnnnd darzu söllchen angepotten paw.  
durch sich oder yemant anders mit dem ander zethunde mit  
zuschreibt noch zusagt. so mag ihener auf ine legen. vnd mit  
seinem paw volfarn als Recht ist. doch soll sölllicher paw so  
der in vorgemelter maß zugesagt oder zugeschriben wirdet  
in einem halben iar dem nehsten darnach fürgenommen wer  
den. wie obgeschriben steet. Es wer dann das sich die par  
theyen des auf lenger zeit zethunde. vnd fürzunehmen mit wil  
len verträgen.

## Was acht gesez

Von gemeiner mawrn dicke vnd  
hohe zwischen eines hof vnd des  
andern nebenhawsz oder abseite.

**H**At einer einen hof vnd der ander ein nebenhawsz  
oder abseiten daran stoffend. vnd wellen miteinan  
der mawrn. so sollen sie machen ein mawr drithalb  
statschuch dick vnd zwayer gadem hoch. wöllen sie aber von  
bedē tailen die höher machen. das mügen sie auch thun. will  
aber einer die mawr auf den andern legen. so soll er sie auch  
drithalb statschuch dick machen vnd zwayer gadem hoch.  
bedörfft er sie aber höher. so mag er sie auch wol höher ma  
chen auf seinem tail. im zu nutz. oder auf gantze mawr In  
beden zu nutz.

## Was nemnd gesetz

Von versorgknuss der peme der nachpawrn. so einer nider. vnd der annder hoher keler. gewelbe oder andere gepew hat.

**D**einer hat einen Keler. ein gewelb. ein Kamer. od anders was das were vnder seinem nachpawrn. so sol er sollchē seins nachpawrn vnderpaw nach notturft versorgen. also das der ander auch nach notturfft dar/ auf gepawen möge nach der stat recht. doch mit sollcher bescheidenhait das einer den andern. vñ zuuoran der ober den vndern nit mercklichen beschwere nach erkantnuss der paw leute.

## Was zehend gesetz

Vō dē abrawm der gepew wem der werden vnd zusteen solle.

**D**yemant auf den andern ein mawr legt. so sol dē. der da abrawmt der abrawm werden. doch mit dē verpflicht des widerpawes desselbē abrawms. wie vor dauon gesetz ist. Vnd so sie aber bede den paw vñ abrawm miteinander tetten. so sol der abrawm ine beden genallen vnd werden nach anzale ir yedes abrawms.



## Was aylft gesezt

Von gemeinen mawrn. die nicht zu bederseit geneinander mit pogen. keltern noch anderm so schedlich zuerlochern. ir ergerung vnd prunst zefurkomen.

**W**Als die gemeinen mawrn mit pogen. behalter vñ andern löchern mit zeschwerlich beschedigt werde darauff dann mit allain ergerung der mawrn. sonder auch prunst des nebenhaws vnd auch ander hewsere vñ gemeche entstehen möchten. sollichz zefurkomen soll hinfür nyemant in ein gemeine mawrn einich behalter. pogen noch löcher fürnemen vnuerwillet seins nachparwn der den halb tail daran het. Es wer dan das im durch die parlerot auf ir besichtigung solchs zugesagt würde. vnd alsdann oder auf ir beder verwilligung. sollen fürbasser dieselben pogen. behalter vnd löcher mit gegeneinander. sonder mit bescheidner vnderschied vnd abwechsel fürgenommen werde nach erkant nüss der parlerote. vnd wellcher darwider tette. der soll alle tag teglich. alle dieweiler dann damit ungehorsam erschyne zehen pfund newer haller verfallen sein. vñ sol darzu solliche vnpaw auf seinen kost abthun on desselbē seins nachparwn schaden. doch mag einer in seinselbs mawrn die dann im allain vnd in sunderhait zusteet. pogen oder behalter machen lassen nach seiner notturfft mit sollicher bescheidenhait. das er die nit zetieff fürneme darauff dann seinem nachparwn mit prunst oder durchprüche schaden entstehen möchte.

## Das zwelft gesetz

Von anhenckung des schlots eins  
anndern hawfs an des hoher  
hawfs daneben. damit er nit ein-  
falle.

**E**iner ein hohs gybelhawf oder sunst ein hohes  
hawf hat. vnd der ander darneben oder dabey ein  
widerers vnd nit so hohes hawf hat. vnd seinen  
schlot durch das hawf aufürt. vnd der mit dem höhern  
hawf vermeint das im durch prunft des schlots schaden da  
von komen möcht. vnd begert söllchen schlot höher zefüren.  
das sol der des der schlot ist. thun. doch so soll der ander des  
das höher hawf ist söllchen schlot an sein behawfung bin-  
den vnd hefften lassen damit er nit ein falle.

## Das dreizehend gesetz

Von auszfurung des schlots vber  
das dach der ferresz. schmidesz.  
oder packofen. vnd nit vornen an  
die gemeinen gassen.

**M**an new ferresz. schmidesz. od new packofen  
fürneme vnd machte. so soll man den rauch durch  
einen steinen schlot mit notturfftiger versorgnis  
durch das hawß vber das dach auffüren. vñ nit forn an die  
gemeinen gassen. bey einer peene des abrawms vnd abstel-  
lens auf sein Cost vnuerzogenlich. vñnd darzu zehen pfund  
newer haller eins yeden tags darinn er in söllchem vngedor-  
sam erschyne.

## Das vierzehend gesetz

Vō der weber gestudeln. die einē  
halbē statschuch zesetzē vō seines  
nachparwn hultzein wand.

**E**s soll fürbasser ein yeder weber sein gestüdel setz  
en einen halben statschuch von der hültzein wand  
seines nachparwn. Er setzet es dan neher mit seinē  
willen. bey einer peene der. so dawider tetten ein halb pfund  
newer haller eins yeden tags dieweil er also damit vngedor-  
sam erschyne.

415

## Das funfzehend gesetz

Von den priueten. die in der eben  
drey Statschuch von des nach-  
pawrn hausz. vnd an einē hohern  
ēnde gen dem darunder ettwas  
weiter nach erkantnuss der pawr  
lewt.

**E**s soll hinfür ein yeder sein priuet fürnemen drey  
Statschuch von seinem nachpawrn. vnd so aber dz  
an einem perg höhe oder pūhel fürgenomen wir-  
det. vnd der vnflat vnd vnraimkait den vndern beschedigt. so  
soll er ettwas weiter dauon farn nach erkantnuss der pawr-  
lewt. bey einer peene der abstellung söllchs vnparwes vñ dar-  
zu einer pusz fünf pfund newer haller eins yeden tags. alle  
diereil sein vngehorsam bestet.

## Was sechszehend gesetz

Von den reihen dreyer statschuh  
weit des. der hinder sich fert. von  
liecht oder trupf wegen.

**E**iner new parwen würde. vnd hinder sich liecht  
oder trupf haben oder behalten wolte derselb solt  
nit mynder dann drey statschuch zu einer reihen li-  
gen lassen.

## Was sibenzehend gesetz

Von verpott der priuet in den gra-  
ben von der newen padstuben hin-  
der dē iudenherosern an die leder-  
gassen bey einer peene teglich ein  
pfund newer haller.

**E**s soll nyemant eynich priuet haben noch machen  
lassen. In den graben. der vor der newen padstubē  
hinder den iudenherosern hinabwarts geet an die  
ledergassen. bey einer pūß eins yeden tags ein pfund newer  
haller. zusamt der abstellung desselben vnpawes.

## Das achtzehend gesetz

Von befridung eins gen dem an-  
dern in der stat zu der rechtē hand  
des eingangs. so hoch als sein erb  
oder aigē raicht. vnd vberzwerch  
versamentlich vnd aufferhalb der  
Stat veldshalben.

**E**s sol ein yeder den andern in der Stat befriden zu  
der rechten hand als man eingeeet. so hoch als des  
selben befriders erb od aigen raicht. vnd ob einer  
an den andern rüend hat vberzwerch. das sollen sie mitein  
ander befriden. vnd aufwendig der Stat soll einer den an  
dern veldshalb befriden. Vnd wellcher söllchs auf des an  
dern kuntlichs ersuchen in einem monat dē nehsten darnach  
mit tete. der sollte zu einer peene fünf pfund newer haller ver  
fallē sein eins yeden tags. bis er gehorsam erscheint. Es wer  
dan die partheyen deshalb so spennig wern das sölchs  
fürung der pawlewt vnd irer erkantniß bedörffte. alsdan  
solt es bey derselben pawlewt sage so sie darumb in das ges  
richt ansagen sollen. pleiben.

## **Was newntzehend gesezte**

**W**o der hohe zwelf Stat schuche  
In hofen vnd gartte In der stat  
zebefriden.

**E**s sol ein yeder den andern befriden In der Stat  
In hofen vnd garten zwelff Stat schuch hoch.

## **Was zweintzigist gesezte**

**V**on trupfen vnd liechte außz ver-  
gunst oder gerechtikeit mit beson-  
derer vnderchied vnnd von außz-  
giessung.

**N**yemant auf den andern eyniche trüpf od liecht  
auf plosser vergunst hatt. dermaß das solche ver-  
gunst gnülich beweist vñ fürbracht wirdet. S mag  
eynich gerechtikeit nit geprauchē. noch damit eynich gewere  
ersitzen. sonder er ist schuldig vnd pflichtig auf seins nach-  
parorn dē das berürte ersuchē das vnuerzogenlich abzustel-  
len In einem monat dem nechsten nach sollicher ersuchung  
bey einer peene funf pfund newer haller so dick vnd offt er

ungehorsam erschine. eins yede tags. wer aber solcher trüpf  
fe oder liecht gerechtikeit auf den andern hett. vnd die für  
precht. der gnug wer. der solt dabey bleyben. doch also das  
er herauf nit giessen noch werffen sol kainerley vnstetikeit  
oder was das ist. weder oberhalb noch vndhalb seiner Ryn  
nen vnd so oft er das verbrechte sol er eins yeden tags zu  
peene verfallen sein ein pfund newer haller. vnd wo sich bes  
gebe das yemant trüpf oder liecht mit duldung seins nach  
pawrn genülich her pracht hett dreyssig iar oder lenger vñ  
solchs genülich beweiste vnd fürprecht ausserhalb vorbe  
griffner vergunst. der sol alsdann vnd darnach dabey bleis  
ben. Aber vnder solcher zeit ist er schuldig vnd pflichtig die  
abzestellē auf seins nachpawrn ersuchē In vorbegriffener  
zeit vnd maynung vnd bey derselben peene. Vnd vorgemelt  
ter trüpf halben wirdet damit nit genülich fürpracht. das  
darumb die gründ des ihenen sein dauon sie herrürē. sonder  
bede anstossende nachpawrē mügē ire gerechtikeit d̄ gründ  
halb auff ir beder fürpringen nichts destmynder auftragē  
als recht ist.

Doch wo yemant der höhehalb seiner gepew. venster vñ  
liecht ob dem gepew oder hofrait seins nachpawrn on mit  
tel daran stossen hette. one besonder beweisslich gerechtikeit  
derselbē. so wirdet das nach herkommen vnd gewonheit diser  
stat für ein plosse vergunst verstanden. Also ob d̄ nachpawr  
daneben höher pawen wolte od̄ würde. so mag er solche ven  
ster oder liecht seinen grunden gemesh wol verpawen. vnges  
hindert von dem andern. vnd mit der höhe der gepew sol es  
gehalten werden nach **I**nhalt ditz nachuolgende gesetzs.



**Was einundzweintzigist gesetz**  
wie hoch ein yeder auf seinē grūd  
vnd podem pawen mag. von stein  
werck vnd holtzwerck.

**I**n yeder Burger diser Statt mag auf sein selbs  
grund vnd podem von staynwerck. In die höhe vō  
dem pflaster bis vnder das dach pawē. funftzig stattschuch  
hoch. vnd von holtzwerck viertzig stattschuch hoch oder dar  
vnder vñ mit höher. wo im anders das durch sonder vergünst.  
verträge. verschreibung. oder in ander weise mit verpottē ist.  
vnd in dieselben yetz gemellte höhe. mag er pawen vier gadē  
mynder oder mer. Doch also das er mit pawung solcher an  
zal der gadē die vorgesetzten höhe. mit vbertrette. auch mag  
ein yeder in sein tachwerck gegen gemeiner strassen machē  
einen Eckler acht stattschuch weit od ennger. vñ in der höhe  
als der erst stul in dem selben tachwerck ist. vñ mit höher wel  
cher aber darüber anders pawet. d sol solche vbermas alls  
einen vnparw abthun. vnd dartzu gemeiner Brat zu peen ver  
fallen sein zweintzig pfund newer haller.

**Was zweyundzweintzigist gesetz**  
Wō klaibüg der nebēwende gegē  
den nachpawrn.

**W**elcher mit holtzwerck gegē seinem nachpawrn on  
mittel an in rürende ein wand gezeront oder unge  
zeront pawet fürnympt oder vormalij hett. derselb  
solt gen im selbs die klaiiben lassen vnd der ander sein nach

pauer solle des gleichen dieselben wand gegen Im auch ze  
beklaibe versorgen. Es wer dan das er ein besondere wand  
daran hette. mit souil versorgung als zymlich vñ notturtig  
were.

**Das dreyundzweintzigist gesetz**  
**Von zugehorung der hewser als**  
**prunnketten. eymer. prunnfail. le-**  
**ger. vnd was nuet vnd nagel be-**  
**greift.**

**W**elchē ein behawfung od hofrait durch erbshafft  
durch lewof. vbergab oder sunst. durch einen ge-  
rechten tittel oder ankomen geuelte oder wirt. so sol-  
len prunnketten. eymer. prunnfail. leger In den kelern mit  
samt den eingemawten vnd andern eingezimmerten be-  
halten. vñ alles anders das nütt vnd nagel begreift zu sol-  
licher behawfung gehören demselben damit volgen vñ wer-  
den. Wurde es aber in lewoffen vnd andern contracten an-  
ders verdingt vñ aufgenomē. darbey sol es zuuoran bleibē.

## Form vnd ordnūg des iudenayds so gepraucht wirt zu Rureberg

**W**einem Juden ein ayd aufgelegt wirdet. so soll er zuuoran **E**r er den ayd thut vorhamdē vnd vor augen haben ein puch dar Innē die gepott gottes die dem Moscheh auf dem perg synay von gott geschribē geben sein. vnd mag darauf den iuden beredē vñ beschwern mit den nach folgenden Worten.

Jude ich beschwere dich bey dem einigen lebentigen vñnd allmechtigen got. Schöpfer der himel vñnd des ertreichs. vnd aller ding. vnd bey seinen Torah vñnd gesetzze. das er gab seinem knecht Moscheh auf dem perg synay. das du wellest warlichen sagen vñnd verhehen. ob ditz gegenwertig puch sey das puch. darauf ein Jude einem Cristen oder einem Juden einen rechten gepürlichen Ayde thun vnd volfiern müge vnd solle.

So dann der Jude auf sölliche beschwerung bekent vñnd sagt das es dasselb puch sey. So mag Jne der Crist. der den ayd von Im vordert. oder anseiner statt. der. der Im den ayd gibt. fürhalten vñ verlesen dise nachuolgende frag vnd vermanung. **M**emlich.

Jude Ich verkunde dir warhafftlichen das wir Cristē anpetten den einigen allmechtigen vñ lebentigē got. der himel vñ erdē vñ alle ding beschaffen hatt. vñ das wir aufferhalb des. keine andern got habē Erē noch anpettē. das sag ich dir darumb vñ auf d vrsach. das du nit meinst das du werrst entschuldigt vor got eins valsche aydes i dē dz du wenē

vñ haltē möchtest. das wir Cristen eins vnrechtē glaubens  
wern vnd frömbde götter anpötteten. das doch nit ist. vñnd  
darumb seinddenmalñ das die Mesie. oder hauptleutte des  
volcks Israel schuldig gewest sein gehalten da. so sie ges  
schworn hetten den mennern von Hiffhon die doch dientē  
den frömbden göttern. Vil mer bistu schuldig vns Cristen  
als den. die da anpöten ainen lebendigen vñnd almechtigen  
got. zeschwern vnd zehalten. einen warhafftigen vñnd vnbe  
trieglichen ayde.

Darumb Jude frage ich dich. ob du des glaubest das einer  
schendet vñ lestert den almechtigen gott In dē so er schwert  
emen falschē vñ vnwarhafftigen ayde. so sprech der Jud Ja.

### Der Crist.

Jud ich frage dich verrer. ob du auß wolbedachtē müte. vñ  
one alle argeliste vñ betrieglicheit dē einē lebentigen vñnd al  
mechtigen got wellest an ruffen zu einē zewogen der warhait.  
das du in diser sache. darumb dir ein aid auf gelegt ist. Kayn  
erlay vnwarhait. falsch oder betrieglicheit reden noch ges  
prauchen wellest In eynich weise. So sprech der Jud ia.

So das alles beschehen ist. so sol d Jude sein rechte hand  
bis an den knoxen legen. In das vorgemelt puch. vñnd nem  
lich auf die wort des gesetzs vñnd gepotts gottes. welche  
wort vñnd gepott In hebraisch lauttend also.

nicht. erhe. den name. des herrē. deines gottes.  
**Lo sissa etschē adonay eloecha**

wirt vnschuldig  
oder vngestraft

vnnützlich. wan. nicht. lassen. der herr  
**laschaff ki lo ienaqqe adonay**  
den der da. erhebt seinen namen. vnnützlich.  
**etascher issa etschemo laschaff**

Alsdan vnd darauf. vñ eedann der Jude den ayde volfür.  
sol der Jude dem Cristen. dem er den ayde thun sol. oder an  
seiner Stat dem der Im den Ayde gibt. nachsprechen dise  
wort.

**Adonay**. ewiget allmechtiger got. ein herr vber alle Mala  
chym. ein einiger got meiner väter. der du vns die heiligen  
**Torah** gegebē hast. Ich ruff dich vñ deinnē heiligē namen  
adonay. vñ dein allmechtheit an. das du mir helffest bestet  
ten meinen **Ayde** den ich yetzo thun sol. vnd wo ich vnrecht  
oder betrieglich schwern werde. so sey ich berawpt aller gna  
den des ewigen gottes. vnd mir werden aufgelegt alle die  
straffe vnd flüche die gott den verfluchte **Juden**. aufgelegt  
hat. vnd mein seele vñnd leibe haben auch nymmer eynichen  
tail an der versprechung. die vns got gethan hatt. vñnd ich  
solle auch mit tail habē an messias. noch an dem versprochē  
ertrich des hailigen seligen landes.

Ich versprich auch **Vñnd** bezewg das **Bey** dem **Ewigen**  
gott **Adonay** das ich nit will begeren. **Bitten** oder auffnes  
men eynich **Erclerung**. **Anflegung**. **Abnemmung**. **Oder**

vergebung von Keinen Juden noch andern mensche. wo ich  
mit dissem meine Aide. so ich yetzo thun wird eynichen men  
schen betrieggen Amen.

**D**arnach so schwer der Jude vnd  
sprech dem Cristen nach dissen ayde.

Adonay ein schöpffer der himel vnd des ertreichs. vñ aller  
ding. auch mein vnd der menschen die hie steend. Ich ruff  
dich an durch deinen heiligen name. auf dise zeit zu der war  
heit.

Als vnd der **M.** mir zugesprochen hatt. vmb den oder den  
handel. So bin ich Im darumb od daran gantz nicht schul  
dig oder pflichtig. vnd. hab auch in disem handel kainerlay  
falschait oder vnwarhait geprauchet. sonder wie es verlarot  
hatt. vmb hauptsach schuld oder sunst was die sach ist. also  
ist es war on alles geuerde. argeliste vnd verporglichait. also  
pitt ich mir gott adonay zehelffen vnd zebestetten dise war  
heit. Wo ich aber nit recht oder war hab an diser sache son  
der eynich vnwarhait. falsch. od betrieglichait dar Anne ge  
prauchet. so sey ich heram vñ verflucht ewiglich. wo ich  
auch nit war vnd recht hab in der sach. das mich dann ober  
gee vnd verzere das feur das Sodoma vnd Gomora ober  
gieng. vnd alle die flüche. die an der thora geschriben steen.  
vnd das mir auch der war gott. der larob vnd graf vñ alle  
ding beschaffen hatt. nymmer zu hylff noch zu stattē kome.  
In eynichen meinen sachen oder nōtten. wo ich aber war vñ  
recht hab. In diser sach also helff mir der war gott Adonay  
vnd nit anders.



XV, 33

XV, 33

